




BIBL. NAZ.  
VITT. EMANUELE III

**XVIII**

**C**

**6**

NAPOLI





XVIII

C-6-

53











*R. P. Constantinus Swiecicki, Ord: Min: Obs: Ser: et Potentiss:  
Augusti III. ort: Pol: Reg. M. D: Lit: ac Elect: Sax: etc. aulicus Theologus.*

D E  
JURE NATURÆ  
ET GENTIUM IN GENERE;  
ET DE JURE  
BELLI ET PACIS  
IN SPECIE.

AUTHORE

R. P. CONSTANTINO  
SWIECICKI

*Ord. Min. Observ. S. Francisci Lect. Theologo, Provincia Litvanica  
Exdefinitore, Sereniss. & Potentiss. Augusti III. Orthodoxi  
Polonia Regis Magn. Duc. Litvan. ac Elect. Saxon. &c.  
Aulico Theologo.*



LUCÆ, MDCCLXIII.

Sed Prostant

VENETIIS  
APUD ANTONIUM BORTOLI.





# BENEVOLO LECTORI.

**L**Xtare mentibus nostris legem Naturalem nemo negat nisi qui desipit, & nec se, nec hominem novit. Quisquis seipsum vel leviter excusserit, facile de-

deprehendet sibi iusti & iniusti, honesti & turpis principia ab ipsa natura, vel potius a summo Naturæ Auctore ingesta esse atque impressa. Ea protoparenti Adamo Deus Creator infudit, iisque unicum preceptum positivum adjecit, quo ipsi prohibebatur ne de ligno scientiæ boni & mali comederet. Legem hanc observatu facilissimam aliena sollicitatione victus violavit, & hinc immensa malorum seges. Peccatum secuta est moriendi necessitas, & concupiscentia incepit adversus rationem pugnare. Non tamen extinctum penitus fuit lumen illud, quo illustrati rectum a pravo, æquum ab iniquo secernimus: hoc enim & Conditoris bonitati repugnat, & ipsis historiarum monumentis refellitur. Primis enim illis ab Orbe condito temporibus nondum instituti erant inanum Numinum cultus, unicus agnoscebatur Deus, & sincere colebatur, proindeque vigeat justitia cum vera religione necessario & indissolubiliter connexa, &, si Cainum exceperis aliaque pauca forte monstra potius quam homines, nemo de aliorum pernicië cogitabat, nullæ inimiciæ, nulla bella.

*Non-*



*Nondum vefanos rabies nudaverat enses,  
Nec confanguineis fuerat discordia nota.*

At successu temporis sublata e plerorumque animis vera religione, & introducta Idololatria, omnis caro viam corrumpit; disruptum est humanæ societatis vinculum. Hinc rapere aliena, in privatum commodum omnia trahere, proximo insidiari, & omnia in præceps ruere: Sic ut grassante passim libidine, falsis opinionibus, & pravis moribus ipsa lex naturalis pæne oblitteraretur.

Hæc igitur ut in animis hominum revivisceret, ejusque præcepta iis apertiora fierent; data est lex scripta, quam Deus per servum suum Moysen promulgavit, quæquæ Exodo & Deuteronomio præcipue continetur. Sed cum lex illa scripta, teste D. Augustino, libro de Gratia Christi capite octavo, juberet potius quam juvaret, & morbum doceret esse non sanaret; ubi venit plenitudo temporis Deus Parens indulgentissimus Filium suum misit, qui peccatum tolleretur: viam hominibus ad veram Patriam aperiret: præceptorum sanctitate, atque uberiore quam antea fuerat, gratiæ largitione cupiditates comprimeret: Evangelii-

gelica luce densas injustitiæ tenebras dissiparet : Cultum Dei purum & perfectum toto Orbe constitueret , & æquitatis naturalis semina , quæ humani generis conditor inseverat , sed cupiditate ferme extincta erant , iterum excitaret , foveret , & ad copiosiore[m] lætioresque fructum perduceret . Iis præceptis instructi alios homines ut fratres diligimus : Patris communis beneficia cum indigentibus partimur ; nulli nocemus , nullum premimus , nec fores claudimus hospiti , nec aures precanti ; sumus largi , benefici , liberales : quas regias esse laudes Tullius existimavit , ego verius dixerim Christianas , hoc est a Christo Domino Discipulis commendatas .

Reperiuntur quippe passim in sacris novi Testamenti libris sententiæ illustres , quibus NATURÆ JUS egregie explicatur , illustratur , & confirmatur ; iis innixi Pontifices & Concilia , varia de officiis ediderunt decreta : Sancti Ecclesiæ Patres , aliique Apostolici viri , qui Divinæ Scripturæ exponendæ operam dederunt , sæpe etiam de JURIS NATURALIS præceptis sermonem instituunt , eaque enodant ; quorum vestigiis insistentes Theologi Christianorum Dogmatum explicationi solidas de eo quod  
na-

natura æquum & iniquum est, dissertationes anneſcunt.

Nec defuerunt, hiſce præſertim poſtemiſtemporibus, qui JURIS NATURALIS præcepta in unam veluti formam, & adæquatum Syſtema redigere tentaverunt. Sed in hujusmodi libris ſummo delectu opus eſt atque judicio; plerique enim dum præclaram illam diſciplinam tradere & illuſtrare ſeſe jactitant, eam miſerum in modum ſœdant ac dilacerant, & in periculoſiſſimos capitaleſque errores impingunt.

Alii enim ſentiunt ante Imperia, juſtum & injuſtum non extitiſſe: actionem omnem natura ſua eſſe adiaphoram: quod juſta vel injuſta ſit, a Jure Imperantis provenire, & ſic conſentiunt Ethnico Poetæ dicenti.

*Jura inventa metu injuſti fateare neceſſe eſt,  
Tempora ſi, faſtoſque velis evolvere mundi  
Nec Natura poteſt juſto ſecernere iniquum;  
Dividit ut mala diverſis, fugienda petendis.*

Alii autem volunt Principem legibus in univerſum omnibus, adcoque & naturalibus ſolutum: omnes ad unum Acatolici Sacerdotii & Imperii jura confundunt. Tandem ne multos enumerem errores, quos fuſe expo-

no & confuto , Scholaſticos Doctores , SS. PP. & ipſos Sacros Canones ubique ſuperbe deſpiciunt .

Meo igitur muneri conveniens & communiuti litati accommodum exiſtimavi , quæ de JURE NATURÆ & GENTIUM olim commentatus ſum , publici juris facere , idque tradere quod

*Aeque pauperibus prodeſt , locupletibus aeque  
Aeque neglectum pueris ſenibuſque nocebit .*

Ea ſic tractavi , ut quæ rationi naturali conſentanea exiſtimavi , etiam Sacris Litteris , Conciliis , Patribus , Pontificum Decretis , & Doctores confirmaverim ; poſitis in Genere utriuſque juris principiis exinde varia deduxerim officia ad quæ tenemur , eo modo , & ordine , qui ex ſingularum diſputationum Proœmio facile poterit intelligi : & quia haud leves quæſtiones ſunt , quæ circa JUS BELLII & PACIS proponuntur , de eo in ſpecie & peculiariſſe differendum duxi .

In aſſerendis autem propoſitionibus & retundendis adverſariorum argumentis ( quæ candide ſemper & expreſſis ipſorum verbis retuli nec inanis gloriæ cupiditas , nec maleſanum contradicendi ſtudium , nec  
no-

novitatis amor direxit ) unicus mihi finis veritas , pro qua viro Christiano & Religioso ad extremum usque vitæ spiritum decertandum est . Vive & vale .



## Licentia, & Approbatio Ordinis.

Fr. Clemens de Panormo Lector Jubilatus, Catholicae  
Majestatis in Regali Matritensi Congressu pro Immacu-  
lata Conceptione Theologus, ac totius Ordinis S.  
P. N. Francisci Minister Generalis Visitator, ac Refor-  
mator Apostolicus, & Servus.

**C**UM Opus compositum a P. F. Constantino Święcicki  
Nostrae Observantis Provinciae Litvaniae Lectore  
Theologo, ac Exdefinitore, cujus titulus est: *De Jure  
Naturae & Gentium in Genere, Belli & Pacis in Specie*, a duo-  
bus PP. Theologis, quibus id commisimus, revisum,  
& approbatum fuerit, vigore praesentium facultatem  
eidem concedimus, quatenus servatis servandis, illud  
typis mandare possit.

Datum Mantuae in Conventu S. P. N. Francisci 1762:  
Die 26. Maii.

Fr. Clemens de Panormo Minister Generalis :

Loco ✱ Sigilli.

De mandato Reverendiss in Christo  
Patris Fr. Vincentius Scurari  
Exdefinitor General. & Secret.  
Gener. Ordinis.

Gen-

## Cenfura Theologorum Ordinis.

**E**GO Infraſcriptus, cum mandatum acceperim a R<sup>mo</sup> P. Clemente de Pânormo Ordinis Minorum Mi-  
niſtro Generali, ut recognoſcerem Opus, cui titulus eſt  
*De Jure Natura, & Gentium in Genere, & de Jure Belli,  
& Pacis in Specie*, Auctore R. P. Constantino Swięcicki  
Provinciæ Litvaniæ Min. Obſ. Lectore Theologo, ac  
Exdefinitore, quod alii duo Ordinis Noſtri Theologi  
approbarunt, illud Sedulo recognovi; in eoque ani-  
madverti conſtare doctrinam ſolidam, atque Orthodo-  
xam, qua commenta potiffimum Proteſtantium reſel-  
luntur. Ea propter digniſſimum cenſeo, ut typis edi  
poſſit.

Romæ in Aracœli Kalendis Maii 1762.

Fr Joannes de Luca Venetus  
Coram Summo Pontifice  
Examinat. Episcoporum.

R. P. Conſt. Swięcicki O. M. Tblgi.

a 3 Li

**L**ibentissime Jussatus R.<sup>mo</sup> P. obtemperavi, & Librum cui titulus est: *De jure Naturæ, & Gentium in Genere, & de Jure Belli, & Pacis in Specie*, Auctore R. P. Constantino Swięcicki Lectore Theologo, ac Exdefinitore attente legi. Nihil in eo reperii, quod aut Catholicis Dogmatibus, aut Christianis moribus, aut juris Principum adversetur. Multa imo continet, quæ intricatissimæ Doctrinæ de Jure Naturæ, & Gentium illustrandæ inserviunt: ac plurimos refellit errores eorum, qui Jus Naturæ, & Gentium tam illustrarunt, quam perniciosis Doctrinis corruerunt. Quæ de causa dicerem, si Paternitati Tux Reverendissimæ videbitur, opus seu Librum supra memoratum in publicam lucem edi posse.

Deum rogo, ut Te ad multos annos Christianæ, ac Litterariæ Reipublicæ, nostrique Ordinis bono servet incolumem, Teque precor ut mihi Seraphicam Benedictionem impertiare.

Romæ in Araceli hac Die 17. Februarij 1762.

**F. Franciscus Antonius de Corbaria**  
Chronologus Ordinis.



## I N D E X

## Disputationum, &amp; Capitulorum.

*De Jure Naturæ, & Gentium in Genere.*

## DISSERTATIO PRÆLIMINARIS. Pag. 1.

Caput I. De Philosophis Græcis.	2.
Caput II. De Romanis.	4.
Caput III. De Christianis, & SS. Patribus.	6.
Caput IV. De Acatholicis, eorumque in Scriptores Catholicos calumniis.	7.
Caput V. De Acatholicorum in SS. Patres conviciis.	9.
Caput VI. De recto juris Naturæ usu.	12.
Caput VII. De recta, addiscendi juris Naturæ ratione.	20.

DESQUISITIO HISTORICA.

Caput I. De Origine, & progressu juris publici, cum Naturæ, cum Gentium.	23.
Caput II. De politica vivendi forma post diluvium, atque ad legem scriptam.	26.
Caput III. De Noachidarum forma vivendi, & utrum jus naturale, ac Gentium coluerint.	28.
Caput IV. De prima rerum divisione, & Dominiorum origine.	30.
Caput V. Quæ fuerit Imperiorum Origo.	31.
Caput VI. Quomodo jus Naturæ, & Gentium ex lege Divina Scripta, & Hebræis tradita, sit confirmatum, & illustratum. Item de Traditionibus Hebræorum.	32.
Caput VII. De juris naturalis conditione apud Gentiles.	

tiles tempore legis scriptæ, deque Morali Philosophia:  
item de moribus Judæorum. 35

Caput VIII. Quid Lex Evangelica splendoris attul-  
rit juri Naturæ, quid jus Civile, & Canonicum. 37

Caput IX. Quid conferant ad disciplinam juris Na-  
turæ, & Gentium scripta quorundam Protestantium,  
qui sunt celebriores, hoc est Grotii, Hobbesii, Puf-  
fendorffii, Thomassii. 39

## P A R S P R I M A.

De Jure Naturæ, & Gentium in Genere.

### DISPUTATIO PRIMA.

De moralitate actuum humanorum.

Caput I. De prima Moralitatis origine. 43

Caput II. De libertate, & proximis constitutivis  
Moralitatis. 46

Caput III. De intrinseco principio Moralitatis. 56

Caput IV. De honestate actuum humanorum. 63

Caput V. Veterum Philosophorum de interna actuum  
honestate sententia. 69

Caput VI. Puffendorffii sententia de lege honestatis  
regula. 71

Caput VII. Impia Spinoza, & Hobbesii Systemata  
de regula honestatis. 76

### DISPUTATIO SECUNDA.

Quænam sint principia intrinseca effectiva,  
& impulsiva actionum moralium.

Caput I. De principiis intrinsecis effectivis. 78

Caput II. De principiis intrinsecis impulsivis actio-  
num humanarum. 82

DIS-

## DISPUTATIO TERTIA.

De proprietate, quæ necessario consequitur moralitatem  
actus humani, diciturque imputabilitas.

Caput Unicum. 86

## DISPUTATIO QUARTA.

De Lege Naturæ, & Gentium.

Caput I. De statu hominis naturali, & ejus pro-  
prietate. 89

Caput II. De essentia, & proprietatibus Juris Na-  
turæ. 93

## DISPUTATIO QUINTA.

De principio cognoscendi Juris Naturalis, hoc est,  
quid præceptum, quid vetitum sit Jure Naturæ. 95

Caput I. De aliis sententiis recentiorum circa prin-  
cipia Juris Naturæ. 103

Caput II. Quodnam sit principium fundamentale  
Juris Naturæ ex communi sententia. 105

Caput III. Solvuntur objectiones contra principium  
amoris debiti. 106

## DISPUTATIO SEXTA.

De existentia Juris Gentium, an, & quomodo differat  
a Jure Naturæ, ejusque definitio. 109

Caput Unicum. De divisione Juris Gentium; tum  
quale, & quotuplex ejus objectum. 115

## XVIII

### DISPUTATIO SEPTIMA.

De officiis hominis erga Deum, seipsum, & proximum;  
Jure Naturæ præscriptis. 118

Caput I. De officiis hominis erga Deum. 119

Caput II. An Protestantes recte ducant argumentum  
ex religione naturali ad religionem Christianam, sic ut  
divisionem potestatis Sacræ, ac profanæ Juris Divini  
minime esse evincere queant. 126

Caput III. De Habitudine Religionis Judaicæ ad  
Christianam. 136

Caput IV. De Habitudine Religionis Christianæ ad  
vitam civilem. 140

Caput V. De officiis erga seipsum. 142

Caput VI. De officiis erga proximum. 143

Caput VII. De hominum dominio in homines. 144

### DISPUTATIO OCTAVA.

De lege, ejusque vi obligandi.

Caput I. De lege in Genere. 148

Caput II. De lege æterna. 151

### DISPUTATIO NONA.

De proxima regula bonitatis, & malitiæ humanorum  
actuum, quæ est recta ratio, seu conscientia. 154

Caput I. De conscientia erronea, dubia, tuta, cer-  
ta, scrupulosa. 155

Caput II. De conscientia probabili. 159

## PARS

## P A R S S E C U N D A .

De Jure Belli, &amp; Pacis in Specie .

## DISPUTATIO PRIMA:

De Bello, ejusque causis, ac de officiis, quæ  
inde nascuntur.

Caput I. De origine, natura, licentia, &amp; conditionibus Belli. 165

Caput II. De justitia Belli ratione Religionis. 177

Caput III. Quid sentiendum in specie de causa justa Belli adversus infideles. 180

Caput IV. De Bello causa Religionis contra Paganos. 183

Caput V. De justitia Belli contra subditos hæreticos causa Religionis. 191

Caput VI. De justitia, ac injustitia Belli ratione Regionis. 194

Caput VII. An negatus transitus militaris sit justa Belli causa. 200

## DISPUTATIO SECUNDA.

De effectibus Belli. 205

Caput I. De effectibus Belli primario, &amp; secundo respectu hostium. 206

Caput II. De effectibus Belli relate ad victores, &amp; victos. 211

Caput III. De effectibus Belli quoad subditos. 214

Caput IV. De obligationibus in Bello. 215

Caput V. De Represaliis. 218

## DISPUTATIO TERTIA.

## De Fœderibus.

Caput I. De origine fœderum, eorumque materia, forma, ritu, obligatione, executione, dissolutione, cautionibus adhiberi solitis. 220

Caput II. An, & quatenus fœdus licitum sit. 225

## DISPUTATIO QUARTA.

## De Jure Pacis, ejusque natura, &amp; proprietatibus.

Caput I. De natura, subjecto, & objecto Pacis. 232

Caput II. De effectibus Pacis, & ei contrariis. 234

Caput III. De accessoriis Pacis. 236

## DISPUTATIO QUINTA.

## De mutua hominum Caritate.

Caput Unicum. 239

## DISPUTATIO ULTIMA.

## De mutuo Officiorum concursu.

Caput Ultimum. 224



R. P. CONSTANTINI SWIĘCICKI

O. M. OBSERVANTIUM THEOLOGI.

DE JURE NATURÆ;  
ET GENTIUM

IN G E N E R E .

DISSERTATIO PRÆLIMINARIS.



Philosophiæ nobilissima pars est illa, quæ morum Doctrinam continet, & ad cognitionem animi pulcherrima, & ad mores instituendos aptissime utilis. Quæ vero Jus Naturæ, & Gentium investigat, ea est fundamentum Philosophiæ Moralis universæ. Nemo sane vel mediocriter eruditus ignorat, quanti semper hanc morum disciplinam sapientes fecerint viri cujusvis ætatis, quorum longum esset vel nomina recensere. Nonnullos tamen commemorabo,

*R. P. Conf. Święcicki O. M. Thlg.*

A C A-

## C A P U T I.

*De Philosophis Græcis.*

U<sup>T</sup> Ægyptios, Chaldeos, & Persas præteream, quorum Ethicæ Gudlingius persecutus est in *Historia Philosophiæ Moralis Cap. I.* neminem latet omnem Pythagoræ Philosophiam ad studium virtutis comparatam fuisse. Unicum enim sibi ille finem proposuerat, ut homines informaret ad similitudinem Dei, quoad fieri posset consequendam. Eminere deinde inter Græcos visi sunt complures excellentia moralis Philosophiæ; sic illorum septem, qui sunt Græciæ consensu dicti Sapientes, præclare sententiæ ad mores pertinent. Socratem, ait Cicero Libro primo de Oratore, *omnium sapientissimum, & Sanctissimum, ad mores formandos, vitamque hominum recte instituendam Philosophiæ studium omne transfulisse, accepimus.* Ejus doctrina morum, vel hominem solum spectandum docet, vel ut est pater familias, vel ut est Civis. Ad primum pertinet Ethica ejus, ad secundum Economica, Politica ad tertium. Plato quamquam placitis suis moralem corrupisse Philosophiam censetur (absurda enim de animi substantia docuit) de virtutibus tamen, ac summo bono ita solide, ac prudenter differuit, ut nemo fuerit ex Ethnicorum numero, qui propius, quam Plato, ad Christianæ de moribus Philosophiæ præcepta accederet. Aristotelis Ethicorum ad Nicomachum libri decem, Magnorum moralium libri duo, & moralium ad Eudemum libri septem, totam exhibent Philosophi hujus morum disciplinam. De viri hujus Ethica idem dici potest, ac de ipsius fortuna. Ab aliquibus enim summum attigisse



gisse humanæ sapientiæ fastigium creditus est: aliis vicissim ejus morum Philosophia nugacissima visa est. Buddeus in Isagoge Historiæ Theologiæ Lib. I. cap. 4. ita opinatur: Cum Plato ad animi purgationem interiorem respiceret, Aristotelem contra vitæ tantum civilis sibi habendam rationem putasse, eoque Philosophiam suam Moralem comparatam esse voluisse: hanc ait fuisse opinionem eorum, qui accuratius mentem Aristotelis intropexerunt; eum nempe Civilem potius, quam Moralem Philosophiam tradidisse, hoc est, institutionem viri politici, & ad honores Reipublicæ aspirantis. Sed profecto fallitur Buddeus. Melior mihi videtur Stanleij sententia, qui Hist. Philosophiæ Tomo 2. Cap 7. ait: *Aristoteles felicitatem in bonis exterioribus constare, sicut Polyenus ait; nec in animo solum, sicuti Plato docebat: sed habere quidem formam in anima, coinquinari autem, & conspurcari solum ipsam ab exterioribus non bene se habentibus. Peculiaria morum præcepta ex Aristotele Stobbeus congeffit. Stanlejus loco citato Aristotelis Ethicæ accurate describit: quem qui legat, intelliget, quam vana sint, quæ jactat Buddeus loco citato, scilicet: ejusmodi virtutes civiles, cum in quolibet hominem, quantumvis solis naturæ viribus instructum cadant, ratio intelligitur, cur Ethica ista Aristotelica cum dogmatibus Pelagianorum egregie consentiat, utpote qui iidem non alias virtutes, quam ad quas naturæ vires sufficerent, admittebat.*

Ante Christum natum Philosophi Ethnici nihil sciabant de gratia Christi, & in hoc fortasse Pelagianis præluserunt, quod se recte, ac sapienter vivere naturæ viribus posse arbitrarentur: In qua opinione non Aristoteles modo, sed Plato, ac Stoici versati sunt. Deinde falsum est, non alias ab Aristotele nisi civiles agnosci virtutes. Quo circa Buddeus illa conscri-

bens Martino suo blandiri voluit, cujus apud ipsum nota erat vox: Tota fere Aristotelis *Ethica* pessima est, gratia inimica; error est, Aristotelis sententiam de felicitate non repugnare Doctrina Catholica.

Græcorum alii hos consecuti morum Philosophiam non omiserunt. Ipsi etiam Cyrenaici, atque Epicuri sectatores, corporis voluptatibus omnia tribuentes magis videri, quam esse Morales Philosophi cupiebant. De Cynicis vero, ac Pirrhonicis rerum omnium adia-phoriam, seu indifferentiam propugnantibus illud constat, moralitatis modos ab ipsis admissos, eos tamen, quos Civiles leges tantum statuerent. Pestifera sane dogmata, quæ tamen Hobbesius, Spinoza, Tollandus, Jurieus, aliique ex Batavia, Angliaque Scriptores renovarunt, honestatis principia, & Religionis fundamenta ad statum mere civilem referentes. Quo circa prudentiam, vel potius simulationem exigunt, qua se se ad cultum civilis societatis accommodent. Id patet ex Libro: L'esprit des Loix.

## C A P U T I I.

*De Romanis.*

**R**omani in morum doctrina, & jure Naturæ præstantiores, quam in reliqua Philosophia fuerunt, unum, aut alterum proferre sufficiat. Marci Tullii Ciceronis de hoc argumento commentarii omnium manibus teruntur. In Libris de finibus bonorum, & malorum expendit Epicuri, Stoicorum, ac Peripateticorum de summo bono, summoque malo sententias. Tusculanarum quæstionum Liber Primus de contemnenda morte, Secundus de dolore tolerando. Tertius de ægritudine lenienda, Quartus de reliquis ani-mi

mi perturbationibus, *Quintus*, quod virtus ad beate vivendum se ipsa sit contenta, agit. De Legibus libri tres ad civilem prudentiam referri possunt. De Officiis item tres ad Jurisprudentiam naturalem. Quot vero pulcherrima ad omne honestatis genus continent, Cato Major, seu de senectute, Lælius seu de amicitia, & Stoicorum Paradoxa: nec ille omittendus est cui titulus *Hortensius*, sive de Philosophis, teste D. Augustino, qui se illi debere fatebatur prima mentis melioris femina. Plutarchus inter Romanos Philosophos, quamquam Græce scripserit, numeratur: cujus *Ethice* continetur in *Moralibus*, & in ratione vitæ parallelæ.

Quæ de Morali Philosophia in universum spectata retulimus, de juris prudentia naturali dicta potissimum intelligimus. Cum vero juris naturalis principia facile cuivis ratione prædito innotescant, immo, ut loquitur D. Paulus, omnium cordibus inscripta sint, potuerunt homines aliqui ingenio excellenti ea diligenter observare, & alios docere. Nonnulli igitur extiterunt eorum, quos nominavimus, qui juris naturalis præcepta, & sedulo examinarunt, & auditoribus tradiderunt. Sed ipsi tamen timore animi errarunt in multis, ut Lactantius ait in libris *Divinarum* institut. Commune apud hos scriptores juris naturæ vocabulum officiorum titulo *πρῶτα Καθ' ἑαυτὴν* exprimebatur. At vero *τὰ Καθ' ἑαυτὴν* nomen aliquando apud ipsos solas actiones honestas, aliquando etiam decoras, immo etiam utiles, ac nostræ conservationi inservientes indicabat. Hoc autem ex singulorum peculiari systemate est dignoscendum, ut certum ferri judicium possit. Sic apud Theodorum illum Atheum non aliud officii nomen significabat, quam corporis voluptatem, Idem apud Pirrhonios, seu Scepticos,

## 6 *De jure Natur. & Gent. in Gen.*

nihil discriminis inter honestum, ac turpe agnoscentes, idem apud quosdam Academicos officii nomen obtinebat.

Epicurei vero officia non nisi utilitate metiebantur; reliqui contra cum gravissima incommoda reputarent, quæ ex prædictorum sententiis traherentur, in eam ingressi sunt opinionem, esse quædam per se turpia, aut honesta citra omnem ad quamcunque legem respectum.

## C A P U T III.

### *De Christianis, & SS. Patribus.*

**P**ost adventum Christi, discussis magna ex parte ignorantiae tenebris lumine Fidei, factum est, ut e veterum Ethnicorum documentis quam plurima abscondita dignoscerentur, & cum hominis sine non convenientia; plurima item ad hominis felicitatem consequendam necessaria. Rursus explicatis per firmiorem sermonem Revelationis hominum officiis, moralis illa nuda, ac naturalis Philosophia non in pristino stetit necessitatis, utilitatisque gradu. Quare & primorum Ecclesiæ Sæculorum Patres, ubi de moribus, eorumque honestate sermonem instituebant, pluram e Philosophiæ Moralis hauriebant fontibus; & Scholastici etiam de naturali lege, atque honestatis principiis differentes, complura e divinæ revelationis dogmatibus acceperunt. Quo quidem fiebat, ut Christianorum flagitia, propositis vel ex Ethicæ argumentis, acerbius exagitarentur; & veterum Philosophorum errores circa morum principia ad trutinam Divinæ vocis revocati certius detegerentur. Audiamus Franciscum Suarezium Lib. 1. de Legibus cap. 3. *Est ad-*  
*ver-*

vertendum, Philosophos non agnovisse supernaturalem hominum finem, sed solum de hujus vitæ aliquali felicitate, vel potius convenienti statu ad illam in pace, & justitia transigendam tractasse, & in ordine ad hunc finem de legibus considerasse, & ita naturalem legem solum ab humana, quam nos civilem appellare possumus, distinxisse. At vero cum fides doceat, homines ad finem supernaturalem vitæ futura per convenientia media in hac vitâ exequenda ordinari; recte Sacra Theologia inserit, longe aliter esse necessariam hanc legem naturalem. Quare alteram ab altera prudentissime agentes non junxerunt.

## C. A P. U. T. I V.

*De Acatolicis, eorumque in Scriptores Catholicos calumniis.*

**H**anc vero sapientissimam juris naturalis investigandi rationem modis omnibus coarguere conati sunt Acatolici. Hinc horrenda sunt, quæ vomunt contra Scholasticos Scriptores, non alia sane de causa, nisi quia juri naturali luculentius explicando nonnulla ex Sacris litteris deprompserunt. Joannes Franciscus Buddeus in *Isagoge Historiæ Theologicæ* Lib. I. cap. 4. ait: *Scholastici Doctores eisdem lumen rationis, & omnino Philosophiam Aristotelicam cum lumine Revelationis conjunxerunt, turpiter ita cuncta inter se miscerentes, & variis erroribus jurisprudentiam Divinam contaminarunt.* Quasi vero citra lumen Revelationis possent ex solo rationis lumine certa omnia derivari. Similia habet Puffendorpius in *Præfatione Operis de jure Naturæ, & Gentium*. Et in *Specimine controversiarum* cap. I. *Illi Doctores, ait, qui in Episcopi Romani verba jurarunt, quæ omnia ad potentiam, & questum Sacerdotum vertere*

*tere labor est.* ( Quanto livore scatent dicta hæc Puffendorffii ) *leginaturali*, & *universa de moribus doctrina magnam caliginem offudere.* Unde vero tanta caligo? nonnisi quia Catholicis legis naturalis principia ad solidissima Sacram Litterarum lumina revocant. Et idcirco Scriptores Catholicos versari in Regno tenebrarum affirmat sæpe Puffendorffius. Mirum est, quot injuriis cumulet Scholasticos primæ notæ scriptores, Sanctum Thomam, Vasquium, Valentiam, Conimbricenses &c. Eorum Doctrinam appellat *frivola subtilitatis speculationibus adornatam*, *scientiam prorsus inanem*, *astutissimo consilio nutritam*, *ad otiosa ingenia vanis disputationibus distinenda.*

Nec dissimilia sunt, quæ cæteri fere juris Naturæ scriptores Heterodoxi de Catholicis auctoribus impudentissime scribunt, quæ non sine nausea legi possunt. Christianus Thomasius in Hist. Juris Naturalis cap. 4. eadem garrit: *In his, ait, omnibus commentariis tam super sententias Lombardi, quam super summam Sancti Thoma frustra quæres Doctrinas utiles, & a sana ratione profectas; sed omnia repleta sunt auctoritatibus, subtilitatibus, inanitatibus.* & cap. 5. *Itaque initio sæculi 18. Doctrina de virtutibus, & vitiis, sive de differentia justî, & injusti, boni, & mali, de jure Naturæ &c. tam apud Pontificios, quam apud Evangelicos miserrimo, & pene incurabili morbo laborabat. Scholastici Pontificii in Libris, qui titulis de Justitia, & Jure, vel finibus insigniebantur, talia dogmata insinuabant animis discentium, quæ solum inserviebant incremento Papatus, & Clericatus, & suppressiebant auctoritatem Principum, & Ordinum Politicorum, & Laicorum. Præterea diversissimas res inter se miscebant, jura Naturæ, Gentium, Mosaica, Judaica, Græca, Romana, Imperialia, Pontificia, colligendo videlicet ex istis, quidquid inde peti poterat ad scopum modo memoratum. At qui publice circumferuntur Catholicorum sub his titulis libri, quam enormiter*  
men-

mentiat<sup>ur</sup> Thomasi<sup>us</sup>, demonstrant. Joannes Franciscus Buddeus in *Historia juris Naturalis* §. 12. de *Scriptoribus nostris* ita scribit: *Subtili, & spinoso dicendi genere utuntur: quæ forte propria illorum hominum laus est. Sine ordine tamen cuncta tradunt, infirmo, aut lubrico fundamento, quæ docent, superstruunt, Divina, humanaque jura miscent, rationum momenta aut plane non, aut jejuna quandoque, & ridicula afferunt. Hæc Buddeus impudentissime.*

C A P U T V.

*De Acatolicorum in Sanctos PP. conviciis.*

**V**Eruntamen ferenda esset eorum audacia, si in Scholasticos tantum mendacia conflarent. Sed quæ passim evomunt in Sanctos Patres convicia vix credi possunt, unum aut alterum commemorabo. Quid enim turbam insanientem in scenam adducam? Primum sibi locum vindicat Joannes Barbeyracius, cujus in Sanctos Patres animi furor in Prefatione ad versionem Gallicam Puffendorfi incredibiliter erupit. Neque enim unum, aut alterum carpit, sed a primis Ecclesiæ sæculis ad Scholasticorum tempora plerosque SS. Patres auctoritate præcipuos notat, & quasi juris Naturæ ignaros pariter irridet. Clementem Alexandrinum secundo sæculo exeunte qui vixit, idcirco reprehendendum existimat, quod regulas vitæ nimis severas, rigidasque, & ab bodierna vitæ consuetudine alienas præscribit. In Tertulliani Libris etiam ante lapsum scriptis quærit, quod accuset, illum videlicet nimis rigide censuisse. Qui improborum facinora promoven<sup>t</sup>, aut qui quacunque ratione ad malum concurrunt, peccare. Ubi cum Dupinio putat, non

R. P. Const. Swięcicki O. M. Tblgi.

B esse

esse principium hoc extendendum adeo, ut vult Tertullianus.

At in utriusque hujus Patris censura Barbeyracius ipse reprehenditur a Joanne Francisco Buddeo. Plura ait Barbeyracius se desiderare in Cypriano, præeunte Joanne Clerico, præsertim modum in laudanda continentia, extollendo Martyrio, commendandis elemosinis, & quod nimis auctoritatem Episcoporum extulerit. Lactantio tribuit hanc sententiam, *hominem probum nec militare debere, nec commerciorum causa peregrinas petere oras*: Cum revera Lactantii Lib. 5. de justitia cap. 18. verba hæc sint: *Cur enim (homo vere justus) naviget, aut quid petat ex aliena terra, cui sufficit sua?* Quibus verbis indicat, non dari justo necessitatem ea faciendi, non vero prohibitum esse justo ea facere. At Barbeyracius ingenio suo ac libidini SS Patres carpiendi facile indulget. Nazianzenum Gregorium suggillat, quod in hæreticos nimio zelo, nec modum servante, sit invectus. Sed hic suam causam agebat Barbeyracius, ideoque modum, ac limites justos tolerantiae hæreticorum ignorabat. Quid vero in Joanne Chrysostomo? illud idem, quod Petrus Bælius verbo *Abimelech*, & *Sara*, homo quidem non tam facetus, quam ad scribendum procax, risui exponit. In Ambrosio displicent ei laudes Cælibatus, ac Virginitatis. Hoc etiam displicet in Hieronymo. Augustini sententias male explicat, ut occasionem improbandi habeat, præsertim ubi de Abrahami, & Saræ consensu respectu Agar ait Lib. 16. de Civitate cap. 25. At Augustinus non ea docet, quæ objicit Barbeyracius. Verum hic omnium Patrum a Barbeyracio inique congestos in doctrinam morum errores recensere longum esset, ac tædio plenum: refellere vero calumnias, & mendacia prope superfluum; cum id præstiterit



rit Remigius Cellier *Apologie de la Morale des Peres &c.* Anno 1718. Interim tamen ipse sibi plaudit Barbeyracius, aitque sperare se, sæculum tandem venturum fore, in quo Patres, & eorum studiosi admiratores immodicam, qua fruuntur, existimationem sint amissuri. Et gaudio exultans gloriatur, *Legislatores Lutherum, & Calvinum non modo Religionem, sed moralis doctrinæ, juris naturalis scientiam redintegrasse.* At vero quis unquam credat Christum de Ecclesia sua adeo sollicitum, non Sanctorum Patrum, quorum mores fuerunt incorrupti, prædicatione atque scriptis; sed per Lutherum, & Calvinum homines quidem omni vitiorum genere coopertos, voluisse nova, inauditaque præcepta, ac leges promulgare? Sed neque in omnibus Calvinus ipse, aliique Lutheri affectu Barbeyracio arrident. Dolet enim, eos crudele dogma de hæreticorum pænis defendisse, atque *Tolerantissimum in Religionis negotio oppugnasse.*

Christianus Thomæus in *Historia juris Naturæ* capite tertio contra Ecclesiæ Patres invehitur, aitque post Christi Domini Ascensionem, & Apostolorum mortem extinctam Cristianam Ecclesiam jacuisse usque ad Lutherum. (O fatum miserabile.) Deinde addit. *Multi Protestantium Theologorum, in primis vero B. Lutherus noster, & alii de hoc abusu interpretationis ab Ecclesiæ Patribus commisso, conquesti sunt, & adhuc conqueruntur.* Tum Barbeyracium laudat, ac dicit eum clarissime ostendisse, quod *Athenagoras, Clemens Alexandrinus, Tertullianus, Origenes, Lactantius, Cyprianus, Basilus, Gregorius Nazianzenus, Ambrosius, Chrysostomus, Hieronymus, Augustinus, Leo, Gregorius Magnus non solum in doctrina moralis parum, & nihil sciverint, sed & in explicatione Scripturæ Sacræ; aut, alia occasione ita ferente, varia noxia, & erronea, ac non solum luci Evangelii, sed & juri Naturæ*

*adversantia dogmata in animis auditorum suorum disseminaverint. His similia habet Heineccius in elementis Historiæ Philosoph. Capite quarto, ubi plures Catholicos Doctores, ait, non modo fastu Scholastico, & malefana curiositate, sed & absone dicendi, docendique ratione cordatioribus hodie risum excitare merito. Hinc cognomina ridicula, dum Alesius Magister irrefragabilis, Richardus de Mediavilla Auctoratus, Scotus Subtilis, Bonaventura Seraphicus, Thomas Aquinas Cherubicus, alii aliter vocati.*

## C A P U T VI.

## De recto juris Naturæ usu.

**C**lament, licet, & crepent Acatholici, contra Patres, & Scholæ Doctores vociferentur, atque in nos cujuscumque generis convicia jactent, ac maledicta: nos quidem malumus cum Ambrosio, Chrysostomo, Augustino, item Bonaventura, Thoma, Scoto, Suarezio indoctis accenseri, quam cum Puffendorfio, Thomasio, Barbeyracio, Heineccio inter summos homines adnumerari. Quinam vero sit *rectus* juris naturalis addiscendi modus, quinam *optimus* hujus moralis scientiæ usus, explicare aggredior.

Erit autem *rectus* juris naturalis usus, si recte definiantur lumini naturali, seu rectæ rationi limites. *Rectus* erit addiscendæ hujus facultatis modus, si probati auctores consulantur. Ad primum quod attinet, inficiari debet nemo, duplex in præsentī humanæ naturæ statu esse lumen; quo homines ducti moraliter agant, & congruenter ipsorum felicitati agant; unum *naturale*, alterum *supernaturale*. Illud ratio naturalis dicitur, hoc Revelatio; illud naturæ debitum, hoc mere gra-

gratuitum. Rursus nemo, nisi plane desipiat, in controversiam vocabit; lumen rationis minus esse, quam lumen Revelationis, atque adeo primum alteri subijci oportere: quod Paulus docet Epistola secunda ad Corinthios cap. 10. cum præcipit, *Omnem intellectum in captivitatem redigi in obsequium Christi*; & fatetur Buddeus in *Isagoge Theologiæ* lib. 1. cap. 4. *In Ethicæ*, inquit, seu doctrinæ moralis Philosophicæ utilitate, & necessitate rite æstimanda ita incedendum, ne quidquam dignitati, ac præstantiæ ejus detrahamus, nec tamen rationis viribus apud eos, qui Christianorum nomine veniunt, in vitæ directione plus, quam decet, tribuamus. Minus enim lumen præferre majori fidei stolidum foret. Ratio autem est, tum quia Revelationis lumen immediate a Deo procedens infallibiliter rei veritatem, atque honestatem ostendit: tum quia objecta etiam repræsentat, quæ lumini naturali impervia sunt; ac longe superiora. Hoc utique verum Ethnicis Philosophis obscurum fuit, ac fidei Divinæ unice debemus. Præclare Suarezius rem hanc explicavit Lib. 1. de Legibus Capite tertio Circa legem, inquit, naturalem docet Theologia hominem secundum duplicem naturam, & duplex rationis lumen considerari posse. Primum secundum puram naturam, seu substantiam animæ rationalis, & consequenter secundum rationis lumen illi connaturale. Secundò juxta naturam gratiæ desuper homini infusæ, & secundum Divinum, ac supernaturale lumen Fidei, per quod pro statu viæ regitur, & gubernatur. Et juxta hæc duo principia distinguere duplicem legem naturalem; aliam simpliciter naturalem respectu hominis, aliam quæ licet supernaturalis sit respectu hominis (quia totus ordo gratiæ illi supernaturalis est) nihilominus naturalis dici potest respectu gratiæ, quia etiam gratia habet suam propriam essentiam, & naturam, cui connaturale est lumen infusum, cui etiam connaturale est non solum dirigere homines ad rectam, & honestam, ac debitam operationem super-

pernaturalem, sed etiam depellere tenebras, & errores circa ipsammet legem purè naturalem, & sub altiori ratione precipere ipsiusmet legis naturalis observationem.

Atque hic est animadvertendum, lumen Revelatio-  
nis esse absolutè necessarium quoad ea officia, quæ  
respiciunt objecta, nonnisi per lumen Fidei cognita:  
quæ quidem officia hominem obligant ad æternam sibi  
felicitatem comparandam. Atque hoc ne Heterodoxi  
quidem diffitentur. Idcirco legem etiam illam, quæ  
supernaturalis est respectu hominis, & amplectitur lu-  
men Fidei, appellari posse connaturalem generi hu-  
mano docet Suarezius loco citato, *Eo modo, quo natu-  
rale dicitur, quod cum natura concretum est, semperque in  
ea perseveravit; quia lex gratiæ semper in humano genere  
fuit; & nunquam in hominibus universis, seu in tota Ec-  
clesia lumen Fidei defuit, neque homines caruerunt unquam  
lege Divina supernaturali, sine qua non potuissent in super-  
naturalem beatitudinem tendere. Unde quando distingui solent  
status hominum per leges, scilicet in statum legis naturalis,  
scriptæ, vel gratiæ; in primo statu intelligenda est tam lex  
soliùs naturæ, quàm lex connaturalis Gratia; seu lux Fidei.  
Non potuit enim mundus unquam carere omnino hac lege se-  
cundum ordinariam Providentiam, cum factores legis semper  
potuerint cum Divino auxilio justificari, ut sumitur ex Paulo  
ad Rom. cap. 2. & 3. Atque ita etiam patet, quæ fuerit neces-  
sitas, & utilitas legis naturalis in hoc posteriori sensu decla-  
rata; nimirum quia gratia, & fides semper fuit necessaria,  
& hac lex est illi connaturalis. Item ut haberet homo legem,  
per cujus observantiam posset consequi remissionem peccatorum,  
ac vitam æternam cum divino auxilio. Illud verò obscu-  
rius est, esse etiam necessarium lumen Fidei ad aliqua  
officia naturalis quidem legis propria, & rationem rea-  
ctam non excedentia, minus tamen cognita ob origi-  
nalis peccati tenebras, quibus & rerum veritas, & ob-  
jecto-*

jectorum honestas non in eo, in quo fuerant primum collocata, mentis lumine permanferunt. Atque hæc fuit causa, cur Ethnici Philosophi de hominis summo bono, in tam absonas, & inter se pugnantes opiniones abierint: inde etiam factum, ut de ipsius Dei natura tot esse opiniones quereretur Tullius de Natura Deorum Lib. 1. *ita fit, inquit, ut Deus, quem mente nescimus, atque in animi notione, tanquam in vestigio volumus reponere, nusquam prorsus appareat.* Inde etiam plurima legimus apud Historicos exempla Nationum, quibus Fidei lux nondum affulsit, viventium moribus perditissimis. Sic mulieres apud Indos igni se tradunt, defuncto marito: Iroqueses parentum senescentium carnibus vescuntur. Ægyptii nuptias cum sororibus, & cum matre etiam celebrabant. Apud Parthos nemo de Regia stirpe Arsacidum jus habebat ad regnum, nisi ex incestu filii cum matre natus esset. In Guienna insula compertum est maritum lecto decumbere, uxore pariente, & enixa; ipsamque puerperam tunc viro sine causa jacenti famulari. Hæc aliaque hujusmodi fieri novimus apud barbaros, Ethnicosque, quin ipsi animadvertant aliquid dedecere naturalem rationem, aut minus sibi convenire.

Ex dictis colligo falli Acatholicorum plerosque, existimantes posse integrum tradi jus Naturæ, & Gentium, & omnia hominis, & civis officia posse ritè explicari, nullo habito ad fidem respectu. In qua opinione prorsus absurda est Puffendorpius, qui Lib. 2. de jure Nature, & Gentium cap. 3. ait *Ubi illud manifestum judicamus; etsi Divina Litteræ liquidius cognoscendo juri naturali plurimam lucem afferant, illud tamen etiam citra hoc adminiculum per vires rationis homini abs Creatore concessa, & adhuc superstitis posse investigari, & solidè demonstrari.* Hoc enim jus per vires rationis adhuc superstitis posse

se plene demonstrari, falsum est citra Revelationis adminiculum. In eadem est cum Puffendorffio sententia Barbeyracius; item Heineccius ita differens. *Cumque hoc jus complectatur leges per rectam rationem promulgatas, consequitur, ut jus naturæ derivandum non sit ex Sacris litteris.* Verum hoc jus naturæ non modo principia universalia commonstrant, sed multa etiam particularia. Ad hæc autem necessarium est fidei lumen, ut depellantur offusæ mentibus tenebræ, & errores, quemadmodum ex Suarezio observavimus.

Hinc arbitror merito irridendos auctores illos, qui tantoperè gloriantur, velle se jus naturæ omnino explicare citra lumen Revelationis. Effet enim conatus eorum prorsus inanis, ac periculosus: ut qui oculorum infirmitatis conscius judicare de objectis vellet ex oculorum tantummodo testimonio citra rationis adminiculum. Inutilis labor, & errori maxime obnoxius. Plures ex A catholicis hoc identidem repetunt; hoc se fecisse plenis buccis, ut vidimus, gloriantur.

Buddeus in Institutionibus Theologiæ Moralis parte secunda sic habet: *Nec tamen ideo improbandum illorum institutum, qui seorsum juxta lumen rationis jurisprudentiam, Divinam, seu naturalem tradunt. Quæ enim distincta sunt, recte etiam distinctè traduntur, nec inter se sunt confundenda.* Juvat etiam cognoscere quousque ratio sibi relicta hic progredi queat, ut eo rectius, quæ Revelationis vis sit, & præstantia, inde intelligatur. In negotiis præterea humanis sæpe cum illis nobis res est, qui Revelationem non agnoscunt, quique proinde non aliam agendorum normam, quàm rectam rationem admittunt. Deniquè per rationem, quoad humana præsertim negotia, multa specialius possunt investigari, ac determinari, cum generalia saltem sint, quæ hisce Revelatio tradit, ut reliqua, quibus idem evinci potest, taceam. Hæc autem Buddei ratiocinatio futilis est.

Quam-

Quamvis enim distincta sint rationis lumen, ac lumen Fidei, nec idcirco confundenda; illud tamen ut potè infirmum ab hoc debet adjuvari, quare tradi non debet separatim. Deinde verum quidem est, aliquid esse, cognoscere quò rationis lumen, originis labe debilitatum, & quibusdam quasi nebulis circumfufum, pertingat; sed & hujusmodi cognitionem sine fructu esse, & ad negotia periculofam, non minus est verum.

Quid autem factò opus fit, quando cum iis, qui Revelationem non agnoscunt, sit agendum, dicam inferiùs. Nullo tamen pacto probandum est illorum institutum, qui solo freti rationis lumine naturali cum hujusmodi hominibus velint res agere, & ad honesta eos pertrahere. Tandem quod Revelatio generalia ostendat, ratio quædam specialiora, ex eo fit, ut lumen utrumque in consilium debeant advocari, nec tradi seorsùm.

Rem hanc egregiè in veteribus Philosophis observat Lactantius Lib. 5. de justitia cap. 18. ubi videtur A catholicorum objectiones diluere. *Plato, inquit, & Aristoteles honesta quidem voluntate justitiam defendere cupierunt, effecissentque aliquid, si conatus eorum bonos, si eloquentiam, si virtutem ingenii Divinarum quoque rerum doctrina juvissent. Itaque opus illorum inane, atque inutile jacuit; nec cuiquam hominum persuadere potuerunt, ut eorum præscripto viveret, quia fundamentum a Cælo disciplina illa non habuit. Nostrium opus certius sit, necesse est, quos Deus docuit. Ad Lactantij mentem scribebat Leibnitius, quantumvis A catholicus, in Epistola ad Molanum adversus Puffendorhium. Dignè de jure Philosophanti non tantum humana tranquillitatis, sed etiam Divina amicitia ratio habeatur, cujus possessio duraturam nobis felicitatem spondet. Non nobis tantum nati sumus, sed partem nostri sibi alij*

*R. P. Const. Swięcicki O. M. Tblgi.*

C vin-

vindicant, Deus totum. Et in Præfatione Codicis jûris Gentium: Rectè a viris doctis, ait, inter desiderata relatum est jus Naturæ, & Gentium traditum secundum disciplinam Christianorum, id est ex Christi documentis καὶ Ἀποστόλου hoc est, quæ sunt supra nos, sublimia, Divina sapientium. Itaque Revelationis lumen regulas juris naturæ, bonæque moralitatis proponit, quas generis humani corrupti mores, & Philosophorum Ethnicorum cæcipientes animi nec satis agnoverunt, nec libenter amplexi sunt. Quapropter colligi debet, adjuvari ex Revelatione rationem ad jura sua dignoscenda. Revelationis enim lumen omni ex parte Divinum, quod ad mores attinet, vitæque rationem, nihil ostendit, quod simul suum non esse putet naturalis ratio, ubi intento studio animadvertit, ac maturè considerat. Idcirco a nonnullis sapientibus viris dictum legimus, dogmata Evangelij, quod ad mores, unà cum Moralis Philosophiæ, veræ scilicet ac bonæ, principiis esse veluti instaurationem moralium dogmatum, quæ sunt in anima rationali a Deo impressa, & inscripta huc aptando illud Tertulliani epiphonema: *O anima hominis quàm es naturaliter Christiana*. Reddit præterea Fidei lumen faciliorem præceptorum naturalium usum ex nova præmiorum, pœnarumque propositione, atque ex gratuita Divinorum auxiliorum largitione. Habet autem in se anima intimam ad servanda præsertim generalia quædam præcepta obligationem sine Revelatione, ut habet Apostolus ad Rom. *Gentes, quæ legem (scriptam) non habent, naturalitèr ea, quæ legis sunt, faciunt*: & dari ignorantiam circa prima moralitatis, & legis naturalis principia in mente integra probari non potest.

Quare Christiano Philosopho ita erit in jure naturali, rectæque rationis principiis procedendum. Quæ  
lu-



lumen naturale, seu recta ratio, citra quodlibet præjudicium, sui juris esse repræsentat, erunt maturè cum iis, quæ ex Fidei lumine accepimus, conferenda. Cumque sciamus, utrumque lumen veluti in idem tendere, seu objectorum veritatem, honestatemque manifestare, prudenter inferimus, quæ infallibili Revelationis testimonio comprobantur, vera esse; falsa verò, si Fidei testimonio contraria sint. Neque verò id affirmo, assumendum Fidei dogma quasi principium, unde altera rejici, altera probari debeat opinio. Hoc enim esset non Philosophum agere, sed actum fidei exercere. Illud autem pronuntio, Fidei dogma esse illi debere instar doctissimi, solertissimique Monitoris, a quo certior fiat erroris admissi in casu aliquo peculiari, ut iterum, atque accuratius ratiocinationem instituat, donec lumine ipso naturali, ubi lapsus sit, invenire possit. Quemadmodum in Analyti fit, si fortè, errore, vel in prima positione, vel in decursu operis admissio, deveniatur ad æquationem, vel impossibilem, vel certo falsam; tota, ut notant Analytici, repeti praxis, ac veluti resolvi debet, singulique animadvertendi numeri, eorumque signa, ut erroris veluti principium detegatur. Hoc ubi aget in re morali, atque in juris Naturæ principiis, & officiis morum Philosophus, modum aptissimum, rationemque firmissimam sibi conciliabit ad suadendum Ethnicis quibuscumque; Revelationes præfractè negantibus, certissima morum dogmata.



## C A P U T VII.

*De recta addiscendi juris naturæ ratione.*

**I**ustos posuimus lumini naturali fines. Superest, ut addiscendæ hujus facultatis rectus modus proponatur. Is profectò erit, si probatæ Fidei consulantur auctores.

Sanè vix animum possum continere, cum in Catholicorum manibus magno plausu exceptos versari conspicio tot Heterodoxorum libros, qui revera si essent a Catholicorum aliquo conscripti, vix oculos ad se eruditorum pertraherent. Confusa scribendi methodus, barbara latini sermonis constructio, exigua, eaque obsoleta bonæ doctrinæ copia, non est, cur tantos excitet græculorum plaudantium rumores. Dicam planè quod sentio, & mecum una reputant, quicumque solida veræ Sapientiæ, omnisque scientiæ jecere fundamenta, & insipientium voces spernunt, unus est ijs auctoribus plerumque tantarum laudum titulus, diversa nimirum a nostra Religio: qui titulus causa esse deberet, ut istiusmodi libri a studiosorum præsertim manibus excuterentur. At dicet aliquis, liber de jure naturæ agit, non de Religione. Quid tum? Grotius de jure Belli scripsit, & tamen Puffendorfius Lutheranus Religionis causa verebatur, ne apud suos Grotius legeretur. Sic in Epistola ad Lectorem in prima sui Operis editione: *Non exiguam, ait, nobilissimo operi (Grotii) labem aspergunt, queis passim a receptis Orthodoxæ Ecclesiæ (orthodoxam vocat Lutheranam Synagogam homo Lutheranus) sententiis diversus abit, & per isthac etiam verè, atque utiliter dictis auctoritas detrahitur.*

Re-

Reponet hic aliquis, errores in auctoribus A Catholicis, vel nullos esse, vel cuique Catholicorum in oculos incurrere.

Respondeo, & plures in illis errores esse, & cuique Catholicorum observatu difficilimos, nisi forte agnoscant sacrarum facultatum præsidio, quò tandem colliment. Quotus autem quisque ex iis, qui A Catholicorum versant libros, Sacræ Theologiæ Divinisque litteris operam navavit? Exemplo sit, qui ancipiti planè consilio Puffendorffii opus de Jure Naturæ, & Gentium in Italicum sermonem versum repurgavit, auxit, illustravit, & Anno 1757. edidit. Hic sanè Tomo 2. lib. 3. cap. 4. repurgare debuerat illam Puffendorffii sententiam: *Ignorantia juris naturalis neminem adulta ætate excusat*, cum videatur illi similima, quam Alexander VIII. inter damnatas retulit: *Tametsi desur ignorantia invincibilis juris natura, hæc in statu natura lapsæ operantem ex ipsa non excusat a peccato formali*. Rursus Tomi secundi Libri 4. cap. 2. Auctor Catholicus, qui illud opus Italice reddit, debuerat paulò cautiùs loqui circa obligationem ortam ex jure jurando per metum injustum extorto. Divus Thomas, profectò secunda secundæ quæst. 89. Artic. 7. ad 3. ait: *In juramento, quod quis coactus facit, duplex est obligatio: una quidem, qua obligatur homini, cui aliquid promittit: & talis obligatio tollitur per coactionem; quia ille, qui vim intulit, hoc meretur, ut ei promissum non servetur: Alia autem est obligatio, qua quis Deo obligatur, ut impleat, quod per nomen ejus promissit: & talis obligatio non tollitur in foro conscientia: quia magis debet damnum temporale sustinere, quam juramentum violare. Potest tamen repetere in judicio quod solvit. Et adeò fundatam in jure Naturæ obligationem istam putavit Angelicus Doctor, ut deinde subderit.*

Romani Pontifices ab hujusmodi juramentis homines absol-  
verunt, non quasi decernentes, hujusmodi juramenta non esse  
obligatoria, sed quasi obligationem ex justa causa relaxantes.  
Auctor vero Italus Puffendorium corrigens hanc etiam  
admisit Puffendorfi sententiam: Non minus obligatus est  
ad resistendum, qui vi coactus promissum fecit, cui jura-  
mentum accessit, quàm si ab injurato id foret profectum.  
Et hanc præterea: Momentanea solutione juramentum de-  
fungi posse, ut statim, vel per se, vel in subsidium vocato  
Magistratu datum recuperare queat, est sanè inanis religiosi-  
tas, cum perinde sit non solvere, & solutum confestim re-  
cuperare.

At contrarium decernitur jure Canonico Capit. Si  
verò, & Capit. verum de Jurejurando. Plura fortasse  
essent in eo libro adnotanda. Sed hæc duo, quæ se  
mihi cum legenti obtulerunt, satis probant, quàm  
difficile sit sine Theologiæ studio Hæreticorum errores  
animadvertere, & emendare. Quòd si vera nonnulla  
ab his auctoribus traduntur, ea a nostris auctoribus  
ipsi acceperunt: quæ de suo addiderunt, falsa ple-  
rumquè convincuntur.



R. P. CONSTANTINI SWIĘCICKI  
O. M. OBSERVANTIUM THEOLOGI.

DE ORIGINE,  
ET PROGRESSU  
JURIS PUBLICI,  
TUM NATURÆ, TUM GENTIUM.  
DISQUISITIO HISTORICA.

CAPUT PRIMUM.



Creatore, summoque Legislatore Deo Optimo Maximo prima est juris omnis, jurisdictionis, ac legum origo. Non enim est *potestas*, nisi a Deo, vel immediate, vel mediate; Qui cum primus Adamo legem imposuerit, simul dedit eidem potestatem legislativam suis posteris communicandam. Indè Patriarchæ omnes Legislatores fuerunt, inter quos Moyse præcipuus fuit: Indè potestas quoque ipso Naturæ, & Gentium jure in Monarchas, Reges, & Magistratus extensa, sine qua humana societas constare non posset. Cum verò Deus Adamum condidit, legem ei dedit naturalem,  
&

& positivam. Hæc fuit lex vetans, *ne comederet lignum scientiæ boni, & mali*: עֲכֹרֶת יֵלֶךְ אָדָם, illa, *unum cole Deum*: עֲבֹדָה יֵחַד אֱלֹהִים, *quod tibi non vis, alteri ne feceris*; וְאַתָּה לֹא תַעֲשֶׂה כִּמְדָּה, & alia. Hinc lex dividitur in naturalem, & positivam. Naturalis definitur a D. Thoma in quarto Sententiarum distinct. 33. Artic. 1. *Conceptio natura indita ad operandum convenienter*. Lex positiva ex eodem S. Doctore in prima secundæ quæst. 91. articulo quarto: *Est ordinatio rationis ad commune bonum, ab habente potestatem promulgata*. Rursus dividitur in Divinam, & humanam. Divina est partim vetus, in Testamento veteri, partim nova, in Testamento novo a Deo tradita. Humana, hoc est ab hominibus constituta, vel est communis Gentibus, ita ut officia Gentium erga Gentes ex naturali ratione, communique consensu ordinet; vel est peculiaris alicui Reipublicæ, & cum posita est a potestate politica, dicitur civilis, cum ab Ecclesiastica, dicitur Canonica.

Cœperunt igitur ab exordio mundi, præter legem naturalem, esse leges positivæ, ut ex Sacris Litteris intelligimus. Cum autem leges positivæ ordinentur ad legem naturalem, firmitus observandam, & ad societatem hominum continendam, quæri potest primò: quænam politica vivendi forma viguerit ante Diluvium.

In qua quæstione probabilius existimo, incolas mundi ante Diluvium, ferè ad nostri temporis normam, pagos, Castella, Urbes habuisse, in quibus essent Monarchiæ, Aristocratix, Democratix, aliæque regiminis formæ non minùs perfectæ, quàm præsentis. Nam de Urbe Henochia a Caino condita id certum est. Immo teste D. Ambrosio Lib. 2. de Cain, & Abel cap. 10. *Urbes condidit plures Cainus, multorumque Princeps*

ac Dominus plurimos annos impunè vixit . Et aquæ Diluvii, ut Philo testatur in vita Moyſis, Civitates cunctas in campeſtribus regionibus ſitas inundarunt, atque ſubverterunt; quæ autem in editioribus locis habitæ ſunt, continuati imbres, nec interdiu, nec noctu intermiſſi, funditus ſubruerunt . Accedit, & ratio . Nam incredibile eſt; Antediluvianos omnes fuiſſe ſtupidos, bardos, incultos, barbaros; cum per novem Sæcula Adam, & alii ſubinde Patriarchæ, præclari adeò præceptores illis convixerint, ac terræ promovenda cultura haud dubiè ſuaſerit rerum diviſionem, quæ facta fuerit Adami arbitrio, vel forte, aut alio modo nobis incognito: hinc pagi; & Urbes ad propria tuenda, variæque formæ regiminis neceſſariæ . Nec illis deſuit mercatura, ſicut & nautica . Nam cum non omnis ferret omnia tellus, neceſſe erat, ex una vehi in aliam regionem, quæ huic ſuperflua, illi commoda, atque opportuna eſſent . Sed nec mechanicis artibus carere, uti nec liberalibus diſciplinis . Agricultura, & paſtoritia ex eo colligitur, quod Cain dicatur agricola, Abel paſtor ovium, & Jabel pater eorum, qui habitaverunt in tentoriis paſtoritilis . Ferraria, & metallifera ſignificatur ex eo, quod Tubalcain dicatur malleator, & faber in cuncta opera æris, & ferri . Nec Ars bellica, quam tanti faciunt mortales miſeri, & in ſe ipſos ingentioſe crudeles, non deſuiſſe putanda eſt in Gentibus illis in vitia prolapſis, præſertim verò inter Gigantes antediluvianos, quos potentes a Sæculo, & viros famoſos appellat Moyſes, & S. Auguſtin. *ſcientes bellum*, applicans illis epithetum iſtud Prophetæ Baruch . Muſica colligitur ex eo, quod dicatur, Jubal pater canentium Cithara, & Organo .

Scientiam aliquam Theologicam fuiſſe illis temporibus . *R. P. Conſt. Swięcicki O. M. Tblgi.* D ri.

ribus inde constat, quod Enos dicatur cœpisse invocare nomen Domini. Ut paucis multa complectar, nisi dicere velimus antediluvianos Adami posteros meros fungos fuisse, dicamus necesse est, multos ex illis in mechanicis artibus fuisse versatos, multos in liberalibus disciplinis, etsi non in omnibus. Profectò per sæcula quindecim, quæ a Diluvio ad Romam conditam intercesserunt, homines non ita vivaces, ac longævi fuerunt, ut ante Diluvium, & quamvis primorum Patriarcharum magisterio destituti, usi sunt tamen pœnè omnibus artibus, ac disciplinis; cum Orbem terrarum mercatura, & ut multi opinantur, navigationibus perlustrarint, repleverint urbibus, legibus instituerint. Quis porrò Antediluvianis hæc omnia negabit, qui per septemdecim ferè Sæcula vividior ingenio, longiore experientia, potioribus naturæ viribus terram incoluerunt?

## C A P U T II.

*De politica vivendi forma post Diluvium usque ad legem scriptam.*

**H**omines octo a Diluvio servati Naturæ leges hominibus, quos post Diluvium genuerunt, quasi per manus traditas commendarunt; morum normam, cultumque Religionis ad posteros propagarunt. At sicut ante Diluvium progenies gemina Adami, Cain, & Seth, maledictionem, & benedictionem profeminavit in posteros, ita post Diluvium a Chami progenie, quam Noe maledixit, & Semi progenie, quam benedixit, est factum. Semi Soboles a Noe benedicta, inhæsit pressius Naturæ legibus, verique Numinis cultui. Hanc sapientiam exemplis ma-



magis, quam scriptis regulis; per institutionem domesticam derivavit, ac posteris tradidit, ita prorsus, ut populum Dei constitueret, qui ab Hebero Hebræorum vocabulo a cæteris se discrevit. Inde nati sunt Abraham, cæterique Patriarchæ, pietate incliti, qui legem Naturæ in statu integro conservarunt. Deus autem pactum quoddam singulare pepigit cum Abrahamo per signum exterius fidei in Messiam venturum, cum ante illum fuisset interius, hoc est per Circumcisionem ritu solemnem peragendam. Contra verò Chami progenies, a Noe maledicta, degeneravit a legum naturalium semita, & per illuviem scelerum propagatam in suos, rationis lumen pænè extinxit. Hinc ambitio ædificantium turrim Babel, ut celebrarent nomen suum, antequam dividerentur in universas terras. Hinc tyrannis in Nembroto, idololatria in Nino, infanda luxuria in Sodomitis. Hinc bella, clades &c.

Præ cæteris vitiis idololatriæ scelus orbem ferè corripuit universum. Illius origo a SS. Patribus Ambrosio, Hieronymo, Cyrillo, & aliis Nembroto adscribitur, seu Belo, viro superbo, & arroganti, qui homines induxit, ut ignem, & solem colerent, quasi Deum: quem errorem Chaldæi postea secuti sunt. Idololatriam in statuis Nino tribuunt scriptores antiqui. Primus enim Ninus Beli patris idolum auctoritate publica statuit reorum asylum. Causas verò idololatriæ varias assignat Salomon Libro Sapientiæ Capite 14. Prima *supervacuitas*, seu vanissima ambitio dicitur. Secunda furiosus amor in defunctos: *acerbo luctu dolens pater cito sibi rapti filii fecit imaginem &c.* Tertia, *nimius amor, & adulatio constituit inter servos suos Sacra, & Sacrificia*; tyrannorum imperio colebantur figmenta, & hos, quos palam homines honorare non poterant, propter hoc,

quòd longè abessent , e longinquo figura eorum allata , evidentem imaginem Regis , quem honorare volebant , fecerunt , ut illum , qui aberat , tamquam præsensem colerent sua sollicitudine . Quarta , fabrica imaginum ac statuarum : Provenit autèm ad horum culturam , & hos , qui ignorabant , artificis eximia diligentia &c. Quinta , ignorantia Dei , & fraus Dæmonum : Hæc fuit vita humana deceptio , quoniam aut affectui , aut Regibus deservientes homines incommunicabile nomen lapidibus , & lignis imposuerunt . Interveniente tempore convalescente iniqua consuetudine hic error , tamquam lex , custoditus est .

## C A P U T III.

*De Noachidarum forma vivendi , & utrum Jus Naturale , ac Gentium coluerint .*

**N**Oachidæ ab Hebræis appellantur Gentes omnes ab Hebræa distinctæ ; quibus præcepta Juris Naturalis erant observanda . Hæc revocantur ad septem negativa . Primum , de cultu extraneo , עבודה זרה , quo vetatur idololatria , & quodvis superstitionis , & sacrilegii genus . Secundum , de maledictione Nominis Sanctissimi ברכה השם , quod omnem blasphemiarum execrationem , seu profanationem Divini Nominis prohibet . Tertium , de effusione sanguinis , דם , qua interdictur quodvis homicidium . Quartum , de revelatione turpitudinum , גלוי ערוה , quo concubitum cum matre , noverca , uxore aliena , sorore uterina , masculo , bestia solum vetari Hebræi putabant : sed falsò ut videbimus . Quintum , de furto , & rapina , גנבה . Sextum , de judiciis forensibus , & obedientia civili . דין . Septimum , de esu sanguinis . שלא יאכלו בשרם . Joannes Seldenus juris consultus Angliæ celeberrimus ad hunc numerum se-

pte-

ptenarium redegit omnia præcepta Juris Naturalis ex disciplina Hebræorum; *Primis*, inquit, *duobus præceptis monstrantur officia hominis erga Deum*, reliquis quatuor indicantur officia hominis erga alios: & hæc sex præcepta ab ipsa Natura, & Creatore Deo dictata, veluti legem primordiale appellat. Septimum revocat ad tempus Noe, quod non solis Hebræis, sed cuncto generi humano impositum ait, Cap. 9. Geneseos: *Carnem cum sanguine non comedetis*. בשר בנפשו דמו לא האכלו. Hos Canones, & quasi capita professionis Judæi exigebant a *profelytis Domicilii*; hoc est ab illis, quos a Gentibus venientes in Civitatem admittebant sine professione Judaismi. *Profelytas* verò *justitia*, circumcissione initiatos, non modò ad septem illa obligabant; sed etiam ad Mosaicam legem, ritusque Judaicos.

Hæc disciplina juris naturalis a Seldeno hausta ex Hebraicis fontibus est imperfecta, incerta, & manca, curiositati magis, quàm usui accommodata. Ut enim rectè Puffendorfius observat, non continet principium omnibus certum, ex quo Naturæ præcepta, vel evidentè fluant, vel facili ratiocinatione colligi possint. Deindè hæc disciplina nil continet, nisi sensa Hebræorum plerumque erronea, exempli gratia fornicationem jure naturali licitam esse: qui est error damnatus.

Postremò septimum præceptum de esu sanguinis nullo modo pertinebat ad Gentes, ut colligitur ex Deuteronomii Capit. 14. *Quidquid morticinium est, ne vescamini ex eo. Peregrino, qui intra portas tuas est, da, ut comedat, aut vende ei, quia tu Sanctus populus Dei tui es*. Versio verò Hebraica dicit: לא האכל כל נבלה לך אִשָּׁר. בשרך חתונה ואכלה לו סבור לנכרי כי עם קדוש אתה לך אִלֹהֶיךָ. Accedit, quòd duo præcepta prima contineant cultum Dei tantummodò negativum, quamquàm ex primis Na-

Naturæ principii manifestum sit , Deum positivo cultu esse colendum, atque amandum.

## C A P U T I V.

*De prima rerum divisione, & dominiorum origine.*

**D**Uplex fertur communiter divisio rerum . Prima , quæ quasi dedit jus ad rem , facta est anno Mundi 1758. post Diluvium 132. , quo tempore Phaleg vivebat, qui propterea sic appellatur Geneseos Capit. 10 , *quod in diebus suis divisa sit terra*. Altera divisio , quæ dedit jus in re , a Turris Babelicæ constructione repetenda est ad annum Mundi 1931. post Diluvium 275. ei causam dedit Linguarum confusio.

Primæ saltem divisionis auctorem Noe fuisse , Divino lumine adductum , res est explorata . Prima causa fuit haud dubiè immensa multitudo Noachidarum , quæ circa molimina Turris Babelicæ in immensum excreverat . Secunda , ut vitarentur dissidia , quæ in prima rerum occupatione faciliè extitissent . Tertia , ut cultui terræ consulereetur . Nam ubi omnia sunt communia , faciliè ab omnibus negliguntur ; cessat industria in agris , arboribusque colendis , ac procurandis vitæ necessariis.

Divisionem rerum Juris esse Naturalis nonnulli censent ; quia natura illam exigit ad conservandam felicitatem generis humani . Alii putant esse Juris Gentium ; quia naturæ lege sunt omnia communia ; & licèt humana natura conservari suam tranquillitatem , & quietem requirat , non tamen exigit per se , ut conservetur hoc determinatè medio divisionis , sed per medium quodcumque determinandum consensu Gentium .

rium. Alii demùm existimant, res fuisse primum acquisitas occupatione, aliis videlicet alia occupantibus, ita tamen, ut nemini terra deesset, ex qua subacta, & exulta, ad usum vitæ unusquisque perciperet fructus suos.

Hæc occupatio violenta non erat; immo verò congruebat rerum communioni, quam Deus initio Naturæ innocenti attribuerat. Sed ubi discedere mortalibus placuit a communione primævæ, facta est divisio, sicut de rebus in medio positis, prævio Genitum pacto, saltem præsumpto, sua cuiusvis assignata sit portio.

## C A P U T V.

*Quæ fuerit Imperiorum origo.*

**F**uit erronea Donatistarum sententia, quam secutus est cum Anabaptistis Lutherus ipse, quantumvis horum inimicus; fuit, inquam, error inter Christianos, non licere imperia, eaque procedere ab irato in homines Deo; adeoque neminem posse tuta conscientia gerere Magistratum. Sed hæc doctrina confundit omnia, estque Reipublicæ perniciofa, cum foveat seditiones, inducatque Anarchiam exemplo Judæ Galilæi, tot cladium auctoris, qui dicebat, unum Deum, & Dominum esse, homines servos, non Dominos appellandos.

Falsa est quoque Bodini sententia, putantis, regna omnia vi tyrannica coaluisse. Nam Regna plura populorum consensu constituta sunt, uti Israeliticum; *Constituere nobis Regem*. 1. Reg. Cap. 8. Quocirca licet imperiorum initium, quod in Nembroth communiter constituunt, tyrannicum fuerit, id respectu im-

imperii est merè per accidens ; cum aliud sit potestas, aliud abusus potestatis.

Imperia sunt juris Gentium , quia toti humano generi communia , & ex ipsis rerum naturis , primaque eorum constitutione oriunda . Hinc Aristoteles Lib. 1. Politicorum cap. 3. ait , *nihil esse tam aptum ad jus , & conditionem naturæ , quàm imperium* . Ac , teste Tullio Libro de Legibus , *sine illo nec Domus ulla , nec Civitas , nec genus hominum , nec Mundus stare posset* . Profectò , licet in orbe novo , quem vocant , nihil ferè nobiscum commune habeant illæ Gentes , quamdam tamen Reipublicæ servasse formam compertum est.

Reges Mexicani eligebantur , Peruani succedebant . In iis etiam regionibus , quæ Regem non habent , sui sunt Duces , ac Magistratus .

## C A P U T VI.

*Quomodo Jus Naturæ , & Gentium , ex Lege Divina Scripta , & Hebræis tradita , sit confirmatum , & illustratum . Item de Traditionibus Hebræorum .*

**J**US Naturale , & Gentium , etsi maximè sit distinctum a jure Divino positivo , rectè tamen consideratur in ordine ad jus Divinum , a quo magis , ac magis illustratur . Prima pars propositionis ex eo patet , quòd Jus Naturale spectat officia hominis , quatenus homo est , non quatenus est imbutus religione revelata : Nititurque principiis ad omnium aptum accommodatis . Jus verò Divinum positivum est ex auctoritate Dei loquentis ; nec omnibus fuit revelatum , sed uni Hebræorum nationi . Secunda pars pro-

propositionis etiam probatur: Nam, Puffendorffio teste, per legem scriptam, librosque Divinos lex naturalis magnopere est illustrata, sic ut vis ullum caput sit *juris naturalis*, quod tactum non sit, ut ait citatus auctor de discip. juris naturæ cap. 1. Addit Kemerichius Puffendorffii *explanator*, in *Legibus scriptis*, & per Moysen promulgatis contineri omnes regulas honesti, decori, & justitiae, quas & David in suis Psalmis egregie illustravit: Salomon quoque variis Sapientiae regulis in suis Proverbiis, & Ecclesiaste adauxerit, quin & Prophetæ oraculorum Divinorum interpretes in suis orationibus & explicarint, & inculcarint. Subjungit denique, inter multos Hebræorum, qui præcepta morum incorrupta tradiderint, fuisse Syracidem, & auctorem libri Sapientiae.

Præcepta Decalogi præcipue ad officium hominis pertinent, & jus naturæ explicant, atque confirmant. Exempli causâ die Sabbati præscribitur cultus Dei externus in genere, primum lege naturali, quæ homines dirigit ad Majestatem Dei certis diebus recognoscendam externis actibus Religionis; estque hominum cordibus ab ipso Deo conditore inscripta; deinde lege Divina positiva, Divino Digito insculpta lapideis tabulis, populoque Israelitico per Moysen tradita: hæc ritus quosdam præscribebat in cultu adhibendo: Leges ergo Divinæ, quatenus naturales, incommutabiles sunt, & in utroque Testamento homines obligant. Positivæ ad Hebræos tantum pertinebant, & cum eorum Republica sublata una cum Testamento veteri per mortem Christi expirarunt.

Præter leges Divinas tum naturales, tum positivas, in Testamento veteri erant etiam variæ Traditiones Mosaicæ, & Pharisaicæ; illæ laudabiles, istæ vituperabiles. Præcipuæ inter Mosaicæ erant, quod libri in Hebræo Canone contenti verè essent Divini;

R. P. Const. Swięcicki O. M. Tblgi.

E quod

quod femellis remedium aliquod esset contra peccatum originale, qualecumque tandem id fuerit, sive fides parentum, sive aliquod aliud, quod Sacrificia cruenta figuræ essent mortis Dominicæ; & sic de aliis, quæ etsi non scripta, tamen tradita novimus. Inter Pharisaicas Traditiones erat lotio manuum ante, & inter comedendum, fuga publicanorum, superstitiosa observatio Sabbati; & sic de aliis, quas sæpè reprehensas a Christo Domino legimus.

Religio naturalis quoad præcipua capita, quod nempe sit Deus, quod unus, quod providus, puniens malos, & remunerans bonos, non modo per legem, seu religionem revelatam est confirmata, sed etiam articulis pluribus explicata. Quod sit Deus infinite bonus, habetur in Psalmo 72. & 144. quod ubique præsens, Psalmo 134. quod immutabilis Numerorum cap. 23., quod æternus, Psalmo 89., quod omniscius, 1. Regum cap. 2., quod omnipotens, Genesis cap. 17. Mysterium etiam Santissimæ Trinitatis in veteri Testamento, non expresse quidem, sed intelligentibus Hebraicæ linguæ sufficienter est revelatum, Genesis cap. 1. vers. 1. & 26., Genesis cap. 3. vers. 22 Genesis 11. vers. 7. cap. 19. vers. 24; & Psalmo 66. vers. 8. *Benedicat nos Deus Deus noster Benedicat nos Deus* יְבָרֵכֵנו אֱלֹהִים אֱלֹהֵינוּ יְבָרֵכֵנו אֱלֹהִים. Multa quoque diserte de Christo sunt revelata. Illud Genesis cap. 3. vers. 15. *Inimicitias ponam inter te, & Mulierem, semen tuum, & semen illius, ipsa, vel ut in textu Hebraico. ipse comeret caput tuum; וְאִשָּׁתְּךָ יִכָּוֶה בְּרֶגֶל יְבִינָהּ וְהָאִשָּׁה יִכָּוֶה בְּרֶגֶל יְבִינָהּ וְהָאִשָּׁה יִכָּוֶה בְּרֶגֶל יְבִינָהּ* il-  
lud, inquam, oraculum est quasi fons, unde manarunt omnes Dei promissiones, figuræ, & visiones de Christi Passione, atque morte. Illæ autem promissiones leguntur passim in Libris Prophetarum, & in Psalmis Davidicis ejusdem Christi Divinitas alicubi  
etiam



etiam significatur, ut in Psalmo 109. vers. 1. *Dixit Dominus Domino meo*, Vulgata enim Ebraica dicit: *Neum Jebove Ladoni szew limini*: נָאִם יְיָ לַאֲדֹנָי שָׁב לִימִנִי quem locum ipse Christus explicavit de sua Divinitate: Matthæi cap. 21. vers. 44. & clarius Isaia cap. 35. vers. 4. בִּי יְהוָה יָבוֹא וַיִּשְׁעֲכֶם *Deus ipse veniet, & salvabit vos*. Porro in veteri Lege fidem in Christum, ut Redemptorem fuisse necessariam ad salutem, certum est, Augustino teste, Epistola 89. ad Hilarium, & Lib. 1. contra duas Epistolas Pelagianorum capite septimo. Sanctus verò Hieronymus fuisse primum Adamum, qui in Christum crediderit, egregie probat Libro tertio commentariorum in Pauli Epistolam ad Ephesios.

## C A P U T VII.

*De juris naturalis conditione apud Gentiles tempore legis scripta, deque Morali Philosophia:  
item de moribus Judæorum.*

**S**ulta prudentia Philosophorum ita primas notiones, ac vera principia de officiis hominis depravavit, ut ratio iusti & honesti parum cognita fuerit iis temporibus, si unum excipias, quod omnes probe tenebant, officium hominis consistere in *operatione ad finem*, cujus vera cognitio ad recte vivendum maxime facit, eo quod ex illo discamus, quid sit agendum, quid fugiendum, ut rectè docuit Aristoteles Lib. 1. Ethicorum. Sed in fine potissimum desigando in varias pugnantisque Philosophi abjere sententias. D. Augustinus Lib. 9. de Civitate Dei cap. 7. testatur, Marcum Varronem eas curiose investigantem, ad ducentas octoginta octo numerasse. Hinc variaz Sectæ Philosophorum. Tres tamen erant præ-

cæteris celebriores, Epicureorum, Stoicorum, & Peripateticorum. Epicuræi finem, seu felicitatem hominis statuerunt in bonis corporis & fortunæ, ac proinde Divinam providentiam, animæque immortalitatem negarunt. Stoici finem, seu summum bonum fixerunt in bonis animi: hinc inter alia affirmabant, cuivis in sua virtute gloriandum; licere homini ad evadendum hujus vitæ misérias mortem sibi consciscere; affectus animi esse vitiosos; omnia regi fato; Deum esse animam mundi &c. Alii cum Aristotele finem quærebant in complexo ex corporis & animi bonis: hinc bona ponebant in triplici genere; externa, quæ parva; corporalia, quæ media; virtutes, quæ magna bona nominabant. Sic unum bonum ad aliud referebant, quod bona externa corpori serviant, corpus animæ, anima operationibus virtutum, & honestatis. Itaque hominis felicitatem, atque ultimum finem sic definiebant: *Est exercitium virtutis in anima, non carens bonis externis, & corporalibus tamquam adminiculis, conjunctum cum honestate, & jucunditate, quæ ex honestate actionis oritur.*

Sed hi omnes errarunt in vera hominis felicitate constituenda. Hæc enim non in bonis creatis consistere potest, incertis nimirum, caducis, imperfectis cum vita labentibus: sed in bono increato quærenda est, certo, perfecto, perenni, hoc est in cognitione & amore Creatoris, saltem naturali: id quod ipsa natura dictante omnibus notum est. Ex his igitur erroribus circa hominis finem fluxerunt alii circa hominis officia. Hinc magna morum in orbe corruptio ante Christum natum. Neque vero negaverim inter Gentium sapientes, maxime Stoicos, fuisse nonnullos, qui officia hominis erga Deum, & proximum, ac se ipsum confirmarint præceptis rationi maxime

con-

congruentibus, ut Cicero testatur Lib. 1. & 3 de officiis, qui & ipse hoc opus egregium ad normam præcipue Stoicorum conscripsit Sed, ut ait Apostolus ad Romanos cap 1., *cum cognoverint Deum, non tamen ut Deum glorificaverunt: obscuratum est inspiens cor eorum, traditique sunt in passiones ignominie.* Cicero ambitione, Seneca avaritia, Plato fœdis amoribus corruptus est. Aristoteles Hermiæ concubinæ aras extruxit, & honores Divinos adhibuit, ita perditè eam deperibat.

Ut de populo electo aliquid etiam, quamquam leges Naturæ per legem scriptam sint roboratæ, pars tamen potissima nationis Judaicæ assuetudine Gentium depravata est, sensimque deditit non modo præcepta Divina, ac positiva, sed ipsa etiam naturalia.

Constat id primo ex tot Prophetarum testimoniis, querelis, ac minis. Secundo ex decem Tribubus in fœdum Schisma, & idololatriam delapsis. Tercio ex tot pœnis captivitatum populi Judaici, ex ablato de Juda sceptro, ex jugo a Romanis imposito. Quarto ex Sacerdotio fœde corrupto; ex ipsa lege per Pharisæicas superstitiones adulterata.

## C A P U T VIII.

*Quid Lex Evangelica splendoris attulerit Juri Naturæ,  
quid jus civile, & Canonicum.*

**L**Ex Evangelica jus naturale idololatriæ tenebris propemodum extinctum sic illustravit, ut in multis etiam perfecit. Matthæi cap 5. ita legimus: *Audistis, quia dictum est, oculus pro oculo, & dentem pro dente? Ego autem dico vobis, Non resistere malo, sed si quis te percusserit in dexteram maxillam tuam, prabe illi, & alteram. Rursus: Audistis, quia dictum est* dili-



*in custodia legum civilium ponendum esse: Sacros Canones non minus, quam leges valere, etiam nostra volunt Leges &c.*

## C A P U T I X.

*Quid conferant ad disciplinam Juris Naturæ, & Gentium scripta quorundam Protestantium, qui sunt celebriores, hoc est, Grotii, Hobbesii, Puffendorffii, Thomassii.*

**H**ugo Grotius, genere nobilis, Batavus, egregius Philosophus, Jureconsultus, Poeta, & Philologus, cum in partes Arminianorum, qui in fœderatis Provinciis turbas excitabant, transisset, in perpetuum carcerem, Antiarminiana prævalente factione, conjectus est. Unde ope conjugis elapsus in cistâ, librorum loco, in Galliam se contulit. Eum deinde Christina Svecorum Regina Legatione Gallica ornavit. Mortuus est anno 1645. Rostochii, cum Stocholmo in Belgium rediret. Inter multa, quæ scripsit, excellit Opus de Jure Belli, & Pacis. Causa illi scribendi fuit, primo neglectus, ut ipse ait, *justitiæ, quasi nihil injustum esset Regentibus, quod utile; id æquius, quod validius; neque Rempublicam regi sine injuria posse.* Secundo, *neglectus publicæ pacis, effræni bellandi licentiæ etiam penes Christianos dominante.* Proposuit autem sibi in hoc opere, primo ut Jus Naturæ colligeret ex principiis, quæ certa essent, Jus Gentium ex veterum Philosophorum, Nationumque consensu: secundo ut Jus Naturæ Gentiumque discerneret a Jure Civili: tertio ut Sacræ Scripturæ testimonia, Theologorum sententias, Historiæ monumenta, Jurisconsultorum responsa sumeret ad ea, quæ scripsit, confirmanda. Quamquam verò in  
hoc

hoc opere Grotius. magnum doctrinæ , & eruditionis specimen dederit , tamen in multis a veritate aberravit , & ejus lectio est incautis periculosa .

Thomas Hobbesius Anglus in Libris *de cive* , ac *Leviathan* impie philosophatur . Primo statum naturalem in bello constituit , hoc est bellum contendit esse homini connaturale , idque ex jure omnium in omnia , & nocendi voluntate pariter ac facultate omnibus insita argumentatur . Secundo docet , *voluntatem solius imperantis esse regulam boni , & mali , justi , ac injusti* . Horret animus ea percensere , quæ ex illo principio flagitiosa , & impia deduxit : Primo Regulas boni , vel mali esse tantum civiles , nec quidquam justum , vel injustum fuisse , priusquam aliqua Reipublicæ forma , hoc est dominatus , vel Regius , vel optimatum , vel populi induceretur : Secundo peccatum proprie dictum nihil esse aliud , quam legis civilis transgressionem , reliqua verò , quæ contra rectam rationem perpetrantur , esse dumtaxat *facta imprudentia* , non peccata . Tertio in Christi doctrina contineri consilia , non præcepta , nec sine Principis voluntate vim obligandi habere : solos Reges efficere , ut Sacra Scriptura sit regula Fidei , ejusdem solos interpretes esse Reges ac Principes , ita prorsus , ut summa sit Religionis Principum capeffere jura , & parere imperio sive in sacris , sive in profanis : Quarto Omne regnum Dei esse politicum , & populum gubernari per Principes tamquam Dei Legatos . Quinto docet , *nihil injustum a Principe mandari posse , ejusque potestatem esse iadefinitam* . Quo ex principio intulit impias conclusiones . Primo quidquid subditus agat mandato Principis , justum esse . Secundo Mandante Principe licere subdito , vel Christum negare ; invadere aliorum bona , vel uxores , non esse furtum , vel adul-

adulterium, si Princeps id jubeat. Tertio docet, *a subditis deberi imperantibus obedientiam absolutam*. Hinc primò colligit, non posse peccare subditos suis Principibus obedientes. Secundo non posse Principes inferre subditis injuriam; illis licere etiam innocentes interficere, si cedat in eorum bonum mors innocentium. Quintò denique docet, *Ecclesiam esse indistinctam a civitate*: ex quo principio deduxit, Supremos Principes esse capita Ecclesiarum, quæ sunt in terris eorum Domini, ejusque esse Religionem, cujus est regio.

Samuel Puffendorfius, Germanus, e Misniæ ignobili pago, Lipsiæ, Jenæ, & Lugduni Batavorum Theologum egit: Verùm Theologiæ Jus Naturale, atque Gentium anteposuit, quod Heidelbergæ primùm, deinde Lundæ in Sveciæ nova Academia professus est. Edidit opus de Jure Naturæ, & Gentium, in quo multa reprobantur a Criticis ipsis Protestantibus, nedum Catholicis. Primùm, quod fundamentum Juris Naturæ, & Gentium in sola *socialitate* constituit. Hoc enim principium non est ita evidens, ut non aliquod possit evidentius reperiri: deindè non est adæquatum. Ex eo enim dumtaxat officia erga proximum, non verò erga Deum, atque se ipsum colligi possunt.

Erravit etiam Puffendorfius in ipso fine Juris Naturæ, quem sola hujus vitæ felicitate putavit esse definitum. Est quidem felicitas hujus vitæ finis hominis partialis; non tamen est adæquatus; cum præmium naturale homini tandem debeatur in alia vita. Est enim nota evidentè alterius vitæ necessitas, in qua pœna nocentes, præmium aliquod maneat innocentes: alioqui pessimè consultum esset a Deo naturæ humanæ, si probi homines in hac vita miseriis afflictæ nullum deindè virtutis præmium expectarent. Tunc

R. P. Const. Swięcicki O. M. Tblgi.

F. enim

enim nulla esset obligatio Juris Naturæ ad honestum, & justum amplectendum.

Lapsus est quoque in objecto, quod materiale appellatur, Juris Naturæ, cum docuit, *qua intra pectus latitant, nec foras prorumpunt*, ad Jus Naturæ non pertinere. Hinc ab eo utilissima pars Juris Naturæ neglecta est, quæ actiones interiores animi dirigit erga Deum. Hinc Leibnitio ipso, quamvis acatholico auctore, testante, adæquatum ejus objectum in hujus vitæ felicitate, & Reipublicæ commodis Puffendorfius constituit, atque adeò religionem utilitati status esse accommodandam, & pro hujus instrumento habendam. Quæ omnia redolent Machiavelli impietatem.

Christianus Thomasius Saxo, dum Puffendorfiū explicandum suscepit, pejorem reddidit, & ejus errores suis erroribus cumulavit. Satis est legere conclusiones quadraginta octo, quas ex institutionibus suis excerptit, & publicè disputandas proposuit anno 1694. ad modum professionis Fidei, in quibus præcipuæ sunt, quæ sequuntur. Credo, quòd disputationes de justitia commutativa, & distributiva, universali, & particulari, sint grilli inutiles. Credo, quòd ex ratione demonstrari non possit, Deum æterno cultu esse prosequendum. Credo, quòd falsiloquio uti aliquando liceat, immò præceptum sit. Credo, quòd meris rationibus naturalibus non possit demonstrari, omnem concubitum libidinosum, etiam ad bestialitatem qui pertinet, aut concubinatum, aut lenocinium esse prohibitum. Credo, quòd polygamia, etiam virilis (hoc est unius femina cum pluribus viris) mero Jure Naturæ non sit interdicta. Credo, quòd nullus incestus Juri Naturæ repugnet. Quocirca ad has Protestantium novitates, & non solum cum Catholica, sed etiam cum omni religione pugnantes, pro virili parte confutandos in hoc opere aggredimur.



R. P. CONSTANTINI SWIĘCICKI  
O. M. OBSERVANTIUM THEOLOGI.

PARS PRIMA  
DE JURE NATURÆ,  
ET GENTIUM  
IN GENERE.  
DISPUTATIO I.

*De Moralitate actuum humanorum.*

CAPUT PRIMUM.

*De prima Moralitatis origine.*



Uplex principium est, undè intima oritur moralitatis natura, scilicèt intellectus advertens, & voluntas liberè operans. Quid sit, voluntatem libere operari, remota quavis necessitate, & coactione, explicabimus infra: quemadmodum clariùs exponemus, quid sit, intellectum advertere, ad excludendam ignorantiam.

tiam. Interim verò sciendum est, actum debere procedere ex perfecta deliberatione rationis, non solum quatenus potest unum objectum cum alio conferre in ratione delectabilis, vel alio modo convenientis naturæ; sed etiam sub ratione honesti, vel inhonesti: rursus, actum esse debere voluntarium. Si enim actus esse debet liber, necesse est, ut sit voluntarius; quia intelligi non potest, potentiam, ex se indifferentem ad opposita; ad alteram partem determinari, nisi quia vult. Ergò necesse est, ut illa determinatio libera sit voluntaria per se ipsam. Puffendorius moralitatis originem excogitavit. Omnem igitur motum physicum voluntatis humanæ sine respectu ad legem esse putavit indifferentem in genere morum. *Ut plena, inquit, actio moralis fiat, huic motui physico (voluntatis humana) accedit qualitas quadam, seu affectio moralis, juxta quam actio illa bona, & mala in genere morum dicitur; quæ affectio resultat ex congruentia, aut discongruentia ejus actionis cum norma morali, seu lege.* Hic ergo modus, & ratio tota moralitatis est respectus ad legem, ut opinatur Puffendorius.

Sed. refellitur. Respectus hujusmodi ad legem de se non sufficit ad actus moralitatem constituendam. Siquidem si detur actus aliquis Physicus sub respectu ad legem positus a voluntate, quæ tamen non sit plenè libera eo genere libertatis, quo dicemus infra, tunc actus ille non erit moralis. Ex eo enim voluntas non denominaretur, nec bona, nec mala, nec laude digna, nec vituperatione. Et, si Deus ad extra ageret ex necessitate, ut putavit Aristoteles, non diceretur moraliter agere.

Secundò. Datur aliquandò moralitas actus, quin detur hujusmodi respectus ad legem: undè clarè colligitur, hujusmodi respectu non esse necessarium, &  
in

in eo non consistere rationem moralitatis. Sic in Deo dantur actus morales, per excellentiam, hoc est in genere boni præstantissimi, quemadmodum datur libertas, & honestas; quin tamen detur, aut dari possit respectus ad legem. Deindè, si homo nullum haberet Superiorem, aut si a Superiore non gubernaretur per legem: nihilominus operando sub advertentia, puta quod homicidium sit disconveniens naturæ, operaretur vel benè, vel malè: & tamen sine respectu ad legem. Præterea in præsentì providentia, posita lege, non idèò actus est moralis, quia regulatur per legem; sed potius e contrario, quia homo est moralitèr agens, & non habet voluntatem indefectibilem a bono; idèò indiget superioris lege, inclinante in bonum, & avergente a malo. Ergò esse regulabile per legem consequitur ad esse morale potius, quàm istud constituat. Et idcirco actus necessarius, & naturalis nulla lege dirigi potest. Accedit tandèm, quòd in hypothèsi Puffendorffii moralitas æque actibus externis deberet tribui, ac internis; cum utrisque detur lex: quinimmodò aliquandò actus interni a Lege respiciuntur non nisi propter actus externos, ut in lege non furandi, & dandi eleemosynam. Hoc autem nemò Philosophorum Moralium admittet; cum hominum mores, ut sic, per se primò a voluntate pendeant. Atque hæc quidem potissimæ sunt rationes, cur Puffendorffii sententiam rejiciamus.

*Solvuntur Objectiones Puffendorffii.*

Objicit I. Nullam hîc esse consequentiam a Deo ad hominem.

Resp. Licèt, ubi de perfectionibus agitur, nulla sit consequentia a Deo ad hominem, ex eo videlicet, quòd

quòd illa diversimodè in Deo sint, ac in homine; tamen ubi de rei alicujus natura, & intima ratione quæ-  
ratur, si res in Deo non minùs, quàm in homine re-  
peritur, in utroque cum eadem natura, & intima ra-  
tione detur necesse est: de modo tamen existendi infi-  
nitum certè est discrimen.

Objicit II. Sacræ Litteræ peccatum vocant Αἰσ-  
μίας, hoc est, iniquitatem: & Sancti Patres cum Au-  
gustino Lib. 22. contra Faustum cap. 27. *Dictum, fa-  
ctum, concupitum contra legem Dei.*

Resp. Quòd Sacræ litteræ, & Patres peccatum vo-  
cent iniquitatem, hoc est injustitiam, quæ ad legem  
est relativa, nihil moror. Neque enim in præsentì da-  
ri potest peccatum, quin contra legem vel positivam,  
vel naturalem sit. Illud tantum disputamus, an tota  
ratio moralitatis in actu ipso peccati sit ex respectu il-  
lo ad legem. Hoc utique non Sacræ Litteræ, non  
Sancti Patres affirmant.

## C A P U T II.

*De libertate, & proximis constitutivis Moralitatis.*

**I**N humanis actionibus reperiri libertatem non coa-  
ctioni modò, sed etiam necessitati oppositam, quæ  
libertas includit indifferentiam, seu potestatem  
agendi, & non agendi, seu agendi hoc, aut contra-  
rium, ex variis locis Sacræ Scripturæ apertè colligi-  
tur. Deuteronomii cap. 30. *Testes invoco Cælum, & Ter-  
ram, quod proposuerim vobis vitam, & mortem, maledictio-  
nem, & benedictionem. Eligite ergo &c.* הַעֲדִיתִי בְּכֶם חַיִּים אֶת  
הַשְּׂמִים וְאֶת הָאָרֶץ חַיִּים וְחַסֹּת מָוֶת לְפָנֶיךָ הַבְּרִיחַ וְהַקְלֵל וּבִחַרְתָּ בְּחַיִּים  
יִשׁוּעַ 24 optio vobis datur, eligite, quod placet. בְּחַרְוּ לָכֶם  
חַיִּים אֶת מֵי תַעֲבֹדִי. Ecclesiastici 24. *Apposui tibi ignem, &*  
*aquam,*

aquam, ad quod volueris extende manum. Quæ verba perpendens D. August. Lib. de Gratia, & libero arbitrio, cap. 12. Ecce, inquit, *apertissimè videmus expressum nostræ libertatis arbitrium*. Huc etiam pertinent illa testimonia, in quibus tribuitur homini dominium suarum actionum. Genes. 4. *Subter te erit appetitus tuus, & tu dominaberis illius*. Quem locum ad rem præsentem optimè declarat S. Prosper Lib. 2 de vocatione Gentium, cap. 4. Hinc etiam illud Ecclesiastici cap. 31. *Qui potuit transgredi, & non est transgressus; facere mala, & non fecit: idèò stabilita sunt bona illius in Domino*. Non esset enim dignus laude, vel præmio, nisi liberè id fecisset. Omitto alia Scripturæ innumera loca.

Ut actus voluntatis moralis sit, necesse est, ut procedat ex perfectâ deliberatione rationis, non solum quatenus potest unum actum, vel objectum cum alio conferre in ratione delectabilis, vel alio modo convenientis naturæ, sed etiam sub ratione honesti, aut turpis. Explicatur. Actus moralis juxta communem modum sentiendi omnium est ille, ex quo confici possunt boni, vel mali mores hominum. Sed hujusmodi est actus ille, qui est a ratione potente deliberare de honestate, vel turpitudine morum. Et hac ratione in pueris non potest reperiri actus moralis; neque in amentibus, etiam si juxta probabilem sententiam aliquod possit in eis inveniri aliqua indifferencia in operando, & aliquis discursus, & comparatio inter unum bonum, & aliud, & inter commodum, & incommodum. Ergo prædictus concursus rationis est necessarius ad morales actus. Quandoquidem duo Moralitatis principia constituimus, liberam voluntatis operationem, & intellectus advertentiam; idcirco explicandum est antea, de quonam genere libertatis sermo sit, ut actus indè procedens moralis appelletur.

Quo-

Quoniam verò libertas a contrario melius dignoscitur, idcirco explicandum, quid sit coactio, quid necessitas. Coactio est vis illata contra internum appetitum elicited voluntatis; & idcirco coincidit cum involuntario. Hæc vis voluntati inferri non potest, ne a Deo quidem. Si enim vis inferretur, exempli causa ad volendum, ita ut voluntas cogeretur velle, vellet simul, & nollet; vellet, quia velle cogeretur; nollet, quia appetitu elicito interno resisteret, & coactioni, adeoque nollet. Est enim coactio vis contra internum appetitum elicited. Si ergo cogitur voluntas, ut velit, jam elicit appetitum nolendi contra illatam vim ad experimendam volitionem. Necessitas est determinatio ad unum absque indifferentia ad oppositum. Jam verò libera dicitur voluntas, quæ utroque hoc impedimento caret. Quare si Deus concurreret ad actum voluntatis aliter, quam natura libera voluntatis postulat, hæc non ageret liberè. Libertatis hujus optimam notionem tradit Sanctus Joannes Damascenus, qui Lib. 2. cap. 22 de homine ita loquitur: *Libera potestate, & arbitrio, & cum ratione movetur. Itaque libera potestate appetit, libera potestate vult, querit, considerat, consultat, judicat, afficitur, eligit, impellit se liberè ad agendum; liberè item agit in iis, quæ naturæ consentanea sunt &c.* Est igitur de libertatis essentia plena ad utramque partem, sive contrarietatis, sive contradictionis indifferentia. Quæ quidem licet ex revelatis haud dubiè constet; tamen etiam firmissimè hæret in cujuslibet hominis, quantumvis rudis, intimo sensu. Quilibet enim de hac sua indifferenti potestate ad utrumlibet certus est lumine naturali, ita prorsus, ut argumenta, quæ quis proponat adversus istam indifferentiam, cum risu excipiat. Metus non aufert libertatem simpliciter, sed secundum quid, sci-

licet ex parte . Quod patet ex illo actu projicientis cum tristitia merces in mare, ut vitam servet in tempestate . *Nollem hoc facere , si alio modo possem vitam servare .* Concupiscentia , seu affectus sensitivus , si est antecedens, minuit libertatem in actu voluntatis; quia trahens, vel alliciens voluntatem ad assensum minuit ejus indifferentiam. Nam primò minuit advertentiam rationis ad difficultatem; secundò repræsentat objectum pulchrius, atque eligibilius, quàm sit . Auget nihilominus intensivè voluntarium, faciendo ut libentius in objectum feratur, licet minuendo libertatem, minuat voluntarii aliquam saltèm extrinsecam perfectionem . Sed de hoc fufius agemus in sequenti disputatione .

Alterum Moralitatis principium, scilicet intellectus advertentia, nequit melius cognosci, quàm ex ejus contrario, nimirum ex ignorantia, & inconsideratione . Profectò aliquando datur ignorantia antecedens, quæ est quodammodò actionis causa, quatenus tollit scientiam, quæ si adesset, non fieret actus, quantum est ex præfenti dispositione voluntatis . Et tunc reverà excusat a culpa respectu rei ignoratæ, cum faciat, ut actus non sit liber: quemadmodum inconsideratio involuntaria quò ad conditionem aliquam non consideratam: contra verò si inconsiderantia sit voluntaria . Aliquando hæc ignorantia est concomitans, si nimirum actus fiat non ex ignorantia, sed cum ignorantia . Hinc Aristoteles tertio Ethicorum capite primo, & Nyffenus Lib. 5. Phil. cap. 2. ajunt: *De prioribus tristamur, cum advenerit scientia ( ut qui occidit hominem in sylva, putans esse feram ): de posterioribus verò latamur ( ut qui occidit feram putans esse hominem ).* Jam verò utraque hæc ignorantia si est voluntaria, & privat scientia rei præceptæ, est culpabilis: si verò est involuntaria, est natura .

R. P. Conf. Swięcicki O. M. T. b. l. i.

G tu-

tura sua inculpabilis; esse autem potest affectata, si sit, ut ajunt, in se volita: crassa, & supina, si omit-  
tat diligentiam, quam cæteroquin putat quis sibi de-  
bitam in perquirendo; licet de cætero omitat, vel  
quia directè nolit; vel ob desidiam, & pigritiam, &  
quasi indirectè. Rursus si est in homine habente phy-  
sicam potestatem, est vincibilis, secus invincibilis:  
Quare prima est culpabilis, secunda non item.  
Tandem altera est ignorantia juris, altera facti. Sub  
jure comprehenditur Jus Divinum, naturale, & po-  
sitivum, aut jus humanum, ac deniquè omne supe-  
rioris præceptum: Sub facto, vel tota actio, vel ejus  
circumstantia, vel effectus, qui ex illa postea sequi-  
tur. Utrumque horum, jus, & factum, potest invin-  
cibiliter, & vincibiliter ignorari: nec dubito, quin in  
omni jure possit cadere ignorantia invincibilis, quam-  
vis facilius in jure positivo Divino, quam naturali,  
quia hoc habet cum homine magis intrinsecam con-  
nexionem; & in hoc dari non potest ignorantia in-  
vincibilis primorum principiorum. De ratione actus  
moralis in primis est, ut sit per se, & intrinsecè vo-  
luntarius. Quod est autem voluntarium, ut sit per-  
fectum, indiget perfecta advertentia rationis, quæ in  
actu non ponit aliquid præter entitatem ejus, sed so-  
lùm directionem quamdam, a qua denominatur actus  
cum advertentia, seu perfecto modo factus. Ut si quis  
voluntariè, & ex directione artis fingat monstrum,  
actio est artificiosa. Si verò volens depingere homi-  
nem casu depingit monstrum, actio non est artifi-  
ciosa; sed deficiens ab arte: & tamen si conside-  
retur physicè actio ipsa, eodem prorsus motu Phy-  
sico perficitur. Puffendorpius ignorantiam dicit idèò  
tollere imputationem actus, quia actionem reddidit  
*inviam*. Hoc falsò dicit. Non enim fieri potest,  
ut



ut invita sit actio ex ignorantia, sed potius minus voluntaria.

Itē ait, ignorantiam solum excludere imputationem in singularibus, & quæ in facto versantur, non verò in universalibus, & quæ quis scire tenetur. In quo etiam vehementer errat. Nam ratio eadem probat, aliquid imputandum non esse ob ignorantiam facti, ac non esse imputandum ob ignorantiam juris, saltē in foro interno, si utraque sit involuntaria. Quod etiam constat ex proscriptione hujus Thesis per Alexandrum VIII. *Ignorantia invincibilis Juris Naturæ non excusat a peccato operantem ex ipsa.*

Contra libertatem indifferentiæ acriter pugnatum est a Leibnitio ex capite Principij rationis sufficientis. Contendebat hic auctor, dari debere aliquam rationem, cur res ita sit potius, quàm aliter: rursus cur voluntas, etiam Divina, rem ita velit potius, quàm aliter: secus diceretur Deus operari sine ratione: quod repugnat Sapientiæ Divinæ: *Ita se habet, ait, voluntas, quemadmodum bilanx impositis hinc inde ponderibus: eo nimirum inclinatur bilanx, ubi majus est pondus: nec secus voluntas id eligere debet, quod eligibilius est, & apparet.*

Hoc præclarum principium rationis sufficientis, quod a se putat excogitatum Leibnitius, novum non est; sed antiquum, & a Catholicis Doctoribus impugnatum. Concedo igitur, dari debere rationem aliquam, cur Divina voluntas rem uno modo velit, & non alio: sed hæc ratio non semper ab ipsa voluntate distincta est. Neque enim dari debet ratio determinans voluntatem Divinam ad eligendum unum potius, quàm aliud, quia hoc contradicit perfectioni ipsius Dei, Entis summè activi, & liberi. Exemplum bilanci non est ad rem. Nam bilanx est potentia merè passiva; non ita verò voluntas. Ut autem constet, Leibnitia-

nam rationem sufficientem coincidere cum veteri sententia de *judicio practico intellectus determinante voluntatem ad operandum*, quam sententiam Scotus Theologorum Princeps argumentis firmissimis confutavit; proponam rationes pro ea sententia, quibus utitur Leibnitius, & quas exscripsit e Catholicis Doctoribus homo A Catholicus. Simul eas Catholicorum veterum verbis breviter diluam.

In favorem Sententiæ, quod scilicet voluntas, dum liberè vult, a ratione determinetur, ratio esse potest, quia voluntas non potest ferri nisi in objectum cognitum, & per rationem propositum, cum sit appetitus rationalis, ut ait Aristoteles 3. Ethicorum cap. 2. Ergò donec ratio determinatè judicet, quid eligendum sit, non potest voluntas eligere; aliàs tenderet in objectum incognitum. Ergò & e converso, stante illo definito judicio, *Hoc esse eligendum*, non potest voluntas non eligere, quia aliàs etiam tunc sine ratione duceretur: & formalitèr, vel virtualitèr saltèm ferretur in incognitum, quia non eligendo, vel formalitèr, vel virtuali actu refutat illud objectum, vel vult non amplecti talè medium sine ulla ratione, vel judicio. Repugnat ergò, voluntatem sic operari. Rursus, si unum tantum adest judicium ( seu ratio ) illud omninò sequetur voluntas; quia non habet illud aliud, ad quod se vertat. Si verò adsunt plura, necessariò sequitur illud, quod est de utiliori medio, aut meliori objecto: atque ita semper determinabitur a judicio. Hæc sunt fundamenta sententiæ Leibnitianæ. Hæc tamen solidè a nonnullis Theologis impugnantur hoc modo: Si illud judicium rationis est ita prærequisitum ad operandum, ut in suo genere sit causa necessaria ad actum liberum voluntatis; & illo judicio posito, voluntas non potest non consentire illi;

li; ergò voluntas non est talis potentia, quæ, positis omnibus absolutè requisitis ad operandum, possit velle, & non velle. Ergò non est potentia libera. Totà collectio videtur evidens, & declaratur ampliùs; nàm, posito judicio, voluntas ex necessitate vult in sensu, ut ajunt, composito. Atque hoc quidem argumentum videtur esse a posteriori, & ab inconvenienti: En aliud veluti a priori: Judicium intellectus non movet voluntatem, nisi medio objecto, quod proponit: sed objectum propositum non semper infert necessitatem voluntati, aut determinat illam ad unum, neque hoc est necessarium, ut voluntas possit in objectum tendere: ergo nec est necessaria ex parte judicii, immò nec est possibilis talis determinatio. Quòd autèm voluntas ab objecto proposito non semper determinetur ad unum, patet. Nam perindè est dicere, *voluntatem non necessitari ab alio*, ac, non determinari ad unum ab illo. Sed est certum, eam non necessitari ab objectis; ergò nec determinari ad unum. Igitur quoad exercitium solùm in patria ab infinita bonitate Dei clarè visi determinatur voluntas ad unum: quò ad specificationem verò a bono in communi, aut similibus objectis; non verò ab omnibus; quia in omnibus non apparet aliqua necessaria ratio boni, vel non apparet talis bonitas, quæ non habeat admixtam, vel malitiam, vel incommodum aliquod, aut defectum. Quamvis autèm objectum non sic determinet voluntatem, potest esse tamen ita sufficiens ad excitandam, & alliciendam illam, ut ipsa sua libertate determinetur, aut feratur in illud.

Ad fundamenta sententiæ Leibnitianæ responderunt Theologi multis ante Leibnitium sæculis. Ex eo, quòd voluntas non potest ferri in incognitum, solùm habetur, necessarium esse judicium intellectus, ut

voluntas possit eligere , non verò sequitur oportere , ut illud iudicium determinet voluntatem ad unum . Sufficit ergò illud iudicium , quo medium hoc iudicatur utile , & pensatis omnibus , aptum , ut eligi possit : & idem est , de quolibet & objecto bono , quod semper iudicetur sufficientè bonum , ut amari possit . Ratio sufficiens requiritur etiam in Deo respectu actuum voluntatis in sententia Leibnitii , undè hic infert , Deum semper eligere quod optimum est , nec aliter posse , nec posse creare duo perfectè similia .

Jam Theologi hoc principium Leibnitii , etiam Deo applicatum , præoccuparunt . Ajunt ergò , ut Deus in æternitate sua aliquid extra se determinatè , ac liberè velit , non oportere , ut ante omnem determinationem liberam præcedat , nostro modo intelligendi , in intellectu divino hoc iudicium : *Hoc mihi omnino amandum est , aut eligendum* . Esset enim tale iudicium temerarium , ac sine fundamento , & in rigore falsum . Nam includeret , quòd tale objectum extra Deum sit ipsi Deo aliquo modo necessarium . Solùm ergo antecedit iudicium , quòd tale objectum sit conveniens , aut eligibile . Ad hæc duorum similium impossibilitas probari non potest . Et voluntas Divina inter hanc materiam , & aliam omninò æqualem , & similem & inter hos cælos , & alios omninò æquales ( & sic de aliis rebus ) hos eligit creare præ aliis : hoc autèm non potest referri in iudicium in æquale , seu in rationem potiorè ; quia nèque ex parte ipsorum , nec ex parte Dei est aliqua ratio , qua possit fundari tale iudicium , quod verum sit . Est ergò illa præelectio solùm ex determinatione libera divinæ voluntatis . Et quàmvis probari posset a Leibnitianis , repugnare duo perfectè similia , & unum esse debere altero melius ; tamèn hoc volun-

luntati divinæ est necessariò concedendum, eam non teneri, quod melius est, eligere; quia potuit meliora facere, quàm fecit, & tamen noluit.

Quocirca omnes Theologi docent, Incarnationem Dei fuisse optimum medium ad redimendos homines, idquè necessariò judicasse Deum priùs ratione, quàm illud vellet, & nihilominùs, stante illò judicio, potuisse Deum id non velle, sed aliud.

Censent ergò Theologi probabiliùs, non determinari voluntatem necessariò ad id, quod est melius, ex vi judicii. Probant verò sic: Hoc ipso, quòd neutrum proponitur, ut necessarium, potèst voluntas utrumque non amare; ergò etiam potest indifferentè amare quodlibet illòrum, prætermisso alio. Judicium itàque de meliori, vel utiliori medio, non determinat voluntatem ad illud volendum. Tamèn ex vi prioris actus, aut intentionis voluntatis, fieri pòtest, ut omninò determinetur ad eligendum utilius medium, si illa major utilitas necessaria sit ad consequendum finem, prout fuerat intentus; sed tunc jam non est tantùm utilius, sed necessarium ad talem intentionem explendam. At si illa major utilitas non sit necessaria ad intentionem finis, judicium de illa non determinabit voluntatem, ut omninò tale velit medium.

Quandò tandèm unum repræsentatur objectum, & unum est judicium, quo intellectus judicat illud esse conveniens, & dignum, ut appetatur, & quantum potest, practicè invitet voluntatem, ut illud appetat; adhuc potest voluntas pro sua libertate illud non amare; quia ad non exercendum actum præcise non indiget alio judicio, sed satis est, ut per illud, quod homo nunc habet, non judicèt hoc bonum hic, & nunc esse sibi necessariò diligendum; undè potest tunc voluntas vel suspendere actum, vel divertere in-

let-

tellektum , ne de illo objecto cogitet , vel applicare illum, ut de illo objecto diligentius inquirat, quanta sit ejus bonitas , & an habeat conjunctam aliquam malitiam, vel disconvenientiam, ob quam possit non solum non amare illud, sed etiam odisse. Nunquam ergo judicium ut sic, determinat voluntatem.

### C A P U T III.

*De intrinseco principio Moralitatis.*

**D**Ei voluntas, ut plerique Catholicorum docent, sive quid jubeat, sive prohibeat, non est tota ratio bonitatis, & malitiæ, quæ est in observatione, & transgressionem legis naturalis; sed supponit in ipsis actibus necessariam quamdam honestatem, vel turpitudinem, & illis adjungit peculiarem divinæ legis obligationem. Ratio est, quia si odium Dei, exempli causa, non haberet aliquam rationem intrinsecæ malitiæ priorem prohibitionem, posset non prohiberi. Nam cur non posset, si malum per se non esset? ergo posset licere, vel esse honestum, quod plane repugnat.

Puffendorfius omnem moralitatis vim in Dei voluntate quadam determinata reponit, aitque primum illius autorem esse Deum, qui noluit, mortales hanc vitam sine cultu, sine more, brutorum instar, vivere. Addit, Moralitatis attributa superaddita rebus physicis ex arbitrio Dei, adeoque unice per ejus determinationem existere. Agnoscit etiam alicujus Moralitatis originem in hominum voluntate, qui leges condiderunt, eamque moralitatem iis actibus tribuit, qui a lege humana dependent. Tandem affirmat, posse Deum auferre moralitatis vim cunctis actibus hu-

humanis: quod si faceret, manerent tunc physicè actus iidem, qui ante ab eo moralitatis modum acceperant: iis vero actibus, qui hominibus debent Moralitatis originem, affirmat etià homines posse auferre modum Moralitatis. Unde patet, omnem omninò actionem moralem; Puffendorffii sententia, vel ex Dei, vel ex hominum voluntate pendere.

Hæc enim verò Puffendorffii dogmata atrocissimum illi bellum concitaverunt non a Catholicis modò, sed a suis etiam Lutheranis, aliisque Protestantibus, qui cum Velthemio querebantur, sibi eripi honestum, ac turpe per se, & antecedentèr ad voluntatem divinam. Nihil his territus gregalium querelis eos ille vicissim coarguebat, quòd actus in se, & per se justos, aut injustos admitterent. Sic enim habet in Specimine controversiarum cap. 5. *Quid ergò ad jus naturæ Deus contulit, si actus illi ante ejus præceptum in se justi fuerunt, aut injusti? Humanis quidem Legislatoribus illud per se justum, & injustum opponi debet; nequaquam autem Deo; quia voluit, & fecit, ut actus illi necessariò humane naturæ congruerent, vel non congruerent; & quem nulla necessitas subigebat, ut istos actus præciperet, aut vetaret, nisi quam ipse sibi fecerat, & quæ fluebat ex fine, quem sibi liberè proposuerat.* Sed hic modus philosophandi rejicitur a Catholicis, deindè a Leibnitio. Catholici enim ajunt, actus, qui lege naturæ præcipiuntur, aut prohibentur, naturà suà esse honestos, vel inhonestos: Refellunt enim Diogenis Cynici eam sententiam, *Justum, & turpe non naturà esse, sed lege.* Rursus ajunt, Deum per legem naturalem induxisse homini novam obligationem, per scriptam pœnas comminatum fuisse, ac præmia promississe. Sanè inter Deum, & homines Legislatores magnum esse discrimen. Non enim homines præcipere possunt, quæ præcipit Deus, nec iisdem

R. P. Const. Swięcicki O. M. Tblgi.

H me-

mediis promovère legis observantiàm . Tamèn non minùs respectu Dei dantur actus per se morales, hoc est mali, vel boni, quàm respectu hominum . Illud profectò liberum Deo fuit, creare homines, vel non creare: posita autem hypothèsi de hominum creatione, non fuit integrum Deo, dari, vel non dari actus morales in ipsis hominibus.

Leibnitius meritò Puffendorhium insectatur in Epistola censoria, quam scripsit anno 1709. ad Abbatem Molanum: *Neque, ait, ipsa norma actionum, aut natura justì a libero ejus ( Dei scilicèt ) Decreto, sed ab aternis veritatibus divino intellectui objectis pendet, qua ipsa, ut ità dicam, Divina essentia constituuntur: meritòque a Theologis auctor reprebensus est: quando contrarium defendit, credo, quòd pravas consequentias non perspexisset; Neque enim justitia essentiale Dei attributum erit, si ipse jus, & justitiam arbitrato suo condidit. Sed aliquo in loco sententiam suam videtur Puffendorhius circumscribere. Sic lib. 1. c. 2. de Juræ Naturæ, & Gentium ait, Entia moralia pleraque, ut inducerentur, postulasse ipsam hominis conditionem a Creatore Deo Opt. Max. eidem pro bonitate, & sapientia sua assignatam. Et in specimine controversiarum cap. 5. Voluntas Legislatoris non concipienda est tamquam cæcus quidam impetus animi, & mera libido nulla ratione subnixæ. Ultima ratio harum legum est, quia earum observatio ad naturam, & conditionem hominis ità quadrat, ut ex illa hujus incolumitas, & felicitas, sicuti ex ejusdem neglectu calamitas, miseria, & destructio dependeat. Et lib. 2. de jure Naturæ, & Gentium cap. 3. Et si, inquit, nulla necessitas Deum adegerit, ut omninò hominem crearet; tamèn postquàm ipsum destinasset creare animal rationale, ac sociale, non poterat non lex naturalis illi congruere, non ex necessitate absoluta, sed hypotbetica. Si enim is ad contraria officia fuisset adstrictus, non sociale animal, sed alia feri, &*  
bor.



*horridi species animantis fuisset producta* : Ex quibus videtur posse inferri , moralitatem hanc , atque adeò legem ipsam naturalem datam homini a Deo convenienter ad naturam ipsam humanam ; & ex hypothesi creationis naturæ humanæ fuisse Deo necessitatem dandi ejusmodi legem ; Undè etià sequitur , naturam ipsam exigere talem convenientiam : In actibus igitur naturæ convenientibus est quædam honestas , & turpitudine ante omnem Dei voluntatem , tamquam Legislatoris .

Verùm si natura humana concipitur prius a Deo creata , & quidem liberè cum talibus proprietatibus , dicamus oportet , potuisse illam a Deo cum aliis proprietatibus creari , ut nimirum honesta forent , quæ nunc inhonesta sunt , & viceversa . Ergò ultima ratio harum legum non est ( ut vult Puffendorpius ) incolumitas , & felicitas naturæ humanæ ; sed est ejus libera voluntas , qua homini talis natura fuit destinata . Si verò non alia poterat a Deo dari natura homini ( posito libero decreto hominem creandi ) , nisi cui congruerent hæ proprietates , & principia moralitatis ; ergo falsum est , quod ait Puffendorpius Lib. 1. cap. 2. de Jure Naturæ , & Gentium : *Nemo unquam , præter Deum , homini dedit , ut talem habeat naturam , ut talis actuum ab ipso exercendorum esset indoles . Cum autem Deus hominem crearet , cum talem ipsi , ejusque actibus naturam daret , quam maximè voluntariè creabat : Igitur moralitas illa actuum humanorum ad voluntatem Dei antecedenr se habere falsa dicitur .*

Atque hinc argumentum conficio : Si actuum humanorum moralitas falsò dicitur se habere ante Dei voluntatem ; ergo & ex Dei voluntate iidem , quæ nunc sunt , actus morales , tales non esse poterant : & qui sub una Moralitatis specie continentur , pote-

rant sub alia contineri, scilicet ante Dei decretum liberum. Quare homicidium tota cum mentis advertentia, & voluntatis plena libertate patratum, potuisset non esse actus moralis, adeoque peccatum: quinimodò potuisset, vel ipsum Dei odium esse sub specie morali honestatis.

Neque illud obstat, quod ait ipse Puffendorfius; *Nec est quem moveat illa dubitatio: Si omnis actuum humanorum moralitas a lege dependet, an non Deus potuerit legem natura constituere, ita ut contraria forent praecepta illis, quae jam sunt: verbi gratia, ut inter officia hominis mutua essent, occidere, furari, machari, calumniari: inter vetita autem, gratum animum exhibere, pacta servare, mutuum reddere, & similia. Hic etsi supervacuum, ac petulans videatur querere quid Deus facere potuerit, cum consles, quid fecerit; tamen, si cui etiam vana convellere cordi sit, facile reponere potest, illam dubitationem non obscure contradictionem involvere. Nam etsi nulla necessitas Deum adegerit, ut omninò hominem crearet; tamen postquam ipsum destinasset creare animal rationale, ac sociale, non poterat non lex naturalis illi congruere, non ex necessitate absoluta, sed hypotetica. Si enim is ad contraria officia fuisset adstrictus, non sociale animal, sed alia feri, & horridi speciei animantis fuisset producta.*

Hoc, inquam, non obstat, nam quando absurda illa inferimus ex Puffendorfi principiis, scilicet potuisse diversimodè constitui actus morales, non hoc dicimus, quasi Deus potuisset voluntatem, quam ab aeterno habuit, mutare; sed tantum; quòd potuisset ab aeterno statuere, ut, qui modò sunt actus mali, essent boni, & viceversa. Et quandoquidem integrum Deo fuit, ut Puffendorfius existimat, hanc determinatam naturam homini tradere; potuisset aliter hominem constituere, ut nimirum odium Dei, perjurium,

rium, atque alia hujusmodi essent bona; & amor Dei, & veracitas essent mala.

Hinc ordo a Puffendorffio in hac re constitutus valde præposterus est. Ait enim in specimine controversiarum cap. 5. *Primò omnium concipitur homo, tamquam creatura rationalis, a Deo liberè producenda. Inde concipitur habitudo ipsorum actuum ad normam dirigi aptorum: post hanc lex tamquam norma, ad quam actus isti necessariò referendi, & dirigendi sunt: ac demùm concipitur honestas, & turpitudine, tamquam affectiones actuum ad normam relatorum.* Ordo autem hic, ut dicebam, præposterus est, neque ita rectè instituitur, ut sapientèr de honestate, ac turpitudine actuum possimus judicare. Quare primò concipienda est honestas, & inhonestas actuum, quæ quidem in Deo adverti potest. Nam turpe esset in ipso Deo velle mentiri, honestum implere promissa, & hoc independentèr a qualibet lege, & quolibet actu Divinæ voluntatis. Tùm concipiatur creatura rationalis liberè a Deo creata cum suis proprietatibus; qua posita, habetur principium remotum, & fundamentum moralitatis. Nam principium proximum est advertentia intellectus, & libera voluntatis determinatio. Inde lex naturalis actus aliquos ulteriùs præcipiens, alios vetans: & quidem actus illi non idèò honesti sunt, quia lege præcipiuntur, & alii turpes, quia prohibentur: Sed e contrario, idèò præcipiuntur, quia honesti; idèò prohibentur, quia turpes. Qua posita lege, actus ipsi novam induunt speciem bonitatis, & malitiæ ex legis obligatione; ad quam referuntur. En rectus ordo moralitatis, quem planè confuderat mens clarissima Puffendorffii.

: Quibus positis, facili negotio diluuntur quæ objicit Puffendorffius. *Quilibet, inquit, actus citra legem, sunt omnino indifferentes. Remota enim lege, removeretur quid*

quid est morale in actu illo. Ergò si ab his omnibus, adulterio, furto, homicidio, incestu, aliisque, removeas respectum ad legem, erunt hæc prorsus indifferentia. Quòd autem multi naturalem istam indifferentiam agrè concipere queant, indè est, quòd a teneris vitiorum istorum detestatio fuit nobis inculcata: quæ opinio simplici adhuc menti impressa in vim naturalis cujusdam affectus evadit.

Sed hujusmodi objectiones & multò ante prænotaverant Doctores Catholici, & egregiè simul confutaverant. In his Franciscus Suarez in primam partem secundæ B. Thomæ tract 3. disp. 7 sect. 1. objecerat sibi: *Nullus actus voluntatis potest ex vi sue entitatis positivæ habere malitiam, sicut bonitatem*. Ergò in tantum potest illam habere, in quantum deficit a regula voluntatis, quæ est lex. Ergò non potest intelligi actus malus sine lege extrinseca prohibente. Confirmatur, quia non potest intelligi malitia actus sine obligatione non faciendi; sicut neque e contrariò intelligi potest malitia in carentia actus, nisi sit obligatio operandi. Sed omnis obligatio oritur ex lege extrinseca præcipiente, vel prohibente. Ergò sine hac nulla est malitia: ergò sicuti talis lex non est intrinseca actui, ita neque ulla malitia.

Hæc sanè objectio videtur adeò placuisse Puffendorffio, ut eam sibi adoptarit in argumentum firmissimum. Sed debuerat responsionem expendere, quam tradit eximius Doctor. Cum dicitur, *omne malum debere esse contra prohibitionem, vel contra debitum, si intelligatur de intrinseco debito naturæ rationalis, ut sic, est verum, quod assumitur: & ex illo debito nascitur judicium rectæ rationis prohibens, judicando convenientiam naturæ, & malitiam contrariam, non imponendo novam obligationem; & hoc satis est ad omnia, quæ ibi assumuntur; neque est necessaria alia major prohibitio exterior, ut dictum est: quarevis de-*  
fa-

*facto semper hac concurrat ex perfectione Divina providentia.*

## C A P U T IV.

*De honestate actum humanorum.*

**E**st hic operæ pretium, duo honestatis genera, seu duas boni honesti species rectè distinguere. Uno modo in ordine ad actiones morales humanas, prout recta ratione, & prudenti dirigi possunt: & hoc bonum honestum dicitur, quòd per se decet hominem ratione utentem. In hac verò acceptione non consideratur aliqua commoditas, quæ ex tali bono ad eum hominem redundet, respectu cujus dicitur bonum. Hæc enim, licet sæpè intercedat, per se tamen necessaria non est ad honestatem; sed sufficit illa decentia & proportio, quæ reperitur inter tale bonum, & naturam, quæ operationes suas recta ratione dirigit. Sicut dare eleemosinam est honestum, quia est per se consentaneum naturæ rationali, etiamsi per impossibile homo sic operans nullam inde utilitatem, vel commoditatem caperet, præter ipsum rectè operari. Quomodo etiam respectu Dei dicitur esse conveniens, & honestum se se communicare, benè facere, & misereri, non quia illi sit commodum, sed quia est per se decens, ac proportionatum illius bonitati. Bonum ergo honestum hac ratione explicatum dicit peculiarem rationem convenientiæ; & ex parte rei, quæ honesta dicitur, includit perfectionem ejus cum omnibus conditionibus, vel Physicis, vel moralibus ad prædictam convenientiam cum rationali natura necessariis. In hac acceptione habemus mali naturam a D. August. lib. de natura bo-  
ni

ni adversus Manichæos cap. 23. *Malus modus, vel mala species, vel malus ordo, aut ideo dicuntur, quia minora sunt, quam esse debuerunt, aut quia non his rebus accommodantur, quibus accomodanda sunt, ut ideo dicantur mala, quia sunt aliena, & incongrua.* Et libro secundo de moribus Manichæorum: *Malum est, quod contra naturam est.... id est ipsa inconvenientia, quæ sine dubio non est substantia, sed inimica substantiæ. Quatuor ipsa, quæ in promptu sunt, elementa: quis dubitet prodesse per convenientiam, inconvenienter autem adbibita vehementer adversa esse naturæ?* Alio modo sumi potest bonum honestum non in ordine ad mores, sed in ordine ad naturam, & est illud, quod per se perficit naturam, & est commodum illi, etiam seclusa ratione virtutis, ut est sanitas, integritas, & vita ipsa, quam interdum amare, vel tueri turpe est, etiam si per se maxime conveniens naturæ videatur. Et hoc bonum videntur antiqui Philosophi appellasse *bonum naturæ*, quod distinguebant a bono honesto, quod per se decens appellabant, ut colligitur ex Cicerone libro tertio, & quarto de finibus. Quia tamen hoc bonum naturæ per se conveniens est, & amabile, ideo ita censetur comparari appetitus naturæ ad hoc bonum, sicut appetitus rationalis ad bonum per se decens: atque hac ratione in ordine ad naturam hoc bonum comprehenditur sub bono honesto. Accedit etiam, quod hæc ratio boni sufficiens est, ut ipsum honestè appetatur, si aliundè impedimentum aliquod non intercedat.

Cum enim recta ratio sit, quæ homo debet gubernari; ad illam pertinet ea, quæ sunt naturæ commoda, & consentanea proponere: nisi aliundè aliquid obstet, vel majus aliquod incommodum consequatur. Hoc igitur modo loquendo de bono honesto, conceden-

dendum est, potius animæ esse quædam honesta bona, non quidem eo modo quo virtutes, quibus male uti non possumus, sicut potentiis ipsis: qua propter ab Augustino hæc maxima, illa verò media bona esse dicuntur: sed ea ratione, quæ bona pertinentia ad integritatem naturæ per se convenientia sunt, & quantum ex ipsis est, rectè amabilia: atque hoc modo ipsum esse, & vivere, & sapere honesta sunt. Nequè solum inhærentia bona, sed etiam res extrinsecæ, quæ interdum sunt per se convenientes, saltè ut objecta vitalium actuum, inter hæc bona honesta computantur.

Hinc intelligitur illa boni divisio in morale, & naturale. Bonum morale idem est ac bonum honestum, quod per se decet, & est consentaneum naturæ rationali. Bonum naturale illud dicitur, quod est cuiusque naturæ conveniens. Atque hoc definitur ab Aristotele Ethicorum initio, *id, quod omnia appetunt*. Et quamquam bonum morale dici etiam potest bonum naturale, quia natura rationalis quædam natura est; tamèn, quia natura sumi potest duplici modo, & ut significat essentiam rei, & ut dicit præterea modum operandi, vel ex necessitate, vel ex libertate, hinc fit, ut bonum respiciens quamlibet existentem naturam secundum id, quod naturaliter est, vel naturaliter, & ex necessitate, & solo naturæ impetu potest operari, dici soleat bonum naturale. Bonum verò, quod est consentaneum rei, ut elevatur ad modum operandi liberè, quod propriè convenit naturæ, ut rationalis est, dicitur bonum morale: licèt etiam latè sumpto vocabulo possit appellari bonum naturale. Hinc etiam fit, ut bonum hoc morale præcipuè consistat in operatione libera; conveniat autèm proprio objecto ejus, quatenus honestum est,

& virtuti, quæ est principium ejus: quemadmodum dixit Aristoteles 2. Ethicorum cap. 6. *virtutem esse, quæ bonum facit habentem, & opus ejus bonum reddit*; Itaque bonum naturale ab honestate præscindit, secus verò bonum morale, cum sit hujus proprietas essentialis ipsa honestas.

His constitutis perspicuum est, quàm turpiter **Wol-**fius erravit in statuenda Theoria actionum humanarum, omnisque Juris Naturalis. Ut enim constituat honestatem actuum liberorum, hæc ponit theorematum in *Philosophia Practica universalis demonstrata methodo geometrica* a §. 49. usque ad 55. *Actiones liberae bonæ per easdem rationes finales determinantur, per quas determinantur naturales, malæ autem per diversas. Si actiones liberae per easdem rationes finales determinantur, per quas determinantur naturales, bonæ sunt; si verò determinantur per diversas, malæ sunt.*

Hoc principium appellat ipse facundissimum in *Philosophia practica*, utpotè cui reliqua innituntur ab ipso posita legis naturalis principia. Nam §. 179. expressè habet: *Determinatio actionum liberarum per easdem rationes finales, per quas determinantur naturales, non verò per diversas, est principium cognoscendi leges naturales, & omne Jus Naturale.* Et supra §. 154. dixerat: *Lex naturæ nos obligat ad determinandum actiones liberas per easdem rationes finales, per quas determinantur naturales, non verò per diversas, seu ad non determinandum per diversas: Unde infert §. sequenti: Qui actiones suas liberas determinat per easdem rationes finales, per quas naturales determinantur, legem naturæ servat: qui verò eas determinat per rationes diversas ab iis, per quas determinantur naturales, legem naturæ transgreditur.* Ex quibus patet, totam honestatis rationem a **Wol-**fio reponi in conformitate actionis liberæ cum ratione finali determinante actionem naturalem. Sed quæ-



quænam esse debent rationes finales, seu quinam esse debet *Wolfio* finis determinans actionem naturalem? Non alius profectò, nisi finis a Deo intentus: Sic enim habet in Theologia naturali parte 1. cap. 4. & in Philosophia practica §. 46. Quinam verò sint fines rerum naturalium, habet ille §. eodem: *Usus facultatum animæ, & organorum corporis sunt fines a Deo intenti: Quoniam igitur in harum numero etiam sunt facultates animæ, & organa corporis humani; quin eorundem quoque usus sint fines a Deo intenti, dubitari nequit. Jam verò quinam sunt usus, quos habent, vel sigillatim, vel conjunctim organa corporis, & facultates animæ. Respondet: Sensus hunc habet usum, ut eorum, quæ sunt, ac fiunt in Universo, cognitionem acquiramus. Quòd si igitur agimus quidpiam, ut cognitionem cujusdam, quod in Universo est, vel contingit, nobis acquiramus sine duce; cognitio ista finis est, quam intendimus. Similiter organa vitalia simul sumpta hunc habent usum, ut eorum functionibus vita conservetur. Quando igitur vita conservanda gratia quid agimus, & functiones organorum vitalium eò dirigimus, conservatio vitæ finis nostra actionis est. Qui usus est ex parte rei, veluti ex parte sensuum, & organorum vitalium; finis est ex parte agentis, qui libera voluntatis determinatione usus istius compos fieri desiderat.*

Verùm finis a Deo intentus estne *Wolfio* usus prædictus sensuum corporis, & animæ facultatum? Hoc *Wolfius* clarissimè affirmat loco citato: *Cognitio eorum quæ sunt, ac fiunt in universo, sibi acquirenda, & conservatio corporis, sunt fines, quos Deus intendit, dum hominem produxit, cui insunt sensus, & organa sensoria, atque vitalia. Ex his colligit idem Wolfius §. 47. Si agens idèò agit, ut eum, quem habere possunt, usum facultates animæ, & organa corporis, actum consequatur; actiones libera per easdem rationes finales determinantur, per quas determi-*

*nantur naturales : Si verò quid ab eo diversum intendit , actiones libera determinantur per rationes finales , diversas ab iis , per quas determinantur naturales .*

Ex quibus infertur , non aliam statui a Wolfio honestatis regulam in actionibus liberis , nisi ductam ab usu sensuum corporis , & facultatum animæ , qui respiciat vitæ conservationem . Sed quid agendum erit , quotiès usus organorum corporis , & facultatum animæ sint legi Divinæ repugnantes ? eruntne tunc fines a Deo intenti ? Rursus cum usus , & finis omnium organorum corporis , & facultatum animæ , sit vitæ conservatio ; sequitur indè , nihil fore inhonestum , quod ad vitæ conservationem conducatur , ac proindè excusabitur turpissimum Ammonis facinus lib. 2. Reg. cap. 13. Nec verum erit , quod ait S Augustin. Tract. 51. in Joannem , *prestare aliquando Deo dilecto emori , quàm contempto vivere* : Et lib. 19. de Civitate Dei cap. 3. & 13. *Quoniam animi aequitas , & corporis salus , utrumque bonum est , bonique amissione dolendum est potius , quàm latandum , si tamen non sit compensatio melioris ; melior est autem animi aequitas , quàm corporis sanitas . Hinc est quod virtus , id est ars regenda vitæ quaedam minora , si necessitas postulet , propter maiora , vel adipiscenda , vel tenenda , contemnat . Omnium autem bonorum , vel animi , vel corporis nihil sibi virtus omnino præponit .*

Nonnulli , ut Wolfium defendant , ajunt , eum posuisse regulam honestatis in usu , non quocunque , sed bono organorum corporis , & animæ facultatum .

Sed qui sic Wolfium defenderet , hominem repræsentaret non ingeniosum quidem , & principia moralitatis geometricè pertractantem , sed valdè crassum , & rudem , eumque ineptissimè de principiis hisce agentem exhiberet . Siquidem Wolfi systema huc tandem  
eva-

evaderet: Eas esse actiones honestas, quas agens operatur usu bono organorum corporis, animaque facultatum; eas vero esse inhonestas, quas usu malo efficit. Uno verbo. Bona actio est bonus usus, mala actio est malus usus. Quo quid ineptius? Non ita Wolfium intellexit ejus defensor Joannes Justinus Schieffschmidius Lipsiensis in præcognitis juris Civilis, Neapoli editis anno 1756. Tomo Secundo jurisprudentiæ juvenilis, §. 18. scribens; *Natura nos obligat, ut ea faciamus, quæ animam, & corpus perficiunt. Hanc vocem perficere explicat ipse §. 21. Status externus perficitur comparatione bonoris, jucunditatis, & rerum externarum. Natura obligatur ad comparationem bonoris, jucunditatis, & rerum externarum.* Hæc Wolfio est animæ, corporique perfectio, ad quam natura obligamur. Scilicet perfectio boni merè naturalis, quæ quidem, aliquo intercedente impedimento, non modo omittenda, sed etiam fugienda sit. Ex his constat, aliundè esse eruendam veræ honestatis regulam, quàm a simplici natura.

## C A P U T V.

*De Veterum Philosophorum interna actuum honestate  
sententia.*

**I**Nternam hanc in actibus humanis honestatem agnovisse visi sunt Sapientiores Græci, & Philosophi Ethnici. Sic Aristoteles Lib. 3. Ethicorum cap. 5. naturali vi ingenii tribuit non minùs vera judicare, quàm voluntati bonum amplecti. *Is demum, inquit, benè natus, & benè animo est constitutus, cui hoc munus a natura datum est, ut quasi aspectum quemdam habeat, quò verè judicat, atque id, quod verè bonum est, sequitur.* Iſocratis etiam pulcherrimum, idque notissimum erat  
effa-

effatum : omninò non sperandam , si quid turpe feceris , te latiturum . Quamvis enim lateas alios , tu tamen tibi male conscius eris . Quod quidem cum illo Juvenalis Satyra 13. cum sonat .

*Exemplo quodcumque malo committitur , ipsi  
Displicet auctori : prima est hac ultio , quòd se  
Judice nemo nocens absolvitur , improba quamvis  
Gratia fallacis Pratoris vicerit urnam ;  
Stat contra Ratio , & Secretam garrit in aurem ,  
Ne liceat facere id , quod quis vitiaabit agendo .*

Atque principium hoc honestatis adeò sibi intimum arbitrabantur Ethnici Philosophi , ut Tullius dixerit Lib. 1. de Legibus : *Si omnes Athenienses delectarentur tyrannicis legibus , num idcirco hæc leges justæ haberentur ?* Rursus bonitatem ipsam legis ad internam hanc conformitatem revocat , ut illam examinet : *Nos legem bonam a mala , nulla alia , nisi nature , norma dividere possumus : nec solum jus , & injuria naturæ dijudicatur , sed omninò omnia honesta , ac turpia ; Nam , & communis intelligentia nobis notas res efficit , eaque in animis nostris inchoavit , ut honesta in virtute ponantur , in vitiis turpia . Hæc autem in opinione existimare , non in natura posita , verè dementis est .* Quinimò de virtute ipsa differens , paulo post subdit , non ad extrinsecum aliquod judicium , sed ad naturam ipsam esse confugiendum : *Est enim virtus perfecta ratio : quod cerè in natura est : Igitur omnis honestas eodem modo . Nam ut vera , & falsa , ut consequentia , & contraria , sua spontè , non aliena judicantur ; sic constans , & perpetua ratio vitæ , quæ est virtus , itèmq; inconstantia , quod est vitium , sua naturæ probatur .* Tota igitur regula honestatis a natura , & quidem ut ratione prædicta , est repetenda . Quod etiam tradit apertè Cicero lib. 1. de

De officiis : Nec verò illa parva vis Natura est , Ratio-  
que quod sentit , qui sit ordo , quid sit , quod deceat in fa-  
elis , dictisque ne quid libidinose , aut faciat , aut cogitet :  
quibus ex rebus conficitur honestum , quod , etiamsi nobilita-  
tum non sit , tamen honestum sit ; quodque verè dicimus ,  
etiamsi a nullo laudetur , laudabile esse naturà . Quibus cla-  
rissimis Philosophorum Ethnicorum positis testimoniis ,  
non video , quomodò Puffendorfius , qui totus cœte-  
roquin est in exscribendis illorum sententiis , docere  
velit , honestatem non esse rei ipsi intrinsecam , &  
aliundè , quàm a convenientia cum rationali natura ,  
esse petendam .

## C A P U T VI.

*Puffendorfi sententia de Lege honestatis regula .*

**D**isplicet Puffendorfi , aliquam admittere hone-  
statis regulam , a Lege independentem . Adver-  
tit nihilominus , aliquid esse in ipsa natura ,  
undè talem homini Legem Deus imponere destinarit .  
Ait proindè Lib. 2. de Jure Naturæ , & Gentium cap. 3.  
§. 14. Nos noscere legem naturalem , si naturam ipsam hu-  
manam , condiciones , inclinationesque accuratius contemple-  
mur , & etiam alia , quæ extrà hominem sunt , & in primis  
ea , quæ ad commodum , aut incommodum eidem conciliandum  
apta sunt . At verò lex hæc liberè a Deo posita est homini :  
nam Deus liberè se determinavit ad hominis felicitatem volen-  
dam ; & legis observatio ad naturam , & conditionem homi-  
nis ità quadrat , ut ex illa hujus incolumitas , & felicitas ,  
sicuti ex ejusdem neglectu calamitas , miseria , & destructio  
dependeat . Sic in Specimine Controvers. cap. 5. Natura  
humana fundat convenientiam aliquam ad talem legem ha-  
bandam , quatenus ex tali lege oritur ejus felicitas . Nobis  
autem

*autem de tali lege constat, quia scimus, Deum humana natura voluisse felicitatem.*

Sed peto a Puffendorffio, quid tandem vulgus efficiet, qui talia se a Deo habere ignorat? Respondet Lib. 2. de Jure Naturæ, & Gentium cap. 3. *Vulgus legem naturæ ex populari informatione, usque publico haurire solet: eique ad ejusdem certitudinem satis esse debet auctoritas Superiorum, qui illam in Civitatibus exerceri curant, & quod ipsi rationes probabiles desint, quibus ejusdem veritas labefactari, aut convelli possit, & quod præsentem ipsius utilitatem quotidie deprehendit.*

Sed contra est, quod Juris Naturalis sunt isti fontes luculenti, nempe, *usus aliorum, & propria utilitas.* Quid? si usus, prout contingit, frequentior sit de inhonestis patrandis, & utilitas magisterio sensuum percipiatur? Profectò non hominum erit societas, sed bestiarum.

Postremò objicit sibi Puffendorffius: *Quid est; quod in pueris, & rudi vulgo magna deprehenditur facilitas æquum ab iniquo discernendi.* Respondet illicò, *id ex assuetudine provenire, dum a teneris annis, & statim, atque usum aliquem rationis exerunt, vident bona probari, mala improbari, & illa laudem, hæc penam sequi; quorum quotidianum exercitium, & totius vitæ communis compages, ad istum modum digesta, ita animos disponit, ut paucis dubitare succurrat, an aliter ista fieri possint.*

Hæc tamen solutio objectionis illius; vel ipsis Protestantibus displicuit, qui eam sententiam erroneam vocant, quia Sacris Litteris, & experientiæ repugnat. Nam D. Paulus in Epistola ad Romanos cap. 2. ut alibi diximus, ait: *Gentes, quæ nullam legem positivam acceperunt, naturaliter multa facere, quæ Judæis erant a Deo præcepta; nec, ait, Apostolus ex aliorum institutione, id eos facere, sed ostendere opus legis*

*legis scriptum in cordibus suis, testimonium reddente illis conscientia ipsorum.* Rursus experientia docet, quemlibet considerantem se, ipsum aliquod interius principium sentire: ex quo colligimus, hominem inter homines agentem suo ingenio, citrà aliorum institutionem, quod juris naturæ sit, posse cognoscere. Non innascuntur quidem menti juris naturalis præcepta ad modum distinctorum, & actualium principiorum; atque etiã fatendum est, bonam educationem valere plurimum ad excitandos juris in natura positi igniculos, & in alteram partem corruptelas morum non parùm conferre ad eos extinguendos.

*Solvuntur objectiones Puffendorfi.*

Primò. Si ponamus pro norma honestatis convenientiam cum natura rationali, non voluntatem Dei præcipientis, aut vetantis, licebit ita colligere argumentando: *Hac actio congruit cum excellentia, & dignitate hominis: ergò est honesta, & ideò facienda: sed in obscuro adhuc est, & in quonam illa excellentia consistat, & quæ causa sit, cur ea homini competat.* Si quis Sacerdoti dicat: *Non decet te in ganeis, & popinis volutari, quia hoc repugnat dignitati sacerdotis, verum quidem dicit: sed non ideò ultimam rationem, & post quam dubio non ampliùs locus sit, expressit.*

Respondeo. Si naturam rationalem consideremus ex una parte, ex alia proprietates vel objecti, vel actus moralis, intelligimus illicò inter utraque illam convenientiam, ideòque jam habemus de honestate actionis optimam scientiam. Quærere autem in quonam illa naturæ humanæ excellentia consistat, & causam, cur ea actio homini competat, est quærere naturam ipsam hominis, & actionis, de qua nequit dari ulla

ratio a priori, ut inter Philosophos receptum est axioma. Exemplum de Sacerdotis dignitate, an bene possit ad naturam intrinsicam rerum aptari; videant boni Philosophi.

Secundò objicit. *Improbè Deum cum creatura pari passu ambulare dicitur, dum dicitur: quodvis ens intelligens, sive Deus sit, sive creatura, rectè judicat actum gratitudinis esse honestum, quia in se, & antecedentèr ad rectum judicium talis est. Nam de creatura hoc verè assertitur: sed dicere, aliquid se antecedentèr habere ad rectum judicium Dei, est a creatione istius ipsum excludere.*

Respondeo. Vel sermo est de judicio Divini intellectus, & nullum est absurdum dicere, antecedentèr ratione ad Divinum judicium actum esse honestum. Non enim ideò actus est honestus, quia Divinus intellectus ità judicat; sed e conversò, ideò judicatur a Divino intellectu honestus, quia reverà est honestus. Vel sermo est de actu humano honesto; & hujus actus honestus, quamvis non concipiatur antecedentèr ad naturam ipsam rationalem, tamen posito, quòd rerum essentia cognoscuntur a Divino intellectu, prout sunt in se ipsis, & Divinus intellectus eas repræsentat, sequitur, convenientiam istam inter binas illas naturas consurgere antecedentèr ad Divinum intellectum. Neque enim binæ illæ naturæ congruunt, quia Divinus intellectus ità judicat, sed e contrariò.

Tertiò objicit. *Si Moralitas actionum humanarum, earumque habitudo, & convenientia cum conditione, & natura humana, non est a Divina impositione; cum eadem non possit esse a seipsa, necesse esse, ut sit a principio aliquo extra Deum... Si habilitas actionum, secundum quam necessariò cum lege natura conveniunt, aut disconveniunt, non pendet ab assignatione, & dispositione Dei; quis ergò alius, pra-*  
ter



*ter Deum, naturas rerum formavit? Num ipsa se se tali modo effinxerunt? Nimirum id agi apparet, ut munere Creatoris Deus dimoveatur, & res etiam, quoad essentiam, a Deo dependere negentur.*

Respondeo. Puffendorhium malè confundere, quæ pertinent ad intellectum Divinum, quæque ad Divinam voluntatem. Creare res est Divinæ voluntatis liberè decernentis existentiam rerum: quod quidem decretum ab intellectu Divino, possibilia omnia, eorumque naturas repræsentante, dirigitur. Nihil igitur, quod actualement habet existentiam, a Divina creatione excluditur. Verùm naturæ rerum sunt necessariæ, nec nisi absurdè a voluntate Divina pendere concipiuntur: & intellectus Divinus eas necessariò cognoscit, prout sunt in se, seu prout essent, si a Divina voluntate daretur illis existentia: hoc enim dicit illud: *esse cognitum a Divino intellectu*. Hæc autem necessitas, quoad Divinum intellectum, nullum infert inconveniens. Nam de omni veritate necessaria Deus necessarium habet judicium, sive sit de re increata, sive de re creata, sive speculativa, sive practica, hoc est, operabili ab homine. Quod verò pertinet ad voluntatem Dei, si sit sermo de simplici affectu complacentiæ, vel displicentiæ; etiam hunc potest Deus necessariò habere circa illud, quod judicat esse per se bonum, aut per se malum; maximè supposita voluntate libera, quam habet creandi hominem.

Reponit Puffendorfius. *Judicio Dei natura, & conditio hominis ita formata est, ut, verbi gratia, gratitudo ipsi omnino conveniret. Ergò illa non magis antecedentèr se ad judicium Dei habet, quàm proportio, & dispositio partium adificii ad judicium architecti, aut capacitas, & figura ollæ ad judicium figuli.*

Respondeo. Malè eum ratiocinari; cum a re con-

tingente, cujusmodi est olla, aut ædificium, ad necessariam, de qua differimus, nulla sit consequentia.

## C A P U T VII.

*Impia Spinoſa, & Hobbeſii Systemata de regula  
bonestatis.*

**H**Orret animus illa referre impia systemata, quæ Spinoſa, & Hobbeſius, monſtruoſa ſcilicet ingenia, excogitarunt. Benedictus quidem Spinoſa in Tractatu Theologico Politico cap. 16. & part. 4. Ethices docet propositione 18. *Hoc principium, quod unusquisque ſuum utile quarere tenetur, virtutis, & pietatis eſt fundamentum.* Et propoſit. 45. has evomit horrendas blaſphemias: *Nilil; niſi torva, & triſtis ſuperſtitio; delectari prohibet. Nam qui magis decet famem, & ſitim extinguere, quàm melancholiam expellere? Mea hac eſt ratio, & ſic animum induxi meum. Nullum Numen, nec alius, niſi invidus, mea impotentia, & incommodo delectatur; nec nobis lacrymas, ſingultum, metum, & alia bujuſmodi; quæ animi impotentis ſunt ſigna, virtuti ducit; ſed contrà, quò majori letitia afficimur, eò ad majorem perfectionem tranſimus, hoc eſt, eò magis de Natura Divina participare neceſſe eſt. Rebus itaque uti, & iis, quantum fieri poſeſt, delectari (non quidem ad nauſeam uſque, nam hoc delectari non eſt) viri eſt ſapientis; viri, inquam, ſapientis eſt, moderato, ac ſuavi cibo, & potu ſe reficere & recreare, ut & odoribus, plantarum virentium amenitate, ornatu, muſica, ludis exercitatoris, theatris, & aliis bujuſmodi, quibus unusquisque abſque ullo alterius damno uti poſeſt. Corpus namque humanum ex plurimis diverſa natura partibus componitur, quæ continenter novo alimento indigent, & vario, ut*

*ſotum*

totum corpus ad omnia, quæ ex ipsius natura sequi possunt, æquè aptum sit, & consequenter ut mens etiam apta sit ad plura simul intelligendum. Hoc itaque vivendi institutum, & cum nostris principiis, & cum communi praxi optimè convenit. Quare, si qua alia, hæc vivendi ratio optima est, & omnibus modis commendanda, nec opus est de his clariùs, ac prolixius agere.

Nimirum optimum perfectionis genus, & optima vivendi ratio est rebus uti, & iis delectari, non ad nauseam, nec cum alterius detrimento. Hoc utiquè Epicuri de grege porcus iste Spinoza cum Horatio canit Lib. 1. Satyra 3.

*Sola est utilitas justì propè mater, & æqui.*

Non dissimilia habet Thomas Hobbesius in suo Libro *Leviathan*, seu de Republica, & in Libro de Cive, ubi honestum utilitate metitur, & voluptate. Cap 15. sui Leviathan ait: *Fundamentum omnium legum naturalium natura est conservatio.* Et cap. 27. *Si quis tamèn bona, servos, uxorem videns proximi sui, frui illis cum delectatione imaginatus tantùm fuerit, absque omni intentione, vel consilio per fraudem, aut vim ea occupandi, peccatum non est, neque præcepti, non concupisces, violatio.* Nam jucundi etiam imaginatione delectari ita homini naturale est, ut lex, quæ id probiberet, etiam hominem esse probiberet... In quibus sententiis merum videas Epicurum.



DISPU.

## DISPUTATIO II.

*Quanam sint principia effectiva intrinseca, & impulsiva actionum moralium.*

## CAPUT PRIMUM.

*De principiis intrinsecis effectivis.*

**D**UO sunt principia intrinseca effectiva actionum moralium, intellectus, & voluntas. Intellectus est potentia animæ rationalis, quæ objecta per species proposita apprehendit, & vel immediate enuntiando, vel mediatè discurrendo judicat illa esse naturæ suæ convenientia, vel disconvenientia. Dicitur potentia, utputè facultas tam activa ad efficiendos, quàm passiva ad recipiendos suos actus, hoc est, intellectiones. Dicitur objecta apprehendens per species, nempe spiritualia per intellectuales, materialia per materiales, propterea quòd ejus objectum sit ens omne, & quidquid rationem entis quoquo modo verè participat; ipse verò per se sit indifferens ad hæc objecta, vel illa intelligenda, &, ut intelligat hæc potius, quàm illa, ab his potius, quàm illis determinari debeat, vel a speciebus ipsorum vicariis.

Quamquàm verò intellectus radix est libertatis, cum motiva proponat allicientia, & absterrentia; non tamen est potentia formalitè libera: quia penes hominem non est objecta alitè apprehendere, quàm ea per species intellectui repræsententur, & si propter

ptèr suam imbecillitatem possit errare in judicio ferendo.

Idcirco autem intellectus dicitur, & est principium efficiens actionis moralis, quia de rebus agendis judicat, vel omittendis, utrum rectæ rationi, seu primæ regulæ sint consentaneæ, an ab illa recedant: diciturque hoc judicium *conscientia*, de qua in sequentibus agendum erit; nunc hæc prælibamus. Quatenus igitur hoc judicium distinguit bonum a malo, appellatur notitia principii practici, quod inditum nobis est, vel naturæ lumine, vel divina revelatione; exempli causa, neminem esse lædendum. Hoc judicium a Græcis dicitur *νοῦς πρακτικός*: Quatenus autem hoc judicium applicatur actioni singulari, dicitur *νοῦς πρακτικός*. Id quod apparet in hoc syllogismo: Proximum lædere est inhonestum: atqui si hoc facerem, proximum læderem: Ergo agerem inhonestè. In hac conclusione judicium est, diciturque conscientia practica, & antecedens, quia versatur circa actionem, hic, & nunc faciendam, vel omittendam. Quod si minor propositio esset hoc modo concepta: Sed ego læsi proximum; & consequens esset: Ergo inhonestè feci: conscientia esset speculativa, & consequens, sive remorsus malæ conscientiæ.

Puffendorpius docet, intellectum dupliciter considerari posse, prout nempe versatur circa universalia, cujusmodi tradi solent in disciplinis, ac scientiis; & hoc modo intellectum appellat theoreticum, deinde ut versatur circa singularia, cujusmodi sunt actiones humanæ cum suis circumstantiis; & hoc modo intellectum practicum nominat. Jura dicit ad illum pertinere, ad hunc vero facta. Addit Puffendorpius, judicium de actionibus futuris, an, & quomodo suscipiendæ sint, dici consultationem, cujus habitus est pru-

prudentialia; examen de præteritis, sintne recte factæ; an secus, vocari iudicium, si sit de actionibus alienis; si de propriis conscientiam.

Objectum formale intellectus est verum; actus ipsius negantes, vel affirmantes; media cognoscendi sunt species, & habitus. Species est imago objecti vicaria, seu qualitas ab objecto emissa, vel aliundè immissa, tum ut potentiam determinet ad certum objectum, tum ut eandem compleat in ratione potentia, hoc est, ut efficiat potentem proximè elicere cognitionem talis objecti. Alia est intelligibilis, quæ spectat ad intellectum, alia sensibilis, quæ ad sensum pertinet, &, si pertinet ad sensum internum, phantastica dicitur, si ad externos, dicitur visibilis, tactilis, auditiva &c. & utraque intentionalis vocatur. Existere in rerum natura ejusmodi species, experientia docemur obscuræ Camerae, telescopii, & aliis hujusmodi. Constat etiam ex eo, quod sit indifferens intellectus ad hæc objecta, vel illa. Habitus, ita dictus ex eo, quod potentia bene, vel male se habeat ad suos actus, est facilitas in potentia ad operandum per actus frequentatos acquisita. Constat eam in intellectu interdum esse, sive a speciebus intentionalibus distincta sit, sive non. Hoc enim est in controversia positum apud Philosophos ista minute discutientes.

Alterum principium actus moralis est voluntas. Est autem voluntas potentia, qua appetimus bonum, vel malum fugimus, ab intellectu propositum. Voluntatis objectum, quoad actus appetitionis, est bonum, aut verum, aut apparens; quod ad actus fugæ, est malum, aut verum, aut apparens. Bonum appetibile triplex est, honestum, quod est rationi consentaneum; delectabile, quod sensibus gratum; utile, quod

quod tamquam medium refertur ad honestum vel delectabile. Voluntati convenit plena libertas: verumtamen hæc se non extendit ad objectum in genere: nam & bonum, qua bonum, necessario appetit, & malum, qua malum, necessario averfatur, saltẽm necessitate quoad speciem, si ei proponatur bonum præcisivè purum, seu tale, in quo positivè non apparet omnis, sed tamẽ aliqua bonitas, præcindendo, an hæc aliqua bonitas pura sit sine mali admixtione, & an sit infinita. Dixi quò ad speciem: Si quidem bonum ita propositum non necessitat, quò ad exercitium, cum in eo non appareat motivum necessitans. Voluntas igitur tunc habet saltẽm rationem suspendendi amorem. Si voluntati proponatur bonum positivè purum, seu quod clarè cognoscitur, ut includens omne bonum sine ulla admixtione mali, voluntatem necessitat, etiam quoad exercitium. Hinc etiam in motibus primò primis, & actibus indeliberatis non modò appetitus sensitivus, verum etiam voluntas necessario fertur in tale bonum per complacentiam & amorem, antequàm intellectus apud se reputet convenientiam ipsius boni, vel disconvenientiam cum ratione, vel Dei Lege. Si quando autem voluntas videtur malum appetere, non illud appetit, quatenus malum est, sed sub ratione boni apparentis. Est enim axioma Philosophorum: *Nemo intendens ad malum operatur*. Potest tamẽ voluntas libertate indifferentiæ ex duobus bonis æqualibus unum præferre alteri; imò ex inæqualibus præhabere minùs bonum majori; cum ad libertatem indifferentiæ non plus requiratur, quàm ut ratione boni utrumlibet possit amari, & neutrum debeat. Actus voluntatis aut sunt eliciti, aut imperati: Eliciti fiunt immediate a voluntate: ex his aliqui versantur circa finem, ut volitio,

R. P. Conf. Swięcicki O. M. Tblgi.

L                      quæ

quæ objectum simpliciter approbat ; intentio , seu proházresis , quæ juncta cum ratione efficaciter desiderat ; fruitio , quæ objecto obtento delectatur . Actus imperati sunt , ad quos determinat ipsa voluntas . Ex his alii sunt interni , seu ipsius voluntatis , & intellectus ; alii externi , qui ab aliis potentiis per voluntatem motisproveniunt . Necessitas in actus elicitos cadere potest , exempli causa , si Deus necessitet voluntatem hominis ad eliciendum actum amoris . Coactio non potest , ut superius a nobis probatum est . In actus imperatos cadere potest coactio ; ut si , imperante voluntate mea potentia progressivæ ambulationem , constringar ab aliquo fortiore vinculis , & compedibus . Voluntas dicitur potentia cæca , adeoque moveri debet , ut agat , per intellectum . Ratio est , quia nil volitum , nisi præcognitum . Nulla enim potentia , quæ sit indifferens ad operandum , vel non operandum , potest exire in actum secundum , nisi a suo connaturali determinante excitetur . Voluntas autem est potentia per se indifferens , ejusque determinans connaturale est intellectio proponens objectum . Non potest ergo voluntas naturaliter operari , nisi præcedente cognitione excitetur , & aliquo modo determinetur ad operandum .

## C A P U T II.

### *De principiis intrinsecis impulsivis actionum humanarum .*

**D**uo sunt , sensus internus , & appetitus sensitivus . Sensus internus est Animæ potentia materialis , cognoscens objecta , actusque sensuum , in cerebro residens , non in corde , ut Aristote-



teles docuit; quia a cerebro nervi omnes originem trahunt; unde facile possunt propagari spiritus necessarii, & recipi sensationes: imo quia male affecto cerebro, corde quantumvis vegeto, deficiunt sensus interni, uti patet in phreneticis, & ebriis. Docti præterea magnum cerebrum habent, stupidi modicum. Sensus internus, prout cognoscit objecta præsentia, actusque præsentis sensuum externorum, dicitur sensus communis; prout conservat species rerum absentium, dicitur phantasia; prout cognoscit præterita, vocatur memoria; prout cognoscit convenientiam, & disconvenientiam objectorum, æstimativa appellatur.

Alterum principium est appetitus sensitivus, hoc est animæ potentia materialis, quæ bonum prosequitur a sensu interno propositum, vel malum fugit. Dicitur irascibilis, prout versatur circa bonum quod difficulter potest obtineri; vel circa malum, quod difficulter amoveri potest: dicitur concupiscibilis, prout versatur circa bonum, quod facile potest obtineri, vel circa malum, quod facile potest amoveri. Actus appetitus sensitivi dicuntur passionēs, motus, affectus, eò quod ex repræsentatione boni, malive sensibilis, anima patiatur, moveatur, afficiatur, ob adjunctam alterationem sensibilem, & affectionem in corpore. Quinque sunt actus appetitus irascibilis, ira, spes, desperatio, audacia, timor. Actus appetitus concupiscibilis sunt sex, odium, amor, desiderium, gaudium, dolor, fuga. Alii pauciores, alii plures recensent. Objectum appetitus sensitivi est omne id, quod per sensum internum cognoscitur, bonum, & malum sensibile, singulare, delectabile, arduum, noxium, utile, conveniens, vel disconveniens. Ratio est, quia sicut intellectum voluntas, ita sensum internum se-

quitur appetitus. Ergò, sicut voluntas omne id potest est averfari, vel profequi, quod cognoscitur ab intellectu; ita & appetitus potest profequi, vel averfari omne id, quod cognoscitur a sensu interno. Sensus autem internus, ut paulò antè explicavimus, cognoscit id omne, quod boni vel mali rationem habet; dummodo sit sensibile.

Experientia constat, his duabus potentiis materialibus, nempe sensu interno, & appetitu sensitivo, excitari, moveri, & inclinari potentias animæ spirituales; nempe intellectum, & voluntatem, in ordine ad actus morales, salva tamen libertate indifferentiæ regularitèr loquendo. Hinc est, quòd sæpe intellectus obluetur cum appetitu sensitivo, qui solùm fertur in ea, quæ sensibus grata sunt, etiam ratione contranitente. Atque hæc est illa lucta inter rationem, & appetitum, de qua D. Paulus ad Rom. cap. 1. sic habet: *Video aliam legem in membris meis, repugnantem legi mentis meæ, & captivantem me in lege peccati: nam velle adjacet mihi, perficere autem bonum non invenio: non enim quod volo bonum, hoc facio, sed quod nolo malum, hoc ago.*

Affectus & motus appetitus sensitivi sunt prorsus indifferentes, hoc est, nec boni nec mali moraliter. Excitantur enim ex repræsentatione boni vel mali sensibilis, & inditi sunt a Deo auctore naturæ ad hominis conservationem, pluraque alia bona ipsi præstanda. Plerumque tamen ob naturæ humanæ depravationem degenerant, fiuntque mali, vel ratione objecti, quod vetitum est, vel ratione modi inordinati. Sic innatus cuilibet amor perfectionis suæ, & inde nascentis existimationis, ratione modi degenerat in odiosam ambitionem; innatus amor vitæ, & mediorum ad vitam degendam, incli-  
nat

nat aliquando ad sordidam avaritiam ; insitus amor voluptatis innocuæ ratione objecti , propellit in turpissimam voluptatem .

Cum istæ voluntatis inclinationes pro varia humorum permixtione in hominibus singulis diversæ sint , ac diverso ordine una incurrat in aliam , hinc infinita oritur animorum , atque morum varietas . Hujus autem varietatis aliæ sunt causæ physicæ , aliæ morales . Physicæ consistunt in temperamentis , seu certa primarum qualitatum , hoc est , humidi , calidi , frigidi , sicci mixtura , humorumque vitalium copia , ita ut a prædominante cholera cholericus , a sanguine sanguineus , a phlegmate phlegmaticus , ab atrabile melancholicus denominentur . Hæc temperamenta non solum varietate innata , sed & adscititia per remotiores causas , mirum quantum mutantur ; quales sunt , cæli solique genius , indoles parentum , educatio , victus , ætatis , & fortunæ conditio , quæ causæ omnes , uti solent variare temperamenta , ita & mores , propensiones , ac studia hominum diversa efficiunt .



## DISPUTATIO III.

*De proprietate, quæ necessariò consequitur moralitatem actus humani, diciturque imputabilitas.*

## CAPUT UNICUM.

CUM imputabilitas fundamentum habeat in moralitate, veluti causa, hæc autem constituitur per libertatem voluntatis, ac advertentiam intellectus ad regulam directivam; tanta erit profectò imputabilitas, quanta libertas & advertentia. Nulla enim, vel Puffendorffio fatente, prior est ratio, quare alicui actio quædam imputari possit, quàm quia ab ipso, sciente & volente, mediatè, vel immediatè, profecta est; seu quia penès ipsum fuit, ut fieret, vel non fieret. Quare si cognitio, vel consensus est tenuis, aut semiplenus, ut in dormiente aliquandò contingit, proportionè sequitur imputabilitas levis scilicet, ac dimidiata. Imputabiles non sunt actus, qui procedunt ex errore, ac ignorantia invincibili, seu facti, seu juris, etiam naturalis, ut est decretum ab Alexandro VIII. quia deficit advertentia. Contra imputabiles sunt, qui procedunt ex ignorantia vincibili affectata, crassa.

Imputabiles non sunt actus involuntarii, imò nec voluntarii, si sint necessarii, saltem *ad meritum, & demeritum*, ut actus Beatorum erga Deum, ut ultimum finem, hoc est amor, & fruitio; actus infantium, ebriorum, amentium, dormientium, &c. itèm expressi metu gravi, quò quis compellitur ad malum minùs præ majore,

si

si sit merè physicum: sic nautæ non est imputabilis projectio mercium ob metum præsentem naufragii: Rursus expressi vi saltem extrinseca, ut si quis prigionem capulo illigans tuæ dexteræ, hanc sua manu compellat ad occidendum innocentem. Dixi: *saltem ad meritum, & demeritum*. Nàm, ut actus imputetur ad pœnam in foro externo, judicante juxta actum externum, satis est voluntarietas, etsi necessaria; ut si quis ex vehementia passionis precipiti non advertens motiva in contrarium, homicidium committeret.

Imputabilis est actus, quo quis occidit, exempl. gr. Cajum, nè occidatur a Titio. Nàm sine jure innocentem occideret. Potest quidè Titium occidere invadentem, modò faciat cum moderamine inculpatae tutelæ; at Cajum non potest; quia non sunt facienda mala moralia, ut eveniant bona physica, hoc est vitæ conservatio, & tranquillitas. Errant Hobbesius, & Puffendorfius, putantes eum, qui innocentem occidit, nudum esse instrumentum Titio.

Imputabiles sunt actus ex metu, & ex concupiscentia; qui affectus non tollunt advertentiam ad motiva in contrarium. Nàm minuunt quidè libertatem, sed non evertunt. Imputabiles itidè sunt actus etiam in voluntate aliena, sed tamèn moralitèr propria, exempl. gr. Tutorum, Superiorum, Protoparentis Adami respectu peccati originalis.

Imputabiles sunt actus voluntarii indirectè, & in causa. Sic homicidium, in crapula prævisum, est in causa imputabile. Qui enim vult causam, ex qua per se, & necessariò prævidetur sequuturus effectus, vult effectum ipsum. Quòd si effectus per accidens prævideretur sequuturus, & causa per se non esset prohibita, effectus foret merè permissus, adeoque non imputabilis: ut si quis habeat jus rigandi hor-  
tum

tum suum, esto prævideat ex rigatione damnum alieni horti, hoc, si sequatur, non est illi imputandum.

Imputabilis est effectus alicui scienti, nec impediendi, cum possit, ac debeat impedire, vel ex iustitia, vel ex charitate, juxta illud Tragici auctoris.

*Qui non vetat peccare, cum possit, jubet.*

Submersio Navis est imputabilis navarcho, negligenti directionem, ex qua negligentia prævidet sequuturum naufragium. Imputandi sunt denique actus omnes, quorum voluntas est causa, vel expressa, vel interpretativa, quando nempe circumstantiæ satis declarant consensum hominis, aut dissensum; seu causa sit actualis, seu virtualis, hoc est moraliter perseverans in actu; seu causa sit physica, vel moralis, adjuvando, incitando, jubendo, assentando, exemplis movendo, suadendo, consulendo, approbando; imò non reprobando, vel non impediendo, non manifestando, cum possis, & debeas, juxta notos versiculos.

*Jussio, consilium, consensus, palpo, recursus,  
Participans, mutus, non obstans, non manifestans.*



DISPU-

## DISPUTATIO IV.

### *De Lege Naturæ, & Gentium.*

#### CAPUT PRIMUM.

##### *De statu hominis naturali, & ejus proprietate.*

**S**Tatus hominum naturalis est conditio hominum inter se æqualium, quatenus gaudent libertate, singulis insita. Itaque in statu naturali dicuntur esse non ii modo, qui procul ab omni societate in solitudine vitam agunt, sed etiam illi, qui tametsi in societate versentur, nulli tamen extra suam societatem subiecti sunt, ut exempl. gr. Rex Poloniæ respectu Regis Hungariæ, Respublica Venetorum respectu Reipublicæ Batavorum. His enim status verissimè naturalis repræsentatur. Ac per hoc discernitur a statu civili, in quo est necessaria dependentia, & imperium, ut societas Civitatis, aut Reipublicæ, aut Regni conservetur. Homines autem, qui sunt in statu naturali, dicuntur esse inter se æquales, quia nullius, nisi creatoris, arbitrio aut legibus subiecti sunt. Quod maxime apparet in Principibus summis, & in Civitatibus liberis, quarum unaquæque alterius legibus soluta est. Quare D. Joannes Chrysostomus commentario in Psalmum 44. *Non Romanorum, inquit, Rex Persis, aut Persarum Rex Romanis ferre legem potest. Et Ariovistus Legato Julii Cæsaris, uti legitur Lib. 1. de Bello Gallico; Si quid, ait, ipsi a Cæsare opus esset, se se ad eum venturum: si quid ille se velis, illum ad se venire oportere.* Hobbesius putavit proprietatem status na-

*A. P. Const. Swigicki O. M. Tblgi.*

**M** tu-

turalis esse statum belli, propterea quod natura hominis, per peccatum Adami corrupta, unumquemque compellat ad mala propulsanda, vel aliis inferenda, ut se præstet immunem: idque colligit partim ex naturali amore, quo homo se ac sua defendit; partim ex metu ne sibi noceant potentiores, sive vi, sive dolo, sive ambitione, sive avaritia stimulante. Sed vehementer erravit. Non enim natura hominis usque adeo est depravata, ut cum impetu quodam in omne nefas abripiat. Cujus rei argumentum est, quod homines non sint eodem modo ad nocendum propensi; sed alii magis, alii minus: nec semper contingat, ut improbi cum improbis fœdus ineant, ut proinde aliquando improborum malitia proborum modestia superetur. Quis deinde non videat statum belli perpetui esse violentum, & cum recta ratione valde pugnantem? cujus rationis est, animi motus inkompositos in officio continere, & componere, avaritiam, libidinem, superbiam compescere, pacem denique cum proximo, & amicitiam Dei rectè vivendo conservare. Præterea cum sit in omnibus hominibus eadem naturæ origo, omnesque naturæ propensione ad societatem ferantur, quæ radix est cujusdam inter omnes cognationis; necessariò sequitur, ut status hominis naturalis non belli sit, a quo abhorret societas, sed pacis, quam libenter amplectitur. Quod si non esset, deterior esset hominum conditio, quàm brutorum. Ut enim scribit Satyra 15. Juvenalis.

*Parcis cognatis maculis fera: quando Leoni  
Fortior eripuit vitam Leo? quo nemore unquam  
Expiravit aper majoris dentibus apri?  
Indica tigris alis rabida cum tigride pacem  
Perpetuam, sevis inter se convenis ursis.*

Quod



Quòd si barbaræ quædam gentes inter se bellum continenter gerant, & victores victos immaniter vorent; id ex eo contingit, quòd rationis lumen assuetudine mali, & propter mores perditissimos in illis propemodum extinctum est, ac ferè obliteratum illud principium. *Quod tibi non vis, alteri ne feceris.* Nemo autem sibi vellet inferri bellum, &, ut ait Poeta, *pacem deposcimus omnes*, in quibus nempe lumen rationis obscuratum non est, & quietè vivere omnes cupimus.

Ipsa denique nocendi facultas, quæ est in naturâ propter peccatum originale vitata, non probat, statum hominis naturalem esse statum belli. Qui enim cogitat, habere se facultatem nocendi, debet etiam cogitare, an sibi ab hoste sit metuendum, nec ne. Debet ergo metiri vires suas. Si videt sibi, atque hosti æquales esse, timere debet exitum belli, Martemque communem. Non est autem homini naturale, incertis casibus vitam committere, vel fortunas suas. Si videt sibi, atque hosti vires esse inæquales, aut ipse prævalet, aut videt alium prævalere. Si primum, non habet undè sibi sit metuendum ab inferiore. Ergo si rationis lumen sequatur, non alium persequetur augendæ potentix libidine. Si secundum, qui viribus inferior est, non audebit fortiozem laceßere. Si enim laceßeret, stultè ageret; at stultè non agunt, qui recta ratione utuntur.

Illud verò, quod tamquam certum assumit Hobbesius; *Omnibus in omnia, & in omnes jus convenire ex institutione Naturæ*, absurdum videtur non modò Catholicis Doctoribus, sed etiam ipsi Puffendorffio, qui Libro secundo de Jure Naturæ, & Gentium Capite secundo: *Implicare*, ait, *contradictionem, quòd, positis pluribus hominibus jure aequalibus, omnibus in omnia, & in omnes*

*jus competat, cum utique unus jus ad omnia non possit: non ceterorum jura absorbere, si effectum aliquem sit habiturum. Illud enim non minus absurdum est, jus fingere, quod nullum effectum adversus alios homines obtineat. Nam in mortalibus non esse, & nullum habere effectum, idem ferè est. At quale jus est, cui aliter pari jure possit resistere?*

Mimùs, quàm Hobbesius erravit, sed erravit tamèn in statu hominis naturali constituendo Puffendorfius. Sic enim ratiocinatur: *Homo, in statu naturali consideratus, post peccatum originale, conditionem habet miserrimam, vitamque ferè belluinam, sive ponatur infans, sive juxta jam statuta, ac robore, pradius. Ergò indiget socialitate, per quam a statu illo miserrimo extrahatur. In hoc argumento falsum est antecedens: Si enim homo ab ipso nativitat. exordio talem haberet naturam, qualem describit Puffendorfius, hoc est miserrimam, & belluinam, obnoxiam profundæ ignorantiz, & effræni concupiscentiz, nihil umquàm boni agere posset sibi relictus; Atqui potest aliquid boni facere naturalitèr, ut testatur Apostolus ad Romanos. Gentes, quæ legem non habent, naturalitèr ea, quæ Legis (intellige scriptæ) sunt, faciunt. Non habet igitur homo talem naturam, qualem describit Puffendorfius. Deindè quis posset in eo statu miserrimo primus condere leges socialitatis? Nam æque omnes profunda ignorantia, & effræni concupiscentia laborarent. Falsum est igitur illud principium, quo utitur Puffendorfius, ut in naturali statu tam horrido systema suum socialitatis constituere possit.*



## C A P U T I I.

*De essentia, & proprietatibus Juris Naturæ.*

**J**US Naturale respicit hominem, ut creaturam rationalem, ac definitur: *Ordinatio Divina Sapientiæ per dictamen rationis naturæ rationali manifestata, præcipiens recte rationi consentanea, & prohibens dissentanea*: Per ordinationem Divinam significatur primariò Divina voluntas, quæ obligat rationalem naturam: per naturam rationalem subjectum, quod est omnis, & solus homo. Legitima est autem divisio Juris Naturæ: in affirmativum, cujus objectum est positio actus, qui præcipitur, & in negativum, cujus objectum est negatio actus, qui prohibetur. Hanc autem divisionem ineptè irridet Christianus Thomasius: Ineptè, inquam, quia homini, ut ita dicam, hesternò præferendi sunt antiqui Doctores, ilque gravissimi, & magno consensu docentes, præcepta affirmativa obligare semper, sed non pro semper, exempli causa, colere parentes data occasione; negativa verò obligare semper pro semper, exempli causa, non mentiri.

Multæ sunt proprietates Juris Naturalis. Prima universalitas quoad obligationem omnibus communem: Secunda est evidentia quoad principia saltè prima, ita prorsus, ut invincibiliter ignorari non possit ex toto. Tertia excellentia, cum sit fons, & norma cæterarum legum. Quarta immutabilitas propriè dicta. Nam Jus Naturæ est quidè incapax mutationis veræ, quæ directè afficiat ipsam legem, ejusque obligationem, manentibus iisdem circumstantiis; sed tamen est capax mutationis improprie tam potestate humana, quàm Divina. In casu enim, quo materia

Ju-

Juris Dei potestati subjecta sit, ut est Dominus absolutus, non aliter obligat lex Naturæ, quam hac supposita conditione. *Nisi Deus, ut absolutus Dominus via extraordinaria aliter disponat*. Sic aliter disposuit, cum Isaac jussit occidi, materiam eximendo, hoc est faciendo, ne occisio Isaaci esset materia præcepti negativi: *Non occides*. Hanc autem mutationem materiæ perperam dicunt aliqui dispensationem. Nam dispensatio est exemptio alicujus ab obligatione, quam lex inducit; ac fit ab ipso Legislatore. Porro hæc mutatio materiæ locum non habet in iis, quæ materiam continent non subjectam arbitrio, seu potestati Divinæ; exempli causa, idololatriam, & mendacium, & cætera, quæ per se mala sunt, & cum ratione essentialiter pugnant, imò cum fine, quem Deus auctor Naturæ initio præscripsit rationali creaturæ. Quando quidem ista si aliquando per Deum licere possent, in Deo labem & defectum arguerent: quod cogitare nefas est.

Quod si materia Juris Naturæ subjecta sit humanæ potestati, non inducitur a Jure Naturæ obligatio absoluta, sed conditionata, quam proinde potestas humana tollere potest. Humana igitur potestas mutare illam potest, non quidem propriè, ita ut directè auferat obligationem legis Naturalis, sed tamèn impropriè, ita ut indirectè faciat remissionem ex parte materiæ: exempli causa, lege naturali præcipitur homini, ut rem præstet, quam contractu valido sit pollicitus, ut jusjurandum observet, ut votum, quod emisit, adimpleat. Hæc lex obligat naturaliter quidem, sed conditionatè, hoc est, nisi Princeps, aut Superior justa de causa contractum dissolverit, juramentum, aut votum relaxaverit.

DISPU.

## DISPUTATIO V.

*De principio cognoscendi Juris Naturalis, hoc est, quid præceptum, quid vetitum sit Jure Naturæ.*

**C**atholicæ Jure Consulti, ac Theologi consensu docent, id esse præceptum, vel prohibitum Jure Naturæ, quod esse præceptum, vel prohibitum expedit felici statui naturæ humanæ; id autem dicunt expedire, in cujus licentiam, vel prohibitionem omnes homines consensissent, si, antequam quidquam eorum fieret, quæ licita vel prohibita dicuntur, ab auctore Naturæ postulati suffragium tulissent. Hanc regulam Doctores petunt ab intrinseco fine legis Naturalis, hoc est, felicitate creaturæ rationalis.

Puffendorpius hanc regulam ponit, velut principium cognoscendi Juris Naturalis: cuilibet homini colendam societatem cum aliis, indoli & scopo generis humani congruentem. Ex quo principio Thomasius hoc axioma deduxit: *fac ea quæ necessario conveniunt cum vita hominis sociali, & quæ eidem repugnant, omitte*. Argumenta illorum sunt. Primò Homo est animal, ut conservandi sui studiosum, ita non valens id assequi, ut se conservet, sine ope similium: ut ad mutuas utilitates curandas & comparandas idoneum, sic ad eas ab aliis prohibendas malitiosum. Ergò ut sit salvus, & incolumis, debet amare, & quærere societatem: atque ut odium aliorum devitet, qui ejusdem malitiam cognoscere possunt, opus habet lege societatis, tamquam fræno malitiæ suæ, & odii alieni. Quidquid igitur favet societati, id omne pertinet ad Jus Naturæ.

Ad

Ad hoc argumentum facile responderi potest ; illam impotentiam se conservandi , illam malitiam nocendi , illam opis alienæ indigentiam , quam tantopere Puffendorfius exaggerat , non esse tantam , ut ex ea colligi possit , inesse singulis hominibus necessitatem absolutam societatis colendæ . Fateor quidem necessitatem colligi indeterminatam colendæ alicujus societatis , saltè conjugalis , saltè pro toto genere humano collectivè , non distributivè , ita ut singuli homines debeant inire conjugium . Falsum præterea est , quod Puffendorfi principio addit Thomasius lib. 1. cap. 3. nimirum in homine quoad corpus imbecillitatem non modò animalibus brutis majorem , sed etiam tantam , ut necessariò periret , nisi aliis hominibus inesset obligatio illi opitulandi , in animo majorem pravitatem nocendi aliis , quàm sit in belluis .

Postremò non est præcepta societas singulis hominibus ; cum innumeros videamus , qui vitam degunt solitariam , nec tot incommodis obnoxii sint , quot prædicat Puffendorfius . Non est ergò societas proprium & adæquatum principium , unde colligi possint objecta Juris Naturalis .

Sed est ratio potissima , quàm superius innuimus , cur Puffendorfi Systema rejiciatur , nempe quòd ii , qui societatem colunt , non tantùm sociis præstare debent officia , sed etiam Deo . Jus enim Naturale , dictante ratione , hominem dirigit ad cultum Deo præstandum : de quo cultu non videtur curare Puffendorfius .

Argumentum secundum Puffendorfi est hujusmodi : Homo est animal natura sua sociabile , ac proinde sermone præditum , hoc est facultate communicandi & negotiandi cum cæteris suæ speciei ; quod etiam apparet , inquit Vitriarius Puffendorfi affecla , ex principiis practicis , quæ unusquisque in semetipso cer-

certissimè agnoscit , ac sunt , honestè vivere , neminem lædere , jus suum cuique tribuere : quorum extra societatem nullus est usus , quæque essent frustranea , nisi ad societatem essemus nati : Est ergò societas principium juris Naturæ .

Ad hoc etiam respondeo , posito quòd a Deo decretum fuerit , ut genus humanum propagaretur , societatem esse humanæ Naturæ necessariam in genere , non tamèn in omnibus distributivè ; ideòque ab illa simpliciter non posse colligi objecta juris Naturæ . Hoc ergò principium societatis humanæ caret legitimis proprietatibus veri principii . Primò non est principium primum : Nam socialitas , seu inclinatio naturalis ad vitam socialem ob consequendas , quas illa parit , utilitates , est effectus amoris , quem sibi quisque naturaliter debet , ut necessarium ad felicitatem naturæ comparandam , hoc est , ad se conservandum , & ad speciem propagandam . Ex quo sequitur socialem vitam , saltem conjugalem , esse de jure naturæ præceptivo , sed indeterminato , quippè quòd obliget humanam speciem , non singula individua . Amor autèm , quem sibi quisque naturaliter debet , ut necessarium ad felicitatem naturæ comparandam , obligat singula individua humana determinatè . Ergò amor sui est primum principium , non socialitas . Secundò illud Puffendorffii principium est inadæquatum , cum ex eo non colligantur officia hominis erga Deum , atque se ipsum , ut alias diximus .

Alii aliter probant , socialitatis principium nec esse primum , nec adæquatum hoc modo : Adamus ante omnem societatem , hoc est , antequam Eva produceretur ex una de costis ejus , jure naturæ obligabatur ad præstanda officia erga Deum , atque se ipsum : idemque dicendum de tot Anachoretis , qui vixerunt in

solitudine , ac vivunt . Fuit ergò in Adamo aliud principium ante principium socialitatis . Similiter Anachoretæ aliud principium socialitatis priùs , magisque immediatum respexerunt , quo officia sua dirigerent erga Deum , atque se ipsos .

Respondent quidem Puffendorffii defensores , in Adamo ante omnem societatem fuisse saltem respectum ad societatem futuram ; in Anachoretis fuisse & esse respectum ad societatem præsentem , qui respectus imò fuerit fundamentum officiorum erga Deum , & se ipsum , quæ in illo statu etiam solitario præstanda fuissent , ne se inutiles redderent societati , si quando ad illam se adjungerent . Verùm nemo est , qui non videat , ex hoc respectu directè non colligi , ac necessariò officia erga Deum , atque se ipsum , sed per accidens tantum , & indirectè . Quod satis non est ut primum principium juris naturæ in socialitate constitui possit .

Tertiò non est principium verum , cum falsa multa supponat , quæ sunt ejus principii fundamentum . Supponit primò , extra societatem nec umquàm fuisse naturæ jus , nec esse posse . Quod falsum esse , in Adamo , & Anachoretis , perspicuum est . Ratio est , quia jus naturæ , licet bonum commune naturæ humanæ respiciat , non verò hominum singulorum ; tamen intendit priùs , hominem informare de iis , quæ ad Creatorem pertinent , ac se ipsum , officiis , quàm de officiis erga hominum societatem . Itaque jus naturæ primò bonum hominem conatur efficere , deinde bonum socium . Præterea posset humana natura propagari per societatem duntaxat conjugalem , etiam si nec civitates , nec provinciæ , nec regna in unam coirent societatem .

Supponit secundò , hominem post Adami peccatum ,



tum, in eas miseras, & calamitates incidisse, a quibus ipse recreari non possit, nisi aliorum hominum consuetudine, atque convictu: Status igitur solitudinis non est homini naturalis. Primum igitur juris naturalis principium est socialitas. At id quoque falsum est. Status quippè solitudinis est maximè suavis, arque jucundus hominibus illis, qui cupiunt Deo vacare, eumque liberius contemplari. Quod ipsi veteres Philosophi, quantumvis Ethnici, & scriptis, & opere testati sunt, qui genus hoc vitæ susceperunt. Ad hæc, si primum principium juris naturalis esset vita socialis, contra jus naturæ fecissent, adeoque peccassent innumeri illi Anachoretæ, quos admittitur & veneratur Ecclesia universa. Id autem dicere absurdum est.

Supponit tertio, juris naturæ finem, quem sibi quisque in agendo proponere debeat, esse externam felicitatem Reipublicæ, quæ sit terminis circumscripta præsentis vitæ. Sed est hic error manifestus. Finis enim, ad quem fertur natura, est integra & adæquata felicitas; quæ sita est potissimum in cognitione, & amore Creatoris, naturæ ipsi congruente, tum in hac, tum in altera vita; qui amor proculdubio a societate non pendet. Quod fatetur Leibnitius ipse, qui propterea socialitatis principium a Puffendorffio traditum in præcipua parte juris naturæ inutile, & mancum appellavit.

Itaque dico, principium socialitatis Puffendorffianum esse etiam flagitiosum, ideòque minimè aptum ad jus naturæ cognoscendum. Tollit enim solitudinem vitæ, velut oppositam juri naturæ; invehit modum cogitandi & agendi indignum sanè natura rationali, hoc est spectando dumtaxat Reipublicæ bonum, & exteriorem felicitatem: nihil verò est solli-

citus Puffendorſius de affectibus animi , nihil de homine interiore , nihil de honeſti principiis . Quibus omnibus neglectis , jus naturæ ſit mancum , & imperfectum , dignitas hominis ad externa deprimitur ; ſtudium virtutis , & cultus Dei languſcit ; non expectatur a Deo rectè factorum præmium , non timeatur pœna vitiorum . Huc tendit nempe ſyſtema Puffendorſii .

Sed opponunt affectu illius . Jus naturæ in externis tantummodò verſatur , eaque reſpicit : interna , quibus animi tranquillitas gignitur , non curat , ſed morali Philoſophiæ informanda relinquit ; doctrinam de amicitia cum Deo conſervanda , deque cultu , qui eidem , ut Domino & creatori debetur , ritè adhibendo , naturali Theologiæ tractandam permittit . Porro hic ordo ſervatur a Puffendorſio , ne ſit confuſio in diſciplinis tradendis , & ut ſua cuique materia aſſignetur .

Reſpondeo . Tamèn , hoc eſſe aſylum deſperatæ ſententiæ : Quafi verò non illa omnia contineat jus Naturæ ; ac de omnibus illis non agere debeat , qui jus naturæ interpretandum ſuſcepit . Itaque auctores , qui Puffendorſium defendere volunt , ad incitas rediguntur ; & poſtquàm jus naturæ præcipua ſui parte mutilum reddiderunt , partes illius ad alias diſciplinas rejiciunt , ut ſola triumphet *ſocialitas* , a Puffendorſio conſtituta . Hoc eſt ſyſtematis hujus turpe flagitium , diſciplinam juris mancam tradere , imperfectam , dimidiatam : Jus Naturæ , nervis ac viribus deſtitutum , hoc eſt pœna atque præmio creatoris , interpretari ; illud foro , atque curiæ accomodare : Si quid peccaveris , modò ne tuo crimine ſit turbata Reſpublica , ſecuritatem præbere . Sed nugas agunt , qui ita philoſophantur . Nemo enim veterum philoſo-

sophorum ita curandam Rempublicam docuit, ut animus hominis præcipuè curandus, & ad virtutem informandus non esset.

Objiciunt Secundò. Nisi socialitas admittatur tamquam primum principium juris naturæ, evidenter confunditur lex naturæ cum regula virtutis, quæ est propria disciplinæ moralis: sed consequens est absurdum; ergo & antecedens. Prob. major. Primò Legis naturæ finis est bonum commune universorum hominum, cum dirigat actiones externas ad communem quietem: finis virtutis est bonum hominum singulorum, cum dirigat actiones animi interiores, & omnes ejus effectus in officio contineat. Secundò Lex naturæ est ad alios, cum tribuit unicuique quod suum est: cujus legis effectus inter homines obtineri non potest per imperium dumtaxat interius, sed requiritur vis exterior, & coactiva: objectum autem virtutis interius est, ad quod attingendum nemo cogi potest. Tertiò actiones juris naturæ justæ sunt, cum eò tendant, ut reddant alteri, quod est debitum: actiones autem virtutis bonæ sunt, cum tendant ad honestatem.

Respondeo, negando majorem. Ad primum distinguo: Legis naturæ finis est bonum commune universorum hominum; tam collective, quam distributive, concedo; solum collective, subdistinguo, est bonum commune, tamquam finis adæquatus, nego; tamquam finis inadæquatus, & quidem minus principalis, concedo. Explico distinctionem. Bonum commune omnium hominum finis est legis naturalis, non bonum particulare unius, vel aliquorum. Naturam autem humanam considerare possumus ut speciem communem pluribus distributive acceptis, vel collective. In priori sensu lex naturæ, etsi precipiat actio-

actiones dumtaxat interiores, pro fine habet commune bonum, quia non unius, vel aliquorum bonum intendit, sed omnium distributive: quod satis est ad rationem legis, ut distinguitur a virtute, cujus est proprium habere finem tantummodo particularem. In Secundò sensu finis legis naturalis est etiam bonum commune, sed alio modo, hoc est, quia est bonum societatis, quatenus est societas. Sed hic non est legis naturalis finis adæquatus; cum lex naturæ tendat in hominis felicitatem integram, & perfectam, cujus pars essentialis est pax cum Deo; pars magis principalis pax cum se ipso, quæ consistit in motibus animi temperandis, & ad virtutem dirigendis; pars minus principalis est pax cum proximo, quæ consistit in eo, ut actiones externæ dirigantur ad publicam tranquillitatem.

Ad secundum distinguo, Lex naturæ est ad alios, hoc est ad solam Rempublicam, nego: ad alios, hoc est, ad proximum, Deum, & semetipsum, concedo. Item legis naturalis effectus inter homines obtineri non potest *per se* imperio dumtaxat interiore, nego; obtineri non potest *per accidens* concedo. Etiam lex pœnalis, quam legislator humanus superaddit legi naturali, non semper habet effectum suum, cum vis coactiva non semper hoc assequatur, ut furta, & cædes non committantur: Ergo nec externa obligatio sufficiens esset; imo sine obligatione interna plerumque esset frustranea, cum multa scelera clam patrentur, & in judiciò probationes eludi possint, jurisjurandi religione sublata. Quocirca lex naturalis, per se loquendo, satis obligat in conscientia, proposita nempe animis hominum justitia Dei, quæ justis amplissima præmia pollicetur; flagitiosis gravissimas pœnas interminatur, saltem post obitum, ab-

strahendo ab earum æternitate, quam sine Dei revelatione non potest consequi cogitando humana ratio.

Ad Tertium, actiones virtutis, quæ tendunt ad honestatem, cum ab hujus amore proficiantur, habeantque fundamentum in debito naturali erga se ipsum, participare justitiam, & esse non bonas tantummodo, sed etiam justas, Ergo actiones virtutis ad legem pertinent naturalem, non ad moralem duntaxat disciplinam.

## C A P U T I.

*De aliis sententiis recentiorum circa principia  
juris Naturæ.*

**N**on defuerunt nostris temporibus scriptores e numero Protestantium, qui docerent, primum principium juris naturæ esse Decalogum, ita ut, quidquid habet Decalogus, excepto præcepto Sabbati, id omne pertineat ad jus Naturæ. Verum Decalogus non est lex illa, quam Deus in tabula cordis humani scripsisse dicitur in sacris litteris: *Signatum est super nos lumen vultus tui*, Psal. 4. נֹסֵף עָלֵינוּ אֹרֶךְ יָמֶיךָ versio verò Syriaca sic: ܐܘܪܝܬܐ ܕܥܝܢܐ ܕܥܠܝܢܐ ܐܘܪܝܬܐ ܕܥܝܢܐ ܕܥܠܝܢܐ, quæque est communis non Judæis modo, sed etiam Gentilibus ante Decalogum, solo rationis lumine illam promulgante. Itaque Decalogus non est primum principium, unde proveniunt cæteræ leges naturales, sed est instar promulgationis authenticæ, qua Deus voluit instruere homines, quid naturaliter æquum sit, quid iniquum.

Henricus Kæthlerus, ut tradit Wolfius in *Metho-  
do Systematica juris Naturæ exercitatione secunda*  
sta-

statuit hoc principium : *Fac ea , quæ te statumque tuum perfectiorem efficiunt : omitte ea , quæ te , statumque tuum imperfectiorem reddunt .* Item , *ea facienda , quæ voluptatem duraturam progenerant , ea omittenda , quæ tadum duraturum prodigunt .* Sed prius principium est commune juri divino , & humano Ergo non est principium juris naturæ . Alterum principium accedit ad Epicuri somnia , & impietatem .

Valentinus Alberti principium juris naturalis a statu integritatis , in quo Adamus fuit conditus , colligit ; formaliter quidem in illis officiis , quæ locum habebant in eo statu , & nunc etiam obtinent in statu naturæ lapsæ , ut colere parentes ; ac per modum normæ in iis officiis , quæ orta sunt a statu depravato naturæ lapsæ , ut quod servus Domino subesse debeat .

Sed optime confutatur a Puffendorffio . Nam status Naturæ integræ in quo Adamus est conditus , demonstrari non potest ratione naturali ; atqui principium Juris Naturæ est naturali ratione demonstrabile : Ergo a statu naturæ integræ principium Juris Naturæ peti non potest . Ethnicus sane ignorat , quæ nos per fidem didicimus de Adami creatione in statu justitiæ originalis . Quomodo ergo illi ostendemus naturali ratione , officia juris Naturæ petenda esse a statu illo , quem funditus ignorat ? Deinde status integritatis nullo modo convenit cum statu naturæ lapsæ ratione officiorum specialium . Ergo ejus norma esse non potest .

Joannes Heineccius inter cæteros Protestantes est commendandus , quod absurdas illas , & alias , quas omittimus , aliorum sententias repudiavit , & ad sententiam Catholicorum magis accessit , de qua dicendum .

## C A P U T II.

*Quodnam sit principium fundamentale Juris Naturæ  
ex communi sententia.*

**P** Rincipium Juris Naturæ est in hunc modum concipiendum. *Fac, vel omitte ea, quæ ex amore, quem Deo, & tibi, & proximo debes, ad felicitatem Naturæ necessario facere, vel omittere debes.* Ex hoc principio lex universa naturalis pendet; & a lege positiva distinguitur. Dicitur *ex amore*, qui cum sit insitus a natura hominibus singulis, notus est satis experientia. Intelligitur autem hic amor non sensitivus, qui dicitur esse *æstualis propensio appetitus concupiscibilis in bonum sensibile, æstimatum tanquam conveniens*; sed amor rationalis, quem D. Augustinus lib. de amicitia vocat *rationalis anime affectum, quo quis bonum cum desiderio querit; adepto fruitur cum suavitate, & cum gaudio conservat.* Heineccius in Elementis Juris Naturalis & Gentium lib. I. cap. 3. postquam admisit principium amoris, varios gradus in eo considerat. Primum appellat *amorem justitiæ*; & hoc quidem bene: deinde *amorem humanitatis, bene: & beneficentiæ*; & hoc minus bene. Amor enim humanitatis, vel potius æquitatis, ut in naturæ debito fundamentum habens, participat rationem justitiæ latius sumptæ, & pertinet ad Jus Naturæ; non tamen sic pertinet amor beneficentiæ qua etiam cum nostro detrimento alterius commoda procuramus: hic amor est extra sphaeram jurisprudentiæ naturalis, pertinetque ad disciplinam moralem; quippe qui meræ virtutis rationem contineat. Præterea distinguit ex objectis varios amores, obedientiæ & devotionis erga Deum ut Ens perfectissimum, cu-

R. P. Const. Swięcicki O. M. Tblgi.

O jus

jus felicitate ita delectamur, ut illud omni cultu dignissimum judicemus. Rursus amorem amicitiae considerat erga æquales, quorum felicitate sic delectamur, ut illam servare & amplificare studeamus. Verum amores isti, cum in vitio, vel virtute consistant, non jurisprudentia naturali, sed Ethica disciplina continentur.

### C A P U T III.

*Solvuntur Objectiones contra hoc principium amoris debiti.*

**O**bjiciunt aliqui. Primò. Multa sunt consentanea vel repugnantia amorì, qui ad publicam felicitatem requiritur; & tamen neque sunt præcepta, nequæ prohibita Jure Naturæ. Ergo amor non est solum principium Juris Naturæ. Antecedens patet: exempl. gr. consentaneum fuisset amorì erga proximum seu Rempublicam, ut clandestina matrimonia Jure Naturali vetita essent atque invalida, propter infinita, quæ secum trahunt incommoda: Et tamen jure tantummodo positivo vetita sunt. Idem dicas de aliis, quæ Jure Naturæ non sunt prohibita.

Respondeo. Multa sunt consentanea vel repugnantia amorì erga proximum seu societatem humanam, qui amor sit necessarius ad felicitatem publicam, nego; secus, concedo. Amor societati humanæ necessarius, adeoque naturaliter debitus, eam tantum felicitatem respicit, sine qua societas esset positive defectuosa. Non esset autem positive defectuosa per matrimonia clandestina, quæ valida sint. Non ergo hæc respicere debuit prohibendo. Amor societati humanæ necessarius non requirebat, ut multa quæ ad bonum pu-



publicum conferebant, legæ naturæ fancirentur; quia commodum non erat generi humano, ut naturalium legum immensa mole obrueretur. Quare erat expediens, ut ea solum Jure Naturæ præciperentur vel vetarentur, quæ consentanea essent, vel repugnantia amoris erga Deum, se ipsum & proximum, relate ad felicitatem societati humanæ absolute debitam, sic ut cuivis cognita esset obligatio naturalis: ulteriora verò, magisque recondita, quibus major, vel minor status publici utilitas continetur, arbitrio hominum relinquerentur fancienda legibus positivis.

Objiciunt Secundò. Nonnulla vetantur Jure Naturæ, quantumvis amoris, vel sibi, vel societati naturaliter debito optime convenient. Ergo definitio a nobis tradita non convenit omni amoris. Antecedens patet in ultione sui privata; in cæde hominis improbi, facta propria auctoritate; in mendacio conservandæ Rei-publicæ gratia prolato.

Respondeo. Antecedens esse falsum per se, & universaliter loquendo; in aliquo vero casu particulari, & per accidens esse verum. Jus ergo Naturæ respicit id, quod universaliter, & plerumque expedit ad felicitatem publicam, vel privatam tuendam; non id, quod in uno, alterove casu, & per accidens expedit. Quare ad primum, & secundum exemplum ita est respondendum, quod, etsi quadam societate supposita ultio sui privata, cædes hominis improbi in casu particulari videri posset non repugnare amoris debito, & ad felicitatem vel privatam, vel publicam requisito; tamen spectata depravatæ naturæ conditione, hominumque judiciis, quæ falsa plerumque sunt, & ab homine amore sui, vel proximi odio in præceptis actio feruntur; ejusmodi jus, sive licentia universalis esset nimis periculosa, & absolute pernicioosa amoris

debito, & ad felicitatem tam privatam, quam publicam simpliciter necessario: Ergo ejusmodi licentia absolute est prohibita Jure Naturæ. Eadem est ratio de tertio exemplo, hoc est de mendacio. Ut enim recte ratiocinatur Cardinalis Pallavicinus in Philosophia Morali, sive de bono Lib. 1. cap. 21. *Cum humana societas sermone, veluti præcipuo adjumento, juvetur; cum ejusdem sermonis veritate deliberationes cunctæ, judicia, & negotia universa regantur; cum omnis mortalium rerum procuratio ab eadem dependeat, præstat ut eventu nullo mentiri liceat; alioquin semper auditor jure verebitur, ne tum forte in eo eventu, in quo mendacium innocens est, loquutor aut re, aut opinione versetur.*

Objiciunt Tertio. Cum Puffendorffio: Juris est Naturalis æs alienum exsolvere, quin tamen id fiat ex charitate. Qui enim æs alienum exsolvit, non movetur interdum charitate, sed vi quadam, quæ odium parit.

Respondeo. Quamquam dissolutio æris alieni non fiat interdum ex amore benevolentiae, vel amicitiae; tamen fit ex amore æquitatis naturalis. Quod si aliquando fiat ab invito, id per accidens est ex amore sui inordinato.



## DISPUTATIO VI.

*De existentia Juris Gentium, an, & quomodo differat a Jure Naturæ, ejusque definitio.*

**S**Upposita societate a Gentibus inita, evidens est, opus esse norma, secundum quam in commerciis, negotiis, & actionibus publicis rite societas instituaturs. Hæc autem norma non est Jus Naturale, ut demonstrabimus infra; neque jus est particulare positivum. Ergo est jus commune, quod gentium appellamus.

Sed contra objici potest. Primò. Si Jus Gentium daretur, esset ex mutuo Gentium consensu: Atqui fieri non potest, ut Gentes omnes mutuo consentiant; cum omnes convocari non possint ad unum concilium, quod fieri necesse esset ad omnium consensum cognoscendum. Ergo. Secundò. Quæ dicuntur esse capita Juris Gentium, ne a Gentibus quidem moratioribus observantur. Jus igitur Gentium nullum est.

Respondeo. Ad Jus Gentium constituendum necessarium non esse consensum verbis expressum, adeoque non opus esse, ut gentes convocentur ad Generale concilium orbis terrarum; Sed satis esse consensum tacitum, quem gentes omnes significaverint usu, & observatione rei alicujus, tum unanimi in eos animadversione, qui ausi fuerint non observare.

Ad Secundum Respondeo. Si quæ Gentes etiam moribus cultiores jus aliquod Gentium non observent, id non contingere ex defectu juris, sed ex negligentia juris, quod verissime extat. Hinc sæpe videmus  
vio-

violato hoc jure a quibusdam Gentibus, alias Gentes arma corripere, bellumque illis inferre.

Posito quod detur in hominum societate Jus Gentium, quæri solet, an a Jure Naturæ specie differat. Hobbesius, qui legem naturalem dividit in naturalem hominum, & naturalem civitatum, hanc secundam ait vulgo appellari Jus Gentium. Puffendorfio hæc placet opinio. Nixus enim principio *socialitatis*, Juris esse Naturæ arbitratur, quæ sunt re ipsa Juris Gentium. Puffendorhium sequuntur Thomæsius, alique Protestantes. Nos non solum differre Jus Gentium a Juræ Naturæ existimamus, sed etiam multifariam differre; in aliquibus tamen cum eo convenire.

Primò differunt inter se ratione finis. Nam Juris Gentium finis est Gentium utilitas, sive hominum societatis felicitas dumtaxat externa, neque præsentis vitæ perennior, neque simpliciter necessaria Naturæ; sed tantum moraliter, ut Gentes inter se communi-cent: Jus vero Naturæ pro fine primario habet hominis propriam felicitatem, ut homo est, hoc est, interiorem, neque termino hujus vitæ circumscriptam, sed in perpetuum duraturam; hominem informat officiis erga Deum, atque se ipsum: pro fine secundario habet felicitatem hominis propriam, non essentialiter, sed integraliter; hominem informat officiis erga proximum, supposita tamen societate, ad felicitatem publicam obtinendam.

Secundò. Differunt in objectis. Jus enim Gentium objecta habet non absolute necessaria, ideoque, ut Ciceroni placet, ex Gentium opinione proficiscitur, quæ est de majoribus commodis societatis humanæ; ejusmodi sunt immunitas legatorum, jus commerciorum, & alia. Jus vero Naturæ objecta habet necessaria simpliciter; ideoque, ut loquitur Cicero, ex  
evi-

evidentia naturali oritur; hoc est, ex principiis vel per se notis, vel ex conclusionibus inde deductis.

Tertio. Differunt in constitutivis. Jus enim Gentium est jus non scriptum, sed inductum moribus Gentium, usuque diuturno, qui consensus taciti universalis est signum: Jus vero Naturæ est jus scriptum in hominum cordibus, rationi maxime conveniens, imo illi cognatum, seu potius innatum, neque hominum voluntate sancitum.

Quarto. Differunt in causis. Causa enim efficiens Juris Gentium est voluntas Gentium. Hinc eo jure non obligantur Gentes, quæ jus illud non acceptarunt. Exempli causa Sineses non obligantur Jure Gentium ad excipiendos Polonos mercatores, quia jus commercii inter se & Polonos non admiserunt. Causa vero Juris Naturæ est Deus, ut auctor Naturæ.

Differunt in proprietatibus. Jus enim naturæ immobile est: Jus vero Gentium mutari potest, cum ex hominum voluntate dependeat. Secundo. Jus Naturæ est universale, omnesque obligat, &, sicubi non observetur, id ex errore contingit. Jus vero Gentium non semper est universale, sed fere semper; nec semper ad omnes pertinet, sed ad plerumque, vel saltem ad eos omnes, qui sunt moribus cultiores: Hinc sine errore potest alicubi non observari, exempli causa inter Gentes, quæ commercia exteriorum non admittunt.

Convenit Jus Gentium cum Jure Naturæ. Utriusque enim finis est felicitas publica societatis humanæ; utrumque eodem fere modo est exortum cum genere humano, cum sit utrumque rationi conveniens.

At qua ratione est exortum cum genere humano Jus Gentium? Varii varia, Placet mihi eorum sententia, qui

qui dicunt Jus Gentium inductum fuisse a primis hominibus, posteaquam in societatem coiverunt, exercendo videlicet actiones quasdam, ad recte constituendam societatem pertinentes, exempli causa, admittendo legatos, commercia instituendo. Placuerunt actiones ejusmodi primum Gentibus inter se finitimis, suadente publica partim securitate, partim utilitate. Aliæ Gentes deinde commoditatem ejusmodi observantes, imitatione & consensu iis se moribus imbuerunt, qui longo post tempore transferunt in leges, ex justitia publica obligantes: quas leges Jus Gentium appellamus. Exemplum habemus in Lacedæmoniis, vel Spartanis, quorum Rempublicam Lycurgus instituit ex imitatione Cretensis Reipublicæ; item in Romanis, qui leges duodecim tabulis comprehensas ab Atheniensibus acceperunt; in Gentilibus denique, qui, Josepho Hebræo testante in Libro primo contra Appionem, multa e Judæorum scitis didicerunt, sibi que propria fecerunt. Quid, quod Gentes aliquando subactæ ita bonam victoribus gratiam retulerunt, ut suos mores, artesque optimas in eos transfunderent. Sic Horatius de Græcis victis, & Romanis victoribus canit.

*Græcia capta ferum victorem cepit, & artes  
Intulit agresti Latio.*

His constitutis, facile erit Jus Gentium definire: Est ergo Jus Gentium ordinatio rationis, longo usu Gentium & consensu Dei societatis humanæ gubernatoris inducta ad Gentium publicam utilitatem, & societatis conservationem.

Sed objicit Puffendorfius: Si vera est hæc definitio, non distinguitur Jus Gentium a Jure Naturæ; Nam societas inter Gentes inita est Jure Naturæ: Ergo etiam leges Gentium sunt de Jure Naturæ, tamquam neces-

cessaria instrumenta Societatis conservandæ , Antecedens est Senecæ , qui Epistola 95. ita differit : *Omne hoc , quod vides , unum est ; membra sumus corporis magni : Natura nos cognatos edidit : hac amorem indidit mutuum , & sociabilem* , Et Ciceronis Lib. 3. de officiis : *Qui civium dicunt rationem habendam , exterorum negant , hi dirimunt communem humani generis societatem , qua sublata , beneficentia , liberalitas , bonitas , justitia funditus tollitur : quæ qui tollunt , etiam adversus Deos immortales impii judicandi sunt ; ab iis enim constitutam societatem evertunt , cujus societatis antiquissimum est vinculum .*

Resp. Societatem inter Gentes initam esse ex Jure Naturæ concedente , non obligante ad societatem ineundam . Poterant enim homines seorsum vivere , si voluissent ; ut modo possunt , qui volunt . Leges autem naturæ sunt , quæ omnes simpliciter obligant . Hinc ruit penitus argumentum .

Objicit Secundò Puffendorfius : Multa quæ juri Gentium tribuuntur , sunt vere & proprie de Jure Naturæ . Nihil igitur ab hoc differt Jus Gentium . Probat antecedens . Primò Divisio Regnorum Juris est Naturalis : Nam cum tot populi ingenio , moribusque inter se discrepantes ab uno Rege gubernari non possent , necessario , jubente Natura , multi sunt Reges instituti . Secundò Bellum , quod vocatur defensivum , Jure Naturæ permissum est ; uti permittitur defensio privata ad vitam tuendam cum moderatione inculpatæ tutelæ . Item denuntiatio belli est Juris Naturæ , quæ jubet nos antea petere , ut nobis pro illata injuria , vel damno satisfiat , quàm bellum inferamus , & hostium cæde vindictam sumamus . Tertiò Legatorum admissio cum securitate est a Jure Naturali , tamquàm res necessaria ad bellum finiendum , & ad quietem , quàm natura præcepit , restituendam . Quartò

Fœdera & pacta, si semel ac rationabiliter petita fuerint, obligant Jure Naturæ, cum sint necessaria ad naturale bonum societatis conservandum. Quintò Jus sepulturæ est naturale, cum id requirat officium humanitatis.

Respondeo Nego antecedens. Ad Jus enim Naturale ea solum capita pertinent, quæ sunt absolutæ necessitatis; quæ sunt autem necessaria moraliter, vel ad melius esse, non sunt Juris Naturalis; alioqui præcepta naturæ multiplicabimus in infinitum, & leges quoque positivas possemus dicere naturales: Nam leges etiam positivæ pro fine habent societatis bonum. Quocirca aliud est id, quod dicimus consentaneum naturæ, aliud quod præcipitur a natura; cum multa naturæ consentanea sint juris tantummodo positivi.

Ad secundum dico, bellum secundum conditiones pendere ex voluntate Gentium, item belli denuntiationem non esse necessariam absolute.

Ad Tertiùm Respondeo. Legatorum admissionem cum securitate non esse necessariam absolute ad vitæ felicitatem.

Ad Quartum, Fœdera & pacta æquitatis esse, non absolutæ necessitatis.

Ad Quintum. Non esse absolute necessarium jus sepulturæ, licet habeat fundamentum in æquitate aliqua naturali: & ex Jure Naturæ non obligamur ad sepeliendos hostes in prælio interfectos.





C A P U T U N I C U M.

*De Divisione Juris Gentium; tum quale, & quod duplex  
ejus objectum.*

**D**ividitur Jus Gentium in affirmativum, & negativum. Primum est, quò aliquid jubetur, ut admissio legatorum. Secundum, quò aliquid vetatur, exempli causa, ne arma, & fontes veneno inficiantur, ad mortem hostibus inferendam. Primum non obligat ad semper; nam ad illud semper implendum non sufficiunt humanæ vires valde imbecillæ. Secundum obligat ad semper, propterea quia vires humanæ semper sufficiunt ad actum vetitum omittendum.

Jus Gentium in genere est omne id, quod intendit, velut finem suum, convenientem communicationem, & utilitatem Gentium. In specie pertinent ad Jus Gentium, primò primæva rerum divisio. Quamquàm enim Natura, humano genere, jam propagato, requireret aliquòd medium ad vitanda incommoda multitudinis, non tamen hoc medium divisionis determinatè requirebat. Secundò Divisio Gentium & Regnorum. Nam licèt humano genere propagato, Natura exegerit aliquòd medium ad turbas vitandas, non tamen exegit hoc determinatè medium divisionis in hæc, vel illa Regna. Non enim ex natura rei repugnabat, orbem terræ Universum constare quadam Republica universali; quæ popularem dominatum, vel optimatum, vel unius Regis haberet; vel certè tanta Gentium, ac Regnorum discretio non fuisset simpliciter necessaria, quantam videmus contigisse. Tertiò commerciorum libera facultas. Nam

hæc facultas non est simpliciter necessaria ad hominis propriam felicitatem conservandam, etiam supposita propagatione in immensum generis humani. Posset enim unaquæque Respublica sine commercio per se consistere. Non est ergo per se Juris Naturæ, sed Gentium. Dictum est per se; per accidens enim potest inducere obligationem amoris naturalis; exempli causa in extrema caritate annonæ, qua laboraret Hungaria, ex lege amoris naturalis teneretur Polonia commercium permittere, etiamsi ante non permisisset, ad triticum asportandum, ne finitimum Regnum gravi miseria conficeretur. Quartò Bellum solemne, hoc est, quatenus continet denuntiationem, & quosdam effectus, est Juris Gentium. Neque enim amor naturaliter sibi debitus hoc requirit ad propriam felicitatem. Posset enim simpliciter, & absolute bellum fieri sine indictione, & non habere quosdam effectus.

Quintò Repræssaliæ, quas vocant, ad Jus Gentium spectant. Jus enim Naturæ non obligat nisi successorem bonorum ad reddendam rationem facti alieni. Exempli gratia si pater meus, injuste & graviter Titium vulneravit, ego hæres teneor, mortuo patre, vulneratum curare. Contra verò Gentium consensu est constitutum, ut pro eo, quod alteri Reipublicæ Respublica debet, & nondum persolvit, subditorum bona veluti oppignorata, ab altera Republica habeantur. Sextò Servitus proficiscitur ex Jure Gentium. Nam communis utilitas requirebat, ut capti jussu bello servituti potius addicerentur, quam necarentur. Septimò Legatorum admissio, & immunitas non est Juris Naturæ, sive negotia commerciorum respiciat, sive pacis. Posset enim Gens aliqua sibi soli vivere, & aliorum commerciis

ab-

abstinere ; tum alio modo , quàm legatione , pacem curare . Est ergò Juris Gentium . Octavò Pax ad bellum relata , & in suis effectibus . Ratio enim paciscendi , oblivio malorum , restitutio bonorum , & cætera , quæ pacem comitantur & consequuntur , nonnisi ex Gentium voluntate constitui poterant ad communem utilitatem . Nonò Fœdera non sunt absolutæ necessitatis in genere humano . Nam ut Gens quælibet absolutè sibi soli potest vivere , ita potest aliarum Fœderibus non se ligare . Ergò sunt Juris Gentium . Decimò tandem jus transitus , quando non est justa ratio excludendi peregrinos & advenas . Jus etiam sepulturæ in hostibus interfectis ; cum æquitatem naturalem contineat , & in mortuos sævire non deceat . Non tamen est absolutæ necessitatis - hostes humo condere ; nec repugnat naturæ cadavera hostium inhumata relinquere . Jus præscriptionis ; cum ad pacem & quietem publicam retinendam pertineat , & hominum societatis intersit , semper , aut diu incerta non esse rerum dominia , & aliquem esse litium finem , videri posset Juris esse Naturæ . Verùm præscriptio non est absolutè necessaria ad felicitatem hominum singulorum . Nihil enim definivit natura de quantitate temporis , de qualitate bonæ fidei , aut de cæteris conditionibus . Est ergò Juris Gentium . Denique jus cudendæ monetæ & valoris tribuendi est a Jure Gentium . Neque enim valor monetæ est naturalis , sed commoditatis publicæ causa substitutus est a Gentibus in locum rerum , quæ antea permutabantur .

Quæri hic potest , quinam sit effectus juris Gentium . Respondeo , esse obligationem legalem , quæ Gentes tenentur parere iis , quæ sunt decreta communiter .

Id

Id verò constat ex Gentium sensum communi, quæ exhorrescunt, & indignantur, si hanc legem, quam sanctissimam vocant, aliquando videant violari. Quocirca hæc obligatio non homines dumtaxat privatos, sed ipsa summa mundi capita afficit. Itaque Juri Gentium obtemperare tenentur Maximi Reges, jubente Deo, qui societatem humanam hoc jure continet, & conservat.

## DISPUTATIO VII.

*De officiis hominis erga Deum, se ipsum,  
& proximum; Jure Naturæ  
præscriptis.*

**O**fficium hominis, quatenus consideratur in statu naturali, est agere propter felicitatem rationali naturæ congruentem, cujus legem tenetur observare.

Cumque lex naturalis pro fine habeat felicitatem, a triplici objecto dependentem, hoc est, Deo, semetipso, & proximo; hinc triplex est officiorum genus: alia sunt respectu Dei, alia respectu sui ipsius, alia respectu proximi: de quibus omnibus agendum est.



C A P U T I.

*De officiis hominis erga Deum.*

**O**fficia hominis erga Deum sunt actiones, quas homo præstare debet juxta præscriptum legis naturæ præcipientis Religionem erga Deum, quoad ratio naturalis eum consequi potest. Hujus autem Religionis duæ sunt partes, notitia Dei, ejusque cultus. Hinc officium hominis erga Deum duplex est; primum, de Deo rectè sentire; alterum modo debito eundem colere. Hoc duplex officium est ab homine præstandum duabus de causis. Primâ est dependentia hominis a Deo, tamquàm creatore, conservatore, ac Gubernatore. Altera causa sunt Dei perfectiones, præsertim justitia, & providentia. His duabus causis fit, ut amorem cultumque nostrum, Deus optimus Maximus mereatur.

Notitia Dei est homini insita, & consistit in primis principiis lumine naturæ notis, quale est primo dari aliquod Numen sub ratione Entis primi, supremi, justî, ac providi, mala scientis, & punientis; bona vero remunerantis. Secundo. Animam rationalem non interire cum corpore, adeoque superesse post mortem, ut præmium, vel pœnam accipiat: hinc felicitatem hujus vitæ termino circumscriptam non esse finem adæquatum rationalis naturæ.

Cultus Dei est cogniti Numinis veneratio certis Naturæ legibus definita. Et duplex est; internus, qui dicitur veneratio mentis Deo devotæ, internis actibus concepta; & externus, qui est veneratio signis etiam exterioribus præstita. Uterque hic cultus, velut a primo

mo fonte, ex amore Dei promanat, ex quo cœtera officia originem ducunt. Amor enim immediate disponit ad finem, seu felicitatem propriam rationalis Naturæ, hoc est ad conjunctionem cum Deo, cœtera mediate. Cultus interni officia consistunt in actibus notitiæ Dei respondentibus. Primus actus, ut dixi, est amoris erga Creatorem, & quidem super omnia, ita prorsus, ut includat propositum absolutum, & efficax adimplendi totam legem naturæ: hic amor Dei sub præceptum cadit absolute, & simpliciter. Ex amore tamquam ex fonte, manant officia honoris, & reverentiæ per laudationem; spei per invocationem, grati animi per gratiarum actionem, timoris & obedientiæ per observantiam legis naturalis. Officia hæc Jure Naturæ adultis omnibus præcepta sunt. Quippe amor Dei ad felicitatem hominis necessarius ea requirit. Licet autem Deus per se non indigeat hominum cultu; posito tamen quod creaverit hominem ad imaginem & similitudinem suam, non potest ab eo non exigere cultum sui; cum omnia propter se ipsum operatus sit Dominus; & alius finis in creatione hominis Deo esset indignus.

Cultus Dei externus consistit in actionibus externis interna officia significantibus; quales sunt verbales invocationes, & laudes, & fuga ab iis rebus, quas nobis veritas dicitur naturalis ratio. Cultus Dei externus peculiaris, hoc est in specie determinatus per certos ritus, est juris positivi, Divini, vel humani. Vel enim Deus illum revelavit, ac præscripsit, vel homines instituerunt. Hinc Sacrificia, & Sacerdotes, hoc est, homines quidam selecti e populo, & ad sacra peragenda destinati non sunt de jure naturali præceptivo. Non enim sunt media necessario requisita ad finem colendi Deum, quamquam sint valde consentanea

neque rationi, ac fere semper consensione omnium gentium recepta fuerint.

Circa officia erga Deum non solum datur præceptum Juris Naturæ positivum; sed etiam quædam sunt negativa. Præcepto negativo vetatur in genere, quidquid notitiæ Dei, cultuique præcepto contrarium est: Notitiæ Dei adversatur error & ignorantia omnino vincibilis: cultui præcepto est opposita impietas; omnisque irreverentia. Vetantur in specie atheismus; idololatria, magia, vana observatio, maleficium, & irreligiositas in temerariis juramentis, perjuriis, blasphemis. Nam hæc, & similia sunt opposita amoris, quem homo Deo naturaliter debet.

Ex dictis sequitur, Religionem naturalem iisdem argumentis demonstrari, quibus ostendimus Deum lumine naturali cognosci posse. Eam Puffendorfius etiam admisit, sed erravit in eo, quod putaret hujus vitæ termino circumscribi. Itaque est breviter confutandus. Nam, ut ipse fatetur Puffendorfius, religio est firmissimum vinculum societatis humanæ, sine quo communis felicitas obtineri, conservarique non potest. Si autem religio naturalis non respiceret aliam vitam, nisi præsentem, non esset profecto firmissimum vinculum societatis: Non enim posset proponi pœna, vel præmium alteri vitæ reservatum, quorum metu, vel spe fortius homines in officio continentur, quam ullo bono vel suo, vel societatis, quod brevi hac vita finiatur. Adde huc illa mala, quæ sublata Religione naturali, Puffendorfius colligit evenitura.

Neque reponat Puffendorfius, pœnam, vel præmium æternum proponi ab religione revelata: sic enim confundit Religionem naturalem cum revelata. Religio quippe naturalis proponit penam & præmium in alia

vita, abstrahendo a temporali & æterno, ad captum scilicet cujusvis hominis.

Lex naturalis obligat hominem ex solo naturali lumine ad habendam, & procurandam veram Dei religionem. Rursus obligat hominem, prout nunc est ad finem supernaturalem elevatus, ad habendam veram interiorem Fidem in Deum. Hæc obligatio non tantum est in statu naturæ lapsæ, sed etiam fuit in statu innocentiae. Obligat etiam lex naturalis ad non repugnandum Fidei semel propositæ sufficienter, nec ad recedendum a Fide semel suscepta, neque ad dubitandum, aut formidinem admittendam. Qui secus faceret, Deum graviter offenderet. Sicut enim qui nolit mandatum Regis sufficienter propositum adimplere, tamquam præceptum Regium, injuriam facit Regi; sic injuriam Deo irrogaret, naturali rationi contrariam, qui repugnaret Fidei semel propositæ sufficienter. Nam cum sit Deus prima & infallibilis veritas, etiam ex lumine naturali; hanc veritatem diceretur negare, qui nollet Fidem sufficienter propositam suscipere, aut a suscepta recederet, aut in illa hæsitaret.

Eadem ratione tenetur homo ea credere, quæ ut credibilia, & credenda proponuntur. Tenetur pariter Infidelis, ubi incipiet animi stimulos sentire, veritatem inquirere, eique sufficienter propositæ obsequium præstare.

Sicut obligatur homo ad inquirendam, & tenendam veram cognitionem Dei ex naturali ratione, ita ad sperandum ab illo aliquod bonum, & timendum aliquod malum. Parimodo tenentur omnes naturæ lege bene sentire de divina Providentia, cujus est reddere virtuti præmium, & vitiis pœnam. Testatur Clemens Alexandrinus Libr. 4.

Stro-



Stromatum in fine, & 5. in principio, antiquos Philosophos cognovisse, & commendasse spem præmiorum post mortem. Rursus ex tali spe moventur homines ad cultum præstandum Deo auctori naturæ ad virtutes exercendas, & vitia fugienda. Quæ omnia spectant ad legem naturæ.

Denique tenetur homo lege naturæ tendere in Deum, ut ultimum finem, in eoque ponere suam beatitudinem, illamque intendere per debita media. Perfectior multo est usus spei in Lege Evangelii, tum quoad modum sperandi gloriam, tum quoad media supernaturalia, scilicet Sacramenta. Hæc autem perfectio & obligatio sequitur naturaliter, posita perfectione Fidei circa Christum & Redemptionem ejus; & tali institutione Sacramentorum.

Præceptum diligendi super omnia Deum, ut finem naturæ, naturale est. Nam ad hunc amorem homo natura sua inclinatur, quem dicitur lex naturæ. Sicut ergo tenetur lege naturæ cognoscere Deum, ita tenetur illum amare, aut supra se, aut infra se, aut æque, ac se: non his duobus modis, cum nihil inordinatum dicitur lex naturæ; ergo super omnia, ut supra ostendimus.

Præceptum diligendi Deum ut finem supernaturalem Gratiae est simpliciter supernaturale, propositum a lege Evangelica, quæ nos obligat ad modum perfectiorem caritatis erga Deum sub Fide explicita Trinitatis, & Mediatoris, hoc est Verbi Incarnati, in carne passi, atque mortui pro salute Generis humani.

Malum culpæ, ut aliquo modo destruendum, est id, quod respicit Pœnitentia. Quoniam verò dari nequit, quin dicat respectum ad Deum, hinc dicitur Pœnitentia tendere in Deum. Ad pœnitentiam per-

tinet satisfactio. Præceptum autem satisfaciendi Deo pro injuria illata per peccatum, naturale est; quantum scilicet homini possibile est. D. Thomas 3. p. q. 84. art. 7. ad primum. *De Jure naturali*, inquit, est, quod aliquis pœnitent de malis, quæ fecit. Actus autem detestationis cum respectu ad Deum est ex se, & naturaliter valde proportionatus ad hanc satisfactionem. Nullus enim alius est per se aptior ad veniam impetrandam. Satisfactio Deo condigna dari non potuisset in pura natura: excitatus vero homo, & adjunctus divina gratia potest de congruo, seu imperfectè Deo satisfacere.

Modus satisfaciendi Deo habetur ex ordinatione ipsa Dei. In statu puræ naturæ pertineret ad divinam providentiam determinare modum pœnitentiæ: quo homini significato, homo teneretur illum adhibere naturaliter.

Ex vi solius legis naturalis non tenetur homo colere, vel adorare Deum alio cultu pure interno, præter illum, qui in actibus Fidei, Spei, Charitatis, & Pœnitentiæ, si mortaliter peccaverit, reperitur. His actibus implet homo obligationem colendi Deum pura mente, & Spiritu. Ex vi solius legis naturalis non est determinatus modus particularis adorandi Deum cultu externo. Quoad modum vero in genere obligat lex naturalis, ut fiat modo decenti & proportionato, & sine superstitione. Ergo Deum venerari per visibile Sacrificium, & externam oblationem, licet in rigore non sit de Jure Naturæ, est tamen adeo consentaneum illi, ut semper fuerit de Jure Gentium. Patet hoc ex usu hominum a principio mundi, in Abel & Cain sacrificiis, & in Gentibus etiam, ut Aristoteles animadvertit Lib. 7. Politicorum cap. 8. Hic modus sensibilis est honestus, adeoque  
legi

legi naturali consentaneus. In lege autem Evangelica cultus Dei per verum sacrificium præceptus est Jure Divino a Christo Domino.

Juramentum de se non est ex lege naturæ prohibitum, si nimirum detur necessitas, & servantur conditiones. Necessitas datur in aliqua morali utilitate ad finem honestum: & confurgit ex incredulitate audientium, & ex defectu veritatis in natura corrupta. Conditiones sunt tres, scilicet veritas, justitia, & Judicium.

Perjurium est contra legem naturæ: atque ita prohibetur Levitici cap. 19. Exodi cap. 20. 25. Exechielis cap 5. In juramento enim adducitur Deus, tamquam prima, & infallibilis veritas in testem veritatis. Ergò ea deficiente, fit Deo gravis injuria. Hinc numquàm potest fieri licitum perjurium, & semper est grave peccatum. Juramentum promissorium per vim & metum cum injuria extortum, si est de materia honesta, obligat ex lege naturæ. Urget enim obligatio, ut re ipsa fiat verum, quòd sub divino testimonio dictum est, & fieri potest sine peccato.



## C A P U T II.

*An Protestantes recte ducant argumentum ex religione naturali ad Religionem Christianam, sic ut divisionem potestatis sacrae, ac profanae juris Divini minime esse, evincere queant.*

**C**Ontroversiæ momentum hac nostra ætate præcipuum est, cum de articulo sit Catholicæ fidei, qui cæterorum est fundamentum, nempe de Hierarchica potestate, quàm si ab hostium oppugnationibus defendamus, arcem tuebimur Christianæ Religionis.

Puffendorpius in libello de *habitu Religionis Christianæ ad vitam civilem*, per Jus Naturæ indirectè grassatur in potestatem Hierarchicam Ecclesiæ Romanæ. Eum sequuntur passim Doctores Acatholici, quicumque tradunt disciplinam juris Naturæ. His prælusit Lutherus, cum docuit. Primò solam fidem esse necessariam ad salutem. Secundo Legem nullam esse inter Christianos, adeoque etiam ordinis potestatem legislativam esse merum commentum. Tertiò Christianos esse perfectè æquales, & omnes Baptismo fieri Sacerdotes, nec aliud baptizato deesse, ut sacra administret, nisi Principis vocationem. Quartò Sacramentum Ordinis nullum esse. Quintò Unumquemque Christianum habere potestatem clavium. Sextò Non esse in Ecclesia Hierarchiam. His imbuti opinionibus posteri varias Ecclesiæ formas deinde finxerunt. Qui rigidiores dicuntur, Democratiam volunt; vel potius Anarchiam, hoc est omni carentem potestate, ad eum plane modum, quò Religio fuisset in statu naturali, nisi Deus aliud revelasset.

Unu-

Unusquisque enim sibi ritus instituisse ad placitum.

Thomasius, & alii systema Ecclesiæ comminiscuntur hujusmodi. Primò Docent, Ecclesiam non esse statum, jurisdictione, seu imperio quodam instructum, sed collegium, naturalis libertatis jure conflatum, ad cultum Dei publicum exercendum, cujus sit condere Ecclesiasticas leges, omni civili imperio exemptas. Secundò Sacrorum Jus esse duplex; alterum, quod apellant Majestatis, quòdque manat a summo imperio Jure Naturæ, estque primum suprema inspectio in Ecclesiasticum Collegium ad conservandam quietem publicam: deinde potestas summa in cultu publico determinando, in privilegiis conferendis, in beneficiis disponendis, in matrimoniis dispensandis, & quidquid pertinet ad externam jurisdictionem. Alterum vocant Jus Collegiale, quod non attingit *libertatem conscientia*, sed *directionem Ecclesiasticam tantummodo externam*; quale est Jus constituendi Ministros Ecclesiæ, administrandi Ecclesiastica bona, componendi lites per amiables conventiones, ordinandi disciplinam externam penitentialem jejuniorum, feriarum indictionem, & a cætu separationem, alienam tamen a vi externa. Tertiò Hæc jura, quæ Jure Naturæ Collegii sunt Ecclesiastici, posse a Collegio cærtis personis delegari, quæ dicantur Ecclesiæ representativæ: & quia Principes summi ad jura ejusmodi sunt idonei ob Sacerdotium commune, ea vulgo transferri in Principes, quòd hanc externam directionem civili manu possint juvare. Hanc fere delegari a Principe Doctorum Collegio, quod Consistorium dicitur. Quartò Sicut Jura Collegialia sunt in Principem limitate translata, ita eum gaudere facultatè non judiciali, sed merè historica, in decidendis Fidei controversis.

Hinc

Hinc inferunt. Primò Juris dictionem internam, quæ Deo tribui solet, esse mere suavisimam, non coactivam; nullumque esse Magistròs inter, & auditores discrimen, nisi obeundi Ministerii ratione: jurisdictionem externam, & coactivam esse Principis propriam. Secundò Nullam in spiritualibus esse subjectionem; cum quisque possit sibi esse Judex in iis, quæ sunt credenda.

Itaque ex illorum sententia Summi Principes habent potestatem Ordinis, & jurisdictionis Ecclesiasticæ. Prima est illis communis cum quovis Fidelium; Et cum pleraquæ sacramenta Protestantes repudiant, ac solum fere ministerium Verbi Divini retineant, quòd nihil est aliud, quam deputatio a Principe facta; hæc potestas convenit Principi magis, quam cæteris, cum ipse se possit deputare: sed fere despicitur a Principe ipso, qui ejusmodi ministerium summæ suæ dignitati indecorum existimat. Putant etiam Protestantes, inesse Principibus potestatem jurisdictionis per delegationem quòdam jura sacra Collegialia; quòdam jura majestatis esse in illis per proprietatem naturalem, cum summo Imperio, quod in subditos obtinent, connexam.

Hanc proprietatem naturalem appellant patronatum regium, qui Principibus tribuit necessario jus protectionis, provisionis, & directionis; quo jure possunt res Ecclesiæ ordinare, constituere leges, convocare Concilia, Ministros deponere, & alios subrogare, judicia Ecclesiastica habere, de bonis disponere, judicare de causis Ecclesiasticis, dispensare in matrimonialibus, denique facere quidquid antea per jura Papalia, & Episcopalia disponebatur circa Ecclesias, & Clerum in iis quæ postulant externum regimen.

Hujus

Hujus potestatis, quam Acatbolici Doctores Principibus dabant exorta hæresi Lutherana, argumentum sumebant ex eo dicto Brocardi male intellecto, *cujus est regio, illius est religio*. Postea vero, ut conscientiæ libertati magis consulere, religionem dixerunt liberam esse ab omni Imperio *ex Jure Naturæ*: nullam esse jurisdictionem Regum, Imperatorum, Papæ in interiores animi sensus; eam quoad externa partim in Ecclesiæ Collegio, partim in Principibus esse, ut antea diximus.

Recentiores igitur Acatbolici. Primò Religionem internam eximunt ab omni potestate humana, & cujuslibet libertati subjiunt, quæ libertas altius quidem est elevata per Evangelicam Legem, non tamen est altera. Secundò Ajunt potestatem ordinis, uti Jure Naturæ omnibus communem, ita in Baptismo Christianis omnibus datam; cum nulla intercedat repugnantia, etsi per accidens, *ratione impossibilitatis cum munere regio*, ut loquitur Puffendorfius, a Ministerio Principes excludantur, vel potius illud obire dedignentur, aliisque committant. Tertiò Principibus tribuunt potestatem jurisdictionis Ecclesiasticæ *ex Naturali Jure* summi Imperii, quòd Jus Naturale lex Evangelica non alteravit, sed potius perfecit.

Nunc eorum rationes afferamus, & confutemus. Primò. Religionem internam ab omni imperio esse liberam Jure Naturæ, sic probant. Cultus Religionis cuivis est personalis, adeoque per alium exerceri non potest, saltem toto tempore vitæ, vel in omnibus, quæ hæc, vel illa Religio præscribit: Ergo interna Religio cuivis est libera, & a quovis determinanda ratione, vel verbo Dei.

Respondeo, ex hoc tantum sequi, esse liberam Religionem internam, quoad acceptionem, ita tamen,

R. P. Const. Swięcicki O. M. Tblgi.

R ut

ut peccet, qui Religionem evidenter credibilem, ac credendam sibi propositam non acceptat; non quoad acceptatæ retentionem. Item sequitur, a quovis esse determinandam ratione legibus consentanea, non autem ratione qualicumque, vel verbo Dei juxta sensum privatum cujuslibet hominis, non juxta sensum unanimem Sanctorum Patrum.

Secundo ajunt, libertatem Religionis non esse Reipublicæ perniciosam, ergo admittendam.

Respondeo, hanc libertatem nocere tranquillitati Reipublicæ Christianæ, esse legi Naturæ, & scriptæ, & Evangelicæ contrariam, inventum diaboli, viam planam ab ea sterni ad atheismum, pugnare cum verbo Dei, & Patrum doctrina, esse alienam ab usu primitivæ Ecclesiæ, damnatam ab ipsius Imperatoribus, tamquam originem in Republica omnium malorum.

Potestatem ordinis, uti Jure Naturæ omnibus communem, ita a summis Principibus posse, si ipsi velint, usurpari, probant his argumentis Protestantes. Primò. In lege Naturæ duæ potestates, profana, & Sacra fuerunt conjunctæ, ut in Melchisedecho, qui Rex erat, & Sacerdos. Sunt ergo etiam conjunctæ in lege gratiæ; cum gratia non destruat, sed perficiat naturam.

Respondeo, duas illas potestates fuisse quidem conjunctas in lege Naturæ, sed vi juris humani, non vi Juris Naturæ. Itaque Rex Melchisedech non tenebatur Jure Naturæ panem, & vinum, quod obtulit Deo, in Sacrificium offerre; sed cum Rex esset, ipse libere potuit sibi jus constituere hoc ritu externo colendi Deum, & Sacerdotium gerendi. Et quia typus fuit Christi Sacerdotis, instinctu Divino panem, & vinum protulit ad Sacrificium pacificum. Quocirca non bene procedit argumentum a lege Naturæ ad legem

Gra-



Gratiæ, in qua potestas Sacra est ordinis altioris, ac jure positivo, non hominum, sed Dei, instituta per ejus Filium Jesum Christum Dominum Nostrum.

Secundum argumentum: Etiam in lege Naturæ homo erat ordinatus ad finem supernaturalem. Ergo hominum societati, atque adeo Principi conveniebat potestas proportionata, hoc est altioris ordinis.

Respondo nego consequentiam. Nam sufficiebat potestas naturalis, idest liberum arbitrium ad præcepta etiam supernaturalia cum adjutorio gratiæ observanda, atque adeo ad finem supernaturalem obtinendum. Favet huic responsioni Angelicus Doctor, vel si quis alius est auctor pulcherrimi operis de Regimine Principum cap. 14. *Sane quia finem fruitionis Divinæ non consequitur homo per virtutem humanam, sed virtute Divina, juxta illud Apostoli ad Rom. cap. 6. Gratia Dei vita æterna; perducere ad illum finem non erit humani, Sed Divini regiminis.*

Tertium argumentum. Christianæ Reipublicæ, quatenus est Christiana, ex ipsa naturâ rei est conveniens sacra potestas. Ergo ab ipsa Republica potest alteri delegari, & in Principem transferri.

Respondeo, competeret quidem Christianæ Reipublicæ potestas aliqua Sacra ordinandi cultum Dei atque Christi, nisi Christus ipse hanc potestatem peculiari, ac præstantissimo modo instituisset. Id quod evidens est ex Sacris Litteris Novi Testamenti. Itaque Sacerdotium in statu legis Naturæ, qui aliquem Dei cultum requirebat, etiam publicum, ex generalibus quidem Naturæ principiis originem duxit, sed jure positivo est definitum, & in Melchisedech cum statu Regio conjunctum. Fortasse hoc jus positivum fuit Divinum, cum dicat Script. Genes. cap. 14. *Erat enim Sacerdos Altissimi*; ita ut fuerit a Deo institutus; vel

etiam humanum, ipso Melchisedech instituentem. In Lege Scripta iussit Deus, ut ex Aaron stirpe Sacerdotes affumerentur. In Lege nova Christus instituit Sacerdotium excellentius, Ordinemque Hierarchicum, qui Scripturæ, & Patrum, & Conciliorum testimoniis, constanti denique Ecclesiæ traditione est comprobatus.

Quantum argumentum. Principes terreni regnant gratia Dei; deinde sunt Dei in terris vicarii: Nam, ut ait Sanctus Augustinus Quæstionum veteris, & Novi Testamenti part. 1. quæst. 9. *Adoratur in terris Rex, quasi Vicarius Dei*. Et Sanctus Isidorus lib. 3. Sententiarum, seu de summo bono *dedit*, inquit, *Deus Principibus Præsulatum pro regimine populorum*. Ergo Sacra potestas ita convenit Principi tamquam Dei vicario, sicut convenit Deo. Probatur consequentia; quippe est munus Vicarii procurare honorem & cultum ei, a quo fit Vicarius, convenientem, & in Sacris Litteris præscriptum. Deinde Reges vituperantur a Deo in Libris Veteris Testamenti ob sacra neglecta. Ergo illorum est propria sacra potestas. Reges dicuntur Pastores in Psalmo VIII. qui de pastu non corporali, sed spiritali debeant populo providere: dicuntur Ecclesiæ nutritii Isaïæ cap. 49.

Respondeo, Principes *Dei gratia* regnare regimine civili atque politico, cum omnis potestas a Deo sit; non regimine sacro, & Ecclesiastico: item Dei esse vicarios in temporalibus, non in Spiritualibus. Deus, qui est Rex Regum, & Dominus Dominantium, duplicem in terris vicarium suum constituit, unum in temporalibus, alterum in Spiritualibus.

Quare illa Scripturæ testimonia vera sunt in sensu Catholicorum, non in sensu Protestantium; qui si *jure Imperii summi* Principibus tribuunt officium Vicarii etiam

etiam in rebus, quæ ad salutem animæ pertinent; necesse est, illud tribuant etiam Regi Sinenſium, qui eſt idololatra, quod tamen dicere non audebunt; cum expreſſe repugnet D. Pauli Sententiæ prima Epiſtola ad Corinthios capit. 2. *Sapientiam autem loquimur inter perfectos; ſapientiam vero non hujus Saculi, neque Principum hujus Saculi, qui deſtruuntur: Sed loquimur Dei Sapientiam in myſterio, quæ abſcondita eſt, quam prædeſtinavit Deus ante ſacula in gloriam noſtram, quam nemo Principum hujus Saculi agnovit.*

Ad probationem conſequentiæ dico munus Vicarii, Paſtoris, nutritii, in Patrum ſcriptis, & Sacris litteris expreſſum, eſſe Eccleſiam defendere, Eccleſiæ Miniſtros protegere, ut fructuoſe, ac pacifice Spiritua- lia tractent, Chriſtianam juſtitiā, & honorem Divinum promovere, Eccleſiæ hoſtes reprimere: Quod qui facere neglexerunt, a Deo merito vituperantur.

Poteſtatem juridiſctionis etiam ſacram Principibus ſummis convenire ſic probant Proteſtantes. Jure Naturæ debetur Principi ea poteſtas, quæ eſt neceſſaria ad publicam tranquillitatem. Ergo ſumma debetur, quæ nempe includat etiam Sacram poteſtatem, & excludat poteſtatem alterius æquæ ſummam.

Reſpondeo Jure Naturæ convenire Principi ſummam poteſtatem in genere politico, non in ſacro. Nam poteſtas duplex in genere diverſo non repugnat fini publicæ tranquillitatis *per ſe*, hoc eſt ſervata debita ſubordinatione.

Argumentum Secundum. Repugnant primis principiis politiæ duo Reges in eodem Regno independentes; cum faciant *ſtatum in ſtatu*: Eſſent autem Rex, & Epiſcopus duo Reges in eodem Regno independentes. Ergo repugnant. Ergo Rex unus habet utramque poteſtatem, & profanam, & ſacram.

Re-

Respondeo Principium illud politicum : *Statum in statu , principatum in principatu , Rempublicam in Republica esse vitandam* , intelligi de statu in statu ejusdem generis , non de statu in statu generis omninò diversi , sacri nempe , atque profani , ubi Principes duo jurisdictionem toto genere diversam , suisque limitibus circumscriptam observant .

Reponunt ad hoc Protestantes : Discrimen hoc potestatum , profanæ & Sacræ non raro fuit bellorum causa inter Papam , & Cæsares . Ergò non illud intendit natura , quæ pacem respicit , tamquam publicæ felicitatis instrumentum .

Respondeo duas illas potestates , vel earum alterutram male administratam belli causam fuisse per accidens , non per se . Aliquando etiam Regia potestas in tyrannidem degeneravit , Aristocratia in Oligarchiam , hoc est , paucorum dominatum , Democratia in Ochlocratiam , hoc est multitudinis concitatæ ac turbulentæ Imperium . Id autem contigit non ratione Potestatis Regiæ , Aristocraticæ , aut Democraticæ , sed eorum vitio , qui Rempublicam gesserunt .

Ut ea , quæ dixi , contrahantur in summam , ita constituo , potestatem Sacram nullo modo esse propriam Potestati politicæ Jure Naturæ , ut falso opinantur A catholici . Primò quod potestas politica ex fine differat ab Ecclesiastica , cum hæc supernaturalem finem , id est æternam salutem in Patria Beatorum , illa naturalem respiciat . Secundò ex origine : nam Ecclesiastica a Deo est ut Auctore gratiæ ; politica item a Deo , sed ut Auctore Naturæ . Tertiò ex objectis . Nam hæc habet objecta temporalia , id est bonum Reipublicæ temporale ; illa habet objecta spiritualia , principia scilicet Fidei , Sacramenta , Grati-  
tiam

tiam Dei, censuras &c. Quartò ex universalitate; qua potestas Sacra debet in uno moderatore, hoc est, Romano Pontifice residere & per hunc aliis Ecclesiarum Rectoribus gradu inferioribus communicari, ne multiplicatis capitibus, judicia diversa proferantur circa viam salutis: quæ ratio locum non habet in potestate politica. Quintò deniquè ex absurdis, quæ sequerentur, si sacra potestas juris esset naturalis: quorum illud est maximum, quòd Ethnici Imperatores illa uti potuissent, & Christianorum subditorum ritus ordinare, censuras ferre, controversas ad religionem pertinentes dirimere, & alia præstare, quæ Romani Pontificis, & Episcoporum sunt munera.

Sed neque Jure Gentium, nec Jure Collegiali Communitatis Christianæ in Principes translato, potestas Ecclesiastica ad eos pertinet. Nam Jus illud utrumque a Jure Naturæ originem trahit. Si igitur sacram potestatem Naturæ Jus non attingit, ut dictum est; eandem multo minus attingent jura illa inferiora quæ fundamentum habent in Jure Naturæ.

Confirmatur hæc veritas testimonio Imperatorum. Justinianus in Authentica, cujus est initium: *Quomodo oporteat Episcopos*; hæc habet: *Maxima quidem in omnibus sunt dona Dei a superna collata clementia, Sacerdotium, & Imperium: illud quidem Divinis ministrans, hoc autem humanis præsidens, ex uno eodemque principio utraque procedentia humanam exornant vitam: Constantinus Magnus, ut Ruffinus narrat lib. 1. Historiæ additæ ad Eusebium cap. 2. judicium inter Episcopos in Concilio recusans, dixit: Deus vos constituit Sacerdotes, & nobis a Deo dati judices estis; & conveniens non est, ut homo iudicet Deos, sed ille solum, de quo scriptum est: Deus stetit in Synagoga Deorum,*

rum, in medio autem Deos dijudicat Psal. 81. vers. Hebræum, *אֱלֹהִים נֶאֱכָר בְּעֵדָה אֶל בְּרַבִּי אֱלֹהִים יִשְׂרָאֵל*. Theodosius junior in Epistola ad Synodum Ephesinam, quam Papa Adrianus refert ad Michaellem Imperatorem: *Illicitum est eum, qui non sit ex ordine Sanctissimorum Episcoporum, Ecclesiasticis immisceri tractatibus*. Valentinianus, cum Episcopi potestatem peterent conveniendi in Concilio pro rebus Fidei, ultro professus est, *sibi, qui unus e laicorum numero esset, non licere se ejusmodi rebus interponere*. Honorius Augustus ad Arcadium in causa Chrysostomi, inter Epistolas Innocenti primi, Cum, si quid, inquit, de causa Religionis inter Antistites ageretur, Episcopale esse oportuerit iudicium: ad illos enim divinarum rerum interpretatio, ad nos Religionis spectat obsequium. Basilius Imperator in Actis octavi Concilii Generalis: *De vobis (secularibus) quid amplius dicam, non habeo, quam quod nullo modo vobis licet de Ecclesiasticis causis sermonem habere: hac enim investigare, & querere Patriarcharum, Pontificum, & Sacerdotum est, qui regiminis officium sortiti sunt; qui sanctificandi, ligandi, atque solvendi potestatem habent; qui Ecclesiasticas, atque Cælestes adepti sunt claves; non nostrum, qui pasci debemus.*

## C A P U T III.

*De Habitudine Religionis Judaica ad Christianam.*

**P**uffendorfius docet in Religione Judaica potestatem Ordinis fuisse penes tribum Leviticam, potestatem jurisdictionis mansisse in Regibus, adcoque non fuisse statum in statu. Hinc idem colligit esse dicendum de Religione Christiana, cum hoc tamèn discrimine, quòd Judaica fuit propria unius populi Hebræi, Christiana patet omnibus gentibus; illa

illa habuit Sacrificia; hæc (ut impie mentitur) habet nullum: in ea Sacerdotium fuit certis hominibus peculiare; in hac est omnibus Christianis commune: Addunt his alii Protestantes, potestatem Sacrorum in Judaicis Regibus semper fuisse, quamquàm post Babilonicam Captivitatem Levitici ordinis potentia creverit, & omnem potestatem jurisdictionis ad se pertraxerit.

Probant autem commentum suum his argumentis. Primò In lege antiqua præcepta fuit obedientia Principibus etiam paganis, ut Angelis Dei, unctis Domini. Ergò erant Sacra potestate insigniti.

Respondeo. Fuisse quidem *Reges unctos Domini*, hoc est, a Deo, vel Populi electione, vel successione legitima constitutos, ideoquè fuisse iis obtemperandum in iis, quæ temporalia respiciebant. Verùm Sacra illis attingere non licebat, ut mox ostendemus.

Secundò In veteri Testamento profana potestas cum Sacra fuit conjuncta, ut in Moyse, Heli, & aliis.

Rex Aza subvertit excelsa, Lucosque succidit, Ezechias confregit æneum serpentem: Rex Josaphat misit Principes, & Levitas ad docendum populum; constituit Sacerdotes ad judicia ferenda in causis Domini: Rex Salomon deposuit summum Sacerdotem Abiathar, & multavit exilio: idem templum extruxit, oblatisque victimis dedicavit: David congregavit Sacerdotes, & arcam reduxit: Ozias librum legis prælegit, sordus cum Deo percussit.

Respondeo In Moyse, & aliis potestatem Sacram cum profana fuisse aliquando conjunctam extraordinario Jure, non ordinario. In Republica Hebræa, quæ Theodactica, hoc est, a Deo instituta appellatur, sive aliqua necessitate, sive temporum, aliarumque causarum malignitate, sive Dei Consilio quæ-

dam sunt facta, quæ in exemplum trahi ad Christianam Rempublicam minimè possunt, quæ est ordinis altioris, & ex Christi institutione suos habet antistites & ministros. Cæterum Reges Judaicos non habuisse Sacram potestatem jure ordinario, patet ex facto Samuelis, qui cum populi precibus fatigatus ei Regem dedisset, noluit a Saule, primo utique Rege, Sacra tractari.

Rex Aza quòd fecit, non Sacra potestate fecit; sed Regia, cum sustulit idololatriam. Non enim Reges vetantur, quæ sunt legibus naturalibus ac positivis adversa, prohibere: imo tenentur ex officio peccata punire, & cultum Dei promovere. *In hoc enim, ait S. Augustinus lib. 3. contra Cresconium cap. 51. Reges, sicut divinitus eis præcipitur, Deo serviunt, in quantum Reges sunt, si in suo Regno bona jubeant, mala prohibeant, non solum quæ pertinent ad humanam societatem, verum etiam ad Divinam Religionem.*

Ezechias Regia potestate serpentem confregit; qui quamvis, jubentè Deo, ad Salvatorem Christum representandum erectus fuerit, quia tamèn Hebræo Populo carnali, impium cultum eidem adhibenti, occasio scandali, & ruinæ spiritualis erat, Regis jussu confringi poterat.

Josaphat etiam in iis, quæ fecit, potestatem exercuit advocati & protectoris Ecclesiæ; quia convocare Sacerdotes & Populum, etiam ob finem spiritua-lem, non statim denotat spiritualem Regis potestatem, sed pietatem ac Zelum, quo Rex incensus civilem ac Regiam potestatem direxit in bonum populi spirituale. Ipse etiam constituit judices in causis domini, nominando, non Sacram potestatem eisdem dando.

Salomon, cum mulctavit Abiathar Sacerdotem, vel  
fe-



fecit Jure Naturali in causa perduellionis, vel Jure Divino extraordinario, quo Salomon implevit oraculum illud de domo Heli funditus evertenda, ut impleretur sermo Domini, quem locutus est super domum Heli in Silo; vel, quod est probabilius, non deposuit Abiathar, sed removit ab usu muneris, ne quid turbarum Abiathar excitaret Jerosolimis post mortem Adoniz.

Arcam reducere, quod fecit David, pietatis Regiæ fuit, non sacræ jurisdictionis. Quippe Rex arcam nec portavit, nec tetigit. Sic & percussio fœderis nil ultra pietatem Regiam significat: nam promissionem de servanda lege renovare, æque ac Sacram Scripturam prælegere, actiones sunt Sacerdotibus laicisque communes ut indicatur lib. 4. Reg. cap. 23. *Acquievit que populus pacto.* Textus verò Hæbraicus *וַיַּעֲמֵד בְּלִי יְהוָה בְּכִרְיִת* Ozias quidem incensum obtulit, sed statim poenas dedit: nam lepra percussus est.

Ex his ergo omnibus exemplis nulla ostenditur fuisse in Regibus Sacra potestas: optimè verò constat, bonum ac fidelem Regem defensorem esse debere Divinæ Fidei, ac veræ Religionis, diligenter curando, ut omnes errores, & superstitiones contra veram & approbatam ab Ecclesia doctrinam a suo Regno arceantur.

Quod si concederem in Testamento veteri fuisse Sacram potestatem in Regibus, non tamen hinc sequeretur, in Lege Evangelica idem esse dicendum. In hac enim est ordinis altioris Sacra potestas. Non legimus dictum Hebræorum Pontifici: *Tibi dabo claves Regni Cælorum: Et, quodcumque solveris super terram erit solutum & in cælis.*

## CAPUT IV.

*De Habitudine Religionis Christianæ ad vitam  
Civilem.*

**E**st Dogma Catholicum, Ecclesiam Christi habere potestatem spirituales jurisdictionis externæ, & quasi politicæ. Constat hæc veritas testimonio Scripturæ tribuentis Ecclesiæ jurisdictionem externam, hoc est, potestatem ligandi, solvendi, contumaces, tamquam Ethnicos a se repellendi, cum D. Paulus in 2. Epistola ad Corinthios cap. 13. dicat: *absens scribo, ne presens durius agam, secundum potestatem, quam Dominus mihi dedit in edificationem*: Deinde Christo promissum est Regnum in terris inchoandum, Ezechielis cap. 37. *Faciam eos in Gentem unam in terra, & Rex summus erit Dominus imperans.*

Quoddam regnum non est quidem de mundo, ac temporale, sed est tamen in mundo spirituale. Ergo ut hoc Regnum spirituale in hoc mundo regatur ac conservetur, necessaria est potestas jurisdictionis externæ.

Puffendorfius cum suis hoc Dogma inficiatur in grandi Opere de Jure Naturæ & Gentium, & in libello de habitu Religionis Christianæ ad vitam civilem. Quem longius confutare non est mei instituti, cum id jam fecerint, qui de Controversiis Christianæ Fidei Commentarios scripserunt. Rationes tamen quædam politicæ, quas ille affert ut a Republica excludat potestatem cujusdam Sacerdotis, ut ait, extranei, hoc est, summi Pontificis, breviter sunt refutandæ.

Religionem Catholicam in suspicionem Regibus  
ac

ac Principibus conatur adducere. Primò ob lectionem Sacræ Scripturæ promiscuè non permissam. Secundò ob Cleri ingentem magnificentiam, opes, aliaque commoda, tam pertinaciter defensa obtentu Religionis. Tertiò ob Cleri sævitiam in adversæ partis fautores.

Respondeo Igitur, Calumniam esse Protestantium, qui dicunt, Religionem Catholicam debere merito esse suspectam ob Sacræ Scripturæ lectionem promiscuè non permissam, cujus promiscuus usus, & abusus Protestantes divisit in tot lacinias Sectarum, ut difficile sit eas persequi numerando. Nam etiamnum hodie Lutherana labes alios ex aliis errores parit, *Indifferentissimi secunda mater.*

Ad secundum dico, Magnificentiam Cleri, hoc est Hierarchiæ Ecclesiasticæ etiam quoad potestatem, ac bona temporalia, esse utilem Christianæ Reipublicæ, atque his temporibus necessariam. Nam Clero paupere languet cultus Dei, ac templorum, ut multis ab hinc Sæculis vidimus: hoc deficientè, in vitia solvitur populus, ac turbas agit.

Ad tertium dico, Protestantes insectari Tribunal Inquisitionis adversus hæreticam pravitatem, tamquam tyrannicum Antichristum Sacræ Scripturæ, Patribus, & Conciliis adversum.

Sed immerito. Et experientia constat, serpentem labem hæreseos hoc maxime remedio comprimi, atque extinguì.



## C A P U T V.

*De officiis erga seipsum.*

**D**Uobus tantum indigemus quoad vitæ conservationem, & modum transigendi illam, scilicet victu, & vestitu, juxta illud Pauli Epist. 1. ad Timotheum cap 6 *Habentes alimenta, & quibus tegamur, bis contentissimi*. Ex lege naturali non indigent homines vestimentis, nec ea tenentur adhibere. In statu enim innocentiae cum tota lege naturali sufficienter tegerentur justitia originali, si eam conservassent in Adamo. Est ergo necessitas vestimentorum pœna peccati originalis, ad tegendam verecundiam, qua inflicta post peccatum, primi parentes *conserunt sibi perizonata*, ut in Libro Genesis legimus.

Naturaliter tamen indigent homines alimentis, & tenentur iis uti. Patet ex corpore petente nutritionem, augmentum &c. Materia autem alimentorum non sunt necessario carnes. Nam in statu integritatis fuisset inordinatus usus carniū, non ex Dei prohibitionē, sed ratione optimorum alimentorum Paradisi terrestis. Eadem ratio excluderet ab illo statu usum alterius cibi arte confecti, vini &c. non quia lege naturæ prohiberentur, sed quia nec necessaria ea essent, nec sine cura pararentur. Unde sequitur, ex lege naturali revera non definiri ciborum qualitatem.

Ex lege naturali facultates hominis dirigendæ sunt ad finem ordinatum. Finis autem ordinatus est finis honestus. Delectabilitas ipsa, ipsum levamen naturæ vel quælibet corporis commoditas, si fiant considerando solum naturam animalem; non sunt bona, & honesta; ut sint enim bona, & honesta, debent dirigi ab

ab humana natura, ut rationali. Hoc fit, quando ad operandum propter commoditatem naturæ adhibet homo rationis regulam, & judicat illam commoditatem esse sibi convenientem, etiam ut ratione regulatam.

Ex eo quod homo semper tenetur operari ut homo, & consequenter regulam rationis adhibere, inferitur obligatio prædicta ex jure naturæ. Modus autem ille operandi satis est ad honestatem actionis, ut dixi. Loquor autem de operatione vere morali.

## C A P U T VI.

### *De officiis erga Proximum.*

**N**on ratione naturæ lapsæ, sed ex lege naturali genus humanum propagatur per naturalem generationem. Patet ex sexuum distinctione cum similitudine naturæ. Inde tamen non inferitur, præceptum matrimonii obligare singulos, etiam in statu innocentiae. Nam dari posset etiam tunc ratio majoris boni in continentia.

Ex filiorum procreatione oritur naturaliter societas domestica, seu familiæ. Quod etiam docuit Aristoteles lib. 1. Politicorum cap. 2. Hæc Societas trahit cohabitationem necessariam viri, & uxoris ad filiorum generationem, & educationem: Nam recta institutio filiorum est de jure naturæ respectu parentum.

Matrimonii insolubilitas est de jure naturæ. Polygamia videtur jure naturæ prohibita.

Lex autem prohibens illam fundatur maxime in naturali justitia, & æqualitate inter virum, & uxorem, quoad mutuam corporis traditionem. Poligamia etiam contraria est paci, tranquillæ habitationi, & con-

convenienti familiæ gubernationi quæ sunt fines secundarii Matrimonii.

Societas plurium domorum, unde pagus exurgit, præscindens a morali unitate, vel communitate, est de Jure Naturæ, ex generatione scilicet plurium filiorum, & ex susceptione natorum ex natis, seu nepotum ex filiis. Societas etiam politica, qualis in Civitate, vel Regno conspicitur, videtur esse de Jure Naturæ, non quidem propter indigentiam mutui auxilii tantum, sed etiam propter majorem vitæ jucunditatem, & honestam communicationem, quam homo naturaliter amat. Quamquam hæc mutua corporum indigentia, & defensio est in natura corrupta, adeoque non de Jure Naturæ in se simpliciter, & absolute, sed supposita corruptione.

Discrimen etiam naturale hominum post Adæ peccatum in scientia & virtute, est caput sufficiens ad prædictam societatem: ut minus docti & minus ferventes a Doctoribus & ferventioribus adjuventur, & qui peccant, ab aliis corrigi possint.

## C A P U T VII.

*De hominum Dominio in homines.*

**I**N Jure Naturæ non datur dominium proprietatis unius hominis in alium ad usus convenientes propter utilitatem Domini. Nam libertas est homini naturalis: & utrumque simul esse non potest, hoc est libertas, & servitus. Quia propter hæc non est de Jure Naturæ.

Aliunde verò introduci potuit, scilicet in pœnam: & idcirco non est contra Jus Naturæ. Aliter est ratiocinandum de subjectione famulatus, quæ non in pœ-

pœnam, sed in subsidium est introducta. Dominium directivum, seu potestas imperandi aliis in eorum commodum, & commune bonum, est de Jure Naturæ. Sic potestas viri in uxorem, patris in filios, & in totam familiam, quæ quidem potestas ad bonum ordinem, & pacem inter ipsos necessaria est; & resultat, posito contractu matrimonii, & filii generatione. Politicus Principatus, debito modo introductus, est de Jure Naturæ, cum spectet ad conservationem humanæ ac civilis Reipublicæ.

Ad regimen autem, & conservationem civilis societatis humanæ, non est de Jure Naturæ necessarius unus Monarcha. Sunt enim alii modi regiminum sufficientes, licet fortasse non ita perfecti: & ideo nomine unius Principatus politici unum tribunal, seu potestatem unam intelligimus, sive illa in una Naturali Persona, sive in uno consilio seu congregatione plurium, tamquam in una persona ficta, ut in uno capite existat. Princeps autem politicus potestatem suam a Deo recipit: tum quia Principatus est de Jure Naturæ, & Jus Naturæ est a Deo: tum quia hoc innuit Scriptura: *Per me Reges regnant, & legum conditores justa decernunt*; Proverbiorum capite octavo.

Licet ergo potestas civilis suprema immediate dicatur a Deo collata perfectæ hominum communitati per naturalem consequutionem ex vi primæ creationis: & hominum communitas ex Jure Naturæ non teneatur ad unum regimen potius, quàm ad aliud; tamen postquam in unam Personam potestatem transtulit, nequit citra injustitiam ab illius dominio recedere, vel illius potestatem imminuere.

Potestas hæc resultat naturaliter in humana natura (ubi homines libere in unam communitatem perfectam,  
*R. P. Const. Swięcicki O. M. Tblgi.* T etiam,

etiam congregantur, & politice uniuntur) ab Auctore naturæ ratione suæ providentiæ: & idcirco dicitur collata immediate a Deo. At determinatio ad certum modum regiminis est arbitrio hominum. Potestas suprema civilis non potest ferre leges de actibus pure internis.

Hæc enim potestas ad exteriorem pacem & honestatem societatis humanæ ordinatur, ad quam nihil referunt actus pure interni. Potest tamen de his actibus legem ferre, quatenus sunt connexi cum actibus externis. Item potest ferre leges obligantes in conscientia. Nam potestas ferendi leges debet habere vim cogendi, ut patet: coactio autem sine potestate obligandi in conscientia vel est moraliter impossibilis, quia coactio iusta supponit culpam; sed culpa non est, ubi non est obligatio in conscientia: vel est insufficiens; quia non posset in multis casibus necessariis sufficienter Republicæ subvenire.

Potestatis civilis, etiam supremæ, capax est omnis homo, quem natura, specialis lex, aut consuetudo non repellit. An natura repellat rationis usu carentes, quales infantes, ebrii &c. eo quod censeantur simpliciter inepti ad regimen, per plures distinctiones Jureconsulti definiunt. Muliebrem sexum admittit non infrequens experientia, quam naturæ juri oppositam nemo facile dixerit.

Summa potestas sub se continet varia jura. Horum alia sunt majora, alia minora: prima sunt cum potestate summa necessariò connexa. Secunda aliis etiam communicabilia.

Illa respiciunt potestatem tuendi Rempublicam; hæc subsidia, & opes, ad tuendum requisitas. Unde fluit officium Principis primarium, ut civitas ab internis incommodis tuta sit, & externis. Ad interna incom-

mo-



moda evitanda, securitatemque conservandam conducit una, & unicè vera Religio: Unde jus Sacrorum in protegenda Ecclesia, adjuvando Ecclesiastico ordine, excludendis religionibus falsis, & peregrinis, novatoribus exterminandis. Habenda est item cura justitiæ ferendis legibus, constituendis judiciis ac Magistratibus, proponendis pœnis ac præmiis. Quare hæc jura Majestatis, seu Principatus sunt propria: Item alia, quæ publicæ necessitates requirunt, qualia sunt jura tributorum, vectigalium, commerciorum, & opificiorum instituendorum, jus cudendæ monetæ, ordinandi contractus, definiendi rerum pretia, constituendi pondera & mensuras, erigendi Collegia, Societates, Academias &c. Ad externa incommoda evitanda conservari debet pax, vel per bellum reparari. Inde nascitur jus pacis, ac belli, foederum, legatorum: de quibus in Parte Secunda hujus Operis agendum erit. Et quidem copiosius, quam hætenus feci, propter materiæ dignitatem & ubertatem, utpote quæ multa multorum officia, ad Jus Naturæ, & Gentium pertinentia complectatur. Nunc de vi obligandi quam obtinent leges, & quomodo peccent qui eas violant, differendum.



## DISPUTATIO VIII.

*De Lege, ejusque vi obligandi.*

## CAPUT PRIMUM.

*De Lege in Genere.*

**L**Ex est commune præceptum, justum, ac stabile, sufficienter promulgatum. Per illud *commune* excluduntur præcepta particularia; per alias vero particulas indicantur omnia, quæ in lege possunt desiderari. Hæc definitio communis est apud Theologos, & Jurisconsultos.

Non contentus hac definitione Puffendorfius aliam tradit Lib. 1. de Jure Naturæ, & Gentium capit. 6. *Lex commodissime videtur definiri per Decretum, quo superior sibi subiectum obligat, ut ad istius præscriptum actiones suas componat.*

Verum juxta hanc definitionem etiam iniqua Superioris alicujus decreta dici deberent leges; quod quidem & Philosophorum, etiam Ethnicorum, sententiis, & rectæ rationi dissonum est. Cicero de legibus lib. 2. ait: *Neceffe est igitur, legem haberi in rebus optimis: prorsus assensior. Quid? quod multa perniciofa, multa pestifera, sciscuntur in populis, quæ non magis legis nomen attingunt, quàm si latrones aliquas consensu suo sanxerunt? Nam neque medicorum præcepta dici vere possint, si qua inscii, imperitique pro salutaribus mortifera conscripserint; neque in populo lex cuicunque fuerit illa, etiamsi perniciosum aliquid populus acceperit. Ergo est lex justorum, injustorumque distinctio ad illam antiquissimam, & rerum principem*

*cipem expressa naturam, ad quam leges hominum diriguntur; quæ supplicio improbos afficiunt, defendunt & tuentur bonos. Praclare intelligo; nec verò jam aliam esse ullam legem puto non modò habendam, sed ne appellandam quidem. Et ibidem ait: legem condi debere ad vitam justam, quietam, & beatam: & idè qui leges injustas condidere, quidvis potius tulisse, quàm leges. Ratio autè est clara; quia lex est mensura rectitudinis: Lex autè iniqua non est mensura rectitudinis operationis humanæ: nam potius actio illi conformis iniqua est. Non est igitur lex; sed ad summum participat nomen legis per quamdam analogiam & abusionem vocabuli: ut dici solent lex mundi, lex duelli, & similes; quatenus in ordine ad aliquem finem certum præscribunt operandi modum.*

Legis quædam proprietas vis est obligandi. Hanc vim lex habet a Superiore, ut ab habentè publicam potestatem. Potestas autè, quæ requiritur ad leges ferendas, est potestas jurisdictionis, quæ per se primò respicit communitatem perfectam: neque sufficit potestas dominativa, quæ est circà privatas personas, vel ex Jure Naturæ tantum, ut Patris in Filium; vel supposito etiam pacto humano, ut viri in uxorem; in ordine ad gubernationem domus, aut personæ; vel ex Jure Gentium, aut Civili, ut Domini in servum bello captum; vel ex humano contractu, ut Domini in servum, qui se illi vendidit: quò spectat potestas Superioris in ordine Religioso respectu cujuslibet eidem subiecti per votum obedientiæ. Residet autè in potestate jurisdictionis major vis coercendi, quàm in dominativa.

Et ita non licet Domino sævire in servum, ut dicunt jura civilia; expeditque Reipublicæ, ut severior correctio non nisi auctoritate publica fiat. Potestas

tas autem jurisdictionis per se est potestas publica , & ad communitatem ordinata . Jam verò quia legislatio est potissimus actus , quo Respublica gubernatur , idque propter ejus commune bonum ferri debet ; idcirco per se spectat ad potestatem gubernativam Reipublicæ , ad quam pertinet procurare ejus commune bonum . Hæc autem est potestas jurisdictionis .

At non omnis potestas jurisdictionis sufficit ad leges ferendas . Nam ordinarii judices habent jurisdictionem , & tamen leges nequeunt condere . Requiritur ergò principalis quædam , & primæva potestas in illo ordine . Est enim condere legem actus præcipuus gubernationis Reipublicæ . Potestas autem hæc primariò , & per essentiam est in Deo ; communicatur autem Regibus per quamdam participationem juxta illud Sapientiæ 6. *Audite Reges : quoniam data est a Domino potestas vobis .*

In omni rursus communitate est aliqua potestas Suprema in ordine ; in Ecclesia Sanctus Pontifex , in Regno temporali Rex , in Republica , quæ Aristocraticè regitur , Optimates . Non enim potest esse corpus , nisi sit monstruosum & mutilum , sine capite .

Requiritur in Legislatore ex parte intellectus judicium , quo statuat rem talem esse Reipublicæ convenientem , & expedire ut ab omnibus servetur . Lex enim debet esse justa , & idcirco etiam lata prudenter . Ex parte voluntatis requiritur actus , quo Princeps velit observari id , quòd expediens judicavit : actus verò voluntatis respicit obligationem subditorum . Post hæc necesse est , ut manifestetur subditis decretum illud sufficienti propositione .

Puffendorfius materiam legum in genere esse defini-

ni-

nivit, quidquid ab iis a quibus feruntur, fieri potest, saltèm eo tempore, quo leges promulgantur.

Sed Franciscus Suarez, aliique Catholici animadvertunt, materiam legis debere esse justam: & nomine justitiæ complectuntur conditiones a D. Isidoro lib. 5. Etymologiarum cap. 2. relatas nimirum, quòd *Religioni congruat, quòd disciplina conveniat, quòd saluti proficiat*. Aliquandò actus præcepti per legem supponuntur boni & honesti de se, & per legem accipiunt tantum necessitatem & obligationem, quia antea erant voluntarii, ut de actu audiendi Missam, jejunandi, vel similibus. Aliquandò lex datur de opere indifferente; ut de ferendis, vel non ferendis armis, tali tempore & loco; & tunc actus fit bonus, & ex efficacia, & fine legis.

## C A P U T II.

### De Lege Æterna.

**O**mnis Lex aliquo modo est a lege æterna, & ab illa habet vim obligandi. Sumitur ex D. August. qui lib. de vera Religione cap. 31. ait: *Conditor legum temporalium, si vir bonus est & sapiens, illam ipsam consulit æternam, de qua nulli anima judicare datum est, ut secundum incommutabiles regulas, quid sit pro tempore jubendum vetandumve, discernat*. Et lib. 1. de libero arbitrio cap. 6. *Nihil est in temporali lege justum, quod ex lege æterna non derivetur*. Et quæst. 67. in Exodus: *Lex æterna Dei est, quam consulunt omnes pia mentes, ut quod in ea invenerint, vel faciant, vel jubeant, vel vetent*. Ratio autem generalis reddi potest; quia lex æterna est lex per essentiam, & omnis alia est per participationem: ergò necesse est, ut omnis alia lex fit

fit effectus legis æternæ . Præterea lex duo requirit ; unum , ut sit iusta & rationi consentanea ; aliud , ut sit efficax ad obligandum : Sed omnis recta ratio creata est ex participatione divini luminis , quod signatum est in nobis ; & omnis potestas hominum desuper datur , & a Domino Deo est . Ergò omnis lex in hominibus existens est ex lege æterna . Et utrumque significavit Divina Sapientia , cum dixit Proverbiorum cap. 8. *Per me Reges regnant*, utique quantum ad potestatem : *Et legum conditores iusta decernunt* ; videlicet quò ad rectam rationem .

Esse in Deo legem æternam , est communis Theologorum sententia . Cum enim in Deo sit Providentia , necessariò supponi debet in eo æterna quædam ratio practica totius dispositionis , & gubernationis Universi . Hanc utique Ethnicorum sapientissimi in Deo agnoverunt . Sic Tullius in 2. libro de Legibus : *Hanc video Sapientissimorum esse sententiam , nec scitum esse aliquod populorum , sed æternum quoddam , quod mundum regit , imperandi , prohibendique sapientiâ* . Extant Manilii Libro primo de Astronomia versus illi :

*Hoc opus immensi constructum corpore Mundi ,  
Membraque natura diversa condita forma ,  
Aeris , atque ignis , terra , pelagique jacentis  
Vis anima divina regit , sacroque meatu  
Conspirat Deus , & tacita ratione gubernat .*

Quare dici optimè potest , legem hanc æternam non esse regulam actuum divinorum ad intra : nec esse regulam actuum divinorum ad extra , quatenus morales sunt , & honesti : Nam illos constat non dirigi , sed ab intrinseco habere , ut recti sint ; hos neque

neque dirigi ex eo patet, quia Deus nec Superiorem habet, nec se ipsum per modum præcepti & legis potest obligare: cum non sit sibi superior, & rectum operetur ex naturali rectitudine, & nequeat operari contra rectum, vel contra suum decretum. Quare dictamina practica de iis, quæ decent Deum, non proponunt præceptum, sed tantum indicant, quid rei natura habeat. Lex autem æterna habet rationem Legis respectu rerum, quæ gubernantur a Deo, ut secundum illam moveantur, non respectu Dei, qui nullum, ut dixi, habet Superiorem. S. Aug. lib. 22. contra Faustum cap. 27. agebat: *Lex æterna est ratio Divina, vel voluntas Dei, ordinem naturalem conservari jubens, perturbari vetans.*

Hæc autem Lex æterna, ut est propriè præceptiva respectu hominum, habet vim obligandi de se, si sufficienter promulgetur & applicetur. Deus enim habet supremam imperandi potestatem: ergo & obligandi. Imperat autem per suam legem æternam. Ejus enim Imperium non incipit in tempore. Ergo per eandem obligat. Obligat enim verò in tempore, habito ad creaturas respectu: Sed vis obligandi fuit ab æterno. At quoniam æterna hæc lex non est per se ipsam hominibus viatoribus nota, debet utique vel in aliis legibus, vel per alias innotescere. Et quidem omnes necessariò vident aliquam participationem legis æternæ in se ipsis; cum nemo utens ratione sit, qui non judicet aliquo modo honestum esse faciendum, turpe vitandum. Aliqui rursus assequuntur legis æternæ cognitionem, vel naturali discursu, vel perfectiùs per revelationem Fidei; tandem per leges justas, temporales, ac creatas. Ut enim causæ secundæ ostendunt primam, & creaturæ Creatorem; ita leges temporales, quæ participatio

sunt legis æternæ, fontem, a quo manant, ostendunt. Atque idcirco vel in legibus inferioribus, vel per leges inferiores posse innotescere æternam legem perspicuum est: & quidem non per directam cognitionem sub ratione participationis legis æternæ, sed veluti exercitè & virtualiter.

## DISPUTATIO IX.

*De proxima regula bonitatis, & malitia humanorum actuum, quæ est recta ratio, seu conscientia.*

**C**onscientia in genere nihil est aliud, quàm *ratio humana*. Undè nomen traxit dictamen conscientiz, quia ratio per istud nobis dictat, quid licitum sit vel illicitum, quid a Deo præceptum vel prohibitum, quid suasum, vel permissum. Conscientia vel est actualis, vel habitualis. Prima est actus rationis, quo quis judicat aliquid tamquàm conforme vel difforme legi divinæ, hic & nunc faciendum, vel omittendum.

Secunda est habitus inclinans ad ejusmodi dictamina; & prout inclinatur ad prima quædam universalissima dictamina, exempli causa, jus cuique tribuendum, dicitur synderesis: prout inclinatur ad dictamina magis particularia, exempli causa, quid hic & nunc sit agendum, dicitur simpliciter conscientia.

In priore sensu a Deo naturæ Auctore indita est, qui fecit *hominem rectum*, neque naturam destituit in necessariis. Quare, ut ait S. Thomas in 1. p. q. 79. art. 12. in corpore, oportet naturaliter nobis esse indita principia operabilium, sicut indita sunt principia speculabilium.

Con-



Conscientia dividitur primò in rectam, & erroneam. Recta est quæ verè dicitur licitum vel illicitum, quod re ipsa tale est. Erronea, quæ dicitur licitum aut illicitum, quod re ipsa non est tale. Hæc subdividitur in vincibilem & invincibilem: vincibilis in affectatam, crassam, & levem.

Dividitur secundo in laxam, quæ solum mortalia majora curat, & in Pharisaicam, quæ magna parvi, parva magni facit.

Tertiò in certam, tutam, dubiam, probabilem, & scrupulosam: de quibus omnibus breviter dicam, præterquam de probabili, quam clare, ac diligenter exponere decrevi, ut lector intelligat, a nonnullis probabilissimum, quem non intelligunt, immeritò respici.

## C A P U T I.

*De conscientia erronea, dubia, tuta, certa, scrupulosa.*

**E**st semper peccatum operari contra conscientiam erroneam. Probatur ex Apostolo ad Rom. cap. 14. *Qui autem discernit* (scilicet inter cibos, sibi persuadendo aliquos præ aliis esse illicitos) *si manducaverit, Damnatus est, quia non ex fide; omne autem, quod non est ex fide* (hoc est ex rationis dictamine, ut explicant Chrysostomus, Ambrosius, alique Patres communiter, *Peccatum est. Peccat ergo, qui comedit cibos licitos, putans esse illicitos; putat enim ex conscientia erronea, peccatum esse comedere, & tamen comedit.*

Dubium est suspensio animi non valentis se determinare pro alterutra parte contradictionis. Varium est.

Primò negativum, quando ista suspensio oritur ex eo, quòd pro neutra parte rationes appareant. Secundò positivum, quando suspensio oritur ex eo, quòd appareant rationes pro utraque parte æquales, ità prorsus, ut hæreat anceps intellectus. Tertiò exercitum, quando præcise intellectus hæret suspensus. Quartò Signatum, quando intellectus actu reflexo judicat se dubitare. Quintò facti, cum dubitatur, an res sit, nec ne. Sextò Juris, utrùm liceat, an non liceat. Septimò Speculativum, quando versatur circa actionem humanam modo generali abstrahendo a particularibus circumstantiis; ut, An liceat vendere rem, de qua dubitatur utrùm sit aliena. Octavò practicum, quod versatur proximè circa actionem hic & nunc exercendam, spectatis omnibus circumstantiis; ut, An mihi liceat vendere rem, quam Titius mihi dedit cum talibus verbis ac tali gestu, ut dubitem, utrùm mihi illam donaverit, an commodaverit.

Peccatum est operari ex conscientia practicè dubia. Qui enim exercet opus, de quo, spectatis omnibus, dubitat, utrùm sit peccatum, interpretativè vult malitiam peccati, de qua dubitat: nam eo ipso æquè vult opus; sive sit peccatum, sive non.

Conscientia tuta est, quæ judicat tutum esse id eligere, quod est legi conformius, vel quod stat pro lege contra libertatem: exempli causa, cum sacerdos judicat, tutius esse recitare officium Matutinum, ante Missam, quàm post Missam.

In dubio practico tutior pars est eligenda; exempli causa, omittendo actionem, si in illa appareat periculum peccati, & in ejus omissione nullum.

In dubio speculativo invincibili tutior pars est sequenda. Primò Quando jure positivo ita constitutum est capite *Ad audientiam*, & capite *Significasti*, & ca-

pite ultimo. De homicidio, ubi expresse decernitur, ut dubitans de homicidio a se commissio censeatur irregularis, ob hanc rationem, quod *in dubiis semitam debemus eligere tutiorem*. Ubi est notandum, Pontifices ita decrevisse ob specialem reverentiam Sacri ministerii, & nos esse illa ratione, non tamquam continente præceptum naturale per se obligans, sed tamquam proponente generale consilium, quo inducti ita decreverunt in eo casu particulari. Idque colligitur ex citati Capituli *Significasti* verbis hujusmodi, *cum in hoc casu cessare sit tutius, quam temerè celebrare*. Quare hæc dispositio extendi non debet ad irregularitatem ex aliis causis, & multo minùs ad alias materias; imò neque ad irregularitatem ex homicidio, in dubio juris; exempl. gr. Cum dubitas, utrùm incurreris irregularitatem occidendo Turcam volentem comburere templum Christianorum. Nam Capite, Is, qui de sententia excommunicationis jure est cautus, ut nemo ob aliquod crimen censendus sit irregularis, nisi in jure expressum sit.

Secundò Tutior pars est sequenda, cum est periculum damni, quod sic dubitans tenetur cavere, exempl. gr. injuriæ tertii, nullitatis Sacramenti &c. Hinc illicitum est bellum offensivum in dubio juris.

Tertio. Quando possessio stat contra dubitantem. Hinc inferior dubitans, an Superior justè imperet, tenetur obedire; quia possessio non stat pro libertate subditi, sed pro auctoritate superioris. Item qui dubitat, an satisfecerit voto, quod certo emisit, tenetur implere; quia votum est in sua possessione.

Conscientia certa est, quæ judicat aliquid ita se habere, ut prudenter non possit dubitare de opposito.

Ad operandum licitè requiritur conscientia certa, non quidem certitudine metaphysica, in humanis sa-

pe

pe impossibili; sed morali, excludente prudentem formidinem de opposito.

Probat. Qui se voluntariè exponit periculo peccati, peccat, ut patet ex Ecclesiastici cap. 3. *Qui amat periculum in illo peribit*: *من يحب الخطر في ذلك يهلك* sed qui operatur cum prudenti formidine, ne sua actio sit mala, exponit se periculo peccandi, cum ita judicet suam actionem hic & nunc esse licitam, ut simul judicet, fortasse esse illicitam.

Conscientia scrupulosa est suspicio, ac formido orta ex levibus fundamentis, dictans peccatum esse, ubi revera non est, & hominem anxium reddens in operando.

Causæ scrupulorum sunt primò Complexio timida, suspicax, & melancholica. Secundò inconstantia mentis. Tertiò ignorantia. Quarto occulta superbia, qua quis proprio judicio nimium fidit, nec acquiescit alieno. Quinto nimius timor peccandi. Sexto suggestio Dæmonis, & Divina permissio ad punitionem peccatorum præteritorum, ad patientiæ experimentum, & alios fines.

Licet, & plerumque expedit agere contra scrupulum strictè sumptum; quia non est vera conscientia, sed umbra conscientiæ; cum non sit judicium saltè perfectum, sed solum fortis apprehensio & formido peccati; vel si sit judicium, est speculativum, cum quo stare potest judicium practicum de honestate actionis hic & nunc, omnibus spectatis.



C A P U T II.

*De Conscientia probabili.*

**C**onscientia probabilis est judicium opinativum de aliqua re: Opinio probabilis est, quæ habet pro se fundamentum prudenti judicio solidum, & non repugnat aut veritatibus ab Ecclesia receptis, aut evidenti rationi, aut communi Doctrinæ a Theologis traditæ. Quare quò plus opinio participaverit utramque harum rationum, eò erit probabilior. Advertendum hic est, aliud esse, opinionem probabilem, aliud tutiorem. Primum dicitur in ordine ad veritatem magis vel minus ostensam: hoc autem secundum videtur dicere ordinationem ad aliquem finem, seu majorem utilitatem ad illum. Patet hoc in sententia negante peccatorem teneri statim pœnitere post peccatum, quæ est probabilior affirmante: hæc magis tutior in praxi, cum sit utilior ad finem recedendi a periculo peccati & damnationis.

Certum est hominem prudenter operari juxta probabilem cognitionem, quando aliam meliorem consequi non potest. Tota ergo hujus materiæ difficultas consistit in opinione comparata cum alia. Possunt inter se comparari opiniones æque probabiles, sed non æque tutæ. Nam si in omnibus æquales sunt, libera est optio. Rursus possunt esse opiniones ita inæquales, ut minùs probabilis sit tutior ad aliquem finem: aliquandò verò, quæ probabilior est, potest etiam esse tutior. Denique potest comparari una probabilis vel probabilior ad certam: interdum enim est certum, in aliquo actu, vel omissione nullum esse peccatum; & tamèn quod contrarium etiam liceat, potest

test non esse certum, sed probabile, vel probabilius.

His suppositis, variaz sunt sententiaz. Prima absolute, & sine limitatione dicit, licere semper uti opinione probabili, relicta etiam probabiliori. Ita Medina, primus propagator Probabilismi. Fundamentum esse potest, quia vel simpliciter licet, vel numquam; quia eadem est semper ratio: dicere autem, numquam licere, est durissimum: Ergo licet semper; quia illa opinio est sufficiens humanæ cognitioni ejus, quod fieri potest, satisque conformis rectæ rationi. Item quia non potest homo ponderare omnium opinionum fundamenta: ac denique quia etiam in probabilioribus opinionibus potest timeri falsitas; quia, ut Aristoteles ait, multa falsa sunt probabiliora veris.

Secunda Sententia est extreme contraria, semper esse certum præferendum probabili, vel probabiliori, juxta illud principium juris: *Tene certum, & omitte incertum*; & id, quod probabilius est, minus probabili. Ita Conradus, S. Antoninus, Adrianus, Soto. Ratio esse potest, quia si homo debet ferre judicium inter res probabiles, necessario judicat verum, quod judicat probabilius. Ergo agere contra tale judicium esset agere contra prudentiam, & contra conscientiam. Item, quia sic agendo exponit se quis majori periculo operandi malum. Quod confirmatur ex illo principio. *In dubiis tutius est eligendum*: Sed opinio probabilior videtur tutior in conscientia, licet ad alios fines non sit utilior.

Tertia Sententia est, opinionem tutiorem esse sequendam, sive probabilis sit, sive probabilior. Mihi videtur distinctione utendum. Interdum enim opiniones versantur circa jus ipsum, scilicet, an hoc sit prohibitum vel præceptum, nec ne? interdum verò

cir-

circa res ipsas, ut sunt opiniones de Sacramentis, uti an hoc modo facta teneant, necne; & in medicina, an hoc pharmacum sit utile, vel perniciosum. In jure civili, an iste sit hæres, vel non &c.

Dicendum primo, quotiescumque est opinio probabilis, hanc actionem non esse malam, vel prohibitam, vel præceptam, potest aliquis formare conscientiam certam, conformem tali opinioni. Favent huic conclusioni multa, quæ adducit Navarrus. Favent etiam Sylvester, Angelus de Clavasio, & ipse S. Antoninus in 1. part. titul. 3. cap. 10 Ratio est, quia excedit ordinarium modum humanæ facultatis majorem cognitionem obtinere in singulis actionibus.

Item, quia esset intolerabile onus obligare omnes homines ad comparandas inter se singulas opiniones. Præterea existimo illam rationem sufficientem, quia quamdiu est judicium probabile, quod nulla sit lex prohibens, vel præcipiens actionem, talis lex non est sufficienter proposita, vel promulgata homini. Quare cum obligatio legis sit ex se onerosa, & quodammodo odiosa, non urget, donec certius de illa constet. Neque contra hoc urget aliqua ratio; quia tunc re vera contraria pars non est tutior in ordine ad conscientiam; neque ibi est aliquod dubium practicum, nec periculum. Intelligenda est autem hæc conclusio præcise ex directa obligatione illius legis, de qua versantur opiniones. Nam fortasse aliundè ex fine extrinseco, vel ex alia obligatione quasi reflexa poterit aliquis interdum teneri ad operandum, vel non operandum juxta aliquam probabilem opinionem Et ex hac conclusione primò definitur illa quæstio; An debeat confessarius conformari opinioni pœnitentis, si probabilis est. Dicendum est enim debere, quia jam pœnitens est bene dispositus, & tuta conscientia ope-

ratur. Secundò definitur altera quæstio, utrùm liceat consilium danti sequi opinionem probabilem, etiam ea relicta, quam existimat probabilior. Dico posse id fieri, dummodò qui consilium dat, veritatem in suis responsis retineat; quia non dicit simpliciter id sibi probabilius videri, sed solum, posse id sine peccato fieri ex probabili sententia aliorum. An verò expediat ita dare consilium, ad prudentiam spectat. Secus verò est in docendo. Nam tenetur præceptor sanior, & verior doctrinam docere: in quo potest per gradus peccare; juxta materiæ qualitatē.

Rectè autem faciunt, qui licet sentiant, moralem aliquam opinionem esse probabiliorē, simul docent, quando contraria sit probabilis, & tuta in praxi. Et ita obtinuit usus, qui valde confirmat conclusionem positam. Tandem ex ea infertur, non oportere semper tutiorem viam eligere. Voco autem tutiorem illam, de quo certus quispiam est, in ea nullum esse peccatum; quia esset intolerabile, & præter humanam facultatem: aliòqui quoties tantum est probabilis opinio, vel probabilior, quòd non sit obligatio hic, & nunc jejunandi, vel faciendi hunc contractum, deberet homo jejunare, vel abstinere ab illo contractu. Sed consequens est durissimum. Ergo & antecedens.

Dicendum Secundò. Quando opiniones versantur circa res ipsas, An sint talis naturæ, vel conditionis, sæpe tenetur homo præferre certam probabili, & probabiliorē minus probabili; quando scilicet ex justitia, vel charitate tenetur vitare damnum vel incommodum, quod in re ipsa subest, vel periculum ejus, Sumitur assertio ex D. Thoma in 4. distinct. 28. Paludano, Adriano, Victoria, Soto, Navarro, & aliis innu-



Innumeris. Et declaratur exemplis. Nam medicus sine dubio tenetur præferre certam medicinam dubiæ: & sic de aliis: Hinc enim maximè est verum dictum illud Augustini: *Tene certum, & dimitte incertum*. Ratio verò est, quia, ut supponitur, homo tenetur vitare illud damnum, vel procurare talem utilitatem, aut efficere validum Sacramentum, vel quid hujusmodi: Ergò tenetur vitare periculum, quia hoc perindè est in moralibus. Atqui si omittit viam certam, aut securiorem, non vitat periculum. Nam illud semper in re manet, quidquid sit de probabilitate opinionis. Confirmatur ex differentia inter judicium de jure, ac judicium de re. Nam primum dicit ordinem ad operantem, & omninò tollit periculum malitiæ. Secundum verò dicit ordinem ad rem ipsam, & non tollit periculum detrimenti, quod est in ipsa re.

Quare in priori est sufficiens excusatio, seu ratio sequendi probabile judicium, quia nondum est lex sufficienter proposita, & non expedit hominem cum tot obligationibus operari: hic autem nulla est sufficiens excusatio; cum satis constet, periculum in re ipsa manere, & consequentèr inde obligationem oriri. Hic verò occurrere possent variæ difficultates, pertinentes ad materiam de Sacramentis; quas Lector inveniet resolutas apud Summistas, & in Decretis Summorum Pontificum, qui Theses aliquot in hac materia damnarunt.

Ut tamèn faciliùs expediri omnia possint, intelligenda est prædicta conclusio, quando nulla subest rationabilis causa ad omittendam viam certiore, & minùs certam eligendam; ita ut utraque sit moralitèr possibilis æque, & facilis. Nam si in altera parte, scilicèt certiori, occurrat specialis difficultas, propter quam hic, & nunc non potest aliquis ea uti sine in-

commodo, licitè interdum poterit omitti, quia pro tunc non censetur moralitè possibilis; & altera cum sit probabilis, poterit tunc existimari sufficiens.

Dicendum ultimò. Interdum licet uti probabili opione circa actum, omiſſa probabiliori, propter aliquam utilitatem, vel qua in re ipsa tutior est ad aliquem finem honestum. Hoc potest contingere in medico, si in desperata necessitate utatur medicina probabiliter utili, cum alia certò utilis non suppetit, etiam si probabilius sit fore inutilem, & certum sit non fore noxiam. Ratio est, quia respectu conscientiae probabilis sufficit ad certitudinem practicam: & aliòqui in re non creatur periculum detrimenti; sed vitatur potius, & additur species utilitatis. Quocirca non immeritò aliqui dubitant, an hoc non solum liceat, sed etiam sit præceptum. Nam reverà præceptum esse aliquando potest ex obligatione charitatis, vel alia simili, quando ex una parte est gravis necessitas proximi, & aliundè nullum est incommodum, nec periculum ejus, quod ponderari posset. Si enim interdum ita accadat, ut ex utraque parte subsit aliquod incommodum, vel periculum; prudenter comparanda sunt, & illud eligendum, quod tutius videbitur.

## *FINIS PRIMÆ PARTIS.*

R. P. CONSTANTINI SWIĘCICKI  
O. M. OBSERVANTIUM THEOLOGI.

PARS SECUNDA  
DE JURE BELLI,  
ET PACIS  
IN SPECIE.  
DISPUTATIO I.

*De Bello, ejusque causis, ac de officiis, quæ  
indè nascuntur.*

CAPUT PRIMUM.

*De origine, Natura, licentia, & conditionibus Belli.*



Ellum, sic dictum a duello, seu certamine inter duos, vel duas partes, potest cum Grotio sic definiri: *Est status per vim certantium, quæ tales sunt: status quidem, ut indicetur duratio: per vim certantium, ut excludantur forenses, aliæque contentiones: quæ tales sunt; ut excludantur aliæ actiones ad Bellum non pertinentes.*

Bel.

Bellum primò dividitur in justum & injustum; spectata causa. Secundò in solemne & minus solemne, spectatis ritibus solemnitate jure gentium requisitis, inter quos denuntiatio, saltem in Bello offensivo. Tertiò in offensivum & defensivum: illo hostem, sive juris vindicandi, sive damni reparandi causa, invadimus; isto invasionem injustam, nostra sive bona, sive jura defendendo, propulsamus. Bellum justum, tam defensivum, quàm offensivum, qualicumque modo, & in se præcise spectatum, originem habet a natura, & est humano generi còvum: Quia defensio sui, suorumque bonorum justa, ut est medium necessarium ad propriam conservationem contrà aggressorem iniquum, cuivis est a natura insita. De Bello offensivo ratio est, quia exigit natura, ne scelus maneat impunitum, & quivis se, suaque possit defendere, non solum dum actù sit invasio, sed etiam, ut post illatam injuriam, bonaque erepta, possit sua recuperare. Hinc Tullius Libro tertio de officiis, *Natura, inquit, non patitur, ut aliorum spoliis, nostras facultates, copias, opesque augeamus.* Ergo Bellum spectatum in se, & ut est qualiscumque tandèm vindicatio, originem habet a natura.

Utrumque Bellum, per se loquendo, est juris merè permissivi, ità ut naturæ jure sit licitum, non tamen præceptum. Probatur de Bello defensivo. Quamvis enim conservatio sui quoad substantiam sit de jure naturæ præceptivo; cum eum exigit amor sibi debitus naturaliter, & ad felicitatem rationalis naturæ simpliciter necessarius, nihilominus conservatio sui quoad modum violentum, cum occisione aggressoris injusti, non exigitur absolutè a natura. Nam etiam sine defensione vitæ aut bonorum, salva manet felicitas essentialis quoad partem nobiliorem, seu animam;

mam : neque defensio est semper possibilis : & sine præcepto naturali sufficit potestas defensionis ad prævertenda incommoda , ne scilicet natura sit exposita hominum injuriis ac rapinis , cum insigni jactura generis humani . *Non modo justum , sed & necessarium est , cum vi vis illata defenditur .*

Probatur de Bello offensivo : Quia puniatio sceleris , vel vindicatio sui , ac suorum bonorum , saltèm quoad modum violentum , non est determinatè requisita ab amore sui naturali . Nàm læsi Principes , quamvis supremi , non tenentur necessariò ad arma ruere , sed possent aliud vindictæ genus excogitare ; vel , ut etiam contingit , in causæ arbitros compromittere . Accedit , quod sine præcepto naturali sufficiat potestas vindicationis , Naturæ Jure concessa genti in gentem , ità prorsus , ut satis tollatur hominibus pravis ansa grassandi in aliorum vitam , famam , corpus , & bona ; atque , hac ratione quies sufficiens inter gentes sperari possit . Secus enim , *si unusquisque nostrum* , ut rectè Cicero animadvertit in Miloniana , *rapiat ad se commoda aliorum , societas hominum evertatur necesse est .* Quare Livius lib. 9 justum Bellum pronuntiat , quibus est necessarium , *quibusque nulla , nisi in armis spes .* Concordat D. Isidorus lib. 8. Etymologiarum cap. 1. scribens : *Justum est Bellum quòd ex edicto geritur de rebus repetendis , aut propulsandorum hostium causa .*

Bellum publicum & solemne , spectatum præcipuè quoad formam , seu modum usu receptum , sive sit defensivum , sive offensivum , est juris dumtaxat Gentium .

Constat hæc propositio ex conditionibus Belli ; inter quas denuntiatio , armorum conditio ne veneno sint illita , ne fontes vitientur ; quæ Jure Gentium inducta sunt , ne cædes ultrà modum fiant ; partim

ex

ex effectibus Belli, exempli causa, jus redigendi captos in servitutem, jus direptionis, jus interficiendi quoscumque adversæ partis, etiam fœminas certis in circumstantiis: quæ in jus naturale, neque cadunt neque cadere possunt, ut infra declarabitur.

Objiciunt aliqui: Bella non potuerunt initium sumere, antequam gentes multiplicarentur, ac rerum communio desineret, *meum denique ac tuum, frigidum illud verbum, innumeraque gignens bella*, ut ait Chrysostomus in oratione de S. Philogonio, invalesceret: Ergo bellum non est mundo cœvum.

Respondeo distinguendo consequens: Ergo bellum non est mundo cœvum, spectatum in se, seu spectato jure bellandi, suæque recuperandi, si alia via recuperari non possent; nego; Non est mundo cœvum, spectato actû bellandi; subdistinguo: & hoc defectu potentiz, nego: defectu occasionis, quæ multis post annis exercitium suppeditavit, concedo. Bellum non est medium absolute necessarium, sed ex suppositione: neque ad Jus Naturæ requiritur, ut singula ejus capita semper & statim redigantur in actum, sed satis est, si certis in circumstantiis operationem suam exerçant; ut præ cæteris apparet in materia furti, quæ locum non habet, nisi supposita rerum divisione.

Objicit secundò Grotius: Bellum privatum antiquius est, quàm publicum. Ergò privatum est Juris Naturæ, publicum Juris Gentium.

Respondeo. Ante rerum divisionem vel homines, qui tùm vivebant, erant merè privati, hoc est, nulli familiæ adscripti, nulliusque potestati, etiam domesticæ, subjecti; vel erant in familias congregati: Ergò utrique quodcumque in corpore vel in bonis læderentur, se defendere poterant ac sua vindicare,

care, illi Bello privato, hi publico: Ergò neutrum bellum antiquius est. Quid enim vetat dicere, Bellum publicum familiarum contra familias, cum illarum regimen ad Jus Civile proximè accesserit?

Origo Belli injusti, est humano generi cœva, descenditque a corruptione naturæ lapsæ, a peccato, omnisque peccati auctore Diabolo.

Probatur ex D. Augustino, qui lib. 22. contrà Faustum hæc habet: *Quid culpatur in Bello? An quia moriuntur quandoque morituri, ut dominantur in pace victuri? Hoc reprehendere timidorum est, non religiosorum. Nocendi cupiditas, ulciscendi crudelitas, impacatus atque implacabilis animus, feritas bellandi, libido dominandi, & sic, quæ similia, hæc sunt, quæ in bellis culpantur.*

Bella igitur cum mundo nato fuerunt: duobus fratribus angustus erat mundus, iniquo Caino videbatur Abel fore beatior. Secuta sunt Bella Gigantum, & discordes inter se populos Cataclysmus universalis, justo Dei judicio, perdidit. Post Cataclysmum regnavit Nembrodis in Campo Sennaar, oppressa Gentium libertate: cui successit Ninus, quem S. Augustinus lib. 4. de Civitate Dei, aliique Scriptores primum esse dicunt, qui Bello aliena regna invaserit, atque ità Assyriorum Imperio initium dederit. Per Bella subindè Medorum, Persarum, Macedonum, Romanorum potentia, crevit, & periit.

Si Horatio fides, pugnatum est initio manibus; unguibus, dentibus: deindè fustibus, & lapidibus, demùm omni genere armorum. Horum inventionem Josephus Tubalcaino; Eusebius Moyse armorum varietatem; Plutarchus Archytæ Tarentino, & Eudoxo perfectionem tribuit. Plinius, Ægyptios inventores lanceæ dicit, Spartanos Macharæ & galeæ; Medam Myssenum thoracis & Ascæ, Epæum arietis

muralis; Vegetius fundam incolis Balearium, Diodorus arcus & Sagittas Apollini, alii Zetho, alii Perseo tribuunt. Pulveris Pyri inventionem alii Joanni Gutembergio Germano alii cuidam Bertholdo; tormentorum primum usum Blondus, & Volaterranus Venetis anno 1380, alii aliis longè maturiùs adscribunt. Adeò humanum ingenium ad hominum cædem exacuit, ut ait Virgilius Æneidos lib. 7.

*Sævus amor ferri, & scelerata insania belli.*

Bellum ex natura sua, Jure Naturæ, & Gentium; imo & divino veteri est licitum.

Probatur prima pars: Bellum ex natura sua descendit a Jure Naturæ, fundaturque in legitima sui defensione, quæ ab instinctu naturali vim vi repellendi, & sua recuperandi originem habet.

Probatur secunda pars. Bellum Juri Gentium est conforme, necessarium ad tuendam Rempublicam, repellendos hostes, reparanda damna, justitiam publicam conservandam. Ergò est licitum Jure Gentium.

Probatur tertia pars. Contra Manichæos, qui reprehendebant Moysen, Josuè, Davidem, cæterosque Testamenti veteris Patres, quod Bella gesserint. Deus ipse de modo gerendi Belli suum populum docuit, sic, ut liber Deuteronomii, in quo artes Belli traduntur, vocari solet liber bellorum Domini. Sed quia Manichæi Testamentum vetus respuebant, ideo ex novo, quod libenter admittunt, sunt refellendi.

Dico igitur, bellum esse etiam licitum Jure novo Divino, seu Christiano. Est contra Manichæos, Anabaptistas, Erasmus Roterodamum, Cornelium Agrippam, & alios.

Pro-



Probatur. D. Joannes Baptista, cum milites quidam eum consulerent, *Quid faciemus & nos?* Lucæ cap. 3. *non jussit eos, ut D. Thomas, duce Augustino, interpretatur secunda secundæ quæst. 40. arma abjicere, militiæ se se subtrahere, sed consentos esse stipendiis, neminemque percutere.* Item Christus Centurioni dicenti Matthæi cap. 8. *Nam & ego homo sum sub potestate constitutus, habens sub me milites, & dico huic: vade, & vadit; non mandavit, ut militiam defereret, sed potius fidem laudavit.* Item Cornelii Centurionis Eleemosynas remuneratus est dono Fidei; neque Petrus, cum eum faceret Christianum, abjicere baltheum jussit, Actorum cap. 10. Sic Christus Matthæi cap. 22. præcipit dari tributa Cæsari, quibus aluntur milites: *ideo enim tributa præstatis, inquit Apostolus ad Rom. cap. 13. Ministri enim sunt in hoc ipsum servientes, nimirum ut gladio puniant pacis publicæ hostes: id enim antea dixerat idem Apostolus: Non sine causa gladium portat: Dei enim Minister est vindex in iram.*

Confirmatur ex Patribus. S. Ambrosius, Serm. 7. hæc habet: *non militare delictum est, sed propter prædam militare peccatum est.* S. Aug. Epist. ad Bonifacium 207. *Noli putare, neminem Deo placere posse, qui armis bellicis ministrat.* Similia vide apud Chrysostomum, Bernardum, Gregorium Magnum, Nazianzenum, & Turo-nensem, qui citantur a Bellarmino libro 3. de laicis cap. 14.

Probatur etiam ratione. Licet Reipublicæ Christianæ tranquillitatem tueri gladio, contra homines improbos, qui sunt hostes interni. Ergo licet eandem Bello defendere contra hostes externos. Consequentia patet, quia unum &que ac alterum est necessarium ad felicem statum Reipublicæ; unum &que, ac alteram Naturæ Jure permissum. Si quis igitur ferio omne

Bellum improbet, ego cum non hæreticum modo, sed Reipublicæ proditorem esse judicò. Nulla certe Respublica diu potest consistere, nisi quæ militarem artem excolit. Cum enim magna cupiditate ad aliena rapienda ferantur homines; ubi obstaculum non vident, eò ruunt. Hinc Bellum justum, etiam offensivum, non modo est licitum Christianis, sed aliquando etiam melius pace, imò & gravitèr obligatorium, quando nimirum, oblata spe victoriæ, est absolute necessarium pro salute temporali, exempli causa si subditi externo ab hoste gravitèr vexarentur. Item pro salute Reipublicæ spirituali, hoc est Fidei Catholicæ conservatione.

Confirmatur exemplis. Sape enim Bella justè suscepta adjuvat Deus, non adjuturus, si Bellum foret illicitum. Sic auxilio fuit bellum gerenti Constantino, ut narrat Eusebius in ejus vita, & lib. 9. Historiæ cap. 9. Theodosio adjutores misit Sanctos Joannem & Philippum, testè Theodoro lib. 5. Historiarum cap. 24. Theodosio juniore Angelos, ut habet Socrates lib. 7. cap. 18. Sic adjuvit per miracula Clodovæum Regem, ut scribit Gregorius Turonensis lib. 2. Historiæ Francorum cap. 30. Et Honorium Imperatorem, ut Augustinus testatur lib. 5. de Civitate Dei cap. 23. Sic adscriptos militiæ legimus Christianos, vita moribusque Santissimos, etiam sub Principibus Ethnicis. Nota est legio fulminatrix sub M. Aurelio, pluvia divinitus impetrata celebris. Denique nota sunt bella Caroli Magni. Sancti Ludovici Regis Galliæ, & aliorum.

Obijciunt primò Hæretici. Pluribus in locis Evangelii bellum a Christo prohibetur. Nam Matt. cap. 5. Christus ait: *si quis te percusserit in unam maxillam, præbe & alteram. Diligite inimicos vestros.* Verè verò Syr. *أحب إلى من يضربك على الخد الأيمن أو الأيسر* &c.

Et

Et Apostolus ad Rom. cap. 12. *Non vos defendentes cari-*  
*ssimi scriptum est enim mihi vindicta &c.* Vulgata enim Sy-  
 riaca sic : .

Respondeo hæc testimonia ex mente Patrum, atque interpretum non semper esse intelligenda de præcepto, ac publica ultione pertinente ad justitiam vindictivam, sed de vindicta privata, quæ hic prohibetur. Primus textus, seclusa necessitate honoris Divini, consilium indicat, ut & ille Matth. cap. 5. *Auferenti tunicam, da illi & palliū*. Vulg. verò Syriaca sic: *סמך תרץ, ונעמלא חלסר חזק לה אף מנחגה*. Secundum, & tertium intelligitur de privata obligatione. Sic oraculum illud Isaïæ cap. 2. de Christianis: *Non levabit gens contra gentem gladium, nec ultra exercebuntur ad prælium*. textus verò Hebr. sic: *לֹא יָקֻם גּוֹי אֶל גּוֹי חֶרֶב וְלֹא יִלָּחֶם עוֹד סוֹלָחָה*; intelligendus est vel de Christo tempore Augusti, toto scilicet orbe in pace composito, vel de Regno Christi spirituali, ubi hostis nemo reperitur.

Obijciunt secundò Bellum Christianis Sacri Canones prohibent, imponentes gravem pœnitentiã repetentibus militiam, ex Concilio Nicæno Can. xi. Dicuntur implicantes se se Diaboli laqueis, qui militiam sequuntur, Canone: Contrarium de pœnitentia, dist. 5. Incapaces pœnitentia Canone: Falsas.

Respondeo Canonem primum agere de iis, qui ob confessionem Fidei Christianæ privati fuerunt cingulo militari a Diocletiano, vel Licinio Imperatoribus, & postea cingulum repeteabant parati negare Fidem. Secundus & tertius de iis loquuntur, qui ob peccata occasione militiæ commissa pœnitentiam egerant. Volunt ergo vitari militiam, ut occasionem proximam relabendi in peccata, non ex se, sed per accidens; cum militiæ leges, si bene servantur, dent occasionem virtuti: sed illi,

illi, qui peccata commiserant in militia, vicio suo consuetudinem peccandi contraxerunt: quæ consuetudo tolli non poterat, nisi fuga Militiæ.

Objiciunt Tertiò. S. Joannes permisit Bellum Judæis dumtaxat ut imperfectis: Sed Christus aliter docuit. Deinde ea dixit militibus, non ut bene, sed ut minus male viverent. Sciebat igitur, sequentes militiam non posse bene vivere. Ita Erasmus Roterodamus, & eo teste Theophylactus.

Respondeo. Joannes prius dixerat militibus: *Facite fructus dignos penitentiae*. Versio vero Syriaca sic: *فاجعلوا ثماراً مستحقين للتوبة*; Inde milites penitentiam compuncti petierunt, quis esset fructus bonus, quem facere deberent, vel ergo Joannes eos decipit, vel possunt milites salutem consequi, si servant quod ille præcepit. Theophylactus vel male intelligitur ab Erasmo, ut Bellarminus monet, vel si contra nos est, nititur frustra contra torrentem.

Objiciunt Quarto ex Patribus. Tertullianus in Libro de corona militis hæc habet: *Licebitne in gladio conversari, Domino pronuntiante, gladio periturum, qui gladio fuerit usus? & pralio operabitur filius pacis, cui nec litigare conveniet?* Origenes Lib. 2. contra Celsum, ait, *Christum omnia Bella sustulisse*: S. Hieronymus ad Ageruchiam de Monogamia. *Olim bellatoribus dicebatur: accinge gladium tuum*; nunc Petro dicitur: *Converte gladium tuum in vaginam*. S. Ambrosius Lib. 10. in Lucam: *Dominè, cur emere me gladium jubes, qui ferire me prohibes?* ideo. fortasse Petro duos gladios afferenti, satis est, dicis, quasi licueris usque ad Evangelium, ut sit in lege acquisitis eruditio, in Evangelio bonitatis perfectio. S. Aug. in Psalm. 37. *Non orare debemus, ut moriantur inimici, sed ut corrigantur*.

Respondeo, SS. Patres affirmant, Bellum per se  
au-

auctoritate publica, caufaque legitima gestum effe illicitum per accidens, feu respectu habito ad circumstantias. Tertulliani rationes præcipuæ effe illicitum probant propter periculum idololatriæ: *Excubabit*, inquit, *pro templis*, quibus renuntiavit. Si plus dicit, nimium dicit. Origenes non ait Christum prohibuisse, sed fustulisse Bella per pacem universalem tempore Nativitatis, ut ex contextu intelligitur. Hieronymus hoc tantum dicit, in lege veteri imperata fuisse Bella, ut necessaria ab subigendam terram promissionis, in nova non quidem effe prohibita, at non tamen imperata, sed pacem potius insinuatam consilio, ut regnum Cælorum facilius homines consequantur. Ambrosius de Bello publico non differit, sed de privata defensione non adhibenda, idque per modum consilii ad perfectionem virtutis acquirendam. Augustinus reprehendit odium inimicorum, non Bellum justum. Quod patet ex ea, quam citavimus, Epistola ad Bonifacium.

Obijciunt Quinto. Bellum opponitur paci, quæ est effectus caritatis: malum igitur est Bellum, cum suscipiatur ad odium, & vindictam explendam: Deinde arma Christianorum sunt gladius Verbi Dei, scutum Fidei, ut ait Apost. ad Eph. cap. 6.

Respondeo. Bellum ita opponitur paci, ut etiam sit pacis instrumentum. *Pacem* debet habere voluntas, Bellum necessitas, ut dicitur Canone *Noli* 23 quæst. 1. Ad secundum, Arma, quæ Apostolus ibi numerat, sunt arma Belli spiritualis adversus Dæmones. Unde non sequitur, prohiberi Christianis arma Belli corporis, si sit necessarium.

Conditiones Belli sunt. Prima, potestas summa: Primo quia Bella, spectato Jure Naturæ, nonnisi necessitate inducta sunt, & eo consilio permessa ab Auctore

store naturæ, ut ii, qui judicem non habent, jus & justitiam consequi possint. Secundo quia qui Bellum infert, judicem agit in causa sua, sibi justitiam administrat injuriæ vindicativam; exponit Rempubicam magno periculo: atqui hæc omnia requirunt potestatem summam. Tertio quia Bellum illaturus alteri potestatis non summæ, sed subordinatæ, tenetur prius experiri viam juris per disceptationem pacificam: nam actor sequitur forum rei. Forum autem subordinati est via juris: & ex Jure Naturæ, & Gentium abstinendum est armis, agendumque jure, cum agi potest. Hinc est, quod in omni Superiorem agnoscente Bellum injustum præsumatur, in Supremo justum, quia præsumitur, eum, qui habet potestatem supremam, viam juris expertum esse; aliud non item.

Secunda Conditio est causa justa. Ratio est, quia Bellum est modus defensionis ac vindicationis gravissimus, ex quo sequuntur mala quam plurima. Hinc requiritur causa gravis & certa respectu Principis. Nam alia est militum ratio, quibus inest parendi obligatio, nisi aliunde certo constaret de Belli injustitia.

Tertia Conditio est recta intentio. Ratio est, quia Bellum permissum non est, nisi ut necessarium medium ad recuperandam pacem, aut exercendam justitiam, injurias vindicando, aut amissa recuperando. Hinc oblata plena satisfactione, Bellum cessare debet (etiamsi cœptum fuerit) non modo titulo caritatis, eo quod Bellum sit gravissimum supplicium; sed etiam titulo justitiæ, saltem probabilius, eo quod Bellum sit *soliis necessitatis*, adeoque cessante injuria, cesset etiam justa causa.

Quarta Conditio est publica Belli denuntiatio: idque intelligitur de Bello offensivo. Nam defensivum, teste Platone, a natura indicitur. Intelligitur etiam

*regulariter.* Non enim opus est denuntiatione apud hostem perpetuum, rebelles, proscriptos, præterito tempore induciarum, si periculum sit in mora, nulla spe, vel alia via suppetente. Hæc denuntiatio de jure est gentium, quia longævo Gentium usu inducta; sic, ut ea prætermittenda, non bellum, sed latrocinium vocetur. Inde noti sunt varii ritus a variis gentibus observati, cum bellum hostibus denuntiarent.

Quinta Conditio est modus legitimus suscipiendi, gerendi, finiendi, belli. De primo constat ex dictis. De tertio dicetur, ubi de pace; Ad secundum quod attinet, requiritur ut arma sint legitima, veneno non infecta, ne fontes toxico misceantur: quæ conditiones fluunt ex jure Gentium, ne mala bellorum nimis augeantur; non vero ex jure naturæ, cujus parum interest, veneno, an gladio hostis tollatur, tolli juste si potest. Episcopi, Clerici, Monachi jure sacro vetantur, ne per se ipsos prælia incant, repugnante Ecclesiastici status dignitate. Excipitur tamen extrema necessitas conservandæ vitæ propriæ, aut alterius innocentis, patriæ, & communis boni Ecclesiæ. Item possunt Episcopi ob temporale dominium, & vi jurisdictionis feudalis pugnare per alios, duces constituendo.

## C A P U T II.

### *De justitia Belli ratione Religionis.*

**B**ellum nunc defensivum pro gloria Dei, seu ratione fidei ac veræ religionis est licitum: imo orthodoxos Principes obligat ex officio supremæ protectionis. Probatur prima pars. In Actibus enim Apostolorum legimus cap. 23. a D. Paulo, cum sibi a

*R. P. Const. Swięcicki O. M. Tblgi.* Z Ju.

Judæis ob religionem capitales fieri insidias intelligeret, per quemdam cognatum opem tribuni fuisse imploratam; atque adeo tribunum collaudatum fuisse, quod militari præsidio Paulum munierit.

Quod exemplum Episcopis omnibus Augustinus ita proponit imitandum, ut prodiæ Ecclesiæ eos incuset, quicumque opem Magistratus invocare neglexerint. Refertur locus Augustini Canon. 2. Caus. 23. quæst. 3. Sic laudantur in Sacris Litteris Machabæi, quod Religionis causa contra Antiochum sævientem se se defenderint. Sic laudatur Constantinus Magnus, quod armata manu Licinium represserit: sic Armenii, quod sumptis armis Maximiani furorem fregerint, Christi fidem persequentis.

Probatur secunda pars. Principes ideo sunt constituti, ut eorum subditi vitam agant non modo tranquillam in omni honestate, sed etiam quietam in omni pietate, ut ait Paulus ad Timotheum cap. 2. Vocantur *nutritii* Ecclesiæ ab Isaia cap. 49. *Advocati*, & *Protectores* in Canone *Tibi Domino* Distinct. 63. ergo Bellum defensivum Ecclesiæ tenentur Princeps gerere.

Confirmatur. Imperatores Orientales, Ecclesiam destituentes in temporalibus, neque illam tuentes a Longobardicis injuriis & rapinis, amisere imperium, translata in Carolum Magnum Cæsarca Dignitate. Ergo a fortiori neglecti officii se reos facerent, si Ecclesiam destituerent in Spiritualibus, nec defenderent viva Ecclesiæ membra, ac Dei templa ab injuriis improborum.

Objiunt Primò. Non est necesse, ut vera Religio armis defendatur. Nam satis potens est Deus, ut Religionem defendat: ejus enim agitur causa. Deinde Christi Regnum non est de hoc Mundo. Ergo armis non indiget.

Re-



Respondeo. Spectata Dei omnipotentia, qui potest consilia inimicorum confundere, impetum frangere, non esset bellum necessarium. Sed quia Deus uti vult instrumentis naturalibus, idcirco Principes, qui Dei vices agunt in terris, tenentur bellum ab ejus Ecclesia propulsare.

Ad id, quod additur, dico, Regnum Christi non consistere in Dominio temporali, quod ipso gerat regia magnificentia; sed consistere tamen in congregatione Fidelium, quæ contra iniquos est armis tuenda.

Objiciunt Secundò. Non est permissum a Christo ut armis defendatur vera Religio: primò quia Christus prohibuit ne suam causam Petrus gladio defenderet. *Mitte*, inquit Matthæi cap. 26. *Gladium tuum in vaginam: quicumque enim sumpserint gladium, gladio peribunt.* Secundò quia Discipulos suos fugere, non resistere voluit, Matth cap. 10. Tertiò quia nec aliud ipse fecit, Joan cap 8 Quartò quia Apostoli & Martyres gaudebant pro Christi nomine contumeliam pati. Actorum cap. 5 Quintò quia teste Lactantio lib. 6. Divinarum Institutionum, *Christianorum est non repugnare, sed pati*; Et juxta illud Psalmi 43 *tamquam oves occisionis reputari.* Textus verò Hebr sic: *נִשְׁכָּנוּ כְּצֹאֵן טָבָחִים*.

Respondeo. Vetuit Christus causam suam defendere gladio auctoritate privata contra voluntatem ipsius Christi, non gladio sumpto ex publica auctoritate pro Domo Dei.

Ad exempla adducta ex Sacris litteris dico, ibi patientiam commendatam fuisse, salvo jure defensionis. Nam Christus, Apostoli, Martyres in primitiva Ecclesia erant omnes privati, neque Magistratum ullum Christianum habebant. Ergo mirum non est, quod persecutoribus neque suam, neque Ministrorum, ne-

Z 2 que

que Magistratus manuum opponerent. Ad ultimum respondeo, Christianorum esse non repugnare modo illegitimo; sed eisdem posse repugnare modo legitimo, Juri Naturæ ac Gentium consentaneo. Lex enim Evangelica non abrogat Politicam Christianam; non judicia, non bella. Adde, quod armis defendentes Ecclesiam satis multa patiuntur propter justitiam.

Objiciunt Tertio. Inconsulte defenditur armis vera Religio. Sic Judæis adversus Assyrios Ægypti opem implorantibus respondit Deus, *in Deo, non in humanis auxiliis esse confidendum*: Isaïæ cap. 20. & Ezechiel. cap. 29. Sic expectandum nobis esse a Deo auxilium Isaïas pronuntiat cap. 30. *In silentio, ac spe erit fortitudo vestra*. Textus verò Hebraicus sic: *בְּשִׁמְתִּי יְהוָה יִבְנֶנּוּ וְיִסְמְכֵם יְהוָה יִבְנֶנּוּ וְיִסְמְכֵם*.

Respondeo. In Deo esse confidendum primario confidentia discreta, nec excludente humanam industriam, non vero Deum esse tentandum præfidentia indiscreta, ac temeraria. Judæi merito sunt reprehensi, quia minus in Deo, quàm in Ægypti auxiliis confidebant. Silentium, & spem non excludit, sed complectitur maxime legitima defensio Religionis.

### C A P U T III.

*Quid sentiendum in specie de causa justa belli  
adversus Infideles.*

**D**ico primò Licere bellum defensivum Religionis causa adversus Infideles quoscumque; imo & offensivum, utrumque præcipue contra Turcas, & alios usurpatores terrarum, quæ olim fuerant Christianorum.

Probatur prima pars contra Lutherum. Licitum est bellum veræ Religionis defensivum in genere; ergo

gò etiam in specie contra Turcas Christiani nominis juratos hostes.

Probatur secunda pars adversus quosdam Protestantes Lutheri assecclas. Turcæ nullo jure occuparunt Christianorum terras ac regna, plura quotidie occupare moliantur, iis maximas ærumnas intulerunt, Christianos in servitutem; & ad Alcorani impietatem traducere conantes: Ergò, nisi obstant specialia pacta, bellum est illis inferendum.

Confirmatur ex eo, quod Summi Pontifices, Urbanus II. Paschalis II. Eugenius III. alique plures, item Generalia Concilia, Lateranense, Lugdunense, Viennense, & alia bellum sæpe Turcis indixerint; quod S. Bernardus, alique Sancti viri concionibus publicis excitarent Populos ad hujusmodi bella, & Sermones miraculis confirmarent, ut ipse tradit Bernardus; quod tot Imperatores, ac Principes bella sacra susceperint.

Objicit primo Lutherus. Bellum a Turcis illatum est virga; Turcæ sunt Dei flagella, quibus Christianorum castigantur scelera: atqui non licet repugnare flagellis Dei; Ergò nec Turcis.

Respondeo etiam in veteri Testamento Reges Gentiles erant Dei flagella: & tamen Judæis licuit eis resistere. Nam suscitatos a Deo legimus Othonielem, Gedeonem, Samsonem, ut contra ejusmodi flagella populum defenderent. Imò etiam fames, pestis, & morbi sunt flagella Dei; & tamen licet nobis ea propulsare.

Objiciunt secundo. Ecclesiæ utilior est persecutio, quam tranquillitas. Ergò potius orandum pro tribulatione, quam pro pace.

Confirmatur. Deus per Jeremiam monuit Judæos, ut se subicerent Nabuchodonosori, neque resisterent, nisi



cæ jus in Terram Sanctam, multo jam tempore, quiete possidebant, & pactiõibus initis cum Græcorum Imperatoribus possessionem confirmaverant.

Respondeo. Communem persuasionem (præscindendo a specialibus pactis) quoad juratum Christiani nominis hostem niti Jure Naturæ, quo licet injuriam vindicare, & recuperare bona injuste erepta, ut supra diximus. Habet etiam fundamentum in Jure Divino, quo vindicare licet infidelitatem, cum summa Dei contumelia inductam: in Jure Gentium, quò licet hostis molimina præoccupare, ne semper nocere possit, cum semper velit: Nititur denique Jure humano positivo, quò licet tot Cristianorum myriades ex infami servitute eripere, & majora damna præcavere.

Adea quæ dicit de Curia Romana, respondeo esse somnia delirantis, vel odio in Pontificios amentis.

Ad secundum Respondeo. Jus illud, Christianis ejectis, fuisse ante usurpatum a Turcis sæculo septimo, nec ullis umquam Imperatorum pactiõibus confirmatum.

#### C A P U T I V.

*Dé Bello causa Religionis contra Paganos.*

**D**ico primò Religionis propagationem non esse causam legitimam inferendi Paganis Belli, quia Pagani sunt. Dico secundò Paganos indirectè tantummodo adduci posse ad veram fidem. Ita docent D. Thomas, Molina, Suarezius, Sotus, Perezius contra Ostiensem, Panormitanum, aliosque quorum tamen rationes minime nos movent, ut infidelitatem solam inter Belli causas numeremus.

Pro-

Probatur prima pars. Ad Bellum legitime inferendum ratione delicti, & injuriæ requiritur juris dictio ordinaria vel extraordinaria. Sed neutrum habent Christiani Principes in Paganos. Ergo non possunt inferre bellum Paganis, quia Paganis sunt. Major propositio fundamentum habet in Jure Naturæ & Gentium, quo bella reguntur: quod jus non destruit lex gratiæ, sed potius perficit. Minor est evidens de ordinaria jurisdictione: Extraordinariam Principes Christianos habere probari non potest testimonis apertis Sacræ Scripturæ. Consequentia sequitur; quia Christianis Principibus inferendi iis Belli, qui ad Ecclesiæ, aut eorum jurisdictionem non pertinent, alius titulus non suppetit, quam quem ratio naturalis, & Jus Gentium dicit; quo jure, qui extra jurisdictionem existunt, legibus positivis subiecti non sunt. Quare S. Paulus in priore ad Corinthios Epistola cap. 5. ait: *Quid mihi de iis, qui foris* (id est extra Ecclesiam) *sunt judicare? Siquidem eos Deus judicabit.* D. Thomas in 2. 2. quæst. 12. art. 2. diserte habet: *Ad Ecclesiam non pertinet punire infidelitatem in iis, qui nunquam fidem susceperunt.*

Probatur secunda pars: Indirectè adducere ad veram fidem infideles est per Apostolicos viros Evangelium Christi prædicare, Fidem unice salutarem annuntiare, suadere, persuadere: sed viri Apostolici jus hujusmodi habent prædicandi Evangelium omni creaturæ; ergo jus habent adducendi indirectè, hoc est hortatu, non Imperio ad veram Fidem.

Ex his colligitur primò. Quòd dictum est de infidelitate, locum etiam habet in aliis sceleribus etiam naturæ legi repugnantibus; modo non cedant in nostram, vel alterius innocentis injuriam. Par enim ratio de infidelitate est, ac de fornicatione, ebrietate, rapi-

rapina, ac cæteris. D. Thomas loco citato de infidelitate hæc habet: *Infidelitas secundum seipsam non repugnat dominio, eo quod dominium introductum sit de Jure Gentium, quod est jus humanum: Distinctio autem Fidelium & Infidelium est secundum Jus Divinum, per quod non tollitur jus humanum.* Quare ut Apostolus præcipit in Epistola ad Romanos cap. 13. etiam infidelibus obtemperandum. Quod argumentum applicari potest aliis delictis, quibus scateat unum Regnum, propter quæ non est ei bellum inferendum ab externo Principe, nisi hujus statui ea delicta noxia sint. Quod si noxia sint, licitum est denunciare, ut Populi Regni finitimi a pactis abstineant, quæ in innocentium injuriam cedunt. Quod si ab illis desistere noluerint, fas est movere contra ipsos ea de causa bellum, juxta illud Proverbiorum cap. 14. *Eruget eos, qui ducuntur ad mortem; & qui trahuntur ad interitum, liberare ne cesses.* Ergo naturali jure finitimus Princeps defendere potest innocentes ab injuria, quæ ab aliis infertur.

Colligitur secundò. Licere Christianis Principibus bellum, si opus est, inferre infidelibus; quando hi non permittant Evangelii prædicatoribus illud annuntiare. Hæc sententia est D. Thomæ 2. 2. quæst. 10. art. 8. Ratio est, quia injuria fit Christi Apostolis, & Ecclesiæ, ad quam repellendam, & vindicandam bellum licitum est; partim Jure Naturali, quia justa ex defensione innocentium; partim supernaturali, quia facultas prædicandi Evangelium a Deo est, juxta illud Marci cap. 16. 11. *Euntes in mundum universum prædicate Evangelium omni creatura.* Atque hoc titulo Hispani, ac Lusitani in novo orbe plures Provincias justè occuparunt.

Colligitur tertio. In Evangelicæ prædicationis defensione vitandos esse tres scopulos. Primò cavenda.

R. P. Const. Święcicki O. M. Tblgi. A a dum





propriisque sedibus expellunt. Ita habetur in capite :  
*Disparitas 2. causa 23. quæst 8.*

Quæres, quid sentiendum de Bello adversus subditos infideles? Respondeo primo Subditos infideles, ut sunt Judæi, & Saraceni captivi Christianorum, non posse vi & armis compelli ad veram Fidem profitendam : posse tamen indirectè. Secundo ne indirectè quidem posse, si obstant pacta a Principe Christiano cum ipsis inita.

Probatur prima pars. Si subditi infideles possent vi, & armis cogi directè ad veram Fidem profitendam, vel ad internam possent, vel ad externam. Neutrùm potest dici. Non ad internam; quia ut ait Lactantius, *nihil tam voluntarium, quam Religio, quæ sit coacta, hoc ipso nulla est*: Et quia ut agebat Maximilianus II. Imperator, non est major tyrannis, quam velle conscientis dominari. Hinc illa Stephani Bathorii Poloniæ Regis invicti præclara sententia, tria soli Deo esse reservata; primum ex nihilo aliquid facere; secundum scire futura; tertium imperare voluntati. Sed neque cogi possunt ad professionem veræ Fidei externam, quia obstant clarissima jura. De Judæis, Canone de Judæis 5. distinct 45. decernitur sic: *Nemini deinceps ad credendum vim inferri: cujus enim vulgus, miseretur Deus, & quem vult, indurat.* Item Can. Sicut Judæi 9. Statuimus, ut nullus invito, vel nolentes Judæos ad Baptismum venire compellat. Rationem tradunt iidem Canones: *Non enim inviti salvandi sunt, sed volentes, ut sit integra forma justitiæ: sicut enim propria arbitrii voluntate serpenti obediens perit, sic vocante se gratia Dei, propria mentis conversione, homo quisque credenda salvatur: Quocirca Rex Navarræ in Litteris ad Nobiles Aquitaniz, Non gladio, inquit, sed persuasione, ac vi doctrinæ in cordibus hominum Religio plantatur, & honesta vitæ exempla confirmatur.*

Probatur secundo . Quia si infideles subditi directè cogi possent, vel possent per Principes Ecclesiasticos, vel per sæculares. Neutrum dici potest. Non per Ecclesiasticos, quia Ecclesia nihil potest in eos, qui foris sunt. Non per sæculares, quia jurisdictio sæcularis directè ordinatur ad finem dumtaxat naturalem, non verò ad ea, quæ sunt ordinis supernaturalis, uti sunt Fides, & Baptisma; vel si illi aliqua gaudent jurisdictione tamquam custodes legum divinarum, non tamèn possunt directè cogere ad Fidem amplectendam, ob hanc ipsam Canonici Juris prohibitio- nem.

Probatur secunda pars. Indirecta coactio nec justitiæ, nec alii virtuti repugnat. Ergò est medium licitum ad finem sanctum, quia ab ipso Christo commendatum in illis verbis Luc. cap. 14. *Compelle intrare.* Antecedens patet exemplis Cæsarum, Regum, & S. Gregorii Magni, qui varios modos licitos indirectè hujus compulsionis suppeditat lib 4. Epist 4. nempè invitatione præmiorum, promissione privilegiorum, oblatione bonorum ac dignitatum, & si pertinaces sint, exactione rigida tributorum, alias justorum.

Probatur tertia pars. Infidelibus quoque est servanda Fides. Accedit, quòd coactio si fiat per minas exilii, tributì insoliti, & cætera media, esset directà, adeòque injusta coactio ad Fidem profiteudam.

Hic est Notandum primò. Si præter infidelitatem alia causa concurreret, exempli causa, iniqua eorum conspiratio in Christianos, vel si alia ratione perniciem Reipublicæ procurarent, eos utique exilio mul- tari posse.

Notandum secundò. Debere identidèm eorum ritus, negotiationes, modumque vivendi ita observari, ut

ut ne quidquam moliri possint in Religionis Christianæ contemptum. Ratio est, quia alias nec Religioni, nec Reipublicæ sufficienter cautum foret, ob infidelium, præsertim Judæorum inveteratam malitiam, & odium in Fidem Christianam.

Notandum tertio. Etsi dominium Infidelium in Christianos non tollatur per libertatem Christianam; juxta illud ex Epistola 1 Petri cap. 1 *Subjuncti estote propter Deum, sive Regi, quasi præcellenti, sive Ducibus etc.* Tamen est opus exceptione. Primo si Infideles Dominantes Christianis sint subjecti Principibus Christianis. Tunc enim privari possunt dominio in servos Christianos. Secundo si illud dominium esset male & recens acquisitum in Christianos, expulsis dominis Christianis; nisi fortè per pacta se se subdiderint ipsi Fideles, gaudeantque propterea suis privilegiis. Tertio si servi Infidelium paterentur periculum perversionis: tunc enim a tali dominio per Ecclesiasticam potestatem absolvi possent; Auctore D. Thoma 2. 2. quæst. 10. art. 109 ubi ait, *Ecclesia potestatem esse, Dei auctoritate sibi concessam, subditos Infidelium ad Fidem Christi conversos eorum jurisdictione eximere, si ita ad Dei honorem conveniens, aut necessarium esse videatur.*

Notandum Quarto. Quamquam Infideles lege Divina, & naturali teneantur suscipere Fidem Christianam sufficienter propositam; tamen Principes non posse cogere Infideles non subditos, idque ex defectu jurisdictionis. Nam sicut hujus defectu Rex Poloniæ nequit vindicare delicta Hungarorum, qualiacumque in Hungaria degentium, nec eos adigere ad observantiam legis divinæ; ita a pari.

Notandum Quinto. Canones nonnullos, qui videntur permittere coactionem hujusmodi impositione onerum, confiscatione bonorum, exilio, aliisque pœnis

hæreticorum propriis, esse exponendos de coactione indirecta, sic ut illa onera aliundè debita, & pœnæ ob alia delicta infligendæ intelligantur. Ratio hujus expositionis desumitur ex aliis canonibus, qui perspicuè contrarium statuunt.

Notandum sextò. Varia exempla Regum, ut Sisebuti Gothorum Regis, qui Judæos in Hispania Baptismum recusantes turpiter decalvari, flagellis cædi, & eorum bonis fisco addictis exilio multari jussit; & Ferdinandi Catholici, qui Judæos, & Saracenos Baptizari renuentes, ex omni Hispania exterminavit; ejusmodi, inquam, exempla intelligenda esse vel de relapsu in infidelitatem (quod scelus est maximum) vel de aliis criminibus cum infidelitate conjunctis.

Nam primò casu licita est etiam directæ coactio: qui enim semel Fidem Catholicam sunt professi, in casu relapsus, vel directè cogi, vel ob perfidiam exilio puniri possunt, ut habet Canon *de Judæis* 5. dist. 45. *Oportet, ut fidem, quam etiam vi vel necessitate coacti susceperunt, tenere cogantur*: atque hoc a fortiori intelligendum de illis, qui ut Christiani nati, & educati rursus ad Judaïsmum, infidelitatem, vel etiam hæresim apostatarunt. Quo ad casum secundum patet ex dictis in primò notando.



C A P U T V.

*De Infamia Belli contra Subditos hæreticos causa  
Religiosis.*

**P**rimò Hæretici subditi vi & armis domari possunt, & ad Fidem Catholicam, quam deseruerant, directè compelli: estque hæc sententia Sanctorum Patrum, Doctorum, Politicorum. Secundo Non raro est obligatio reprimendi ejusmodi Novatores, maximè hæresiarchas. Tertiò etiam non subditi in aliquo casu debellari possunt. Quartò meliora remedia sunt aliquandò magis opportuna.

Probatur prima pars. Auctoritatè D. Thomæ, qui 2. 2. q. 10. art. 8. hæc habet: *Alii vero sunt infideles, qui quandoque Fidem susceperunt, & eam profitentur, sicut hæretici, & quicumque Apostate; & tales sunt etiam corporaliter compellendi, ut impleant, quod promiserunt, & teneant, quod semel susceperunt.*

Probatur secunda pars. Quia Princeps est Protector Ecclesiæ in suo dominio, adeoque non debet pati subditorum perversionem, quæ imminet ab hæresiarchis; Ergò illos Bello persequi debet.

Probatur & declaratur tertia pars duplici casu. Si Rex vel subditi unius Regni deficerent a Fide Catholica, & conarentur subditos vicini Regni in eandem defectionem pertrahere, posset vicinus Rex etiam bello se, suosque defendere, & injuriam ulcisci. Si in Regno quopiam multi essent hæretici Ecclesiæ pacem turbantes, Pontifex Maximus tamquam universalis omnium Pastor, posset committere, ut sæpè commisit alicui Principi, ut illos etiam armis comprimeret. Primus casus nititur jure defensionis legitimæ: alter legi-

legitimo titulo jurisdictionis Pontificiæ in omnes Christi Fideles, qui per Baptismum, tamquam januam, semel ingressi sunt Ecclesiam, quamquam hæretici sint, ac rebelles Ecclesiæ matri, quæ eos peperit Christo: sicut subditi in politicis non cessant esse subditi per hoc, quod sint rebelles, adeoque per se, vel per alios a legitimo Principe debellari, & ad obedientiam reduci possunt. Sic legimus a Gregorio Magno Africæ Exarchum incitatum fuisse, ut Donatistas bello comprimeret.

Probatur quarta pars ex regulis prudentiæ, quæ distant, non exponendos extremis periculis subversionis fideles subditos: quæ subversio timeatur ex parte hæreticorum, qui si bello vincerent, omnia ad arbitrium miscere possent.

Obijciunt Primò Acatholici: Hæresis non est justa belli causa: non sunt igitur armis puniendi hæretici. Antecedens probatur: vel enim spectatur hæresis ut peccatum simpliciter, vel ut peccatum turbans pacem Ecclesiæ, vel etiam Reipublicæ. Si spectatur, ut peccatum simpliciter, puniri potest ab Ecclesiastico tantum foro, pœna spiritali, non a Magistratu pœna corporali, seu bello: si spectatur, ut turbans pacem Reipublicæ, est justa quidem belli causa: sed non contingit, ut hæresis pacem turbet politicam.

Respondeo. Si hæresis turbet Ecclesiæ pacem, nec pœnæ spiritalis quidquam proficiant, advocato in auxilium brachio Sæculari, est coercenda. Deindè quis neget, utramque pacem ab hæresi interturbari? Ecclesiasticam quidem immediate, politicam mediate? Ratio est primò quia turbata pace Ecclesiæ, pax Reipublicæ nequit consistere. Quippè animorum dissidium consequi solet Regni divisio. Idque constat experientia tot Sæculorum. Turbas, & bella in oriente exci-

ta-

tarunt Ariani, in Græcia Macedoniani, in Africa Donatistæ, in Imperio Romano Iconomachi, & Albigenses, in Bohæmia Hussitæ, in Gallia Hugonoti, in Germania Anabaptistæ & Zwingliani, vix ulla umquàm familia fuit, in qua Religionis dissensus contentiones & rixas exitiales non pepererit.

Ratio est secundò ipsa natura hæreseos. Ubi enim est hæresis, ibi est superbia, atque discordia. Si enim hæretici in Sacramentorum administratione a Catholicis dissident; si templa eorum & monasteria evertunt; si Episcopis & Clero illudunt; si ritus ac cæremonias contemnunt, si sacrificia, jejunia, dies festos execrantur, non diu certè inter hos & illos pax & concordia durare potest.

Objiciunt secundò. Bellum non est legitimus modus, vel reparandæ Religionis, vel propagandæ. Nam Bello vis infertur: Vis autem in Religione locum non habet. Ut enim ait Lactantius lib. 5. *Divinarum institutionum cap. 20. Religio est verbis, non verberibus constituenda.* Et cap. 14. *Quis mihi, inquit, imponat necessitatem vel credendi quod nolim, vel non credendi quod velim.*

Respondeo Neminem cogi posse directè coactione interna, ut Religionem suscipiat, cum Superior non possit conscientiam inferioris mutare, & animo vim inferre, ut ait Baldus lib. 2. in fine cap. de sentent. e Breviculo Menochii. Nulla quippè vis externa faciet, ut velis quæ nolis, sentias quæ non sentis. Rursus nemo hæreticus potest cogi directè coactione externa a Principe suo, absque ultima necessitate, si media molliora & indirecta sufficiant.

Hæc omnia Lactantius, aliique Patres insinuant. At Politici quidam trahunt Patrum sententias ad vagam & illimitatam licentiam Religionis, etiam quodad-

hæreticos, Apostatas subditos, & Ecclesiæ rebelles; quæ doctrina, ut omni juri repugnat, ita est politico statui pernicioſa, ut pleræque Respublicæ sunt expertæ. Verumtamèn *legum terror*, ut ait S. August. a D. Thoma cit. in 2. 2. quæst. 10. art. 8. *Ita profuit, ut multi dicant gratias Domino, qui vincula nostra dirupit. De reliquo, sicut vovete est voluntatis, reddere autem necessitas; ita accipere Fidem est voluntatis, sed tenere acceptam est necessitatis. Et idè hæretici sunt compellendi, ut Fidem teneant. Dicit enim Augustinus ad Bonifacium Comitem. Ubi est, quod isti clamare consueverunt, liberum esse credere vel non credere, cui vim intulit? agnoscant in Paulo prius cogentem Christum, & postea docentem.*

## C A P U T VI.

*De justitia ac injustitia Belli ratione regionis.*

**D**IVUS Augustinus, relatus in cap. Dominus, causa 23. quæst. 2. *Justa, inquit, bella definiri solent, quæ ulciscuntur injurias. Et lib. 4. de Civitate Dei cap. 15. Iniquitas partis adversa justa bella ingerit. Justæ igitur Belli causæ sunt in duplici classe. Ad primam spectat defensio sui, suorum, regionis, Reipublicæ: ad alterum vindictio sui, suorum, regionis, Reipublicæ. Illa facit retinere sua, hæc sua recuperare: illa præsentem, hæc præteritam propulsat injuriam.*

Respectu justæ defensionis legitima Belli causa est rebellio a subditis tentata, Fidem, obsequium, & justa tributa denegantibus; protectio rebellium; hostilis irruptio; facta hosti opitulatio; injusta fœderatorum invasio; æquitatis naturalis injuriosa denegatio.

Re-



Respectu justæ vindicationis legitima Belli causa est recuperatio dominii ac jurium, quæ injustè crepta sint; reparatio famæ ob irrogatam publicè injuriam, vindicatio Innocentium ab hostili captivitate & injuria; ultio ab denegatam justitiam; jussio denique Dei. Nam S. August. citatus in dicto Canone *Dominus* 23. ait: *etiam hoc genus belli sine dubitatione licitum est, quod Deus imperas, apud quem non est iniquitas, & novit quid cuique fieri debeat.*

Injustitia causarum respectu Belli desumi potest in genere ex causis justis. *Rectum enim obliqui est index*, ut habet Grotius lib. 2. cap. 22. Quare sicut justa causa in genere est gravis injuria, quam sine periculo Reipublicæ vindicare est licitum; ita injusta est Belli causa, cum levis intercessit injuria, pro qua potest aliundè satisfieri, & quam si bello reparare velimus, magnam toti Reipublicæ perniciem parabimus.

Injustitia belli in specie revocatur ad geminum titulum. Primus est *jus in armis*; alter *ratio status*. In priori est dominandi libido, ambitio, dilatandi Regni cupiditas. Ita Romani sola Imperii amplificandi cupiditate Bella sibi licere existimarunt: Rursus vindictæ cupiditas; libertatis inconsultus amor; denegatio matrimonii, jus imperfectum, quod non inducit obligationem justitiæ, saltèm rigorosæ, sed minus strictæ, in æquitate naturali fundatæ. Ad rationem status, cujus est sola utilitas fundamentum, pertinet primò metus vicinæ potentix. Ratio est, quia quivis, quoad justè parta, est in legitima possessione. Secundò servandum æquilibrium, ut appellant, dominantium; cujus æquilibrii procurandi causa est pariter metus. Tertiò titulus acquirendi dominii in Jure Naturæ vel Gentium non fundatus, exempli causa fertilioris soli

eupiditas, detectio novæ insulæ seu regionis jam habitæ. Quartò titulus coloratus per varios prætextus.

Ad metum, quòd attinet vicinæ potentix, notandum est, eum esse Belli causam injustam nisi certò constet, Principem, qui vult bellum inferre, a vicino potentiore invadendum, post datam apertè de non invadendo cautionem. Ita Theologi & Jurisperiti, ipso Grotio assentiente, qui lib. 2. cap. 22. ait. *Ut justa sit defensio, necessariam esse oportet, qualis non est, nisi constet non tantum de potentia, sed & de animo ledendi; & quidèa ita constet, ut certum id sit ea certitudine, quæ in materia morali locum habet.* Ratio est, quia adversus incertos metus, a Divina providentia & a cautione innoxia, non a vi præfidium petendum est. Si Princeps timet, socios paret ac se præmuniat.

Ex dictis colligo, bellum ex utraque parte non posse esse justum materialitèr, seu consideratum quòad rem ipsam, de qua bellatur; posse tamèn esse utrinque justum formalitèr, seu spectatum quòad opinionem & animum bellantis. Ratio prioris est; quia res eadem non potest esse æqualitèr utriusque, nisi admittatur duorum dominium in solidum. Ratio posterioris potest esse ignorantia invincibilis in utroque, aut in alterutro; ex qua fit, ut hostium uterque possit esse in bona Fide, credendo pro se stare justitiam. Actio autèm justa formalitèr, seu quòad operantem, pendet ex ejus Fide, conscientia, & rationis dictamine. Utrinque justum fuisse bellum Israelitarum & Chananæorum censet Abulensis: respectu illorum & materialitèr & formalitèr ob jussionem Divinam; respectu istorum fuit justum formalitèr ob invincibilem ignorantiam hujus Divinæ jussionis; nisi fortè vincibilis fuit adeòque culpabilis, propter illa prodigia, quæ videbant a Deo fieri in gratiam populi sui.

Ob-

Objiciunt primò Politici quidam. Justum est Bellum ob injuriam prævisam, sed nondum illatam. Nam nemo tenetur primum ictum expectare sedendo, ne in privata quidèa defensione: ut enim ait Poeta nescio quis.

*Dimidium amisit, qui primum expectat ad ictum.*

Respondeo, injuriam certò prævisam ex denegata securitatis cautione, esse justam bellandi causam; non tamèn prævisam ex incertis indiciis, vel formidatam ex potentia crescente.

Objiciunt secundo e converso alii, non posse Bello ultionem sumi de illata injuria. Ultio est pœna; pœna requirit potestatem Superioris: Inter æquales Belligerantes non est potestas Superioris: Ergò nec ultio, seu bellum pœnale.

Respondeo nego in neutro Belligerantium esse potestatem Superioris. Quis enim prior injuriam accepit, factus est æquali superior, nisi hostis uterque supremum Principem habeat, apud quem possit de accepta injuria hostem æqualem convenire. Quare hujusmodi bellum, ad reparandam injuriam introductum, est loco justì Judicii vindicativì.

Objiciunt tertio Si quis Princeps gemino Principi, mutuis Bellis implicito, sit fœderatus, vi tali fœderis neutri potest suppetias ferre tuta conscientia. Ergò fœdus non semper est justa Belli causa.

Antecedens patet. Utrique enim pati jure obligatus, si alterutrum defenderet, in alterutrum esset fœdifragus.

Respondeo. Possent is Princeps in eo casu adjuvare illum ex fœderatis, pro quo stare justam causam videret. Nam justitia unius excludit alterius fœderis.

tur.

turpitudinem. Secundo posset ei succurrere, cum quod fœdus inivit priori tempore in Bello utrinque formalitèr justo: Nam prior tempore, potior jure, ut ajunt Jureconfulti. Tertio posset anteferre pacta specialiora simplicibus; quia species derogat generi.

Obijciunt quartò. Ad bellum sociale requiritur jus, quod resultat vel ab illata injuria, vel a voluntate socii auxilia petentis. Sed in bello, quod Abraham pro ultione Lothi suscepit, neutrum eorum reperitur. Minor patet. Major videtur colligi ex dictis. Nam injuria alteri facta non tribuit cuivis homini jus ultionis, nec facit lædentem subditum alteri, nisi læso; alioqui dicendum esset, quemvis habere jus vindicandi injurias totius orbis.

Respondeo. Non solum qui læsus est, sed etiam ejus amicus afficitur injuria, quia fìctione juris & caritatis transit in personam amati, & injuria eundem oneraret, nisi succurreret injustè læso; Hinc nego minorem, quoad secundam partem. Nam Lothi voluntas innixa fœderi dabat ei jus ad auxilia petenda ab Abramo in casu, quo injustè opprimeretur. Neque sequitur, hominem quemvis habere jus vindicandi quasvis injurias; quia hoc confunderet ordinem & jurisdictionum distinctionem. Etiam in causa privati qui injustè est læsus, defensio est licita: ergò a fortiori in causa publica, ubi agitur plurium innocentium periculum. Hanc conjunctionem ipsa natura inter morales constituit. Hinc rectè laudantur Reges Pipinus & Carolus Magnus, qui ubi viderunt Italiam, summosque Pontifices injustè pressos ac spoliatos, ingenti exercitu comparato tyrannos domuerunt & pacem Italiæ restituerunt.

Reponunt primò. Amicitie fœdus, vel caritatis Christianæ titulus non est causa sufficiens; Ergò nec justa.

sta. Antecedens probatur. Hoc fœdus, & hic titulus æqualitèr utrimque ligat. Ergò dum concedit ut auxilium Titio, non concedit ut offendam Sempronium. Consequentia sequitur. Nam cognatio, quam natura inter homines constituit, non patitur, ut cum tertii detrimento alteri opituler.

Respondeo. Nego antecedens. Ad probationem distinguo antecedens; æqualitèr ligat, quamdiù manet utrobiquè amicitia, Concedo; si rupta sit injusta amici offensio & caritatis læsio, Nego. Hæc ipsa est ratio, cur magis tenear innocenti amico, quàm nocenti auxiliari, ut est manifestum in defensione privata.

Reponunt secundo. Si vera sunt quæ dicuntur, sequitur, non modò licere ejusmodi bellum, sed etiam Principem in conscientia teneri ad id gerendum, saltem ex lege caritatis. Hoc autem nimium videtur esse, nec requiri a Natura. Major est consentanea Sacris Litteris amorem proximi præcipientibus; est consentanea Sacris Canonibus: nam Canone *Non inferenda*, causa 23. quæst. 3. hæc leguntur: *Qui non repellit injuriam a socio, tam est in vitio, quàm ille, qui facit.* Quam sententiam Seneca, quantumvis Ethnicus, his verbis complexus est: *Si justus es, non solum non nocabis, sed etiam nocentes prohibebis: nam nihil nocere non est justitia, sed alieni tantum abstinencia.*

Respondeo. Majorem esse veram, secluso periculo proprio, & salva caritate ordinata, quæ primariò tendit in seipsum, hoc est in personam, quæ illam exercet. Nihil ampliùs præcipiunt Sacræ Litteræ, & Canones. Nam Canon. 8. caus. 23. quæst. 3. *Qui potest ita obviare, & perturbare perversos, & non facit, nihil est aliud, quàm favere impietati eorum.* Accedit etiam Seneca: *Succurram perituro, sed ut ipse non peream.*

## CAPUT VII.

*An negatus transitus militaris sit iuxta Belli causam.*

**D**ico, negatum transitum militare, quantumvis amicum, non esse justam bellandi causam regulariter loquendo. Nam ejusmodi transitus est fere semper nimis onerosus, nisi fiat cautionibus adhibitis, quæ sint observatu faciles: Alia est ratio de transitu advenarum, hospitem, mercatorum, peregrinantium, sedes item vacuas quærentium ex justis causis, remoto omni periculo.

Objiciunt aliqui primo. Ejusmodi transitus denegatus ab Amorihæis Regulis fuit Moyfi & ejus populo causa justæ belli. Ergo potest esse hujus temporis Regibus ac Principibus justæ causa.

Respondeo. Ille transitus Moyfi denegatus, ut aliqui putant, fuit tantummodò occasio belli auctore justæ, cum esset susceptum adversus Reges in dispersionem jam traditos ab omnium Domino, & detentores iniquos illius terræ, quam Dominus Moyfi & ejus populo destinaverat. Verius est, transitum Moyfis futurum fuisse innoxium; sed quia hostiliter negatus fuit, idcirco bello quæsitus est. Ait enim Scriptura Numerorum capit. 10. *Egressus est obvius (Rex Edom) cum infinita multitudine & manu forti, nec voluit acquiescere Moyfi deprecanti, ut concederet transitum.* Vulgata verò Hebr. sic: *וַיֵּצֵא אֱדוֹם לִקְרָאתוֹ בָּעָם כָּבֵד וּבִגְדֵי חָמָה*. Et capit. 21. *Qui (Rex Edom) concedere noluit, ut transiret Israel per fines suos: quin potius exercitum congregato egressus est obviam in Desertum, & pugnavit contra eum.* וְאֵלֶּיָּהּ נִתַּן מַחֲנֵה אֶת־יִשְׂרָאֵל עֲבוֹד בְּנֵבְלוֹ וַיִּקְרָא אֶת־כָּל־עַמּוֹ לִקְרָאתִי יִשְׂרָאֵל תַּחְתִּיבֶרְתָּ וַיִּלָּחֶם בְּיִשְׂרָאֵל

Re-

Reponunt primò. Amicus transitus, quomocunque negatus, est injustè negatus? Est enim contra jus naturæ, saltèm imperfectum; imo & contra jus Gentium, quo distincta Dominia in Orbe terræ fuerunt ex æquitate, atque adedò cum reservatione communis utilitatis in concedendo cuivis innoxio transitu, qui, ut ait S. Augustinus, relatus in Canone *Notandum* 23. *jure humana societatis æquissimo patere debet distantie natura, quod uni non nocet, & alteri prodest, haud esse denegandum.*

Respondeo. Ad Jus Naturæ, & Gentium vix posse reduci id, quod est Rebus publicis nimis onerosum, imo etiam periculosum. S. Augustinus de transitu loquitur, quem innoxium Israelitæ petebant, & Amorrhæi malè negaverunt: Nam illi ut peregrini transire volebant ad occupandas sedes trans Jordanem, donatione Divina propriè suas, Amorrhæorum amici deinceps futuri: hi æqua negarunt, & æqua petentes opprimere tentaverunt, atque adedò illorum arma per accidens provocarunt.

Reponunt secundò. Si quid juri Societatis humanæ de transitu permittendo repugnaret, esset periculi metus. Nam (ut alias diximus), timor non sufficit; neque unius timore jus alterius legitimè tollitur.

Respondeo primò instando, an, si Turca peteret innoxium transitum per Hungariam, & Poloniam a Cæsare, & a Rege Poloniæ ad oppugnandas Moschorum terras, hi Politici dicerent a Turca jus peti, quod nec prætextu Religionis negari possit?

Respondeo secundo. Experientia constare, quot periculis ejusmodi transitus, quantumvis amici, & innoxii dicantur futuri, obnoxii sint. Sæpe in illis contingit, quod legimus judicum cap. 18. *Videmus terram opulentam, & uberem; nolite negligere, nolite cessare: eamus, & possideamus eam: nullus erit labor &c.* Vulgata verò

R. P. Const. Święcicki O. M. Tblgi.

Cc He-

Hebraica sic : *כִּי יָרַשׁ אֶת הָאָרֶץ וְהָיָה טִיבָהּ קָאֵר כְּחֻשֵׁי אֶל חֲמֵלָה* : *לְדָבָר לְכֹא לְרֶשֶׁת אֶת הָאָרֶץ* : sæpe erinacei tabula renovata armati hospites, vel in subsidium vocati, vel amicitiae nomine intra fines admissi, sensim domesticos expulerunt; sæpe regio, quam transit amicus miles, sit belli theatrum, vel hoste alterutro petente transitum; vel altero, ne alteri detur, efflagitante.

Dixi initio Capitis, tum fore justam bellandi causa negationem transitus militaris, cum proponuntur cautiones, quæ sint faciles observatu. Sed vix contingit, ut observentur, adeoque raro contingit, ut ob transitus negationem justè bellum inferatur. Prima cautio est de transitu inermi milite. Sed hæc est cautio, merè speculativa, & in praxi est probrosa militibus, *quasi manibus abscissis*, ut de militibus Numantinis loquitur Florus lib. 2. Secunda est de concedendis prædiis. Sed hæc nimium est sumptuosa. Tertia de damnis præcavendis. Sed hæc vix est possibilis practice ob defectum disciplinæ, Ducum, & Ministrorum incuriam, vel avaritiam. Hoc enim tempore id fere accidit, quod sua ætate usû venisse Plinius narrat in Panegyrico. *Quam dissimilis nuper alterius Principis transitus, si tamen transitus ille, non populatio fuit, cum ab alio hospitem exerceret, omniaque dextera, lavaque perusta & attrita relinqueret, ac si eadem via vel illi ipsi barbari, quos fugiebat, incederent.* Cautione igitur utantur illi, qui alicèr non possunt, ac cui ad negandum vires sunt, memorem velim, nullo jure quemquam cogi, qui liber sit, ut invitum Dominum accipiat, aut, ubi sit Dominus, parem. Quî enim armatum intra fines recipit, eum vel Dominum accipit, vel parem. Reponunt secundo. In casu necessitatis jus primævum communionis reviviscit, quo licet uti alienis rebus, ac si mansissent communes. Ergo si necessitas ur-



urget, ut hostis hostem repellat, nec possit id facere, nisi transeat per fines meos, debeat transitum ipsi concedere; quem si negem, juste ille in me poterit arma vertere. Antecedens patet primo ratione. Nam necessitas in omnibus legibus positivis excepta est, utpotè quæ legem non habet, sed ipsa legem facit. Secundò patet exemplis. Nam possum diruere vicinas ædes, in quibus incendium est ortum ad arcendum mearum certum periculum; idque jure non solum positivo, sed etiam naturali.

Respondeo. In aliquo casu necessitatis extremæ, & hoc ipso extraordinariè dandus est transitus, salva tamen regionis indemnitate per adhibitæ cautelæ innoxii transitus.

Ex dictis colligo, negatum transitum militare non esse belli causam legitimam, si alia suppetat via transeundi, quantumvis perincommoda. Cujus rei exemplum habemus in Sacris litteris loco citato Numerorum, ubi licet Rex Edom Israelitis negarit transitum, quem petebant innoxium, Moses tamen non armis eum vindicavit; sed eo jubente, Israelitæ deflexerunt, & a Cade profecti ad montem Hor pervererunt cum copiis omnibus. Verba Scripturæ habes loco citato: *Quam ob rem divertit ab eo Israel, cumque castra movissent de Cades, venerunt in montem Hor.* Vulgata verò Hebr. sic: *וַתִּפְּרָץ יִשְׂרָאֵל מִלְּפָנֵי אֶדְוִם וַתֵּלֶךְ אֶל הַר הָהוּא*

Objiciunt secundo cum Grotio lib. 2. cap. 2. Saltè transitio mercium per alienam Provinciam ratione innoxie utilitatis ex commercio libero, justè negari non potest. Ergò si quis illam negaret, bello appeti posset. Antecedens deducitur ex Jure Gentium, seu communi quadam, quæ inter homines est, affinitate & consuetudine; unde studium quoddam societatis hu-

manæ conservandæ, quo fit, ut homo homini utilis sint in ijs, quæ sibi non noceant, nec jure possit impedire commercia ad societatis utilitatem instituta. Si enim posset impedire, id contingeret ratione alicujus luori cessantis. Atqui aliquod lucrum est non magni pretii, ac proinde indebitum; ideoque sic esset, pro damno reputandum.

Respondeo. Esset pro damno reputandum, si transvectio mercium externarum luxum inferret, si transvectio esset nimium frequens, adeoque Civitati noxia; Si ejusmodi mercium suppetat copia in Civitate propria, aut in territorio; Si utilitas, quæ has distrahendo parari potest, ex alienis mercibus impediatur. Hæ possunt esse rationes negandi exteras transvectiones.

Quibus negatis, non proinde exoritur belli justitia. Jus autem Gentium, quod objicit Grotius, procedit in iis, quæ sunt accipienti utilia, nec danti molesta. Sic utique *desesando foret iniquitas*, ut Cicero ait lib. 3. de Officiis: *prohibere aquam ex profluente, negare ignem ab igne, viam erranti non commonstrare, supervacanea potius corrumpere, quam integra ad aliorum usum relinquere*. Hinc ait: Ovidius.

*Quis vetes opposito lumen de lumine sumi?*

*Quis prohibebis aquas? usus communis aquarum est.*

Ad id, quod dicitur de lucro non Magni pretii, quod externis provenit ex libera mercium transvectione, respondeo, jus non suppetere externis ejusmodi lucro prohibendi Civitatem, per quam merces eorum transvehuntur. Cur enim nobis metipsis proximi non sumus, aut nobis potius hoc lucrum non reservemus? Quid obstat quominus nostris civibus id lucri vendi-

ce-

cemus, quod apud exteram gentem nituntur præripere transeuntes.

Ex quibus colligo fas non esse cuivis Jure Gentium peregrinari in alienas regiones, cum incolarum detrimento, appellere navigia, uti portubus, fluminibus, negotiari prohibito, effodere aurum, piscari margaritas. Ratio est, quia post factam rerum divisionem habet dominium Respublica proprium quò ad portus, flumina, & cætera. Ergo hujusmodi rerum usus liber, & aliquo modo noxius prohiberi potest, ut ex praxi communi perspicuum est: quamquàm ea, quæ diximus, de Jure Gentium dici possunt hoc sensu, quod quamdiù non prohibentur cuivis extraneo, illis uti fas est. Cæterùm quòad commercium, remoto etiam omni detrimento Respublicæ propriæ, facillè contingere potest, ut respectu causæ, modi, vel alterius circumstantiæ fiat injuria negatione mercium transvectionis, quæ negatio justî Belli legitimus titulus esse possit.

## DISPUTATIO II.

### *De effectibus Belli.*

**E**ffectus Belli alii sunt respectu hostium, alii respectu subditorum: alii respectu vincientium, & devictorum. Item effectus Belli necessarii sunt obligationes in Bello, contingentes Represaliæ, quas vocant de his omnibus differemus per capita.

## C A P U T I.

*De effectibus Belli, primario, & secundario  
respectu hostium.*

**E**ffectus Belli primarius est jus occidendi hostem; cum fine, hoc est Bello, concesso, necessaria media concedantur. Excipiuntur imbelles, quales infantes; imbecilles, quales foeminae, nisi & ipsae pugnent; inermes, quales personae sacrae; utiles in commune, quales agricolae, mercatores, & universae omnes, quorum vitae genus abhorret ab armis. Accedunt primò Capti, cum, teste Pyrrho apud Senecam in Troadibus.

*Adimere Capto vitam respectus veteris  
aqui, pudorque.*

Secundò vitam pacifcentes armis depositis; quia Sopatre Auctore, moris est in Bello servare supplices. Tertiò se victori dedentes. Nam *trucidare deditos, scvum esse* Tacitus dixit Annalium lib. 12. idque contra Jus Belli pugnare censuit Livius. Quartò ad Bellum coacti, deque Belli a victore illati justitia persuasi; modo coactio a victo Principe illata militibus, & persuasio victori innotescant; quia in coactione, aut persuasione justitiae nulla est culpa supplicio mortis luenda. Quintò innocentes non sunt directè interimendi, repugnante divino Jure Naturali.

Huic exceptioni exempla contraria apud Grotium nihil afficiunt, neque probant licentiam occidendi ex Jure Naturae, vel Gentium permissivo, sed impunem tolerantiam: fortasse quia noluerint Gentes hostili fu-

rori metas præscribere, quas in tanta nocendi proclivitate observare difficilimum foret, ne bellum ex Bello nasceretur.

Neque jus talionis habet hic locum. Non enim permissum est a natura adversus innocentes, licet sint membra communitatis nocentis, quippè qui succedanei non fiunt ad pœnam mortis. Nec quidquam evincit victoris utilitas, quæ capi possit incutiendi terroris morte innocentium. Etenim terror incuti potest aliis modis, quàm sævitia in innocentes; nec pertinacia in resistendo; quæ potius in hoste laudanda est. Hinc Alexander cognomine Magnus, cum aliquandò acrius resistentes, deindè victos jussisset interfici, visus est Indis bellare latronum more. Quocirca malam veritus famam, victoriis deindè cœpit uti clementius. Multò minùs est justa dëditorum cades ex vehementi dolore propter cladem acceptam: quemadmodum legimus Achillem, Æneam, Alexandrum captorum sanguine, aut se dedentium amicis suis parentasse.

Ad modum quòd attinet tollendi hostem, Jure Naturæ, & Gentium vetita est sicariorum immissio.

Hinc Alexander Darium coarguit apud Curtium lib. 4. *Impia bella suscipitis, & cum habeatis armâ, sicitâmini hostium capita.* Est etiam vetitum Jure Gentium. Primò veneno hostem tollere, partim ne contra communem utilitatem multiplicentur Belli pericula, aliundè satis multa; partim ne Regum, ac Principum vita, qua Reipublicæ nititur incolumitas, nimio discrimini esset exposita. Secundò eodem jure, saltèm apud Gentes paulò cultiores, arma sunt vetita veneno infectas, ne denuò pericula multiplicentur. Tertiò vetitum est, ne toxicum fontibus infundatur; cum possit hostis incommodo affici, vel aliò fontes derivando, vel exsiccando.

Effe-

Effectus Belli secundarius respectu hostium est jus in res, ac bona hostilia.

Probatur hoc argumento a majori ad minus, hoc est a vita ad vitæ bona; Hinc Tullius lib. 3. de officiis: *Neque est contra naturam spoliare eum, quem bonestum est necare.*

Hinc Jure Naturæ licet arces diruere, propugnacula facere, capere, eripere hosti arma, naves, bona etiam innocentium, quatenus id postulat necessitas, ac utilitas bellica, ut victoria comparetur, aut vires hostium minuantur. Ratio est, quia, sine concessio, conceduntur & media ad finem consequendum.

Verumtamen sunt illicita quæ sequuntur. Primò ultra metas necessitatis, seu utilitatis res corrumpere, aut devastare: iniquum est enim nullo suo bono nocere alteri. Secundò innocentium bona diripere, si satisfactio haberi possit aliunde: nam bona innocentium solo nomine pignoratitio sunt obligata Reipublicæ: Quòd si communitas deliquisset, cujus illi membra censentur, tunc ipsi non spoliari modò, sed etiam in servitutem abripi possent. Tertiò non licet in bona deposita, seu non hostium, grassari, quia deficit Belli titulus. Quartò plùs bello occupare, quàm jure prætendi possit, si injuria ab hoste illata tantùm sit materialis propter bonam fidem rei possessæ. Quòd si bona Fides non adsit, idèoque sit injuria formalis, etiam expensæ, aliaque damna poterunt compensari. Hoc enim fieri solet in judiciis forensibus. Ergò multò magis potest fieri in Bello.

Jure Gentium major est Belli licentia, quæ dominium omnium, quæ hosti eripiuntur, in victorem transfertur, si ita sint in potestatem redacta, ut recuperationis spes hosti sit intercisæ. Quare Aristoteles in Politicis: *Lex, inquit, quoddam pactum commune est,*  
quo

*quo bello capta capientium sunt.* Quòd tamèn jus locum habet in foro externo dumtaxat, ubi actio negatur, seu jus repetendi. Etenim in foro interno res saltem immobiles, ultra debitam compensationem ereptæ, sunt victo restituendæ, nisi ratio securitatis in ereptis quibusdam arcibus secus fieri postularet, & hoc ad tempus.

Hæc autem dominii prærogativa locum habet dumtaxat in Bello justo. Primò quia Jure Naturæ & Gentium ad Bellum requiritur justa causa: Ergò etiam ad effectum Belli, seu rerum dominium. Secundò quia in Bello injusto omnes actiones injustæ sunt, & in foro interno sunt bona erepta restituenda. Ergò etiam in externo, cum non appareat exceptio specialis.

Neque obstat, quòd in Bello justo excessus satisfactionis, etsi injustus, Jure Gentium fiat legitimus quòd forum externum: quasi verò Jus Gentium partis in Bello, quantumvis injusto, titulum daret. Nam dispar est ratio. Bello justo erepta nituntur & legitimo titulo, & juris præsumptione, propterea quòd ad satisfactionem pertineant utique debitam, licet conscientia victoris relinquatur decernere, quantum debeat. Contrà verò qui Bello injusto ditati sunt, non modò titulo carent, sed omnium Gentium in se odium concitant; idèoque nullum merentur juris præsidium.

Jus in hostium bona nullo modo se extendit ad loca sacra, templa, altaria, neque ad res sacras, neque ad bona Ecclesiastica, saltèm per se loquendo. Probatum primo: Ecclesia qua talis, non est pars Reipublicæ bellum gerentis. Ergò nefas erit, res & bona alieni corporis, Bello non implicati, invadere ac perdere. Hinc Polybius, quantumvis Ethnicus,

*R. P. Const. Swięcicki O. M. Tblgi.*

D d ait,

ait ? *Quæ neque nobis ad bellum usus futura sunt , nec hostibus incommodatura , ea perditum ire , templa maximè , & quæ in eis simulacra , & similia ornamenta , quis neget male mentis , & præ ira furibunda esse opera ?*

Objicit primò Grotius cum aliis Protestantibus auctoritatem Pomponii Jurisconsulti dicentis : *cum loca capta sunt ab hostibus , omnia desinunt esse Sacra . Ergò licet illa diripere .*

Respondeo loca capta desinere esse sacra in sensu Gentilium , non Christianorum . Gentilium persuasio erat , ex inepta superstitione profecta , aras & fana Urbium captarum a Diis esse deserta , adeoque & profanata , libertati verò pristinæ restituta , denuo a Diis esse revisa , atque adeo de novo sacrata , ut colligitur ex Virgilio lib. 2. *Æneidos* .

*Excessere omnes adytis , arisque relictis  
Dii , quibus Imperium hoc steterat ...*

Reponunt primò . Justinianus Imperator Christianus sententiam illam Pomponii Digestis suis inseruit . Ergò pro vera habuit .

Respondeo Justinianum dicere , quod templa capta sacra esse desinant facto , non jure , propterea quod suo tempore ab hostibus Imperii Sacrilegè diripiebantur . Ratio hujus est primò quia vel Justinianus limites suæ potestatis excederet , si cum facto jus etiam intelligeret ; vel in textu ac contextu sibi ipse repugnaret . Secundò quia in Titulo ad Legem Juliam peculatus , & de sacrilegio , templorum dirptionem , ac profanationem , tamquam sacrilegam , reprobavit .

Reponunt secundò . Jus Gentium non excipit sacra : nam hæc quoque pertinent ad communitatem ;

neo



nec nisi in præ exemptum ab humano commercio. Ergo licet ea diripere.

Respondeo Jus Gentium, sive merum, sive mixtum, nihil in sacra victoribus tribuit: hæc enim divino, humanoque jure exempta sunt. Quod probatur exemplo Baltassaris, & Antiochi, qui ob vasa sacra templis erepta ab ipso Deo puniti sunt.

Addidi in propositione, *per se loquendo*. Nam excipitur primò casus, quo Ecclesiastici sese bello immisceant contra quam deceat eorum statum: quo tamen casu salva esse debent Ecclesiæ bona, *cum delictum personæ non debeat nocere Ecclesiæ*, ut decernitur capite *Delictum* 76. Secundo excipitur casus, quo præter intentionem damnum Ecclesiæ importaretur. Quemadmodum fieri potest, ut præter intentionem innocentes occidantur. Tertio casus, quo contra leges Ecclesiæ templa essent munita instar arcis, & castri.

## C A P U T I I.

*De effectibus Belli relate ad victores, & victos.*

**Q**Uæ juste sunt acquisita in Bello justo, primario cedunt Principi, ita ut ab ejus pendeat voluntate quidquid militibus licitum est in prædando per excursiones.

Patet. Milites enim sunt mera instrumenta, & quod agunt, auctoritate Principis agunt, ita ut omnia ad summum Imperium redundant.

In specie immobilia cedunt Principi, & in mobilibus tormenta Bellica. Alia mobilia cedunt etiam Principi, saltem quæ in prælio comparantur: Milites enim non nomine proprio, sed ex homagio, quod vocant, Principi militant: Jure tamen Justinianæo ce-

Dd 2 dunt

dunt militibus, ut sint incitamenta alacritatis. Multo magis in excursibus liberis sibi lucrantur milites, quia non publicam, sed suam sibi potius navare operam censentur.

Victoria, Sylvester, Molina licitum esse putant Urbem integram in prædam dare militibus; quia in bello justo acquiritur jus in hostium bona, præsertim vero si direptio videatur ad bellum finiendum necessaria. Cautio tamen est, ut Duces vitanda curent flagitia, cædes Innocentium, stupra, adulteria, templorum profanationes. Sed quia hoc est difficillimum, sine peccato vix permittitur licentia hujusmodi.

Respectu eorum qui victi sunt, est dominium victoris in captos, etiam cum jure in vitam, quo tolleratur & non punitur a victore Principe occisio hostis capti, abstrahendo a Religione Christiana. Quare illud Caji, quod apud omnes gentes dominis fuerit potestas vita necisque in servos, intelligendum est de Jure Gentium solum permissivo quoad externam impunitatem, cum jus vitæ soli Deo sit reservatum.

Servitus Jure Gentium inducta est. Causa inducendi fuit, ut fræno cohiberetur occidendi libido, propositis tot servitiorum commodis. At inter Christianas jam pridem sublata est servitus, partim ob libertatem, qua nos donavit Christus Dominus, partim ob caritatem, qua ejusdem mystici corporis membra sumus sub uno capite Christo.

Ad eundem Belli effectum pertinet Imperium in victos, sed civile, & mediatum, & in favorem Religionis Catholicæ. Excipitur casus, quo Princeps devictus haberet subditos mediate tantum, nec absolute sibi subjectos, in quos victori Imperium cederet conditionatum, si nempe congrua satisfactio nequeat obtineri. Excipitur etiam casus Principis devicti, ac

Bel-

Bello capti, quo casu victori non illico Imperium cederet in Principis subditos, quia a Principe captivo vi captivitatis non transfertur Imperium in victorem, sed usus tantum impeditur. Si ultro cederet, regione patrimoniali Princeps excideret. Hæc enim potest alienari; non tamen cæteris excideret quæ lege Reipublicæ Principi fuerant assignata; cum ista non possint alienari, nisi populo aut victo, aut assentiente. Quare victori jus non est in vitam Principis captivi; cum principalis dignitas in Principe maneat, etiam captivo, nec possit umquam violari, nec Princeps in Principem, instar subditi, potest delinquere, aut instar subditi supplicio affici.

Victori convenit regulariter Imperium tantum civile in populum devictum; cum ex Jure Naturæ saltem congruum sit, ut imperia civiliter administrantur, neve ad tyrannidem, subditorumve oppressionem convertantur, tametsi Bello sint acquisita. Quin etiam imperia herilia sublata esse videntur apud Principes Christianos, sublata, ut diximus, servitute. Transit etiam in victorem Imperium tantummodo mediatum; cum ex Principiis vere politicis videatur Imperium immediatum devicto Principi, aut Populo relinquendum, reservato tributo, præsidio imposito, aut forma regiminis immutata. Denique pertinet ad victorem Imperium, quod sit in favorem Religionis Catholicæ. Quod ex principiis Grotii, quantumvis Acatolici Auctoris, clare colligitur. Ait enim lib. 3. cap. 15. *Indulgentia in victore pars est avita Religionis usum victis, nisi persuasis, non eripere, sed tolerare, quia victis pergratum, & victori innoxium. At si falsa foret apud victos Religio, ne vera opprimatur, recte curabis victor, exemplo Constantini, aliorumque Francorum Regum.*

Ex quibus argumentor: Religio avita, & unice vera,

ra,

ra, est solum Catholica, ut contra Sectariorum, Paganos seu Ethnicos, Turcas, Judæos Polemici evidenter ostendunt: Ergò in locis, ubi viget, a victore victis est permittenda; ubi non viget, quoad fieri potest, fovenda est, & victoris brachio sustinenda, ne opprimatur, neve illius exercitium impediatur.

### C A P U T III.

*De effectibus Belli quoad subditos.*

**P**rimus effectus est arbitrium in Principe conscribendi milites intra territorium proprium, & sine coactione, saltem respectu non subditorum, sed ad tempus degentium in territorio. Alter effectus est jus, ut vocant, sequelæ quo subditi in gravi necessitate Reipublicæ ad justam defensionem evocari & compelli possunt a potestate suprema. Hujus juris fundamentum statuitur in necessitate, nationumque omnium consuetudine, hoc est in Jure Naturæ, ac Gentium. Tertius effectus est jus exigendi sumptus pro alendo milite. Quippe in bello justo est legitimus titulus imponendi tributa. Quartus effectus est jus in Principe curandi enixe rem militarem, hoc est armamentaria instruendi, militesque exercendi, ut habiles reddantur ad arma tractanda. Quintus effectus est jus extruendi munimenta, imponendi præsidia, imperandi excubias.

Non tenentur subditi, præcipue evocati a Principe ad bellum, ejusdem belli justitiam examinare.

Ratio est, quia subditus est exequutor imperii, quod Princeps dederit, non scrutator. Secus enim obedientiam relinquerent, ad Reipublicæ bonum necessariam, qua sublata imperium languesceret. Secundò tenentur

tur subditi justitiam belli cognoscere in eo casu, quo rumor communis injuste bellum esse susceptum promulgaret. Ratio est, quia secus versarentur in ignorantia culpabili & affectata, qua cum honestas actionis componi non potest. Tertio stante nihilominus dubio, bellare subditis licet post factam inquisitionem, quia in dubio stat præsumptio pro justitia. Hæc dicta de subditis, applicari etiam possunt militibus conductitiis, qui conscripti sunt ante bellum, de quo oritur dubium; quia in hoc casu subditis æquiparantur: possunt & iis applicari, qui post bellum indictum sunt conscribendi. Possunt enim deponere dubium formando sibi judicium practicum, quod licitum sit ad bellum proficisci, propterea quod ejusmodi causa melius perpensa, & cognita sit a Concilio Principis. Id tamen est certum, quod in dubio practico operari sit semper illicitum, & quod milites ita comparati, ut quodvis ab bellum, etiam quod injustum agnoscantur, non sunt excusabiles a gravi peccato.

#### C A P U T IV.

##### *De obligationibus in Bello.*

**P**Rimo. Obligatio generalis in Principe injuste bellum suscipiente ac gerente, est onus reddendæ Deo rationis de cunctis cædibus, rapinis, & malis, una cum reparatione damnorum omnium, quæ quidem possint reparari. Hoc est manifestum. Cessat hæc tamen obligatio, si bona fides, & ignorantia invincibilis excuset Principem. Idem dicendum de Consiliariis, Ducibus, aliisque qui scienter injusto bello cooperantur. Secundo obligatio Principis in specie respectu militum infert solutionem stipendii ex contractu.

Se-

Secundo. Obligatio militum respectu Principis pertinet ad cuncta servitia militaria, etiam cum præviso mortis periculo præstanda. Respectu aliorum est, ut juxta B. Joannis Præcursoris effatum, contenti sint stipendiis suis, neminem concutiant, nemini calumniam faciant, nec vi, nec fraude sibi plus vindicent quam oportet.

Quocirca omnes annonariæ fraudes quæstorum, omnes industriæ Ducum dolis plenæ, militumque in rusticos violentiæ illicita sunt militariæ licentiæ spolia, atque adeo obnoxia restitutioni. Hoc enim postulant justitiæ leges ubique ab omnibus observandæ. Sed hæ leges in bello nonnullis etiam orthodoxis videntur chimericæ, tamen in Evangelio dilerte traditæ sint, & vel ab Ethnicis bellum gerentibus observatæ. Ita Velleius refert de Sulla lib. 2. *Pueros venisse in Italiam non belli vindicem, sed pacis auctorem: tanta cum quiete exercitum per Calabriam, Apuliamque, cum singulari cura frugum, agrorum, urbium, hominumque perduxit in Campaniam.* De Pompejo scriptum reliquit Cicero in Oratione pro lege Manilia *Ejus legiones sic in Asiam pervenisse, ut non modo manus tanti exercitus, sed ne vestigium quidem cuiquam pacato nocuisse dicatur.* De Stilione narrat Claudianus.

*Tanta quies, jurisque metus servator honesti.  
Te moderante, suis, nullis ut vinea furtis,  
An seges erepta fraudaret messe colonum.*

Tertio. Obligatio respectu hostium inter se præferibit. Primo. In bello incipiendo justitiam. Secundo. In modo belli gerendi moderationem. Hinc D. Augustus Epistola 1. ad Bonifacium *Hostem pugnantem necessitas perimat, non voluntas.* Sicut bellandi violentia reddi-

ditur, ita victo misericordia debetur, maxime in quo pacis perturbatio non timetur. Marcellus, ut ait Cicero 2. Verrina: *Ædificiis Syracusanis, Sacris, ac profanis ita pepercis, ac si ad defendenda, non expugnanda cum exercitu venisset.* Tertio requirunt sinceritatem oppositam dolo malo atque mendacio, non insidiis ac stratagematis licitis. Ratio est, quia numquam mentiri licet; & aliunde cum in bello justo fas sit hosti nocere, fas quoque erit occultando illi consilia efficere, ut a seipso decipiatur, & damnum accipiat. Et Deus ipse stratagematis auctor fuit Josue cap. 8. *Pone insidias urbi.* Hinc S. Augustinus quæst. 10. in librum Josue: *Cum justum bellum suscipitur, aut vi aperta quis pugnet, aut ex insidiis, nihil ad justitiam interest.* Quarto petit fidelitatem in promissis servandis, quia nullum decorum esset potesse, si violatur fides, ut ait S. Ambrosius lib. 1. Officiorum: Quinto præscribit honestatem, ut ne per stupra, aliaque nefanda flagitia victores sæviant in devictos. Patet hoc ex Jure Naturali & Divino, imo Gentium paulo cultiorum. Sexto obligat hostes ad humanitatem per sepulturam mortuis exhibendam; saltem ex Jure Gentium, & seclusa pœna, exempli causâ si hostis explorator suspendatur, ejusque cadaver in arbore relinquatur; vel Jure quodam recipro- cationis Docet S. Joannes Chrysostomus in Oratione de lege: *Quod ex lege mortuos nemo judicet hostes, ira & contumelia in eorum corpora sese non extendente.*



## C A P U T V.

*De Represaliis.*

**R**epresaliæ, sic dictæ ab Italia voce *Ripresa*, sunt species belli privati, utpote quo vindicatur injuria privato a privato illata: ac bene possunt definiri sic: Represaliæ sunt jus, quo Magistratus, aut Princeps subditos suos ab illata per externos injuria vindicat, redditque indemnes in casu denegatæ ab eisdem justitiæ.

Ejusmodi jus non a natura, quæ neminem ligat ex alieno delicto, sed Jure Gentium inductum est; & videtur habere rationem imputationis, cum Magistratu creditoribus exteris justitiæ denegante pro suorum debitis, ipsa communitas, seu singulorum civium bona, ob arctissimam unionem membrorum & corporis, obligata esse videantur. Ratio ejusmodi juris esse potuit inhibitiō vagæ licentiæ inferendi exteris damnum, vel Magistratu ad reddendam justitiā, vel subditorum bonis ad satisfactionem præstandam obligatis, ob conjunctionem moralem, vi cujus factum civitatis civibus singulis, & factum singulorum toti civitati potest imputari; ideoque minime iniquum visum est, singulos, velut in subsidium, pro debito civitatis esse obligatos. Neque ob stare potest unius, vel alterius innocentis damnum, quia cedit commodo publico, cunctisque gentibus communi: præterquam quod privatorum damna in Communitate sint sæpius inevitabilia, sitque in cujusvis arbitrato ad communitatem recurrere, a qua ejusmodi detrimenta privatis civibus sunt refarcienda.

Represaliarum proprietates sunt primo ut fiant a  
Ma-



Magistratu, seu auctoritate publica; & in hoc differunt a pignorationibus, quæ a quovis judice decerni, vel etiam a privatis contra privatos auctoritate propria usurpari possunt. Secundo ut nonnisi post formam juris tentatam legitime atque frustratam, nullo alio medio consequendæ justitiæ suppetente, propterea quod sint remedium extraordinarium, & violentum. Tertio ut fiant exceptis excipiendis, cujusmodi sunt personæ Principes, Ecclesiasticæ, legati, viatores non subditi &c. Quarto ut fiant sola personarum detentione, non severiore tractatione, quia non sunt hostes, sed potius obsides. Res jure Represaliorum occupandæ sunt bona ejusdem generis, si fieri possit, neque excedentia damnum illatum: quia quod ultra æqualitatem eripitur, justum esse desinit, & rapina vel furtum est. In bona sic occupata non acquiritur tamen ipso facto dominium, ut Grotius opinatur, sed solum jus pignoris, quia Represalia res est diversa prorsus a bellica occupatione, cum finis ejus sit alius; nempe ut occupatione rerum detur ansa obtinendæ justitiæ antea negatæ: hac desperata, acquiritur plenum dominium. Hic animadverto, nocentes teneri jure naturali ac Divino ad reparanda damna innocentibus illata: deinde jus Represaliæ esse restringendum, utpote odiosam, & quia est species belli, quo publicis scandalis atque incommodis, imo etiam tumultibus via aperitur.



## DISPUTATIO III.

*De Fœderibus.*

**D**ifferemus primum de origine Fœderum: Deinde quæremus an licita sint, & quatenus. Sit igitur

## CAPUT I.

*De origine Fœderum, eorumque materia, forma, ritu, obligatione, executione, dissolutione, cautionibus adhiberi solitis.*

**O**Rigo Fœderum humano generi, ac societati civili cœva est. Sic, teste Dione & Livio, omnes Gentes, cum de imperio certarunt, ante omnia socios fortunæ suæ quærebant. Sic notum est fœdus Abrahami cum Abimelecho, Solomonis cum Hiram, Machabæorum cum Romanis. Hæc origo descendit ab ipsa natura. Ratio est primo. Quia sicuti natura inclinatur ad societatem humanam, ita & fœdera, velut fortissima securitatis publicæ vincula, tutissimaque ejusdem societatis præsidia. Secundo. Quia eidem societati non tantum expedit habere domesticos, sed & socios vicinos atque amicos, cum sine fœderatorum ope familia, hoste suo debilior, eidem resistere haud posset. Non tamen, proprie loquendo, origo fœderum est de jure naturæ, ut aliqui volunt; nisi jus improprie tale, seu mere concessivum intelligant. Ratio est, quia quamvis fœdera humanæ societati magnopere congruant, non tamen eorum usus est absolutæ necessitatis, ita ut exigantur determinate ab amore,

re, qui debetur alteri naturaliter, & ad felicitatem naturæ consentaneam est simpliciter necessarius. Cur enim gens quælibet absolute loquendo, non possit sibi sola vivere, aliarumque nationum fœdera recusare? Excipiendus est casus ultimæ necessitatis, quæ gens vicina ad avertendum interitum, fœdus justum exposceret, idque modis naturæ convenientibus, hoc est cum ratione & justitia sanciret.

Fœdus a Fide est appellatum, quæ interponitur fœderi; estque contractus publicus amicitia, mutui auxilii, & commerciorum gratia a diversis Civitatibus initus. Alium est temporaneum pro certa expeditione, aliud perpetuum. Perpetua fœdera de bello pacem excludente in tempus perpetuum videntur illicita & juri naturæ contraria, quæ pacem præcipit, bellumque solum permittit ad eam diutius confirmandam. Deinde aliud est fœdus æquale, aliud inæquale, quod nempe intercedit inter æquales, vel inæquales potentia, viribus &c. vel æquali, aut inæquali modo seu conditione honoris, commodi, vel potestatis: quæ tamen inæqualitas nullam subjectionem, sed potentioris tantummodo cultum, & observantiam comiter demonstrandam; eo quod longe aliud sit, aliquem esse in alterius fide, & esse in alterius ditione.

Dividitur præterea fœdus in offensivum, defensivum, ac mixtum. Offensivum ordinem habet ac respectum ad bellum offensivum, quo vis infertur ad injuriam, vel damna reparanda. Fœdus defensivum respicit bellum defensivum, quod ad injuriam illatam propulsandam suscipitur defensionis gratia. Mixtum vocatur illud, quod simul est offensivum, ac defensivum. Materia fœderum sunt res honestæ, ac licitæ: Nam improbæ actiones in pacta deduci nequeunt. Ejusmodi sunt matrimonia, commercia, auxilia, se-

cu-

curitas, bellum, pax, induciæ, aliaque negotia, & commoda, quæ ad statum pertinent Reipublicæ. Forma consistit in conscriptione & consignatione tabularum. Ritus, pro varietate Gentium, & temporum varii sunt; idem tamen ubique Gentium finis fuit, ut nempe constaret rei, de qua agitur, gravitas in fœdere sanciendo. Nostri temporibus per subscriptionem, sigillorumque appensionem utriusque partis, & adjecto jurejurando ad Sancta Evangelia sanciri solent. Apud antiquiores Christianos divisione Sacræ Hostiæ fuisse aliquando firmata, sunt qui scribunt de Paschale II. Romano Pontifice, & Henrico V. Imperatore, Ludovico item Bavaro, & Friderico pulchro Austriaco.

Obligatio est gravissima præstandi omnia, quæ articulis fœderis sunt comprehensa.

Nam firmantur non modo Fide humana, qua nihil est in societate humana Sacratius, sed etiam Divina per jurisjurandi religionem. Hinc Romani quantumvis Ethnici, violatores fœderum olim acerrime ultæ sunt: Metium Dictatorem Albanorum quadrigis discerptum, Albas Urbem solo æquatam, Veientes a stirpe funditus deletos, Carthaginem intra quatuordecim dies incendio absumptam, Campanos miserandum in modum aut cæcos, aut durissima servitute oppressos, Corinthum ac Numantiam excisam, civesque omnes interemptos in Historicis legimus: tantus apud Gentiles violati quondam fœderis horror fuit. Quin etiam sacrilega violati fœderis perfidia secum plerumque trahit ultionem Divinam. Teste Thucydide, etiam Gentilibus persuasum erat, Deos esse fœderum arbitros, ideoque inexpiabilem esse religionem fidem fallere. Et populum Dei, si quando fœdisfragus fuit, a Deo graviter fuisse percussam, Sacræ Litteræ testantur. Certe

te Saulis posteritas, ob fœdus Gabaoniticum, vindictam sensit. Fides igitur publica servanda est, tam data quam jurata, Hæreticis, Turcis, aliisque infidelibus in fœdere per se licito, & quod nec Religioni, nec bonis moribus adversatur.

Impotentia moralis ex necessitate, aut periculo proprio excusat a fœdere implendo, cum quilibet sibi proximus sit, & promississe credatur, exempli causa, se fœderatis laturum suppetias, nisi ipse magis indiguerit.

Fœdus Belli offensivum, si sit contra Turcas, vel alios alieni Imperii invasores, extendendum est non modo ad amissa recuperanda, sed etiam ad enervandam illorum potentiam, donec pro illatis damnis satisfaciant, & securitatem præstent, in posterum se non offensuros.

Fœdus defensivum, si initum sit conditionibus inæqualibus, aut sancitum cum Turcis & Barbaris contra bonum Reipublicæ Christianæ, exitiosum evadit ac restringendum est. In sensu verborum fœderis dubio ad fœderatorum mentem, magis vero similem, recurrendum est. Interpretatio extensiva de persona ad personam, vel de causa ad causam, in fœdere non expressam, locum non habet, nisi fuerit expressa saltem ratio generalis unica & adæquata, ex qua non ambigue constet, voluisse fœderatos, etiam in casu simili, conventionem suam procedere.

Fœderis dissolutio fit per renuntiationem mutuam, lapsæ jam tempore in fœdere constituto, aut Bello, seu negotio finito, cujus solius causa initum est; morte item fœderatorum, vel naturali, vel civili; hoc est, si status publicus immutetur in ordine ad finem in fœdere contentum. Dissolvitur etiam fœdus ipso non usu, cum præsumitur partis utriusque consensus,

eo quod fœderatus diu non præstitit, quæ præstare debebat, tacente altera parte.

Stante fœdere bellico, unus fœderatus, altero invito, vel ignorante, particularem pacem inire nequit: hoc enim tenderet in fœderis destructionem, ut patet. Majore etiam parte fœderatorum in dissolutionem fœderis consentiente, non propterea dissolvitur fœdus: quia agitur de jure singulorum.

Conditione fœderis non impleta, licitum est fœderi renuntiare, ut in aliis pactis usu venit. Fœdus, unius renuntiatione illicitè facta, solvitur in favorem alterius fœderati non renuntiantis.

Procurare justorum fœderum solutionem modis illicitis, nempe dolis, donis, sexcentisque aliis artibus sacrilegum est ac infame. Patet hoc ex Jure Naturæ & Gentium, divino & humano.

In pangendis fœderibus cautiones adhiberi solitæ sunt hujusmodi. Fœdera perpetua non sunt facile ineunda; nec ineunda leviter inter nimium impares: nam fœderatus multo debilior parum proderit, multo potentior erit nimium periculosus, hoc est ab eo periculum erit ne inæquali hoc fœdere debiliori servitus inducatur. Utilia tamen sunt ejusmodi fœdera de commerciis instituendis.

Cavenda est primò nimia fœderatorum multitudo. Nihil est enim facilius, quam inter multos unum, vel alterum a Fide deficere, privati commodi studio. Secundò Aristoteles in Politicis Auctor est, viciniam eorum, qui fœdus inrituri sunt, esse potissimum attendendam. Nam remoti nimium difficulter succurrent in tempore. Tertiò attendendum ingenium, & mores: nam instabiles, & a moribus commodisque nostris alieni non sunt in fœdus vocandi. Quarto attendenda est etiam religio, præsertim in Bello Religionis

com-

commoda spectante. Quintò denique attendenda est causæ justitia; ut ne inaniter iniquitatis vinculo constringamur, Item necessitas, & opportunitas, sine qua Politici satius esse dicunt suis viribus niti, quam fœderibus implicari.

C A P U T II.

*An, & quatenus Fœdus licitum sit.*

**U**T Fœdus sit licitum, potestatem requirit illud ineundi. Hanc habent populi liberi, ilque omnes, qui sunt Principes Supremi. Ratio est, quia finis fœderum principalis est utilitas publica, quæ respicit tantummodo populos liberos, vel summos imperantes.

Illicitum est Catholico Principi contrahere fœdera cum tyrannis, quâ talibus; hoc est non adeptis potestatem summam consensu tacito populi, vel expresso. Est enim illicitum cooperari injustitiæ.

Illicitum est Catholico Principi contrahere fœdera qualiacumque cum infidelibus, vel quibuscumque aliis Fidei Catholicæ hostibus, in grave ac directum præjudicium nostræ Religionis, exempli causa, suppeditando Principi Infideli, bellum gerenti in Catholicum Principem, arma, pecuniam, milites, annonam. Ratio est, quia tale fœdus aperte esset injustum, utpote infidelitatis defensivum, veræque Religionis offensivum.

Illicitum est Catholico Principi inire fœdera, etiam defensiva, sive præbendo, sive petendo auxilia ab infidelibus, vel aliis Ecclesiæ Catholicæ inimicis contra alios, maxime Catholicos, in ordine ad bellum, cæteroquin justum, cum certo tamen, & gravi, quan-

tumvis indirecto Religionis Catholice detrimento connexum. Ratio est, quia cum Religionis Catholice commune bonum, a quo dependet animarum salus, præferendum sit bonis temporalibus, tale fœdus quantumvis aliunde justum, hac tamen ratione injustum fieret atque illicitum.

Sed Hugo Grotius, Oldradus, Socinus, Albericus, Conringius, & alii, præsertim ex Acatholicis, Catholicorum cum infidelibus fœdera licere contendunt. Contra hos tamen non desunt multi Scriptores, maxime ex Orthodoxis, qui regulariter (exceptis nempe quibusdam casibus non ordinariis) ut illicita oppugnant. Probant autem his argumentis.

Primo. Auctoritate Sacræ Scripturæ, ubi legimus Deum ejusmodi fœdera graviter prohibuisse & castigasse. Sic enim legimus Exod. cap. 23. *Non iurabis cum eis* (hoc est, infidelibus Chananæis) *fœdus* *לֹא תִכְרֹם עִם עַמִּי*.

Secundò. Auctoritate summorum Pontificum, Patrum, atque Doctorum. Joannes VIII. fœdus, quorundam Italiæ Principum cum Saracenis magnopere est detestatus, *samquam impium scelus, & societatem initam ad perditionem animarum*. Vide Baronium ad annum Christi 881. Tum hæc addidit Epist. 38. *Iterum atque iterum exhortatur, ut Christiani nominis vires Paganorum fœdera fugiant, & solum in Deum, non in Diaboli membra, quæ sunt vasa ira, spem suam ponere discant*. Sic Alexander III. in capite Judæis s. de Judæis & Saracenis, *excommunicantur*, inquit, *qui cum eis præsumpserint habitare*. Similia statuit Clemens III. diserte prohibens mercimonia, consilia, vel alia subsidia, qui sunt ordinarii fœderum fructus. Quæ omnia singulis annis confirmantur in Bulla Cœnæ.

Accedunt Sancti Patres. D. Joannes Chrysostomus Homilia 1. in Matthæum de Josaphati fœdere cum

Aca-



*Acabo ita differit: Vides, quia nec dare potuit auxilium inimicis Dei, nec ab eis accipere: quoniam autem nec accipere oportet ab inimicis Dei; docet nos supra dicta Historia de Asa; quoniam nec dare, instruit nos hac Historia de Josaphat. S. Gregorius Nazianzenus similia scripsit Imperatori Oratione 46. qui cum hæreticis fædus iniecit, eisque libertatem conscientie dederat. Similia Gregorius Magnus Epist. 10. lib. 7. Francorum Regibus Theodorico, & Theodeberto.*

Accedunt Scriptores plurimi, Layman, Suarez, Majolus, Besoldus, Pignatellius, Reiffenstuel noster, & alii plurimi, qui probant ex Historia Sacra & Ecclesiastica, fædera ejusmodi semper male celsisse. De Ochozia, Josaphato, Asa, Amasia testimonium habemus in veteri Testamento: Judam Machabæum similiter legimus, cum fædus contraxisse cum Romanis, & cum fratribus cecidisse. Idem Jonathas est expertus Judæ frater eo ipso tempore, quo renovavit hoc fædus. Sic Eudoxiam Augustam, sic Bonifacium Comitem, Vandalorum Arianorum contracto fædere misere periisse. Palæologi Imperatores Græcorum in Oriente, facto cum Turcis fædere infinita intulere rei Christianæ detrimenta, totumque Imperium Orientale pessumdederunt.

His tamen non obstantibus, conveniunt utriusque sententiæ Auctores, licitum esse Catholico Principi inire fædera cum infidelibus, seu hostibus Ecclesiæ in Bello aperte juxto, & cum morali certitudine quòd omne periculum, scandalum, damnum a Religione Catholica excludantur. Ejusmodi casus esset primo, si fædera essent de commercio dumtaxat; quo sensu non tam fædera, quam conventiones debent appellari: Quare Cardinalis Ossatus Pontifici improbanti factum Galliz, qui Legatos Hollandos admisisset, respondisse

feritur: Et tu Sancte Pater Legatos Persiæ excepisti; inuens quædam adiaphora esse, quæ non pertinent ad Religionem. Secundò. Si contra alios Infideles, vel A catholicos justo Bello coercendos. Hinc Sturm-ius in libro de administratione Belli Turcici parte tertia Cæsari Catholico suadet, ut perpetuum fœdus habeat cum Moscho, & Persarum Rege contra Solymanum. Tertiò. Si etiam forent contra Catholicos, modo circumstantiæ excludantur, quæ rei Catholicæ nocere possint. Reiffenstuel affert exemplum: Si quis A catholicos contra alium Catholicum Principem, injuste illos aggredientem, præcise iuraret ad hoc, ut ab injusta aggressionem defensi, in suis bonis per validam pacem innoxii conserventur; non vero ut nova bona, Catholicis adempta, acquirant sibi cum damno Religionis. Item si Princeps Catholicus in Bello justo A catholicorum copias ex fœdere acciperet in modica quantitate; ut suo exercitu, longe illas excedente, disciplinam servare posset, ac proinde cavere, ne quod scandalum fieret, neve Catholicis in eo, quod attinet ad Religionem, damnum aliquod inferretur. Quartò. Si adessent conditiones Ecclesiæ utiles; exempli causa, si Rex Galliarum in Bello justo iuraret Anglos contra Hollandos, ea conditione, ut Angli in Hibernia admittant iterum Sacerdotes Catholicos, iisque has, vel illas Ecclesias restituant. Quintò. Si ad averendum Ecclesiæ Catholicæ majus malum hoc fœdus esset necessarium: exempli causa, si quis Monarcha integrum Regnum A catholicis cedere cogeretur, nisi in aliqua Urbe Religionis A catholicæ exercitium permitteret.

Probat hęc sententia primò ratione. Fœdera cum infidelibus, aliisque Ecclesiæ hostibus inita, sunt conventiones per se, & ex natura non illicitæ, sed tantum

tum ratione periculi, damni, vel scandali plerumque connexi, & in Ecclesiam, Religionemque Catholicam redundantis. Ergò si ista non adesse, nec adfutura, moralitèr certum sit, vitiosa non fient præcisè per Infideles, aliosve A catholicos, ut pote qui non ignorent ea Jura, quæ fluunt ex lege Naturæ, vel Gentium.

Probatur Secundo Auctoritate. In Testamento veteri legimus, quod Abraham fædus percussit cum Aner, & Eschol Gentilibus cap. 14. Salomon cum Hiram Ethnico Rege lib. 3. Regum cap. his verbis. *Dedit quoque Dominus Sapientiam Salomoni, sicut loquutus est ei, & erat pax inter Hiram, & Salomonem, & percussæ sunt fædus.* Vulgata vero Hebraica sic: *וַיִּתֵּן חָכְמָה לְשֹׁלֹמֹה בְּאֶשֶׁר דִּבֶּר לוֹ יְהוָה מִלֹּד בֶּן חֲדָשׁ וּבֶן שְׁלֹשָׁה וַיְכַרְתּוּ בְּרִית שְׁנֵיהֶם.*

Objiciunt Primo. In Sacris Litteris occurrunt fœdera Fidelium cum Infidelibus contra fideles inita, quin reprobentur. Quod patet ex fœdere Acaz Regis Juda, in auxilium vocantis Regem Assyriorum Teglat Phalassar contra Regem Syriæ, & Israel: Item ex fœdere Davidis, a Saule ad Achim Regem Philistæorum transeuntis, Lib. 1. Reg. cap. 27.

Respondeo Primo. Illa fœdera nusquam probari in Sacris Litteris. Secundo. Reprobati positive colligimus ex loco citato: *Non fecit Achaz, quod erat placitum in conspectu Domini Dei sui.* Vulgata vero Hebraica sic: *וְאָחָז אֵלֹהֵי יִשְׂרָאֵל לֹא עָשָׂה כְּכָל אֲשֶׁר צִוָּה יְהוָה אֱלֹהֵי יִשְׂרָאֵל.* Davidis autem transfugium ad Achim Regem non fuit fœderis contrahendi causa, sed asyli quærendi. Davidis verba hæc sunt loco citato *Nonne melius est, ut fugiam, & salver in terra Philistinorum, ut desperet Saul, cessetque me querere in cunctis finibus Israel? Ergo furiam manus eius.* Et Hebraica. Vulg. *אֵין לִי טוֹב כִּי הִסְלַט אַחֲשֵׁר יָדוֹ יִרְדָּן פְּרָשִׁים וְנִאֲשָׁטְכָּנִי שָׂאוֹר לִבְכֹּשְׁנִי עוֹד.* *וְכָל יִשְׂרָאֵל:* Neque pugnavit contra populum Israel, sed

sed simulando ejusmodi pugnam persecutus est alios Infideles, nempe Amalecitas; ut merito se suspectum reddiderit Philistæis, nec ad prælium contra Saulem admissus sit.

Reponunt. Si ejusmodi fœdera nusquam probantur in Sacris Litteris, peccasset S. Leo Magnus (hoc eum titulo ornavit Benedictus XIV.) ineundo fœdus cum Hunnis: item peccasset S. Gregorius Magnus contrahendo fœdera cum Longobardis. Hoc autem suspicandum non est de Sanctissimis viris.

Respondeo. S. Leonem, & S. Gregorium non tam fœdera iniisse cum barbaris Gentibus, quam pacta quædam tutelaria, ad avertenda majora Fidelium mala, & facta testæ Ecclesiæ bona conservanda.

Objiciunt Secundo. Scandalum Ecclesiæ Catholicæ non est intentum a Catholico Principe in fœdere ineundo, sed utilitas & bonum Reipublicæ. Ergo id Ecclesiæ hostibus erit imputandum, si forte contingat.

Respondeo. Princeps Catholicus id intenderet saltem indirecte, propterea quia non per accidens, sed per se & ordinarie scandalum ac detrimentum Ecclesiæ hujusmodi fœdera consequatur.

Objiciunt Tertio. Licitum est Jure Naturæ vim vi repellere, etiam Echnico auxilium ferente, si Christianus aggressor vim injustam tentaret: Ergo etiam Principi licet fœdus inire.

Respondeo. Si fœdus cum infideli possit esse legitimum medium ad sua tuenda, hoc est sine damno Religionis Catholicæ, proculdubio licebit. Sed ordinarie id non contingit. Dico ergo licitum esse vim vi repellere, non indistincte, sed legitimis mediis. Secus enim posset aliquis Magos, aut etiam Dæmones in auxilium vocare.

Reponunt. Ergo Princeps Catholicus quamquam a  
Ca-

Catholico Principe injuste læsus, nec aliter potens tueri sua, vel amissa recuperare, nisi per sædus cum hoste Ecclesiæ, Imperium amittere cogeretur. Hoc autem est nimis difficile, & non ferendum, cum Catholicos Principes infidelibus reddat deteriores; nec est consultum, cum viribus debiliores exponat rapinis potentiorum.

Respondeo. Casum hunc esse extraordinarium, de Catholico Principe non suspicabilem; qui si contingeret, illud esse omnino tenendum: *Sic transeamus per temporalia, ut non amittamus æterna.* Quare nego suppositum, quod non suppeteret medium licitum per transactiones amicales, compromissiones in Reges arbitros, & alia hujusmodi, ad hoc ut Principis Catholici non fieret conditio deterior, quam Infidelium. Cæterum inconsultum esse non potest, quod in consultationem venire nequit prudenter, quia non suspicabile.

## DISPUTATIO IV.

*De Jure Pacis, ejusque natura & proprietatibus.*

### CAPUT PRIMUM.

*De natura, subjecto, & objecto Pacis.*

**P**AX, ita dicta a pactione, in sensu latissimo est tranquillitas ordinis; in latiore significat generalem quamdam concordiam ortam ex naturali inter homines cognatione, cujus intuitu homo homini, & gens genti obstringitur ad communia humanitatis officia, inter quæ primum est, amicum omnibus esse,

se, inimicum nulli, ac de cætero ab omni violentia abstinere. In sensu strictiore, & relative ad bellum, significat novam amicitiam inter eos, qui hostiliter invicem commissi erant, postliminio reductam; vel est transactio publica de bello in totum tollendo inter eos, qui hostes erant, legitime conclusa.

Pax accepta in sensu strictiore dividi solet in publicam, & privatam; in perpetuam, & temporalem continentem inducias, in universalem, & particularem. Pax accepta strictissime dividitur ratione materiæ in profanam, & Religiosam.

Pax accepta in latiore significatione est a Jure Naturæ, a qua exigitur, ut conformis amor, cuivis naturaliter debito, & ad felicitatem naturæ rationali propriam, absolute necessario. Pax tamen in sensu strictiore, seu relative ad bellum, originem habet a Jure Gentium. Ratio est, quia sicut bellum quoad effectus præcipuos descendit a Jure Gentium, ita & Pax quoad sistendum hostilem conatum, abolendas cædes, captivitatem vitandam, & alia hujusmodi. Quare qui pacis conditiones infringunt, Jus Gentium violare dicuntur.

Subjectum, seu personæ pacem contrahentes sunt Imperantes summi, utpote potestate præditi independente. Excipitur primo, si jus Regis ætatis immaturitate sit impedimentum, aut amentia, aut aliis morbis, qui cum Regni administratione componi non possint. Nam talis non esset capax obligationis privatæ adeoque nec publicæ. Secundo. Si Rex per captivitatem amitteret Regnum: secus vero si non amitteret. Nam in hoc casu maneret Rex, haberetque jus ad necessaria media pro liberatione sui, interque primo loco esse solent sanciendæ pacis conditiones. Tercio excipitur, si Rex foret exul, viveretque obnoxius fer-

servituti. Quarto si quis Rege inferior per viam privilegii, præscriptionis, aut concessionis acquisivisset jus belli, atque adeo pacis ineundæ.

Jus contrahendæ pacis est delegabile: quin etiam sæpe expedit, ut constat in Republica Democratica vel Aristocratica, ubi Optimates aut Cives in eundem locum omnes convenire non possunt sine magna difficultate. Legati ergo peculiari mandato instrui solent, ratihabitione Principibus reservata.

Objectum pacis in genere sunt capita, seu articuli, utrinque conventi, æquitati & honestati consentanei, clavis verbis expressi, idiomatis utrinque noti, subscripti & subsignati.

Objectum pacis in specie sunt primo articuli pertinentes ad amnistiam, hoc est perpetuam rerum hostiliter gestarum oblivionem: secus enim pax firma esse non potest.

Effectus amnistia sunt publica quies, vindictio bonorum, commerciorum libertas, & alii: non tamen sese extendunt ad ea, quæ ante bellum, & extra belli causas acciderant.

Secundo. Sunt capita, quæ respiciunt restitutionem personarum, rerum, jurium, dignitatum, bonorum durante bello occupatorum. Restitutioni tamen probabilius non subjacent res amplius non extantes, aut legitimo titulo alienatæ. Idem sentiendum de fructibus, ac redditibus, qui ex rebus, aut juribus interceptis jam percepti sunt.

Inde consequitur, quod in casu pacis, aliter non obtinendæ, a Principe cedi possint subditorum bona, etiam citra eorum consensum, ob dominium eminens, & publicam tranquillitatem, utilitati privatæ anteponendam.

Tertio. Sunt articuli de satisfactione, & compensatione.  
*R. P. Const. Swięcicki O. M. Tblgi.* G g la.

fatione pro impensis, damnisque in bello illatis. Illata tamen damna a Principe remitti possunt ob dominium eminens, si pax aliter componi non possit. Communitati tamen nulla est obligatio compensandi damna privatis illata durante bello, si ea damna nullum Reipublicæ commodum sit consecutum. Nam æquius est privatos damnum, ut alium casum fortuitum, sustinere.

Probabilius aliter est sentiendum, si ex iis damnis partum esset Reipublicæ aliquid commodi. Hic enim locum habet lex Rhodia, quæ statuit, *æquissimum esse, ut commune detrimentum fiat, eorum qui propter amissas res aliorum consecuti sunt, ut suas salvas haberent*. Quam legem in toto Orbe Romano, & ab omnibus populis, propter summam æquitatem, receptam esse, testatur Gudelinus lib. 1. & 2. §. ad leg. Rhodiam de Jactu.

## C A P U T II.

*De effectibus pacis, & ei contrariis.*

**E**ffectus primarius est obligatio servandi pacta, etiam cum bellatore injusto, quia obligatio non ex iustitia belli, sed ex natura pacti oritur. Hæc primario stringit obligantes, secundario subditos, utpote fide publica innexos, & ejusmodi pactis, veluti per legem, adstrictos. Imo per extensionem legitimam hæc obligatio etiam transit ad successores, Principibus non tam nomine proprio, quam Reipublicæ pacifcentibus.

Alter effectus est executio, quæ paciscentes obligat. Executioni subjacent res cedendæ, aut restituendæ; in juribus, bonis mobilibus, vel terris. Item demolitiones monumentorum, ab ductiones præsidiorum, tra-



traditiones captivorum, & cætera, salvo semper jure tertii.

Paci in genere contraria sunt omnia, quæ vel pacem violant, vel novam belli causam suppeditant. In specie primo si inferantur arma sine nova causâ, nisi id contingeret tantum ab aliquibus subditis sine culpa Principis paciscentis. Secundo. Si agatur contra id, quod in pace diserte est stipulatum, si sit in re majoris momenti, & nisi impossibilitas excuset, quæ tamen a debito non exsolvit. Tertio. Si agatur contra id, quod ex pacis natura est necessario intelligendum, violando, exempli gratia, amicitia legem in pace expressam per atroces minas, per extructas in finibus arces, conscriptos milites &c. etsi dubia facta in meliorem partem sint exponenda. Quarto. Si nova fiat injuria, & belli causa ponatur. Quare violans pacem incurrit pœnam violanti determinatam, toties quoties violaret. Quinto. Inter ea, quæ paci contraria sunt, est etiam dolus substantialis, quia deforet consensus; non tamen accidentalis, quia non deficeret consensus quoad substantiam. Deceptus tamen obligatum habet decipientem ad præstandam indemnitatem, quia jus habuit ut ne deciperetur. Sexto. Pax bello justo, seu per gravem metum, sed tamen justum, extorta, tam in foro interno quam externo, est valida. Idque colligitur ex paritate cum contractibus aliis. Idem sentiendum in prudenti dubio, an justum sit bellum; quia causa dubia est insufficientis ad bellum, rescissa pace, denuo instaurandum. Septimo. Pax bello, seu vi, ac metu injusto extorta non obligat. Qui ergo vim patitur, non potest salva conscientia ab inferente injustum metum urgeri ad servandas condiciones impositas. Nam injuria, pacto intrinseca, auferri non potest, nisi remissione, vel juris re-

nuntiatione per novum, eumque liberum consensum.

### C A P U T III.

#### *De accessoriis Pacis.*

**A**ccessoria Pacis primo. Sunt obfides, per quos intelliguntur personæ e numero Civium, alteri parti in securitatem fidei publicæ eo fine traditæ, ut quamdiu fides liberata non fuerit, ibi persistant; vel in casu fractæ fidei, arbitrio partis læsæ, quantum Jus Naturæ & Gentium permittit, relictæ habeantur. In non subditis requiritur consensus liber, obfides ut esse velint. Fuga per se videtur obsidibus illicita, quia saltem implicite data fides est; & alias frustraretur finis, puta certitudo de credito. Non tamen in casu fractæ fidei vel servitute, vel morte multari possunt, quia eos civitas hac conditione oppignorare non potuit, cum civitati nulla sit in innocentes potestas, præcipue ut queat in mortem tradere. Quare nullum jus potest colligi ex factis contrariis. Cæterum æquitati est consonum, ut in longum extrahente se mora, per alios sublevantur; ut exsoluta fide illico restituantur; & si quis loco personæ tantummodo datus sit, hac mortua liberetur. Secundo. Inter materias paci annexas sunt induciæ, quibus indicatur conventio, per quam, manente bello, hostiles actus intermittuntur ad certum tempus. Aliæ dicuntur breves, quia dierum tantum; aut mensum; aliæ longæ, quæ, sublato utrinque apparatu bellico, in plures annos porriguntur. Illas concedendi potestas est etiam penes duces, quia administrationi militari hæc quietis imago inesse creditur: hæc vero pangendi jus est penes Prin-

Principes Summos Pacis enim naturam participant. Induciarum effectus est obligatio stricta etiam respectu subditorum. Quoad temporis initium tamen, & finem est interpretationis latioris; quia est in favorem publicum, cum ex utraque parte parcatur sanguini humano. Alter effectus est cessatio ab omni hostili actu, sive in personas, sive in res: etsi hæc in induciis brevioribus plerumque restricta sit ad limites, & expressiones factæ conventionis, ut propterea, saltem regulariter loquendo, non includat cessationem, illimitatam ab omni prorsus hostilitate, neque vetet, quin submissa intercipientur auxilia, vel occupentur loca derelicta: & sic de aliis. Cæterum Induciæ cessant vel lapsu termini, vel mutua partium consensione, vel alterutrius injuria; ubi parti innocenti liberum est vel pænam exigere, vel induciarum continuationem petere, vel ad arma redire. Tertio. Est arbitrium, seu compromissum, quo bellantes communi consensu unum, vel plures arbitros eligunt ad controversias belli componendas. Si componant suasive, sunt mediatores; si componant decisive, sunt proprie arbitri. Horum est judicare secundum leges, si sint electi ut judices; si ut meri causæ decisores, pronuntiare ex æquitate & humanitate. Post dictam sententiam appellatio compromittentibus est interdicta, ne fiat processus in infinitum. Excipitur tamen casus apertæ fraudis. Et si duo arbitri inter se dissentirent, ibi recursus haberi potest ad tertium.

Quarto loco est deditio, qua pars bello fracta sese hostis arbitrio permittit, vel absolute absque reservatione, vel conditionate, hoc est, adjectis quibusdam capitibus.

Absoluta deditio victori tribuit jus universale quoad personas, res, & bona; imo spectato Gentium Jure  
per

permissivo, & quoad forum externum, etiam quoad vitam & libertatem; etsi, sublata inter Christianos servitute, naturalis æquitas clementiam humanitatemque exposcat. Deditio conditionata refringitur ad pacta, quibus fideliter debet victor inharere.

Nonnulli denique inter pacis accessoria numerant sortem, qua, tamquam fortuito medio, controversiæ finiuntur. Hujus usus satis est antiquatus, nec promiscue licitus; quamquam, deficientibus aliis mediis, in causa nimis ancipiti præstaret fortasse rem incertæ sorti committere, quàm certa Belli discrimina subire.

Huc etiam revocant singulare certamen, quo duo, vel plures utrinque congregiuntur ea lege, ut victoria sit penes illam partem, cujus selecti pugiles existerent victores. Hoc Jure Gentium permissum esse probatur plurimis exemplis.

Absolute licitum suadet exemplum Davidis, qui cum Goliath Philistæo congressus est, & aliorum Principum Christianorum. Favet etiam ratio, ut nimirum parcatur nimio sanguini. Ubi tamen excipienda Religionis est causa, pro cujus defensione cuncta humanæ potentiæ instrumenta adhiberi, omnes vires exeri, sanguis & vita consecrari debent..



## DISPUTATIO V.

### *De mutua hominum Caritate.*

#### CAPUT UNICUM.

**T**ENEMUR legis naturalis præcepto diligere proximum, sicut nos ipsos; quia hoc dicitur ratio naturalis, & quia nihil est magis necessarium ad generis humani conservationem, ad pacem, & justitiam tuendam. Si tenemur diligere, a fortiori tenemur proximum non lædere: & quidem non lædere proximum in re aliqua, ipso invito; quod spectat ad justitiam: sed neque ipso volente, ut in spiritualibus, quod pertinet ad caritatem.

Præceptum naturale diligendi proximum obligat ad actus internos, quando illi necessarii sunt; vel ad opus externum, & beneficium proximo præstandum, vel etiam ad vitandum odium, & offensionem proximi. Quare præceptum hoc obligabit, quando occurret necessitas misericordiæ, ad quam spectat, tum affectu, tum etiam effectu sublevare pro viribus miseriam proximi, seu malum ipsius involuntarium, sive in ordine ad animam, sive in ordine ad corpus. Ad animam pertinet fraterna correctio, quam cognovit Aristoteles lib. 9. Ethic. cap. 3. quæ est adhibenda, ubi de crimine factis constat, ac sit spes fructus & emendationis; Ne scilicet correctio sit temeraria, & rursus actus sit otiosus. Obligamur autem, quando proximus indiget nostra correctione, & sit opportunitas illud corrigendi.

Ad corpus pertinet naturale præceptum Eleemosynæ,

næ, quod respicit præcipua pars caritatis proximi : Hoc vero obligat tempore necessitatis. Atque huc refertur sepelire mortuos, licet cadaver non sit capax miseriæ; sed tamen homo, cujus est corpus illud, manet in memoriis hominum, & corpus habet ordinem ad animam, cui gratum est & illud officium; quod ipsi etiam prodesse potest propter suffragia, quæ in locis Sacris fiunt.

Ex lege naturali jubemur non odisse homines etiam improbos. Isti enim proximi sunt: & proximorum odium est intrinsece malum, utpote odium rei bonæ, & per se amabilis.

Non est contra legem naturæ optare proximum malum temporale propter bonum finem, nimirum ad ejus resipiscentiam; vel ad vitandum malum, si nimirum alia via providendi non possit.

Ex lege Naturæ tenemur diligere inimicos. Tum quia inimicus est proximus, respectu cujus prævalet illud: *quod tibi non vis fieri, alteri ne feceris*: Tum quia vindictam sumere ab inimicis propria auctoritate est contra rationem naturalem. Ergo & appetitus vindictæ, cui contrarius est hic amor. Tandem hic amor est maxime necessarius ad conservandam justitiam, & pacem inter homines. Patet etiam ex præcepto expresso in Lege Evangelica, ubi nulla de novo fuere imposita præcepta moralia positiva præter ea, quæ sunt Sacramentorum. Vocat autem Christus suum hoc præceptum, ut explicet maximam necessitatem & obligationem: & ut ostendat, falso Phariseos Legi veteri, quæ Levitici cap. 19. hoc tantum habet: *Diliges amicum tuum sicut te ipsum*, ea verba addidisse: *odio habebis inimicum tuum*. Quam sententiam ex Phariseis in vulgus profectam Christus rejecit.

Ex lege Naturæ tenemur inimicis amoris signa præbere

bere eo tempore ac modo, quo nos genere solemus circa alios homines. Cæterum in iis officiis habenda est ratio circumstantiarum, unde indicari possit internum odium, ex quo aliorum offensio oriatur.

Respectu omnium tenemur *Lege Naturæ* non mentiri. Mendacium enim est valde dissonum naturæ rationali, quia evertit ordinem ejus, & est contra finem & necessitatem verborum, seu locutionis rationalis.

Ad hoc enim est a natura institutum verbum externum, ut per illud significemus internum & ita possit esse inter rationales naturas societas & fidelitas, seu fiducia. Quare sequitur, numquam posse honestari propter bonum finem, si retineat rationem mendacii: nec faciendum est malum, ut inde eveniat bonum, teste Paulo ad Rom. cap. 3.

Sine causa legitima uti amphibologia est contra virtutem veritatis. Quoties enim necessitas non requirit amphibologiam, debita est nostro sermoni simplicitas in sensu usitato, & intellecto ab audiente: & tunc defectus simplicitatis in illo sensu est vitiosus & contrarius veritati. Si datur necessitas, tunc ille defectus simplicis & claræ expressionis potest suppleri ex adjunctis & circumstantiis locutionem complementibus: & sic non est vitiosus, nec mendacium, cum detur verus sensus accommodatus locutioni.

Assertio alicujus de re facienda, vel de beneficio præstando includit intrinsece ex vi veritatis tale propositum, quale requirit illud opus, quod præstandum, seu efficiendum asseritur: respectu vero futuri operis non requirit veritas hujusmodi assertionis, ut postea illud opus omnino executioni mandetur. Veritas enim assertionis non exigit perseverantiam in tali proposito, ut patet; quia hæc non asseritur. Si verò

assertionē adjungitur promissio ex voluntate se obligandi, nascitur naturale debitum efficiendi veram assertionem de futuro, scilicet præstandi id quod promittitur. Obligatio hæc oritur ex fidelitate. Infidelitas autem maxime repugnat rationi, & convictui humano: & pro materiæ, ac personarum gravitate potest moraliter reputari sufficiens ad violandam charitatem. Si promissio inducit obligationem justitiæ donantem alteri jus, tenetur homo ratione justitiæ naturalis complere promissum. Hoc utique intervenit in commerciis, contractibus, & cæteris, ubi voluntas hominum non sistit in mera obligatione efficiendi veram assertionem de futuro, sed præterea transit in debitum justitiæ. Obligatio ex justitia inducit debitum restitutionis, si violari contingat. Rursus fundat jus in conscientia vindicandi sibi propria auctoritate rem, si aliunde in judicio repeti non possit. Ac propterea jus transit etiam ad hæredes.

## DISPUTATIO ULTIMA.

### *De mutuo Officiorum concursu.*

#### CAPUT ULTIMUM.

**I**N omnibus officiis Deus est semper super omnia diligendus. Idem dicas de Christo Domino, qui est Deus homo, & ideo magis, quam cæteri, diligendus. Quare in concursu officiorum ex Lege Naturæ debitorum Deo cum aliis officiis, illa sunt istis præferenda ex recto ordine rationis. Quod patet in qualibet culpa, qua creatura præfertur Deo. Rursus officia majoris obligationis erga Deum ex eodem ordi-



ordine præferri debent officiis minoris obligationis : Eadem est ratio de præceptis Juris Naturæ respectu præceptorum positivorum Ecclesiæ .

Possunt etiam concurrere officia hominis erga seipsum officiis erga proximum . Quoniam vero officia hæc respicere possunt sive bona spiritualia , sive bona temporalia ; idcirco in triplici concursu considerari potest homo . Primò , quando concurrunt officia de bono spirituali sui ipsius cum officiis de bono spirituali proximi . Secundo , de bono temporali proprio cum bono spirituali proximi . Tertiò , de bono temporali proprio cum bono temporali proximi . Possunt etiam concurrere officia erga unum proximum cum officiis erga alium : & hic sui pro singulis dantur Canones juxta Legem Naturæ .

In bonis spiritualibus simpliciter tenetur homo se magis diligere , & propriis ejusmodi necessitatibus subvenire , quam aliorum ; quia potius debet homo sibi velle beatitudinem æternam , quam aliis : & potius debet velle a se Deum amari , quam ab aliis , juxta rectum ordinem Caritatis . Nemo tenetur , nec potest aliis subvenire cum detrimento sui spirituali , quod culpam includit ; quia culpa includit offensam Dei , quæ vitanda est plus quam omnia mala creaturarum . Nemo tenetur , nec potest aliis subvenire cum detrimento sui spirituali , quod minuat caritatem , vel impediat augmentum ipsius , & meritum ; quia Caritas maximè inclinatur ad sui perfectionem . Ergò non ad id , quod hanc perfectionem impedit . Si concurrat detrimentum spirituale proprium , mere extrinsecum & accidentale , cum salute aliorum , solet eligi illud potius ad hanc obtinendam . Sic Moyses egit Exod. 32. *Dimitte eis hanc noxam , aut dele me de libro tuo , quem scripsisti .*

Et Paulus ad Rom. cap. 8. *Optabam ego esse anathema a Christo pro fratribus meis*. Ita exponunt Patres ac præcipue Chrysostomus Homil. 2. & 3. de laudibus Pauli.

Simpliciter & absolute tenetur homo magis diligere proximum in spiritualibus, quam se in corporalibus; quia secundum rectam rationem est amabilior anima proximi, quam corpus proprium. Tenetur quoque subvenire proximo existenti in extrema necessitate spirituali, etiam cum evidenti periculo mortis; quia hic ordo caritatis cadit sub præceptum. Ergo maxime in extrema necessitate. Sic esset in parvulo moriente, qui esset etiam cum periculo mortis baptizandus. Extra casum vero necessitatis extremæ spiritualis, non obligat caritas per se ad subveniendum privato proximo cum periculo morali mortis corporis; quia tunc non est maxima necessitas: Ergo nec obligatio perdendi summum bonum corporale, cujusmodi est vita. Si autem sit bonum corporale commune, exempli causa divitiæ, sufficit gravis necessitas spiritualis, ut illud periculo exponatur, exempli causa ob grave periculum Religionis Christianæ. Ut si sciam ab aliquibus hæresim esse prædicandam, teneor nec illis opponere, etiam cum periculo rei domesticæ: idque ratione caritatis: Episcopus vero, & Parochus ratione officii & justitiæ ex tacita conventionione tenetur etiam in gravi necessitate cuilibet de suo grege. In gravi necessitate spirituali proximi obligat caritas cum aliquo etiam damno temporali proprio; quia gravis necessitas spiritualis proximi est præferenda ex ordine caritatis alicui damno proprio temporali; Extra casum vero talis necessitatis non est gravis obligatio. Deinde præcepta affirmativa solum obligant in casu necessitatis. Hinc licet sit laudabile subvenire proximo

in

in talibus circumstantiis, non est grave præceptum extra necessitatem. Gravis autem necessitas prudenter est, & cum proportionem judicanda.

In temporalibus tenetur homo potius communi bono, quam sibi subvenire. Nam commune bonum præferendum est privato, cum sit universalius; & quilibet est pars boni communis: pars autem debet præferre bonum totius bono proprio.

In quacumque corporali necessitate potest quilibet licite sibi potius, quam alteri privato subvenire. In pari necessitate nemo tenetur diligere proximum plus quam se. Contra vero si proximus sit in necessitate vitæ, ego vero in minori necessitate; vel si proximus sit in gravi necessitate, non item ego. Multo magis si comparatur gravis necessitas vitæ proximi cum bonis superfluis, vel etiam necessariis ad statum. Hæc enim omnia minus sunt diligenda, quam vita proximi.

Non tenetur homo in necessitate vitæ, etiam extrema, sibi potius semper subvenire, quam proximo alicui, puta amico; quia licet nemo possit se occidere, tamen non tenetur semper omni medio & ratione servare vitam, etiam in concursu sibi carissimi: multo magis in concursu Patris.

Potest aliquis in extrema necessitate negligere se, ut alteri etiam extraneo in simili necessitate subveniat. Hoc autem, spectata dumtaxat caritate. Si alia vero adsit obligatio justitiæ vel pietatis, ut in patrefamilias, qui debet curare salutem suam, ut ex justitia ac pietate filiis suis attendere queat, tunc non potest extraneo subvenire. Generaliter autem potest aliquis amittere vitam ob finem honestum: & conservatio vitæ proximi est bonus finis, in eoque elucet honestas caritatis, fortitudinis, aut alterius virtutis.

Cæteris paribus, non est dubium, quin secundum  
ordi-

ordinem caritatis melius sit in extrema necessitate subvenire sibi, quam aliis. Sic melius est non dare alteri extreme indigenti id, quo ego etiam extreme indigeo: omittendo enim hoc medium necessarium censere me ipsum occidere. Sic e duobus naufragis posset alter licite sinere, ut socius tabulam acciperet; non posset autem dare illam socio, si jam ipse tabulæ insedisset. Hoc vero, si cætera sint paria.

Præceptum etiam naturale caritatis, & misericordiæ obligat ad servandum ordinem in dilectione, vel in subventionem proximorum. Sicut enim sunt gradus diversi conditionum & conjunctionum in proximis, ita rectus ordo poscit servandam legem in caritate & misericordia. Cæteris paribus, tenemur præferre eos, qui nobis conjuncti sunt, alienis. Inter sanguine conjunctos servandus est idem ordo; Inter consanguineos pater, inter amicos fidelior & antiquior est præferendus. In concursu Patris, & Filii in extrema necessitate præferendus est Pater. Gravior est enim impietas Patrem interficere, quam Filium. In concursu Patris & Matris, præferendus est Pater, cui major debetur honor quam Matri: Fortasse tamen hic ordo non obligat sub gravi. Rursus præferendus est Pater coniugi. Item præferendus Pater improbus cuilibet alteri etiam sanctiori, tum quoad temporalem necessitatem, tum quoad spirituales. In concursu Benefactoris, & ejus, cui nos beneficium contulimus, præferendus est benefactor, quia est amor magis debitus. Hic etiam ordo servandus est inter amicum & inimicum, ut amicus inimico præferatur, cæteris paribus. In diversis conjunctionum, seu societatum generibus, præferendi sunt addicti illi societati. Sic in rebus civilibus cives, in militaribus milites: nam respectu hujusmodi societatum confurgit quædam obligatio ad particularia officia.

EPI-

E P I L O G U S.

**A**Tque hæc de officiis pertinentibus ad hominem, qua homo est, qua Christianus est. Neque enim officia Juris Naturæ diversa urgent hominem, diversa urgent Christianum: quando eandem a Deo Auctore naturæ habent originem, eisdemque homines, quicumque ii sint, cujuscumque ordinis, Religionis, status, modo homines sint, obligant. Fides utique detexit plura *Naturalia* & *Moralia*, ut ait S. Ambrosius præfatione in Evangelium Lucæ, & aperte docuit etiam *rationalia*. Atque hoc Fidei beneficium non magis Christianos, quam cæteros homines respicit, atque obligat: omnes enim Fides illuminat, hoc est, Deus vel remote vel proxime dat omnibus gratiam, qua veram Fidem inveniant & amplectantur. Quare Jus Naturæ ratione cognitum, & cognitum etiam Fide unum omnino est. Ratio etiam, & Fides quoad hæc officia, cum ab uno Divino Auctore procedant, non pugnant inter se, sed, ut verbis utar Horatii de Arte Poetica,

. . . . . *alterius sic*  
*Altera poscit opem res, & conjurat amice.*

Poscit autem opem ratio a Fide, ut ex dictis hactenus perspicuum est. Quare cuilibet plenissimam cupienti Juris Naturalis scientiam tenere maxime erit enitendum, ut sacrarum facultatum studio, Sanctorum Patrum sedula lectione, & Scripturarum humili meditatione, quæ sunt ulteriora nostrum omnium officia, queat dignoscere. Quantum vero Fides ex Scripturis hausta ad omne genus officiorum conferat, colligi

ligi potest ex verbis Gregorii XIII. in litteris Apostolicis ad Regem Catholicum datis, quæ Waltonius Anglus editor Bibliorum Polyglottorum in Præfatione appellat aurea & verissima; quibus operi finem facio: *Scripturarum beneficium permagnum est. Nam quod ad Theologiam attinet, quæ est summa Philosophia, his libris omnia nostræ Religionis, & Divinitatis Myſteria explicantur. Quod vero ad eam partem attinet, quæ Muralis nominatur, hinc quoque omnia ad omnes virtutes præcepta colliguntur: quibus quidem duabus partibus omnis nostræ salutis, & felicitatis ratio continetur; ut nihil esse possit eorum librorum lectione dignius, nihil fructuosius, nihil omni hominum generi accommodatius, nihil majori Doctrina, & Sapientia refertius.*

F I N I S.





# I N D E X

## VERBORUM ET RERUM NOTABILIMUM.

### *Numerus Paginam indicat.*

#### A

**A**braham & cœteri Patriarchæ legem naturalem in statu integro conservarunt. 27.

**A** catholicorum error de Doctrina Juris Naturæ & Gentium sine respectu ad fidem. 15. Eorum libri de Jure Naturæ periculosi. 20. 21. Errores circa Hierarchiam ac jurisdictionem Ecclesiasticam confutantur, eorumque rationes refelluntur. 126. usque ad 136.

**A**ctionum Moralium principia intrinseca effectiva, intellectus & voluntas. 78. 79. impulsiva sensus internus, appetitus sensitivus. 82.

**A**ctus humani a quo procedere debeant. 44. debent esse per se & intrinsece voluntarii. 60. honesti vel turpes ante omne Dei voluntatem. 56. qui sint imputabiles vel non. 86. 87. 88.

**A**damus accepit a Deo potestatem legislativam. 23. Legem Naturalem & positivam. 24. primus in Christum credidit. 35.

**A**ffectus nec boni nec mali moraliter. 84.

**A**lexander VIII. damnavit senten-

tiam asserentem quod ignorantia invincibilis Juris Naturæ, si detur, operantem ex ipsa non excuset a peccato formali. 21.

**A**mor erga Deum, erga seipsum, erga proximum principium fundamentale Juris Naturæ. 105. satisfcit objectionibus. 106. 107. 108. utrum Heineccius recte dividat in amorem beneficentiæ, obedientiæ, devotionis, & amicitiae. 105. 106.

**A**ntediluviani homines habuerunt regiminis formam. 24. scientiam Theologicam. 25.

**A**ngelicus Doctor quid sentiat de obligatione jurisjurandi. 11.

**A**nima intime obligatur ad servanda quædam præcepta sine revelatione. 18.

**A**nimorum & morum varietas: causæ tum Physicæ, tum Morales. 85.

**A**ppetitus sensitivus quid, quotuplex; ejus actus. 83. 84.

**A**ristoteles quam Philosophiam docuerit, quid de illa senserint posterius. 2. 3. 4. ejus sententia de felicitate. 36.

**A**uctor Catholicus erroneas Pufendorfii sententias de ignorantia & de obligatione ex jurejurando

li non

non repurgavit, Refellitur ex  
jure Canonico, & D. Thoma.  
21. 22.

## B

**B**Arbeyracius contra SS. Patres  
Furens debacchatur. 9. ab ip-  
so Buddæo reprehensus: a Re-  
migio Cellier valide confutatus.  
10. 11. contendit Jus Naturale  
citra divinas litteras posse solide  
demonstrari. 16.

**B**ellum quid sit. 16. Justum  
vel injustum, solemne vel mi-  
nus solemne; offensivum vel  
defensivum 166. utrumque li-  
citum. Quo jure. 166. 167.  
168. Satisfit objectionibus us-  
que 175. Cui competat Jus  
Belli. 175. 176. quibus condi-  
tionibus. *ibid.* An licitum sit ra-  
tione religionis. 177. An advesus  
infideles. 180. Paganos. 183.  
usque ad 190. Hæreticos. 191.  
usque ad 194. injustum e dupli-  
ci titulo. 195. an justum possit  
esse ex utraque parte. 196. an  
ob negatum transitum milita-  
rem. 200. Effectus Belli. 205. re-  
spectu Hostium 206. quomodo  
& quid per bellum acquiratur.  
208. cui cedant acquisita. 211.  
respectu subditorum. 214. Obli-  
gationes in bellantibus. Prin-  
cipe, militibus, 215. 26.  
217.

**B**rocardicum male intellectum.  
129.

**B**udæus quid sentiat de Platonis  
& Aristotelis Philosophia. 3. de  
hujus Ethica. 4. Eos probat qui  
jurisprudentialiam naturalem tra-  
dunt seorsum a lumine revela-  
tionis. 16. quod tamen præfert

lumen rationis. 13. Scriptores  
nostros pauci facit. 9.  
Bonum aliud Morale, aliud natu-  
rale; quid sint. 65. 66. Bonum  
appetibile quo duplex. 80. 81.

## C

**C**Adavera Hostium sepeliri de-  
bent ex jure Gentium. 217.  
Cant & Chami mal-dictionem:  
Seth & Sem benedictionem in po-  
steros propagarunt. 26.

**C**alvinus non in omnibus aridet  
Barbeyracio. 11. Per Lutherum  
& Calvinum noluit Christus no-  
va præcepta & leges promulga-  
re. *ibid.*

**C**apti in bello justo cedunt in do-  
minium victoris. 212.

**C**aritas hominum mutua ad quid  
obliget. 239.

**C**hristus promissus fuit in veteri  
Testamento. 14. 35. Fides in  
ipsum ut Redemptorem necessa-  
ria ad salutem in veteri lege.  
*ibid.*

**C**hristianus Thomæus quæ scripse-  
rit contra Doctores Catholicos.  
8. contra SS. Patres & Ecele-  
siam quam dicit jacuisse usque  
ad tempora Lutheri. 11. Bar-  
beyracum laudat contra Patres  
declamantem. *ibid.* Puffendor-  
fium explicans pejorem reddit.  
48. Impiæ & Horrendæ, quas  
propugnavit, propositiones. *ibid.*  
Inepte irridet divisionem Juris  
Naturæ in affirmativum & ne-  
gativum. 91. Ejus axioma circa  
principium Juris Naturalis refel-  
litur 95. 96. Ejusdem Systema  
de Ecclesia. 137. Absurda inde  
sequentia. 128.

**C**icero quid de Philosophia sente-  
rit;



rit ; ejus opera de Morum Doctrina. 4. 5.  
 Coactio quid sit. 48. Voluntati non potest inferri etiam a Deo. *ibid.*  
 Concupiscentia quomodo minuat libertatem in actu voluntatis. 49. Auet intensive voluntarium. *ibid.*  
 Conscientia quid sit. 154. Actualis vel habitualis. *ibid.* Recta vel erronea. 155. Certa, dubia, probabilis, scrupulosa. *ibid.* Contra erroneam operari peccatum est. *ibid.* Ut operari ex practice dubia. 156. quid sit conscientia tuta. *ibid.*  
 Corpus petit nutritionem & augmentum. Inde necessitas alimentorum. 142.  
 Correctio fraterna quando adhibenda. 239.  
 Cultus Dei qualis & quoduplex. 119. 120. Cultus interni & externi officia : quo jure prescripta. 120. 121.  
 Cyrenaici & Epicurei quid senserint. 4.

## D

**D**ecalogue officium hominis & Jus Naturæ explicat atque confirmat. 33. Non tamen est primum principium Juris Naturæ. 103.  
 Defensio sui suorumque justa est a natura insita. 166.  
 Denuntiatio necessaria est in bello offensivo, non defensivo. 176. 177.  
 Dei notitia homini insita. 119.  
 Diogenis sententia de justo & de turpi refellitur. 57.  
 Divisio rerum quoduplex. Ejus tempus, auctor, causæ, a quo jure descendat. 30. 31.

Doctores Scholastici in explanando Jure Naturæ multa a revelatione mutuuntur. 6. 7.  
 Dominium hominis in hominem quomodo introductum. 144.  
 Dubium quid. 155. Quoduplex. 156. in dubio practico vel speculativo quid agendum. 156. 157.  
 Duellum seu singulare certamen in quibus casibus licitum. 238.

## E

**E**cclēsia Christi habet potestatem spirituales jurisdictionis externæ & quasi politicæ. 140.  
 Eleemosinæ præceptum quando obligat. 219. 240.  
 Epicurei in quo felicitatem statuerint. 36.  
 Ethnici Philosophi Pelagianis præluserunt. 3.  
 Evangelii Dogmata quoad Mores sunt instauratio Dogmatum Moralium quæ in anima rationali, sunt impressa. 18.  
 Excessus satisfactionis in Bello justo an legitimus. 209.

## F

**F**actum quid sit & quid includat. 50.  
 Felicitas hominis male investigata & stabilita. 35. Quid sit, & in quo consistat. 36.  
 Fides & ratio non pugnant, imo sese adjuvant. 247. Fidei Dogma est veluti monitor. 16.  
 Finis Juris Naturalis non in sola hujus vitæ felicitate positus est. 41.  
 Foederum origo. 220. Divisio, materia. 221. Obligatio. 222.

Dissolutio. 223. Cautiones. 224.  
An licita cum Tyrannis, infidelibus, Fidei Catholicæ hostibus. 225. usque ad 231.  
Forma vivendi politica quæ fuerit ante diluvium. 24.

## G

**G**ratia Philosophis Ethnicis incognita. 3.  
Græci morali Philosophiæ operam dederunt. 2. 4.  
Grotius (Hugo) quis fuerit, quæ studia; quid in scribendo sibi proposuerit. 39. in multis erravit. 40. a Puffendorffo traducitur quasi periculosus. 20.

## H

**H**æresis ubi est, ibi superbia & discordia. 193. Turbat pacem Ecclesiæ immediate, pacem politicam mediate. 192.  
Hæretici subditi vi & armis domari possunt, & ad Fidem, quam deseruerunt, compelli. 191.  
Heineccii convicia in Doctores Catholicos. 12. Vult Jus Naturæ ex Sacris Litteris non esse derivandum. 16. Minus aberrat a vero in assignando Juris Naturæ principio. 104.  
Henricus Kæthlerus quale statuatur Jus Naturæ principium. 103. refellitur. 104.  
Hobbesius honestatis principia & fundamentum Religionis refert ad statum mere Civilem. 4. Ejus errores in libris de Cive ac Leviathan. 40. 41. Quomodo Philosophetur circa statum na-

turalem. 89. 90. refellitur. 92. 91.

Homo debet de Deo recte sentire, & eum debito modo colere. 119. Ea credere quæ ut credibilia & credenda proponuntur. 122. Tendere in Deum ut finem ultimum per debita media. 123. Indiget victu & vestitu. 142. Non habet dominium proprietatis in alium hominem Jure Naturæ. 141. Habet dominium directivum. 145. Tenetur se magis diligere quam alios. 142. bonum aliorum spirituale temporali proprio antepondere. 244. Et in temporalibus communi bono potius subvenire quam sibi. 245.

Honestatis duo sunt genera. 63. 64. Ejus principium est homini intimum. 69. 70. Petenda est e convenientia cum rationali natura. 71.

Hostem occidere in iusto bello jus est. 206. non tamen omnes indistincte. *ibid.* & *seq.* Ejus res & bona propria sibi facere, sed cum quadam limitatione. 208. Hostivicti misericordia debetur & humanitas. 217.

## I

**I**dololatria fere totum orbem corripuit. 27. Ejus Authores. *ibid.* Causæ ex Salomone. 27. 28.

Ignorantia antecedens, concomitans quid sit. 49. Quando culpabilis vel non. 50. Juris vel facti. *ibid.* Utrum sit imputabilis. 50. 51.

Imperia sunt juris gentium. 32. falsa Bodini sententia quod imperia omnia vi tyrannica coaruerint. 31. Licita sunt, nec ab

ab irato Deo procedunt, ut somniant Anabaptistæ. *ibid.*  
 Imputabilitas fundatur in moralitate. 86. Ejus gradus. *ibid.*  
 Incarnatio fuit optimum remedium ad homines redimendos; Deus tamen potuit illud non velle. 33.  
 Induciæ quid. 232.  
 Infideles possunt indirecte adduci ad veram Fidem. 184. non autem directe compelli. 186. In eos Ecclesia nihil potest, quia foris sunt. 188. Iis servanda est Fides. *ibid.* Eorum dominium in Christianos non tollitur per libertatem Christianam, quod tamen limitationem admittit. 189. cum infidelibus fœdera inire in præjudicium Religionis aut contra Catholicos non licet. 225.  
 Exceptiones. 227. 228.  
 Inimicos diligere tenemur ex lege Naturæ. 240.  
 Insolubilitas matrimonii est de Jure Naturæ. 143.  
 Intellectus licet sit radix libertatis, non est potentia formaliter libera. 79. Ejus objectum. 80. Unde melius agnoscatur advertentia intellectus. 49.  
 Inventio armorum a quibus facta. 169. 170.  
 Involuntarii actus non sunt imputabiles. 86.  
 Judicium non determinat necessario voluntatem ad id quod est melius. 55. 56.  
 Juramentum est licitum si detur necessitas, & servantur conditiones. 125.  
 Jurisdictionem externam habet Ecclesia 140. Etiam in hæreticos. 186. Non autem in Judæos & Paganos. 184. 186. Juris omnis origo a Deo. 23.  
 Juris Naturæ rectus usus. 12.

Illustratur lumine Fidei. 16.  
 Quomodo recte addiscatur. 20.  
 Distinctum a Jure Divino positivo, sed in ordine ad ipsum considerari debet. 32. Illustratur jure Canonico & civili. 38.  
 Quid respiciat, & quomodo dividatur. 93. Omnes obligat. *ibid.* An sit mutabile. 93. 94.  
 Quid præcipiat aut vetet. 95.  
 Ejus principium fundamentale. 105. Non est norma, secundum quam humana societas instituitur. 109.  
 Jus Gentium quid. 109. In quo differat a Jure Naturæ. 110. 111. In quo conveniat 111. 112.  
 Affirmativum & negativum 115.  
 Ejus effectus. 117. Quæ ad ipsum pertinent. 115. 116. 117.  
 Nihil in sacra victoribus tribuit. 211.  
 Jus Divinum positivum solis Hebræis revelatum. 31.  
 Jus Belli & Pacis solis potestatibus summis competit. 175. 232.  
 exceptiones. 232.  
 Jus contrahendæ pacis est delegabile. 233.  
 Jus omnibus in omnia & omnes non convenit ex institutione naturæ. 90.

## K

**K** *Admiratio* nomen vario sensu a Philosophis acceptum fuit. 5.  
 Kemerichius quid sentiat de libris Moysis, aliisque Divinis in ordine ad præcepta morum. 33.

## L

**L** Astantii sententia de Platone & Aristotele. 17.

Leibnitiuz vult non tantum humanæ tranquillitatis, sed etiam divinæ amicitiae rationem haberi a Philosophis. 17. Inter desiderata refert Jus Naturæ & Gentium traditum secundum disciplinam Christianorum. 18. Contra libertatem indifferentiæ pugnat ex capite principii rationis sufficientis. 91. Puffendorfio adversatur circa normam actionum. 58.

Leporum admissio & immunitas est Juris Gentium. 116.

Lex quid. 148. Impugnatur definitio Puffendorfiana. 148. 149. Vim obligandi habet a Superiore. 149. Ad eam ferendam requiritur potestas jurisdictionis. *ibid.* Eaque principalis & primæva. 150. Sufficiens manifestari debet subditis. *ibid.* Quænam sit materia legis. 151.

Lex Naturalis aut positiva. Hæc aut Divina aut humana. Quid sint. 24.

Legis Naturalis vi non est determinatus modus particularis adorandi Deum cultu externo. 124. Nec definitur ciborum qualitas. 142.

Leges positivæ ab Exordio mundi. 24.

Leges omnes sunt a lege æterna. 151. hæc non est regula actuum divinarum, quatenus morales sunt & honesti. 152. Habet rationem legis respectu rerum quæ gubernantur a Deo. 153. Vim obligandi habet ab æterno, sed obligat in tempore respectu ad

Creaturas. *ibid.* Innotescit aut in aliis legibus, aut per alias leges. 153. 154.

Libertas voluntatis humanæ probatur ex Scriptura. 46. Ex Patribus. 47. Optime explicatur a S. Joanne Damasceno. 48. De ejus essentia est indifferentia tum contrarietatis, tum contradictionis. *ibid.*

Liberiorum æcta institutio est de Jure Naturæ respectu parentum. 13.

Lumen quodplex sit. 12. Quid sit lumen naturale, quid supernaturale. *ibid.* Primum secundo subijci debet. 13. Supernaturale nedum utile, sed & necessarium est ratione quorundam officiorum. 14. Unde separari non debent, aut seorsim tractari. 17. Quæ lumen naturale docet, cum his quæ lumine supernaturali accipimus conferenda sunt. 18. 19. Obscurato per peccatum lumine naturali quid evenierit. 27.

Lutheri impiæ opiniones. 126.

## M

**M** Achabæi contra Antiochum armis se defenderunt. 178.

Magistratus opem invocare si neglexerit Episcopus, proditiæ Ecclesiæ incusatur ab Augustino. 178.

Malum quid sit. 63. 64.

Matrimonium est de Jure naturali; sed præceptum Matrimonii non obligat singulos. 145.

Mendacium valde dissonum est Naturæ rationali. 24. Nec licet mendacio Hostem decipere. 217.

Metus non aufert libertate simpli-

citer, sed secundum quid. 48.

49.  
Moralitatis principium est ex intellectu & voluntate. 43.

## N

**N**ationum Mores ob defectum Fidei. 15.

Natura humana creata, Deus debuit ei dare legem naturalem.

59.  
Necessitas quid sit. 48.

Nimia fœderatorum multitudo cavenda. 224.

Noachidæ qui fuerint, & ad quæ præcepta tenerentur. 28. 29. 30.

Non usu solvitur Fœdus. 223.

Norma actionum ab æternis veritatibus pendet. 58.

Notitia Dei quid, & in quo consistat, homini insita. 119.

## O

**O**bjectum Juris Gentium. 115.

116. 117. Belli offensivi vindicta juris aut reparatio damni; defensivi propulsatio invasionis injustæ. 166. Pacis. 233.

Obfides quid. 236. eorum obligationes & jura. *ibid.*

Officium hominis in genere quid sit. 118. Erga Deum in quo consistat, ejus causæ. 119. Circa id datur præceptum Juris Naturalis positivum & negativum. 121.

Officium hominis erga seipsum. 142. tenetur homo semper regulam rationis adhibere. 141.

Officium hominis erga proximum. Varium est pro diverso respectu mariti, patris, civis. 143. 144.

Ordo in Officiorum concursu servandus est. Deus super omnia diligendus. 242. respectu sui ipsius & proximi in bonis spiritalibus ad quid teneatur homo. 242. 243. 244. In temporalibus. 245. In necessitate quacumque, in extrema. 245. 246. Ex lege naturali hominis facultates dirigendæ sunt ad finem ordinatum. 142.

## P

**P**actum quod Deus pepigit cum Abrahamo. 27.

Pagus quid sit. 144.

Patriarchæ Legislatores. 23.

Patres reprobant fœdera cum infidelibus 226. 227. Ex Patribus perperam probari intenditur bellum esse illicitum 174.

Pax quid, quoruplex. Ejus subjectum. 232. Exceptiones circa subjectum. *ibid.* Pacem sequuntur amnistia, restitutio, satisfactio, compensatio & 233. 234. Effectus. 234. Pacis contraria 235. 236. Accessoria. 236. 237.

Pace Ecclesiæ turbata nequit consistere pax Reipublicæ. 192.

Perjurium contra legem naturæ. 125.

Philonis de Diluvio testimonium. 25.

Philosophia Moralis totius Philosophiæ pars nobilissima. 1. Ejus Fundamentum. *ibid.* Plures errores detegit lumine Fidei. 6. A Patribus exulta. *ibid.*

Philosophi veteres errant in multis. 5. Detestantur scelera. 5. Cur tam absone de summo hominis bono senserint. 15. Ratio justæ & honestæ perum iis cognita. 35. In fine hominis assignando

- do non sibi constare. *ibid.* In quo felicitatem reposuerint. 36. Eorum sententia de interna actuum honestate. 69.
- Plato recte de virritibus differit. 2.
- Plutarchus inter Romanos Philosophos numeratur. Quibus contineatur ejus *Ethica*. 3.
- Pœnæ & præmia in altera vita propositæ a Religione naturali, abstrahendo a temporali vel æterno. 122.
- Pœnitentia respicit malum culpæ, ut aliquo modo destruendum. 123. Ad eam pertinet satisfactio. 121. 124.
- Poligamia prohibita. 143.
- Pontifices quomodo absolverunt a juramento. 22.
- Populus Dei a cæteris se discretivit, & ab Hebero dictus est Hebræus. 27.
- Potestas omnis a Deo est. 23. Legislativa cum lege Adamo data fuit, posteris communicanda, & inde in imperantes ac magistratus extensa. *ibid.* Resultat naturaliter in humana natura. 145. Determinata ad certum regiminis modum pendet ab arbitrio hominum. 145. Quæ jura contineat. 146. 147. In omni communitate datur aliqua suprema potestas in ordine. 150. Potestas civilis non potest ferre leges de actibus pure internis 146.
- Præcepta Juris Naturalis negativa a Noachidis observanda quoruplicia. 28. Septimum de escu sanguinis non pertinebat ad gentes. 129. Quid continerent duo prima. 29. 30.
- Præceptum diligendi Deum. 123. Eique satisfaciendi. 124.
- Principis officium primum Civitatem ab internis & externis incommodis tutari. 146. 147. Principis jura. *ibid.*
- Principes sunt constituti ut eorum subditi vitam agant quietam in omni pietate, ut Ecclesiam defendant. 178.
- Principium rationis sufficientis non est novum. 51. Sub aliis terminis cognitum a veteribus, & solide confutatum a Scoto. 52. 53. 54.
- Principium fundamentale Juris Naturæ est principium amoris. 105. Principium socialitatis nec adæquatum est, nec verum. 97. 98. Est etiam flagitiosum. 99. 100. Aliorum quorundam Protestantium principia. 103. 104.
- Probabilis opinio quid est. 159. Quæ opiniones possint comparari. *ibid.* Variæ sententiæ circa probabilitatem. 160. Opiniones versantur vel circa *jus ipsum*, vel circa res ipsas. *ibid.* Quoties est opinio probabilis actionem non esse malam, potest quis formare conscientiam certam, conformem tali opinioni. 161. Non oportet semper tutiorem viam eligere. 162. Sæpe tamen tenetur homo præferre certam probabili, & probabiliores minus probabili. *ibid.* Et interdum licet uti opinione probabilis, omissa probabiliori. 164.
- Propagatio generis humani quo jure fiat, & quæ societas inde oriatur. 143.
- Profelyti domicilii quinam erant, & quibus præceptis tenebantur: Profelyti justitiæ ad quæ amplius obligabantur. 29.
- Protestantes quid sentiant de divisione potestatis in sacram & profanam. 126.
- Puffendorpius quis fuerit, quæ scripserit. 41. Quæ contra Catho-

- licos Doctores dixerit . 7. De lumine Fidei quid senserit . 15. Errat in Constituendo fundamento Juris Naturæ . 41. Et in assignando objecto ejusdem juris . 42. Cujus nobilissimam partem negligit . 46. Male constituit rationem moralitatis . 44. 45. Confutatur . 57. 60. Eius opinio circa ignorantiam refellitur . 50. 51. De lege honestatis regula male philosophatur . 71. Quid de motu physico voluntatis humanæ , 44. 45. Confutatur . De statu naturali 92. De principio Juris Naturæ 96. Male ex Jure Naturæ argumentatur contra Hierarchiam Ecclesiasticam . 126. De habitudine Religionis Judicæ ad Christianam . 136. Refellitur . 137. 138. 139. Perperam sentit de potestate spiritali jurisdictionis externæ . 140. 145. De materia legum . 151.
- Pythagoræ Philosophia ad quid comparata . 2.
- R**
- R**ationis liberæ concursus ad actus morales necessarius . 47. Rationis lumen revelationis lumine adjuvatur . 13. usque ad 19. Rationis sufficientis principium libertati applicatum impugnatur . 51. usque ad 55.
- Ramigius Cellier Patres defendit adversus Barbeyracium . 11.
- Regna plura populorum consensu constituta . 31. Sunt tyrannica per accidens . *idid.* Sunt Juris Gentium . 33.
- Regnum Christi non est de hoc Mundo explicatur . 178. 179.
- Reges habere potestatem in sacra non probatur ex Scripturis . 137. Ecclesiam protegere , & ordinem Ecclesiasticum adjuvare debent . 147.
- Religio naturalis sequitur ex cognitione Dei . 121. Per revelatam confirmata & explicata . 34.
- Religionis causa licitum est bellum tam offensivum quam defensivum in certis casibus . 180. Ejus propagatio non est justa causa belli inferendi paganis . 183.
- Religio voluntaria est . 187.
- Religionis vaga & illimitata licentia Reipublicæ noxia est . 192. 193.
- Religio est firmissimum vinculum Societatis humanæ . 121. Quæ unice vera sit . 213. 214.
- E Religione naturali ad Christianam an recte argumententur Protestantes . 126. usque ad 136. An ex Religione Judaica . 136. 137. 138. 139.
- Religionis Christianæ ad vitam civilem habitudo . 140. 141.
- Renunciatione mutua solvitur fœdus 123.
- Repræsentatiæ quid sint . A Jure Gentium . 218. Quodnam eorum jus , quænam proprietates . 219.
- Romani præstantiores in Morum Doctrina quam in reliqua Philosophia .

## S

**S**atisfactio Deo condigna fieri non potest in pura natura .

124.

Scopuli vitandi in Evangelicæ prædicationis defensione . 185.

Scriptura non probat fœdus cum infidelibus . 229. Ex ea non probatur bellum esse illicitum . 172. Scripturæ promiscuus usus divisionum causa . 141.

Scrupulorum causæ . 158. Remedia . *ibid.*

Seldenus septem constituit præcepta Juris Naturalis ex disciplina Hæbræorum . Impugnatur . 29. 30.

Sensus internus quid . 82. 83.

Servitus non est de Jure Naturæ ; non tamen est contra Jus Naturæ . 144.

Sicariorum immissio vetita Jure Naturæ & Gentium . 107.

Socialitas non est principium Juris Naturalis . 95. usque ad 102.

Societas e Jure Naturæ descendit . 144. Civilis Societatis fundamentum sufficiens est discrimen naturale hominum post Adæ peccatum . *ibid.*

Socrates ad quid transfulerit Philosophiæ studium . Ejus doctrina quid respiciat . 2.

Sors modus finiendi controversias . 288.

Spinosæ impium Systema de regula honestatis . 76. 77.

Stanleii sententia de Philosophia Platonis & Aristotelis . 3.

Status naturalis hominis qui sit . 89. Ejus differentia a statu

Civili . *ibid.* Non est status belli . 90. 91. Nec conditionis miserrimæ . 92.

Stipendia militibus . solvi debent . 215.

Stoici quid sentiant de summo bono . 36.

Suarezii sententia de veteribus Philosophis . 7. Duplex rationis lumen egregie explicat . 12. 14.

## T

**T**alionis lex in Bello non habet locum respectu occisionis . 107.

Traditiones Mosaicæ & Pharisaicæ . 33.

Transitus Militaris negatio non est justa Belli causa . 200. cum seq.

Tributa imponendi legitimus titulus est bellum . 214.

Tullius queritur tot esse opiniones de Natura Dei .

## V

**V**alentinus Alberti principium Juris Naturæ repetit a statu integritatis . refellitur . 104.

Veltthemius queritur a Puffendorffio sibi eripi honestum . per se . 57.

Veritas rerum & objectorum honestas a peccato originali pœne-destructa . 14. 15.

Veritati contraria est amphibologia . 241.



# Index Verborum & Rerum: 259

- Veritas assertionis quid exigit .  
*ibid.*  
 Volfii error circa Theoriam actionum humanarum . 66. Confutatur . 67. 68. 69.  
 Voluntas Dei non est tota ratio bonitatis & malitiæ actuum moralium . 56. cum seq.  
 Voluntas quid . . 80. Ejus obiectum . *ibid.* Actus elicit vel imperati quid sint & quotuplices . 81. 82.

## F I N I S.



BENE-

## BENEVOLE LECTOR.

Typis semper adesse mihi non liquit ; unde quidam irrepererunt errores præcipuos , quique sensum alterare , & legentem quodammodo remorari possent , correctos hic habes . Cæteros pro tua humanitate ignosces .

Pag.	Lin.	Post	possit	Addatur virgula
id.	10		præclare	legatur præclaræ
10	17		carpiendi	carpendi
33	5		vis	vix
33	10		etiam	dicam
44	ult.		respectu	respectum
47	25		aliquod	aliquorum
68	15		perfectio	perfectio
70	4		cum sonat	consonat
74	19		honestus	honestas
78	7		ut pute	ut pote
id.	ult.		& si	etsi
83	7		infernus	internus
113	1		instrumento	instrumenta
118	1		sensum	sensu
130	20		sanctus	summus
159	8		probabilem	probabiliorem
183	16		adea	ad ea
185	27		ex	est
191	7		meliora	molliora
221	12		alium	aliud
id.	31		ac offensivum	ac defensivum
241	1		genere	gerere

ANT 1318068





8385





